




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CTMAGL 1.7.80



Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7 80





Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CJMAOL 1.7.80




107 1.7.80

VIII
LOLL







ALOYSII LOLLINI
EPISTOLÆ MISCELLANÆ

ALDOUSI LOLLINI
PRISTOR MISCELLANEE

ALOYSII LOLLINI

PATRITII VENETI,

Et Belluni Antistitis viri præclariss.

EPISTOLÆ MISCELLANÆ.

Opus rerum varietate, & sententiarum eruditione
periucundum, & humanarum litterarum
studiosis vtilissimum.

ILLVSTRISSIMO D.

IVLIO CONTARENO

Eiusdem Ciuitat. Prætor.

A COLLEGIO IVRISP. DICATVM



Belluni Typis, Francisci Viceri. M DC XXXXII.

SVPERIORVM PERMISSV.

ALDOUS LOLLINI

PATRITII VENETI

Et Belloni Antiquis vici quibusdam

EPISTOLÆ MISCELLANÆ

Opus rerum varietate, & consuetudine
peritundum, & hominum
studia vestimentum.

PERMISSIMO D.

IVLIO CONTARENO

Epistolam Civitatis Pictor

A COLLEGIO IVRIS DICATVM



Belloni Typis, Pictoribus Vicent. M DC XXXII.

PERMISSIMO D.

ILLVSTRISSIMO D. D.
IVLIO CONTARENO

Belluni Prætor.

Prestantiss. Collegium iusp. eiusdem Ciuit. S. D.

Magnos magna decent. Opus hoc Epistolare ALOYSIJ Lol-
lini Patritij Veneti, & Belluni olim Antistitis Viri eru-
ditissimi quis litterarum politionum studiosus magnum ac numeris
omnibus absolutum non dixerit? Te verò, præstantiss. CONTA-
RENE, quis tuorum maiorum, & gentilitie Nobilitatis cogni-
tor, tuq; ingenij spectator, Te inquam, & honore, & Virtute,
quæ duo præcipue magnum reddunt Hominem, atq; præclarum,
Magnum, imo maximum non fatebitur? Quem propterea magis
decebat opus, quàm te ipsum, qui inter magnos maiorem te iacta-
re potes? Verum quia laudare aliquem à Familia, vel à Genere
Parentes eius, & Progenitores est potius laudare, quàm illum, vel
laudare, quia Diues, hoc magis fortune, quàm Virtuti debetur,
& sic de alijs huiusmodi bonis extrinsecis censendum at è contra ip-
sum Virum laudas, quia bonis est moribus ornatus, ac disciplinæ
eruditus, cum hæc nec à Patre hereditaria, nec casu pendula, nec
ætate mutabilia, nec cum corpore caduca sint; Te idcirco à Virtutis
bono, tam quam tui proprio bono magnum iure merito appellabimus.
Quod quàm verum sit, facta, non ficta, sed vera prorsus indi-
cant clarissimè, quæ si singula enumerando prosequi tentemus.

Antediem clauso componet Vesper olympo.

Hoc propterea tantum breuitatis causa probationi sufficiat. Quia
scilicet ex ea prodixit Rep. quæ Romane illius quondam sapientiss. in
regendo æmulatur formam. In qua, sicuti duo inter cetera ex-
stant templa: Honoris scilicet vnum, & Virtutis alterum, adeo
sibi coniuncta, vt honoris templum ingredi volenti per Virtutis al-

terum

ierum transeundum esset: ita & Tu Vir præstantissime ad paran-
dam tibi gloriæ unicam Virtutis viam necessariam statuisti.
Quod quidem inter cetera tui Nomini præconia presentibus, &
posteris testatum relinquet Belluni Fratura, vberissima tua gloriæ
primitiæ, qua tam præclare es sumptus, ut, quod Principibus de
Rep. benemerentibus Roma olim acclamabat, idem tibi sit sem-
per acclamaturum Bellunum: Augusto felicior melior Traiano.
Hanc ipsam viam, & ceteri omnes, qui Rep. honoribus decorari
exoptant, sibi proponant, necesse est. Hic insignibus labore par-
tis etatem illam, quam plerique luxu, & otio traducunt, Tu gloriæ
cupidus, & maiorum incitamento ornasti. Tu virtutis alis eue-
ctus celeri cursu gloriæ metam breui continges, & prematuros
colliges laborum fructus, quorum non postremus erit huiusce ope-
ris, quod tibi dicamus deuotissimi, patrocinium, sicuti nec parum
gloriæ fuit Alexandro Aristotelis operum dedicatio. Opus & ip-
sum ex te vno, tamquam aliter in arte Roscio, magis, quam ex
mille æstimationem recipiet, quoniam, ut ait Sen. non numerari,
sed æstimari debent iudicia. Collegium denique Nostrum non par-
uum suæ in te summæ obseruantia, & tuorum erga semeritorum
testimonium ex hac dedicatione dedisse putabit, cum sic Authoris
dignitati satis consultum, & opus ab Inuidorum morsibus tutum
fore sibi visum fuerit. Sistimus ergo tamquam ad Aram tui No-
minis hanc animorum Nostrorum deditionis arrham. Et tu interim
vale præsidium, & dulce decus Nostrum, diutissime. Vale.

In Lau;



In laudem Authoris.

Hinc Latij fl res, priscorum hinc Attica dicta
Exerpes, Lector, scripta Loliae legens.

Hinc latices puros suges, & rosida mella
Ipso Necesseo dulcia fonte magis.

Sed si, quid sapiant, optas, te gurgite mergas,
Sic gustus felix, sic erit aqua sitis.

In Eundem.

Nuncia Fama leues properans huc dirige pennas:
En tibi, quod referas, grande paratur opus.

Gloria Lollii totum iam complet Olympum,
Fac, modò qui prodit, splendeat vsq; liber.

Namque, plagas latè, est dignus, qui lustret Eoas,
Hesperias, & quæ Solecadente rubent.

Sic, quamuis alijs nomen des ipsa, futurum
Est tamen & nomenclarius indituum.

Indi.

In Laudem.

ILLUSTRISSIMI D.
IVLII CONTARENI
Operis Patroni.

Indicus ut fului solum fert stemma lapillus
Auri conspicuum, quo magis fulget opus.

Sic gemme huic raræ immortali nomine iuncto,
Contarene, tuo, splendet utrumque magis.

In Eundem.

Æternum viuas superum Lolline per ævum
Glorius, & felix orbe in utroque modo.

Immortale tuum nam reddit nomen Julius
Nominis cum scriptis æque perene suo.

In laudem Operis.

Aurea fatidica diuinum pectus in omne
Mentis inexhausto flumine dicta refert.

Despicit & Numen detritum vulgus inertis
Propensi virus corporis ore vomes.

Scilicet hoc decus est; nam quos non nouit iniquus,
Non colit æternos impia turba Deos.

Pauli Aur.

AD



AD LECTOREM.



*T*n tibi (CANDIDE LECTOR) Aloysij Lollii
Patritij Veneti Bellunensium Antistitis, quas
cum insignioribus sui seculi eruditione viris per
litteras habuit, familiares colloquutiones. Episto-
larum nomen, quo liber inscribitur, ne tibi sus-
pectum videatur, quominus introspecias, si quid
supra illud, quod tot volumina praeferunt, in il-
lo inuenias. Nomen fortasse iddem aspiciens inscriptum, si adhibueris
librum versare, discrimen aliquod ab alijs afferre indicabis. Lege per-
lecturus, mihi persuadeo, si, quae in hoc libro sunt doctrinae lenimen-
ta, libaueris. Fetus hi Auctori superstites, & procuratori suo post
tot calamitates propriae innixi virtuti, quam a calamo detulerunt, vi-
dendi mundi Theatrum inuisere audent summo cum applausu Literato-
rum. Non mea indigent, qui sim, testatrice syngrapha, propria ad
immortalitatem aura producti. Hoc vnum adprecor, ne cura mihi de-
mandata mea officiat incuria, dum multis impediatur aliunde mole stijs.
Quae multa, ut agnoscere possum, irrepsere errata, docti corriget Le-
ctoris oculus in libro isto, qui non alterius subiicietur iudicio. Index
appositus & Epistolas singillatim demonstrat, & quas in libris inter-
feruntur disceptat iunculas, vel lusus: non omnia sub Iudice conti-
nentur, eruditio enim, qua sunt Epistola referta, non id permittit.
Quod si quis epistolicam velit istam dissertationem calculo submittere,
ipse, in calce opere videbis, auctor secum, ut Pelias hastam, quam vir-
tute praeditam affert. Vale amice Lector, eiusdemq; Auctoris feli-
ciores partus sub melioribus auspicijs expecta.

A I N-



INDEX.

LIBER PRIMVS.

Andrea Mauroceno fol. 2. & seq. 65.
112. & seq.
Antonio Quirengo 49. 61. & seq.
Alexandro Burgio 75. 95. 106.
Alexandro Synclitico 110.
Athanasio Thalamino 38. & seq. 74. &
seq. 95.
Bernardo a Colle 111. 137.
Cesari Baronio 76. 94.
Donato Mauroceno 1. 24. & seq. 98.
Francisco Barbaro 75.
Henrico Puteano 31. & seq.
Hieronymo Emo 38.
Henrico Danile 40. & seq. 107. & seq.
117. & seq.
Hieronymo Aleandro 46.
Iacobo Barocio 24. & seq. 101.
Laurentio Regosile 69.
Marco Velfero 100.
Nicolao Contareno 54.
Roberto Bellarmino 32.
Scipioni Cobellurio 57.
Thome Segeto 69.
Parerga.
Epistolę Summorum Pontif. de tetrag-
mia à Romanis recepta 80.
Exhortatio ad bellum sacrum 128.

LIBER SECVNDVS.

Andrea Mauroceno 148. & seq. 203.
& seq. 211.
Angelo Lollino 166.
Antonio Vaccaro 171.
Aegidio suo 172.
Antonio Quirengo 223.
Alexandro Synclitico 217.
Bernardo Florenio 158.
Bernardo a Colle 195.
Donato Mauroceno 163. 213.
Francisco Bencio 170.
Fortunio Liceto 209. & seq. 217. & seq.
259.
Henrico Danile 139. 167. 225. & seq.
271.
Incerto 156. 237. & seq.
Iacobo Teronio 160.
Iacobo Barocio 161.
Laurentio Regosile 173. 175. 180. 189.
& seq. 198. 253. & seq.
Laurentio Pignorio 212.
Maffeo Barberino 252.
Natali Riccio 154.
Nicolao Pacio 221.
Pamphilo Persico 222. & seq.
Paulo Gualdo 219.
Vincentio Quirino 164. 168. & seq.
Vincentio Contareno 206. & seq.

Parer-

INDEX.

Parerga.

Heroum aliquot preconiā 140.
 Disquisitio de tubere terre 175.
 De vesica in ventre quorundam piscium
 inuenta 182.
 De die cinerāli 198.
 Ventrem ignauū falsò insimulari 233.
 Sermo Castilionſus 240.
 Enthroniſmus Canini in Professoria Lo-
 gices Poſſeſſione 255.
 Herodoti historia 263.

LIBER TERTIVS.

Andree Mauroceno 324. & seq.
 Andreæ Tolono 307.
 Alexandro Synclitico 333.
 Athanaſio Thalamino 316.
 Bartholomæo Cartuſiæ Vedanſi Prefecto
 208. & seq. 312. & seq. 34.
 Bernardo a Colle 355. 367.
 Bartholomæo Senenſi 373. 377.
 Donato Mauroceno 305. 377.
 Eryco Tuteano 357.
 Franciſco Mariæ del Monaco 311.
 Franciſco Barberino 330.
 Hieronymo Aleandro 281. 331. 354.
 376. 394.
 Henrico Dauilæ 311. 370. 379. 396.
 Incerto 296. 303. 346. 366. 393.
 Iacobo Veſtiano 309. 314. 328. 368. &
 ſeq. 394.
 Iacobo Barocio 323.
 Iacobo Peronio 356.
 Laurentio Pignorio 291. 344. 348. 372.

Laurentio Regoſiæ 302. 339. & ſeq. 378.
 Laonico 374.
 Maſſeo Barberino 283. 288. 295. 308.
 & ſeq. 315. 325.
 Paulo V. Pontif. max. 279.
 Paulo N. 306.
 Paulo Sacrato 356.
 Scipioni Cobellutio 273. & ſeq. 280.
 284. & ſeq. 326.
 Urbano VIII. Pontif. max. 327.
 Virginio Caſarino 329.

Parerga.

In funere Fratris conſolatio 381.
 Philomathes 357.
 In funere Octauiani Boni carmina 349.
 Ieiunij legibus fraus non facienda 317.

LIBER QVARTVS.

Brunoni Generali Cartuſiæ Prefecto
 399.
 Donato Mauroceno 411.
 Franciſco Barberino 401.
 Fortunio Liceto 403.
 Florentio ſuo 405.
 Flauio Criſtino 450.
 Hieronymo Aleandro 402.
 Ioſepho Ripamontio 404.
 Lazaro Ferratenſi 408.
 Laurentio Regoſiæ 450. 455.
 Scipioni Cobellutio 398.

Parerga.

Quenam ſint apud Ariſtophanem literæ
 ſiniſtræ 46.
 Epiſtolaris diſciplinæ Cōmentarius 477.

FINIS.

1636. à 30. Giugno.

Gli Eccellentiss. SS. Riformatori dello Studio di Padoua, veduta le sottoscrizioni fatte nel Libro del Reu. P. Inquisitore di Belluno, & la fede del Reuerendiss. P. M. Fulgentio de Serui, che nella Raccolta delle Epistole, con alcune Additioni latine in fol. scritte dell' Illustriss. Monfig. Aluise Lollino, non si contiene alcuna cosa contra la Santa Fede Cattolica, Prencipi, e buoni costumi, concedemo licenza della Stampa.

} *Zuanne Nani P. Riff.*

} *Angel. Cont. Cau. Riff.*

Ger. Cauaf. Secr.

Francisc. Emo Nod. del Mag. cor. B.

ALOY-



ALOYSII LOLLINI

EPISTOLARVM MISCELLANEARVM

LIBER PRIMVS.

DONATO MAUROCEO *Senatori Amplissimo*



Pus Mauroceni nostri, musteum quidem illud, ut tu vocas, sed quod saporis suauitate multorum opimiana, cæcubaq; anteeat, mihi à te missum anidè exhausti, miratus, Viro eius ætatis, dignitatisq; seueriora studia professo tantum leporis, atq; elegantiae suppetere; quantum vix in eorum scriptionibus inuenias, quibus hæc vna cura pectora sollicitat, ut eloquentiae floribus ornentur. quid quæris? rem sanè arduam, & mortalium plerisq; inconcessam videtur ingenij præstantiâ affecutus, ut in assiduâ rerum publicarum procuratione, quibus illi tempus omne teritur, amæniora ista haud dedidicerit, quæ umbram, & vacuum ab interuentoribus otium maximè requirunt. Nec minor medius fidius festiuitas in Nicolai Contareni Philosophiæ cognominis epistolâ, quæ mihi pro speculo, si nescis, fuit, in quo hominis virtutem cernerem suis se ipsam bonis oblectantem; cætera verò omnia, quarum nunc passim cupidine flagratur, floccifacientem. Equidem sic censeo Virum hunc à Deo immortalis cœlitus demissum, ne quæ de aureo illo sæculo, Saturniæq; vitæ ratione memorantur, fabulas esse meras crederemus, istiusmodi exemplo destituti; quo utinam tam diu nobis frui liceat, quàm omnium interest furculum aliquem extare veteris sententiæ, atq; probitatis. Sed ne ego læuus, qui

A eorum

eorum Epistolis, dignisfanè, quæ Romæ olim in concione legerentur, semel atq; iterum perlectis, Romanè non malè scribere me putem semilatinus ipse, & cui propositum fuerat non alio sermone in his ad te exarandis vti, quàm quem nobis populus, loquendi magister optimus præscribit. Hic igitur ineptire desinam, si priùs te certiore fecero valetudine me vti satis commodâ; otium verò, si quod fortè obtigit, lectione Historiæ fouere, quâ nihil habere Philologiam ad obfirmandum animum aduersus ludibria rerum humanarum aptius si dixerò, minimè hercule verebor, ne sententiam tibi meam non sim probaturus. Vale.

ANDRÆ MAUROCEO *Senatori.*

A Vt ego nihil planè noui literarum, aut lucubrationes tuæ, quas ad me vtriusq; nostrum amantissimus Donatus Maurocenus misit, sunt eiusmodi, vt vel Romæ pro rostris sub ipso linguæ latinæ flore legi potuissent, ne dum in hoc Noricarum hirundinum Musæo, vbi rarè admodum aures demulcent acroamata id genus. desine igitur posthac ingenij tui vberes prouentus arctius premendo literariam annonam flagellare, quod auari solent; aut meam, vlliusue alterius omnino, licèt acerbioris critici censuram pertimescere: cum tu ea scribas, quæ vel Momi ipsius calculum possunt extorquere. Sapienter tu quidem, vt omnia, qui senectutem, cuius vix primum limen attigisti, foves tuam eleganti pulcherrimarum rerum scriptione, neq; nos inconsultè prorsus, cum te, tuasq; exempla quamuis non æquis passibus subsequimur. nam quid, rogo te, habet hæc ætas nostra, quod ærumnarum, quæ ipsi vernaculæ sunt, Iliadi opponat, si literas, & eruditum istud otium excipimus? parcius quidem Vobis Reipublicæ columinibus, nec nisi per interualla solemnium feriarum vsurpatum, vsurpatum tamen magnâ cum voluptate, atq; fructu: mihi autem in hac terrarum solitudine

dine etiam perfamiliale, & (si castrense verbum hoc potissimum in tumultu belli minus aspernaris) iam contubernale censeo. Igitur pergamus, neq; vel transuersum quidem vnguem deflectamus de viâ, quam magna illa nomina triuere, quorum tu in extremâ Epistolâ tuâ meministi. Indicem Neratianæ Bibliothecæ ad me istinc transmissum cum gemitu sanè lego, dum rerum humanarum ludibria menti obuerfantur. en in quo Viri magni, florentisq; eloquentiæ studia euigilauere: vt esset, quod Celtæ, Britanniq; terrarum vltimi licitarentur, istincq; longè gētium nauibus aucherent. Ibunt, heu dolor, Scripta.

Virum, tabulaq; Graia gaza per vndas.

Equidē sic ista indignatio me pupugit, vt poetam repentē faceret, Iambos hos suppeditans malè tornatos illos quidē, & qui se festinanter effusos faciliē cuius probauerint, ne dū tibi Musarum candido alumno. Verū heus Tu Icona mihi Christophori Valerij, vide, ne diutiūs debeas. importunus esse soleo eiusmodi nominum exactor, cū dies ex die frustrando ducitur, nec promissa extant. Vale Amice magne, & Venetæ historiæ, quā factis, quā stylo consule. Belluni ē statuis postridie Calendarum Septembrium ad lychnuchum, cuius iam beneficio paulisper studia procu- dimus per calores Sirij neglecta.

DE BIBLIOTHECA NERATIANA

à Britannis empta.

Diues supellex, merx Camanarum artibus

Optanda sacris; quam remotis Græciæ

Oris ab vsq; veltam in ades intulit

olim superbas; patriam urbem ut munere

Bearet amplo, sidus aureum fori,

Idem ac Sacerdos Cynthij Neratius:

Ergo ad Britannos ibis, orbis exules

Amenioris? ergo amata litora

A 2

Jam

Gam derelinques, fluctibus mare horridum.
 Visura natis, sarcinas heu nauticas
 Juter? frementi nec reflatu te, Africus
 Bò reducet, unde soluis omine
 Leno? sinistri nam quid ira Cœlitum
 Hoc manus ultrix inferet cultoribus
 Pindi? sophorumue agmini, quos Adria
 Clara, aut feraci continet sinu Ausonis?

ANDREÆ MAVROCENO Senatori.

ICona Valerianam summâ abs te Rhetorum arte pi-
 ratam simul ac perspexi, ita sum miratus, ut idem de
 ea planè senserim, quod de Phidiae statuâ antiquitas, quam
 ob id canona appellatam ferunt, quod eadem æmulari stu-
 dia volentibus regulæ esset loco. egregium te artificem
 reddit Vir amplissime non tam vberima dicendi copia,
 flagrantissimusq; in defunctum amor, quàm ciuiliū per-
 fecta notitia virtutum, quarum ut species in alijs ad viuū
 exprimas, non aliunde exempla tibi sunt petenda, cœtusq;
 cogendus formosarum Virginum, quod Zeuxin ineffingen-
 da Agrigentinis Iunonē Laciniâ fecisse legimus, sed in te
 ipsum ingenij reflectenda acies, earum omnium spirans
 simulacrum. quod utinam ob oculos sibi aliquando po-
 neret Veneta iuuentus, spem sanè præclaram foueremus
 melioris frugis, quàm quæ hodie tanto in squalore optima-
 rû artium nobis expectatur. Omen auræ precor hinc longè
 differant. veruntamen in ea tempora incidimus, ut no-
 bis in mentem subuereri veniat, ne auis Phænice rarior,
 excultus studijs ciuis sit istic futurus. adeò velis, remisq;
 in alia omnia incumbitur; quæ sicuti eruditioni maximè
 aduersantur, ita supellectilem librariam scrutariorum
 mercibus viliorē reddunt. & verò quid lautorum isto-
 rum dignius fastidio, quàm membranæ situ & carie exesæ,
 ignotorumq; characterum lituris oblita, quæ sibi vel con-
 spectu ipso ignauiam exprobrent, conclauium verò foru-
 lis sint

lis sint impedimento, quò minus, quæ vulgaris vsus exi-
git, excipiant. neq; ideo cenſeo, literas nobis dediscen-
das fore, quibus nos à teneris affueſcimus, quæq; huius-
modi temporum ærumnas leniunt, potiſſimum præſidijs al-
tiùs petitis, quàm quò vilius ambitio virtute deſtituta
aſpirare poſſit. Donatum Maurocenum Virum præſtan-
tiſſimum Cretæ prætorem deſignatum ita gaudeo, vt me-
dio de fonte voluptatis neſcio quid ſubamari mihi ſurgat,
cùm nauigationis, ac pelagi pericula mecum cogitanti,
tum peregrinationem multo longiorem, quàm quæ à ſene-
ſcentibus nobis æquò animo perferri queat, quibus trien-
nium illud, quod Præturæ datur, ſæculare ſpatium vide-
bitur. Gratulor tamen meis popularibus Venerum Mi-
noæ, qui ius iſſis dicat, poſt veterem illum eorum ciuem
nuper obtigifſe. Quod reliquum eſt, te etiam, atq; etiam
rogamus, vt valetudini tuæ, quæ cum Reipublicæ bono
coniuncta eſt, maiorem rationem habeas, eiq; accuratiùs
inferuias, quàm ſoles. nihil hoc nobis gratius efficias, qui-
bus tua ſalus perinde, ac noſtra in oporatis eſt. noſq;
cùm per occupationes publicas licuerit, ſaltem per Epi-
ſtolam inuiſas tui cupidiffimos. aſſentari cuiquam nec
ſcio, nec me indocilem fuiſſe ad hanc artem vehementer
doleo: tuæ tamen litteræ ita me delectant amoris, in me tui,
eruditionis, ſapientiæ pleniffimæ, vt ſenium videar exue-
re, dum eas lego. Vale decus noſtrum, & carmen quod
his adiunxi de Valeriana effigie, ſi vacat, perlege. breui-
tate ſua, puto, impetrabit, vt ne ineptiffimum tibi vide-
tur, & ſi id mihi ne illa quidem ſatis perſuadet; adeo ſum
infætus naturæ ^{† acopyes.}

† Bene-
uolentia
expers.

DE IMAGINE CHRISTOPHORI VALERII

Ab Andrea Mauroceno deſcripta.

Non hanc colore Zæuxis, ene, aut Phidias
ſuæ imaginem effinxit: ſtyle ætæ ſæculi

Sed

Sed Maurocenus aureo. hinc iniurias

*Contemnet eui, seculis
cessura nullis: sed per ora ciuium*

*Latura laudatum Virum;
cui saeva mors nil abstulit, ni obnoxium
Mortalitati quod fuit.*

*Vitam perennem nominis sed reddidit
illi sodalis optimus.*

ANDREAE MAUROCENO *Senatori.*

Celebritatem sanè mirificam mihi, meaq; huic solitu-
tadini Maurocene, Senatûs columen, conciliat
tuarum litterarum lepos, ac humanitas, quas & si raro
admodum accipio, nec nisi longo inter se temporis inter-
uallo diffitas ita tamen earum afficior suauitate, ac planè
perfundor, vt nihil prorsus aspiciam porrectiore fronte:
& genialibus in delitijs esse videar tantisper saltè, dum
eas perlego, & crebrâ iteratione longiores reddo, quàm
tui characteris Laconismus patitur; cui succenserem equi-
dem, nisi menti agminatim occurrerent occupationes,
quibus destineris: quò fit, vt & tuarum intermissionem
excusem litterarum, & simul me ipse tacitè obiurgem,
qui eam à te vbertatè in scribendo exigam, quam impro-
bè frontis esset flagitare vel ab otioso. quid facias? aman-
tium iste mos est, seu crimen potius, quos desiderium
adamatarum malè habet. nisi id, vt ille ait in Comædiâ,
cera, & linum, litteraq; interpretes subinde leniant.
quamuis ego potiore sim conditione, qui & fructu episto-
larum tuarum fruar aliquando, & memoriâ officiorum
recrear assidue, quæ mihi monitoris est loco, vt me tibi
plurimum debere fatear; nam vt satisfaciam, quî possim,
qui totus in tuo ære sim, & pariandi non facultas modò,
sed spes quoq; desit. Verùm ista sicuti mihi memoratu le-
pida, ac iucunda sunt, ita tu qui gratuito beneficis habe-
ris, fortassè submolestè feres à me solemniori formulâ re-
ferri.

ferri. Venio igitur ad tuas litteras, quæ sanè sunt Rhetorum, adèd in eis & venustatis abundè est, & illius salis, quem Thetis secum ad Pellæum cum dote detulit. vel illud quale est, quod veluti in tabellâ vtriusq; nostrum vitam ita lineis planè Apelleis exprimis, ut nihil videri queat picturatus, ne porticu quidem Stoicâ exceptâ, quam ob id ^{† τοικίλην} Græcia vocavit, nisi quod tu Polygnotum imitatus, cui id ab Aristotele laudi tribuitur, credo, in Pœtici, quod homines, non quâ essent formâ præditi, dipingeret; sed augustiore; eis in me effungendo coloribus es vsus non tam ab artis, quàm ab amoris myrothecio desumptis, qui me multo, quàm sum, referant ornatiorē alijs præsertim; nam mihi etiam si suaseris, minùs persuadeas, ut, quæ tu suppetente copiam facundiâ peramanter suggeris, ea agnoscam ipse subinaniter, ac si census mihi meus mentis excidisset, supellexq; literaria opinione hominum exilior. Sed quid refert, Lynceis ne oculis me cernas, an specillis telescopijs adhibitis, quæ obiectorum formas sexcentuplicant; modò Amor huiusmodi hyperbolas ministret Sophista mirus, & cuius ego verbis, & si minùs credo, valde tamen capior. Vna mehercule in tam luculentâ, & omni vrbauitatis genere refertâ epistolâ tuâ Nicolai fratris mentio vehementer perculit, non quod eius recordatione indelecter, quâ nihil sanè carius, atq; pretiosius in thesauris memoriæ asseruo; sed quia viri planè probi, & omnium virtutum laude cumulatissimi excessus nulli, postquam à te discessero, flebilior, quàm mihi, quem ille sui cupidissimum plurimùm dilexerat, nunquam sine suspirio occurrit, quod tamen affectus nescio quis excipit ^{† γλυκύπικρος}; dum cogito præclare cum illo actum, qui nunc è Cælo, vbi æuum beatus agit famâ sui fruens, nos in hac luce tenebris multis circumfusâ, tot fortunæ nimbis, tot curarum fluctibus iactari videt, & precibus, quæ pietas eius est, apud Deum adiuvat. Claudam epistolam penè ex tempore his ferijs Natalitijs dictatam non leui tranquillitatis

† d. Garia
pictura sic
dicta.

† dulced
m. 1. 1. 1.

flatitiae commendationis corollario, sed quod volumen
 maius Anticatone Caesaris requireret, si otium foret, &
 tibi vacaret longioribus litteris obtundi. Alexandro Syn-
 clitico Cyprio à primis vsq; adolescentiae annis vtor per-
 familiariter, homine eruditè docto, & cui supra exactam
 iuris vtriusq; scientiam, in qua ille sic excellit, vt primo-
 res Themidis Antistites in certamen prouocet, triplex
 accedit fertum Philosophiae, Theologiae, ac Mathemati-
 carum doctrinarum, lemnisciq; praeterea ex amantioribus
 literis Hetruscis, Latinis, Cecropijs contexti. Nam
 quid ego suauitatem morum, stirpisq; antiquae decora,
 liberosum cohortem in re haud amplà copiosiore, opesq;
 excidio patriae accisas memorem? quae per se singula ope,
 ac favore bonorum omnium digna arbitrarer, nisi ea sum-
 mi Viri virtus obumbraret, iurisq; non iurulenti illius, at-
 que fordidì, sed omnibus absoluti numeris cognitio. Hunc
 igitur cum ego pergrauatè ferrem tamdiu apud vos latere,
 modestiae suae nube reatum; succurrendum vnà, & eadem
 operà amico censui, & Patauini Gymnasij celebritati, quod
 quam istiusmodi hominum arctior annona premat, nemo
 profecto te nouit melius, qui illius curae admotus, omnem
 lapidem moues, vt partum olim apud omnes decus ac di-
 gnationem retinere possit. quod sanè futurum tibi polli-
 ceri audeo; meq; sponsores do, seu maius praedem, si
 Alexandri nostri ratio habebitur in ista tot competitorum
 cathedraria prensatione, quos ille ad vnum omnes (nec
 me fallit amor) albis, quod aiunt, equis anteibit, modò
 ei aspiet tuae gratiae Fauomus, quo illi non secus ac olim
 candidatis Caesaris omnia ex voto confidimus cessura. Pu-
 tidiorè me fortasse reddet apud te effusum in amicū
 studium, longiori oratione declaratum, quem tibi sic com-
 mendo Vir Amplissime, vt de meliore notā equidem non
 possim, sic meo testimonio exorno, vt nihil amorì tri-
 buam, plurimum iudicio; si quem mihi locum inter
 discunda de ijs rebus sententiae concedis,

quae

quæ mihi vt non omnino ignotæ forent, improbo labore ab ineunte ætate sum adnexus. Hominem certè tui memorem merendo feceris, pietate, gratitudine, studijs præclarum: me verò tui amantissimum summo beneficij vinculo obstrinxeris, qui eius ornamentis perinde ac si in me collata fuerint, afficior. Vale literarum, literatorūq; Patronæ magne, & nos ama. Belluni v. Cal. Ianuar. MDC XVI.

E I D E M.

Non id equidem ago Vir amplissime, vt gratias in antecessum tibi agam pro istâ tuâ tam propensa in Syncliticum meum voluntate: voluntate autem? imò ope, atq; operâ in eius petitionem peramanter abs te, atq; effusè admodum impensâ. Erit sanè tempus, nec addubito, cum huiusmodi formulâ scriptionis tecum vtar opportunius, grauioribusq; Musis gratulabor, quibus iucunda fore arbitror qualiacunq; doctissimi Viri honestamētâ præsertim abs te, qui es illisâ thesauris, curata. Nunc litteras me tantum tuas accepisse nuncio, à Dauilâ nostro missas, non delatas. puduit enim, credo, virum militarem viæ, quæ ad excubias ducit, contra castrensem ritum diuerticula conquirere: itaq; rectâ, ac citatis equis abiit ad Oritanam illam suam stationem, epistolâ ad nos datâ ex itinere, quâ spem facit se affuturum breui. Mirificè homine delector, germano Palladis alumno, sed armatâ, qualis in arce Athenis Atticis olim colebatur. Ab illa sanè habet, vt armis sapientiæ studia admisceat, *et permutata meditetur arundine carmen*. Quod & Achilles ad Troiam fecisse memoratur, cuius etiam citharæ Homerus meminit; puto, ne temerè nobis persuaderi fineremus militiæ munus vsq; adeo incultum esse, ac planè centauricum, vt nullo queat cultu mitescere humanioris disciplinæ. Tales mores Arimaspi, atq; Thraces ex-

B

colant,

colant, aut vtrifq; longè præstantes diritate, ac fauitia Liburni. A calendis Iani, cuius belliferratis postibus obditum iam pessulum per vos oportuit, te publicas curas vrgere gauderem equidem, nisi valetudini subuererer tuæ. cuius rationes negliguntur, dum Patriæ maximè consulti: ut animus, cuius origo cœlestis est, & vires origini non impares, alacrior à labore surgat, at corpusculi semper affecti, sæpe ægri non eadem conditio habetur. quod ne oneri deniq; succumbat, accurandum tibi eo quoq; erit diligentius, ut, quod libens facis, diu facias. Hic ominis boni causâ calamum adhuc scripturientem reprimo. simul ne longioribus litteris legendis occupationes interiungam tuas; neu te ad rependendas mihi in scribendo vices inuitare videar. Nô obtusa adeò gestamus pectora, ut abste officia ista mutua amœbea flagitemus, quæ vix à vacuis, & otio diffluentibus præstari solent. totum id arbitrio tuo, seu maius commodo relinquimus, modò, si rescribere non vacat, redamare libeat. Vale amicorum coryphæe magne, & ad clauum sedens inter tot decumanos fluctus, qui insomnem Palinurum poscunt, rectum cursum tene. Nos votis, quando aliud non possumus fauemus, & tibi, vrbi, Reip. fausta omnia à Deo adprecamur. Belluni xj. Calend. Februarij. 1617.

Obsignaturus epistolam litteris meorum certior sum factus in isto vestro amplissimo Collegio rem agi, quæ mea, totiusq; Cleri Bellunensis vehementer interest. Te igitur, tuamq; fidem posco, atq; pietatem, supplicem in modum, ut causæ nostræ, si meretur, aut quia meretur, faueas. Erit certè iustitiæ tuæ ac benignitatis nos per summam iniuriam vexatos subleuare, præsertim cum nullum inde publicæ ararij detrimentum, nulla vestigalium imminutio immineat. Quin, quod mirere magis, immunitas hæc nostra transactione primum cum municipij huius Decurionibus coalitâ, triplici Senatus decreto roboratur. Hoc mihi

mihi gratius facere nihil potes. iterum vale Patriæ, ac sæ-
culi tui fidus fulgentissimum.

E I D E M.

SEmisomni mihi, nec adhuc sopore oculis absterfo lit-
teræ tuæ à tabellario publico sunt redditæ, qui Bel-
lunum tantum, vt egrederetur, ingressus, non intermisso
itinere Feltriam petebat. His ego sum litteris variè affe-
ctus. Erat. n. non idem omnino earum argumentum; sed
quale saturæ legis, multiforme, lætaq; simul, & tristia
complexum, quæ eo tamen minus tristia sunt vîsa, quòd
styli tui nectare temperabantur: cui vernaculum est non
iniucundum saporem indere vel acerbis rebus, ne id tan-
tum posse mel arundinaceum se iactet. Dolui casum vrbs
florentissimæ non tam diserte, quàm miserabiliter à Ioan-
ne Preuotio descriptum, Hortiq; omnium, quos horæ edu-
cant, cultissimi calamitatem sum collacrymatus. O ma-
nes Guilandiniani, quàm vobiscum est præclare actum,
qui commodum ante sepulchro conditi, regni vestri exci-
dium minimè vidistis, cui superesse quâ non morte grauius
fuiſſet? Adjicis recensum sacrosancti Thesauri nuper in
Marcianæ ædis gazophilacio reperti: credo, vt in eo mæ-
rorè animo abigeres tam ingentis nuncio lætitiæ, cuius sanè
ergò tibi [†] *εὐαγγέλιον* debemus meritissimo. Nam quod nos [†] *πρῆμιο*
foelices otij, & curarum vocas in postremâ tuarum littera-
rum parte, maximè vellemus, ita foret, nec præter com-
munia ista temporum incommoda, domestica quæq; super-
essent, quæ nos angunt. Lis eadem illa rediuiua, quam
per amplissimum Collegium Vestrum, te potissimum pa-
trono, ac suffragatore penitus extinctam, ac planè fune-
ratam sperabamus. Hac mea mens non minus constans,
quàm pia, cuius te mihi sponso rem opto, &, quæ tua est
humanitas, pollicor. Post dictatam hanc epistolam Ioan-

nis Primicerij libellum peruoluimus tui in nos amoris
 † *Pignus.* † *μνημόσυνον* futurum, nostræ vero Bibliothecæ, quam or-
 † *pretio-* nandam nobis omni codicum genere statuimus, † *κειμήλιον.*
 † *sum mi-* Plurimum te hoc etiam nomine amamus Vir amplissime,
 † *mus.* tibiq; fausta omnia precamur. Vale, nosq; tuis amantif-
 fimis litteris beare perge. Belluni.

E I D E M.

MEninum nostrum vixisse cum gemitu equidem, &
 mœrore audio. dignus sanè fuit, qui Phœnicis æta-
 te frueretur æui sui Phœnix: etsi, quod ad nominis clarita-
 tem pertinet, viuit adhuc famæ, viuetq; donec honor Mu-
 sis, quarum ille fauore vates melioris sæculi æquabat, edi-
 tis post fata quoq; virtutis monumentis; hæcenus amicis
 dolendus, quod Nobis iucundissimum fructum suæ consue-
 tudinis moriens subtraxit, atq; voluptatem, quam ex quo-
 tidianâ eius ingenij fœturâ excipiebamus. Parere, n. &
 parturire semper aliquid solebat Vir vegeti vigoris, & vsq;
 ad vltimam senectutem integer. Nam quod ad genus obi-
 tus spectat: lene illi, & somno obtigit simillimum, quale
 sibi Iulius Cæsar votis exoptabat, quod nec corpus crucia-
 tu, nec domesticos sollicitudine affligeret diuturniore. Pa-
 ri fato defunctus memoratur Philemon vetus pœta, Me-
 nandri æmulus. is enim, dum lectulo incumbens confectum
 à se argumentum fabulæ meditaretur, repentinò extinctus,
 vitæ minimum peregit, adhuc digitis volumini implexis Hôc
 noster melius, quod in extremo mortalitatis exodio, cum
 omnium rerum securus, atq; immemor iaceret, pietatis
 oblitus non est visus, ob id nobis quoq; nullo vnquam tem-
 pore obliuiscendus. Posterioris epistolæ tuæ argume ntum
 lætiùs, omnem nobis mæstitudinis nebulam excussit. Erat
 enim Paschalibus ferijs conueniens, hilare, festiuum, &, li-
 cet conscriptum sermone metri legibus soluto, modulatio-
 ni ta.

ni tamen, atq; hymno propius. Id nos (sumus enim ad imitationem ingenio procliues) impulit, vt desurgentem tumulto Salutificatorem nostrum versibus, vtinam ne omnino Mæuianis caneremus: quos tibi Musarum nostrarum Palæmoni damus recensendos; supplicemq; in modum Deum adprecamur, vt te principem locum inter amicos obtinentem, quorum iam maxima pars vt vides, ad beatos ire properauit, quàm diutissimè nobis, fratri vnanimi, patriæ conferuet. Rescriptum huiusce Prætoris ad litteras Amplissimi Collegij in rem nostram datas, tabellarius iste, puto, deferet causę Cleri finem allaturum, si preces veritati niti videbuntur, videbuntur autem, nisi mihi opinio, imò ipsa ratio imponit. Erit igitur constantiæ, fideiq; tuę nos semel in clientelam receptos auctoritate, & gratiâ, quibus vales plurimum, fulcire; quod non minus ad euincendos aduersariorum conatus multiplices optamus, quàm speramus, & causę nostræ æquitate freti, & virtute tua. Vale.

CHRISTVS TVMVLO DESVRGENS.

En erit, vt nostrum pertingat numine pectus

Clio? resurgentem queam

Quo celebrare Ducem, Stygiū qui regna tyranni

Claustris refractis terruit,

Quique pijs adyta excelsi referauit Olympi

Nulli ante mortali obuia.

Ille quidem tumulto frustra quæsitus aperto,

Eoa Titan sydera

Dum fugat, Oceaniq; caput clarum exerit vndis,

Latum renisit athera,

Purpureo latos humeros indutus amictu,

Quante pompa, fulgido

Ore micans, dextraq; ferens victricia signa

Crucis triumphalis; neci

Qua

Qua data Mors: populos latè hæc vltura nocentes,
 Furebat infrenis prius.
 Aspice vt auricomos submittat Dedala flores
 Vestigijs Tellus? rosa
 Surgit, vbi ille pedem fixit, maris aquora fluctus
 Ponunt; Fauoni lenia
 Flabra auibz suadunt cantus, gratantur eunti
 Aura renidentes cupit
 Immortale genu circum dare brachia, casto
 Afflata amore Magdalis.
 Pectora solliciti gregis exultantia terror
 Retentat inter gaudia,
 Dum sperare timet, nimium quod deperit, audet
 Votis nec ipsemet fidem
 certam adhibere suis. adeò vsque incredula res est
 Spes, mentis humana modum
 Quæ super egreditur. tactus deposcit inertem
 Opem vacillans, nec pudor
 Afficit errantem. tennes num phasma per auras
 Lapsum videntum lumina,
 Addubitant, deludat. iter vel cum arripit, hospes
 Suis viator creditur.
 Donec ad appositi peruentum est fragmina panis,
 Quo symbolo error illico
 Ex oculis ereptus. obit pia munera sacri
 Doctoris vt semper: scios
 Reddit inerrantis sophia, fontesq; recludit
 Legum vetustarum, polo
 Delapsa qua sensa tegunt cælestia, Patris
 Natum voluntate inclytum
 Ad terras venisse sua, quò morte salutem
 Orbi referret perduto;
 Et sibi iam reducti deuicto ex hoste, trophæi
 Decus perennis. Excipit

Hæc

*Hæc avida aure stupens cætus misteria, aperto
 Pendens ab ore, gaudium
 Emicat, atq; alacres pulsa formidine mentes
 Implent. regitant cognita
 Alloquia, ac lacrymis miscent solatia obortis;
 Satiare nec se ipsos queunt
 Conspectu, cupidisq; adeò sermonibus, vltro,
 citroq; lati quos ferunt.
 Ipse iterat mandata, fidem deposcit, amores,
 Ovis, comendat suos,
 Extremumq; abiturus olympi ad limina donum,
 Pacem relinquit auream.
 Hanc legat, tabulisq; memor testatur in limis,
 Ne qua eximat menti dies.*

E I D E M.

NÆ tu amice magne, multò illis præstas, qui nobilia
 funera ex Aegyptiâ disciplinâ asphalto, & cedriâ
 pollincta, odoribus liquidis ita condiebant, vt diu iniuriæ
 temporis resisterent, marmora tandem ipsa exedentis.
 Nam eorum omnis cura circa corpus fuit, quod sui natura
 fluxum, & , postquam anima excessit, brutum perhibetur.
 Tu ne dum enixè studes, verùm præstas opere, ne cuius
 partam labore gloriam, quam semel stylo sit complexus,
 vlla vnquam debeat obliuio. Macete ingenij virtute, qui &
 ingentibus factis historiæ cum primis consulis, & historiâ
 ipse scribis luculenter. Legimus non ita pridem præcla-
 rum illud tuum de Christophoro Valerio iudicium, & ip-
 sum perbeatum iure iudicauimus, quòd eum laudatorem
 nactus sit, qui eius eximias virtutes æquare dicendo vnus
 possit. Nunc elogium ad regulam Tullianam efformatum,
 quo Pompeij Iustiniani funus luctuosum Reip. prosequeris,
 in ore ac manibus versatur, efficitq; vt Viri fortissimi
 casum

casum æquius feramus, cuius tu egregia decora perennitati temporum commendas, atq; famæ rerum. quam nisi ille pectore toto auidè expetiuiſſet, vitæq; aded ipſi prætuliffet rerum optatiſſimæ. non ita periculis belli caput obieſſet, animo præſagiens mortem per pulchra facinora quæſitam initium eſſe vitæ potioris, ac planè æternæ apud gratos, beneficiorumq; minimè immemores: qui à florentis facundiæ ſcriptoribus admoniti, quibus debere plurimum fatentur, eos fileri indiſtos, atq; illaudatos numquam patiuntur. Et verò ſi Muſæ Iouis, ac Mnemoſynes proles, ingentes virtute Viros illacrymabiles longâ vrgeri nocte non permittunt, quis erit tam illis auerſis genitus, qui Iuſtiniano deneget præconium ſive numeris victum, ſive ſolutum; nam id quoq; Muſis adtribuit Herodotus hiſtoriæ ſuæ libris illarum nominibus dicatis. Noctes illi in excubijs inſomnes actæ: labor in caſtris, in acie aſſiduus: ipſum deniq; mori, neq; ſemel, ſed per interualla nunc pede, nunc brachio ſuorum victoriæ impenſo hac mercede placet. Verùm hæc tu præſtantiùs. Nos, quibus non licet eſſe tam diſertis, idem hoc perbreui carmine conamur haud ſecus, quàm pſittaci verba humana ſolent. Carmini elogium geminum addidimus eiſdem ſanè furfuris, ne farina dicam: niſi tibi aliter videbitur, quem & ingenij eotem, & ſcriptorum meorum regulam agnoſco. Vale. Belluni. Cal. Decemb. MDCXVI.

POMPEI IUSTINIANI INVICTI DVCIS
Epitaphium.

Pugnas vt acres, præliares plurimas

Pugnauit Heroum genus

Iuſtinianus, glande ahena corruit

Traiectus, ſalta quàm vapores

Exploſit è turre igneus. belli heu iaces

Extincte fulmen, fulmine.

NON

NON TE SEMEL AGGRESSA STRAVIT MORS

P O M P E I,

MARTI FOEDERATA.

MVLTOMAIOR ERAS,

QVAM VNICO VT ICTV VINCERERIS.

DOLIS EST REPETITIS VSA;

QVI ENIM VI APERTA POSSET:

PEDEM PRIMVM AD OSTENDAM PERCVLIT:


BRACHIVM DEINDE:

POSTREMO IN CAMPIS IVLIIS

TORMENTARIA GLANDE ILIA TRAIECIT.

QVERCVS NON OPEROSIORE

MOLIMINE PROCVMBIT.



I, LICET GENEROSA ANIMA, I, LICET.

MVNVS ABVNDE DVCIS,

CASTRORVM MAGISTRI

MILITIS EXPLESTI.

PRÆMIA TE MERITIS TVIS DIGNA MANENT

DECVS IMMORTALE, NOMENQVE

QVOD EFFNERE IN DIES MAVS SYRGET POSTERITATI EIDEM

ET QVIDEM HAVD DVBIAM

FACTVRVM

SUPERESSE VIRIS ÆVI NOSTRI BELLICAM VIRTVTVM

MODO HONOS, QVO ILLA ALITVR.

NON DESIT.



C

EL

CIS

N

O Tium, cuius nos hîc quidem laxiori annonâ fruimur, tibi suspicabamur planè defuisse, cum nihil ad litteras nostras responderes, quibus has tamen addere est visum, non tuarum quidem efflagitrices (non ita penitus depudere, ut partem aliquam vel exiguam abste importunè exacturâ sint illius temporis, quod omne curis publicis impenditur) verùm ut planè cognoscas nos mutuis his in scribendo vicibus minimè retardari, quin arrepto calamo, cum sedat occasi, si non aures, at oculos saltem tuos teneamus aspectabili hoc genere sermonis: nam digitalem illum, quo Ioannes Picus sæculi sui Phoenix in dissertationibus olim utebatur, nec callemus; nec, si ignotus non foret, vsui foret scilicet absenti. Dabitur fortasse, nec dum enim omnium dierum Soles occiderunt, te coram aggredi minùs occupatum, vocesq; audire, & reddere alternis; qui fructus est amicitiae vberimus, & illis maximè optandus, quos inter terrarum spatia interiecta, marisq; Fruamur interea, litterarum bono, quas ego de memoriâ utcunq; meritas (sunt enim, qui illius damno à Theute Ægyptio adinuentas putant) omni vel hanc potissimùm ob causam suspicione criminis absoluo, quòd longo intervallo disritos veluti Abaris sagittâ, aut Mercurij talaribus per aëra delatos inuicem coniungunt. Professorijs Patavinæ Academiæ cathedris nondum per vos Triumuiros prouisum equidem non miror; angor magis animi, cum video Martem, relictâ orbis sui apside (exortos enim nouimus qui id quoq; se nuper Astronomicis dioptris obseruasse narrant) bonarum artium studijs frigidam suffundere, sicut oleum incendijs bellorum. Et verò, si Ciceronis ætate, iuuentus, uti primùm discus increpauerat, philosophorum scholas deferebat; si populus frequens Ambrosium, diuinum illum Virum de superiore loco differentem in ecclesiâ

clesiam destituit, ut sis tris laboranti Lunæ opem ferret, quis
 hominibus nostris non ignoscat, si belli tempestate, quod
 fictus Indicerit ut se ipsum ferit, castra sequi malint, quam
 conferris manibus in exedris per otium verbigerari? <sup>† Musae
fines.</sup> Tro-
 pica hæc facit temporum calamitas, quæ utinam ne diu-
 tius Italiæ incumbat, quam vellemus feriasque non modo,
 verum etiam iustitium litteris indicat. Audio Neratia-
 nam bibliothecam venum iri, si emptorem cupidum inue-
 nerit: quo nuncio nihil arbitror acerbius illius Dominum
 apud Elyfios latitum, nec sanè iniuriâ. Eam ille à suis
 gratiam inierat, quos ampliarum non tam hæredes opum,
 quam sui nominis gloriâ reliquit, ut non pati ægerrimè de-
 berent eius eruditionis, ac industriæ in ædibus monumen-
 tum aliquod extare: præsertim cum super sit nepos indo-
 lis haud pœnitendæ, quem per patrum vestigia ad virtutem
 ingredi quidni honestissime familiæ decorum foret: verum
 de ijs ipsi viderint. Nos quæru, ut est in proverbio, cadente,
 furculorum non nihil colligemus ad nostram literariam stru-
 em instruendam. Vides ut subinde aliud ex alio: ne ad te
 inanes litteræ nostræ perferantur: sic omnino euenit, cum
 scripturienti superest voluntas; argumentum restrictè ad-
 modum suppeditat vastitas locorum, qualis ista est, quam
 inhabitamus. Vbi nec dum obsessum fuisse à Græcis Ilium
 percrebuit, adeo serò bellorum ista Panica cognoscimus.
 atque utinam ne serò quidem. Quid n. quæso in se habent
 boni, ut permutatis id perferri equis sit operæ prærium?
 diu est, cum hanc animi curiositatem mei ab huiusmodi re-
 bus, variæ lectionis suauitate quadam nescio an deceptus,
 certè captus, in philologiam, & amana Musarum transfu-
 li, ita tamen ut per intervalla secretioris sapientiæ adyta
 renisam. Finem huius Rhapsodiæ faciam, si prius Syncli-
 ticum nostrum de meliore notâ tibi commendauero. ^{† Censori.}
 Vale Vir Amplissime.

E I D E M.

Estinatione tabellarij est factum; vt epistola tua litteras priores meas anteuertit, quarum his exemplar curauim adiungendum, tum quia non equo animo ferebam lucubrationculam perire nostram, tum vt oculatâ fide planè perspiceres nihil à me questum minùs, quàm abs te prouocari ad scribendum Viro maximis in rebus occupato, & cui non iniucundam fore litterarum nostrarum crebritatem antea cognoram. Mouet mihi saluam symposium Mauroceni nostri, dum cogito, quàm lautè Vir ille, quibusq; literariorum embammatum scitamentis conuiuas suos soleat accipere, tui præsertim, Grylliq; similes, quem ego Iusciniam potius vocauero, si cantas eius rationem habeam. O mensas diuinosophistis ipsis inuidendas, mihi verò si isthic fuisset, etiam inuocato adeundas Homericæ Menelai more. Sum enim, vt te non fugit, auidè istiusmodi epulorum appetens, xbi vnâ, eâdemq; operâ Musis, & Genio litatur; quem ego, iam diu est, cum restrictè nimis, ac auarè habeo in tantâ literarum, ac literatorum vastitate. Nusquam sanè poteras festiuissimum diærum, Bacchanalia agere minus bacchanaliter, aut magis ex sententiâ iucundè. & verò nisi intentum rebus publicis animi tui arcum relaxes aliquando gratâ vice liberioris cum sodalibus colloquutionis, qui durare poterit à Floralia spectasse Catonem memoratur deposito illius grauitatis supercilio, quo subnixâ aliquandiu res Romana stetit. Scipio cum Lælio suo in Lucrino littore conchas ociosus legit, quorum tu virtutes æmularis. Nam Agesilai arundo, quâ inequitabat, sacratisq; grandæui ad ludum Canonis fidicinis itatio cui iam non dicta? vnus ego omnium ad lusus, & naturâ, & vitæ institutis non apertissimus, quod puer edidici, senex non dedisco leui tactu clauicymbala percuttere, quod etiam nunc facere non piget, arbitris exclusis, ne palam inepti-

ineptiæ videar. Verum lepida ista memoratu temporum,
 in quæ incidimus, respuit tristities. Misere me discruciat
 huiusce Cleri diuexatio: nam suppetiæ à Decemuiris Se-
 natus exorata nihil valere apud istum, qui vicariam nunc
 nauat operam, Pretori hinc absentis, estq; nostro ordini in-
 ferior; negat inter Martiales lituos iura exaudiri; quam-
 uis intentis vocibus inclament, imo quiritentur. Res igi-
 tur integra ad te, tuumq; istud amplissimum Collegium
 delata, fauore, gratiâ, æquitatē, consilio tuo velut sacrâ
 anchorâ innititur, postquam remigio, remulco, helcya-
 rijis nihil in tam difficili nauigatione est adhuc peractum.
 Vnus tu omnium & optimè nosti, & potes maximè, & co-
 naris validè, pietati, ac religioni, ne causâ omnino ca-
 dat, opem ferre. Nos interea ad quæcunq; ferenda obfir-
 mamus animi, exemplis moribus condocefacti externa-
 rum iacturam opum, virtuti plerunq; materiam præbere
 proprias opes expromendi. Et si nostrorum me potius for-
 tis subit misratio, quibus ne ultro quidem in Principem
 suum esse liberales per iniuriam alienam licet: non enim
 huiusmodi compendia ærario publico, cui omnes, vt qui
 maximè, consultum cupimus, sed priuatis decurionum
 commodis quærantur. Sed hæc fortasse miserabilius, quàm
 Philosophiæ sincerioris deceat alumnos, cui nos indeco-
 res esse non debemus. Facis sanè pergratum, cum de Syn-
 clitico nostro tam præclare, & amanter loqueris, & sentis.
 Pectus tuum istud ad promissa constans, fidesq; niue No-
 ricâ candidior nobis persuadet, vt speremus fore breui, vt
 nominis doctissimi Viri specimen tuis sub auspicijs famæ
 celebritati inauguretur. Pâtere quæso vnice doctrinarum
 ultro in exilium iturientium assertor (neq; enim Domitia-
 ni edictum ampliùs morantur) bracteolam hanc ad fertum
 tot tuarum laudum accedere. Nullo hercle potiori bene-
 ficio Musas tibi, earumq; cultores arctius obstinexis. Pau-
 lum Seruium, cuius non me fugit iudicij subtilitas, tecum
 studio

studio certare in isto homine opando volupe est. Episto-
la carmen super addimus, vt videas, quam nos importu-
no fauore inter tot curas Musae prosequantur. In eo nihil
esse arbitramur; quod exactioris iudicij Criticis placere
queat praeter tuum nomen, quod vtinam ne sit *τοῦ φανή*
μύρου Graecorum diuerbio iactatum. Vale Vir amplissimā
istā tuā dignitate, maximāq; de te hominum opinione
longe maior.

† In lere
ingueſcit.

In ipso tabellarij professionis puncto fitio meorum litte-
ris est ad me perlatum Collegas tuos, Viros amplissimos te
potissimum suffragatore, precibus huius Cleri annuisse,
quo ego quidem nuncio ita sum affectus, vt summam ani-
mi letitiam mei ampliorem haud paulo reddiderit tam
aperta declaratio tuā in nos propensae voluntatis, cui si
non officijs, quibus abs te vincimur, pietate saltem stu-
dio, gratā beneficij recordatione, quam nulla vnquam
delere poterit obliuio, satisfacere conabimur, precibusq;
praeterea ad Deum fufis, vt te tam salutare rebus nostris
fidus quam diutissime terras illustrare velit lucis tuae fa-
ce. Iterum, atq; iterum vale. Belluni Pridie Nonas
Martias MDCXVII.

E. I. D. E. M.

Synclitici mei litteris certior sum factus, quam
eum nuper & allocutus fueris humaniter, & eius
spem amantissimis pollicitationibus erexeris calamitate
publicā literatorum, contemptuq; in eos saeculi deie-
ctam. Igitur qui tibi, nisi fallor, primus ingenium
illius, mores, multiplicemq; eruditionem commendasset,
meq; pro eo praedem solemni formulā dedissem communi
studiorum expectationi, mei esse muneris putavi non tam
illius virtuti, quā tuo maximē beneficio etiam fortunā in
gratiam esset deditura, quā tibi ipsi gratulari, cui vni
conti.

contigit, ut non minus doctrinarum omnium dictator, quam doctorum virorum Mæcenæ habereris apud tuos. Rara sanè laus, & nullius non præconio dicenda, hominem natum Deum esse homini liberalem, munificum, & ut Homer^{us} superos indigitat, ^{δοτῆρα ἐόντα}. Perge porro Amice ^{Datorē bonorum} magnè in Synclitico ornando bonos, doctosq; omnes, & Musas adeò ipsas demereri, quarum ille maxima est cura. Et quia de eo homine promouendo agitur non ad Stoicorum paradoxa, quibus aurâ, & mazâ vescens prædiues est, sed ad munus Pontificij iuris profuturum, vnum omnium amplissimum, atq; honestissimum, summopere vobis Academicæ triumviris erit peruidendum, ut honori honorarium consentiat; ne virtus titulis tantum onerata algeat, cui vos Peripatetici (& summâ sanè cum ratione), opus quoq; esse opibus decernitis; ne ipsi id planè eueniat, quod Poësi in Platonicâ Republicâ, quæ fertis prius redimita publicè exploditur. Absq; fortunæ nouerçantis iniuriâ fuisset, quæ nobilissimi viri Patriam euertit, is extitit Synclitica gentis splendor, tantæ, tamq; vetustæ opes, ut prærogatiua vestri iudicij contentus contemnere cetera potuerit, quæ nunc cohortis liberorum patri, extorri, facultatibus modico, & cui duris in rebus industria ad hanc usq; diem censûs loco fuit, sunt necessariò circumspicienda, hoc præsertim tempore, cum nouum molitur vitæ iter, quod sine expropto, atq; luculento viatico peragi non potest. Paranda multo instructior bibliotheca, quam immortale esse penus animorum quis te magis nouit? laxiores conducendæ ædes, togæ subinde, & quidem tempestiuè permutandæ, quales tantum dignationis ambitum addeceant, ne vulgus falso iactare opulentiam leges criminetur, quæ professores suos in defloccato pallio circumire sinant Sophistarum ritu. Verum hæc fortasse à me morosius, qui sciam te ita omni ex parte tuis cultoribus prospicere, quos semel susceperis ornandos, ut

nihil

† ruggi-
litate for-
isque co-
ditionem
adeo suffi-
cientem
ut nihil a-
liunde sit
desideran-
dum.

nihil omnino prætermittas, quod facere ad literariam
à Τάπειαν videatur. Satis mihi sit tuam in fidem atq; clien-
telam tradidisse Virum, qui sæculi sui eruditione minimè
contentus, adiumenta sibi ex accuratâ veterum omnege-
nus auctorum lectione conquirit, quo posset de se meren-
tes immortalis famæ præconio remunerari. Vale Vir am-
plissime, & Spartam, quam Diuum munere es nactus, uti
facis, orna.

Belluni. iij. Idus Maij. MDCXVII.

DONATO MAYROGENO. *Senatori Amplissimo.*

Prouentum hoc anno pœtarum vberimum futurum
diuinat animus, non ex Virgiliarum ortu, cuius iudi-
cio Thales oliuationis copiam prænouit, sed ex hoc potif-
simum, quod carmen Musarum noster octogenarius vates
modulatus fuerit sanè perelegans. In cuius commenda-
tionem, & egregium distichum conscripsit Andreas Mau-
rocerus Senator grauis, laticlauius, & nos iam pridem ru-
de ab Apolline donati, nescio quid effudimus versiculo-
rum, ingenij autoris sui senium testantium. nam illud
quale est? Meninum capillo, barbaq; cycneum, adhuc
Phæbo digna parere, parturitq; tibi prognosticum istud
nunciamus. mi Donate, qui Musarum annonam curas, ut
nouis pœtarum foetibus apothecas pares, unde eos depro-
mas postmodum, eruditorum auribus alendis: quarum
ego iudicium, quod superbissimum esse perhibent, refor-
midarem, nisi tu spem faceres, posse illud gratiâ tuâ deli-
niri. Mirro igitur ad te, quæ proximis his hibernis no-
ctibus nescio an somniasse me dicam verius, an euigilasse.
Nondum enim constitutum habeo, quomodo ea vocem,
et nomen impones pro arbitrio, valebisq; studiorum bo-
no. Belluni Cal. Dec. M. DC. XII.

Legl

*Legi camænis editum fauentibus
 carmen Menini nuperum, quo' nomini
 Mansurane' sit ferta facundus tuo
 Donate amice doctæ. nunc sententiam
 Rogas? rogari me haud diu sinam. chelys
 Flacci canora quo placet. cupidinis
 Quo stat magister Teius, quod Pindari
 Ad astra nomen euehit: totum id tuo
 Vati secundus contulit Phæbi fauor,
 Liore leuo vel fatente, & diuitis
 Mirante veng flumen exundans, sales
 Et melle multo perlitos, pomeria
 Urbana natos intra. inire gratiam
 Famæ perennis qui volet, præconia
 Hunc ille cantus efferat, vagi minas
 Exinde Lethes negligat: volubiles
 Lapsusque edacis temporis, per omnia
 Iturus ingens sæcula, & solis vias,
 Annis senescens vsque præuidentibus.*

E I D E M:

L Aborum meorum primitias amori tuo iure debeo;
 Donate virorum optime, quas non agri, non hor-
 torum (quorum hic bona ignoramus sed syluestris au-
 cupij nobis cura gignit, Aquilonijs flatibus adiuta. neq;
 enim ante in alpina auum hæc nobilitas montium cacumi-
 na relinquens in casses incidit, quàm algore niuium af-
 flata. Boreæ igitur tibi est litandum, si huiusmodi prædâ
 delectaris. Sed vnde istud inquires? quibus tu de pastore
 technis in aucupem repente nobis euasisti? mirari desi-
 ne. Finitimæ sunt hæ artes, & sibi fæderatæ inuicem;
 neq; nos ij sumus, quibus Socraticis legibus parère va-
 cet, quibus ille cauet, vt ciues sui nondum, quod sciam

D in lu.

in lucem editi, quam quisq; nouit artem, in hac se exer-
ceat, reliquarum expers. Tu interea amici xeniole con-
tentus, maiora expectato, vbi dies acrius inceperint hye-
mare. Vale, & nos ama.

Belluni. Idibus. Nouembris. MDCXIII.

Qui nos perpetuo niuis rigore

Damnat Iuppiter: hic misertus idem

Sortis tam miserae, genus volucrum

Omne nobilium dedit rependens

Tot incommoda dote singulari.

Qua non Phasidos vnda, non Caystri;

Non terra Africa psittacis canora,

Non Thrax, non Geta, non Syrus superbie,

Non infectus Arabs colore nobilis,

Nidi conscius altis perennis,

Qua per secula nasciturq; obitq;

Vicissim, cineri suo superstes.

Qua ne ficta putes licentiori

Musa, vt a solet, elegante pluma

Gallum mittimus; vndecim sodales

Qui solus poterit voraciores

Explere. huic comes addita est coturnix

Non vna altis exiit libenter

Namq; ipsa ingenium ferox, nec ori

Admotas refugit manus. opimum

Turdum adiungimus: aequiore iure

Pralatum altibus, potentiorum

Nigra quos epulis parant culina.

Plura si cupis, ipse nos reuise;

Aues, frigora abunde polluemur.

Accepi abs te carmen aureolum, planèq; dignum,
 quod Musæ Musato nostro, hoc est suis delitijs di-
 carint. Pro quo (nam te eodem muneris genere non re-
 munerari subagreste sum ratus) nescio quid versiculorum
 Apolline nullo editorum mitto. Quos ubi legeris, non
 dubito quin Glauci commercia animo sint tibi occursu-
 ra. quid facias? melioris metalli vena apud nos non co-
 litur. æramenta mera sunt, si cum tuis donis conferan-
 tur, in quibustamen apparet amoris mei in auctorem car-
 minis character: rudis ille quidem, sed altè adeò impres-
 sus, ut nullâ inde vi abradi possit. Deambulationes istas
 in scholis tuas tibi subinvideo, ubi doctas audire, & red-
 dere voces datur; ubi certamen non armis cernitur, sed
 syllogismis amentatis inuicem contortis. fœlix otij, ac cu-
 rarum, modò bona tibi tua ne ignota sint. At nos hîc lon-
 ga eruditionis obliuia potamus, vrbanitatemq; omnem se-
 riò dediscimus immenso terrarum, montiumq; spatio à
 Musis diffiti, nisi quantum tuæ litteræ barbariem nobis
 tantisper ex animo detergunt, dum leguntur. Vale igi-
 tur, & ad nos vel hoc nomine crebriùs rescribe.

IO: FRANCISCO MUSATO.

*Carmen adhuc felix otii meditaris, & artes
 Retrahas natu grandis Apollineas.*

*Digne senex reduci florentis vera iuuentæ,
 Nam tibi vis vegeti suppetit ingenij.*

*Vive diu sacris nimium dilectæ comœnis:
 Et cycnum cantu, canitieque refer.*

EIDEM PROCONSVLI CRETÆ *designato. S. P.*

VEntis iter tuum remorantibus gratias haberem, nisi & exoptati reditûs gaudia differret serior profectio, & illi cogitationibus tuis veluti reflarent, quibus me aduersum ire, quamuis votis meis valde aduersentur, concordia nostræ conuenire non puto. Mihi igitur ipse imperabo potius, ut id non omnino nolim, quod te maximè velle habeo perspectum, ne tua commoda meis rationibus metiri videar. Deum interea adprecor, ut, posteaquàm te mihi trieteride fermè totâ carendum est, quod de consuetudine, alloquio, iucundissimoq; conspectu demitur, id omne cum fœnore addatur auditioni, quâ de tuâ maximâ virtute, regendiq; populos arte fiam certior. Cui sanè quidem arti tantum ego tribuo, ut non eam Romanis rerum Dominis, quem admodum apud Elysios Anchises, sed Dijs ipsis immortalibus adiudicem, cæteras ab humano otio adinventas putem, & quidem plerunq; haud magni pretij. Nisi tu fortè Myrmecidis studium, aut Elephantidis, aut rixosas quorundam de literarijs minutilogijs argurationes tanti facis, ut non earum tibi malis ignorantem. Eâes in Republicâ eductus, vbi parendo imperare discitur: his assuetus studijs à puero, vnde iura tamquâ à fontibus petuntur; ijs domi muneribus defunctus, quæ tibi rudimèti loco esse potuere, ad sūmi Magistratûs personâ omnibus numeris perfectâ exprimédâ. Prouincia quin ipsa etiâ quæ sortitò obtigit, huiusmodi omni æuo fuit, ut tibi tametsi impigrè currenti tuâ sponte calcar addere debeat ad decus, dum tecum ipse cogitas ius te ijs in regionibus dicturum, quæ luminis in oras olim edidere Minoa, atq; Rhadamantum, illos capitales etiam nunc, si poëtis credimus, Manium Duumuiros, quorum supercilium tartara tremiscunt. Cupresseta Gnosiorum quoties videbis, animo succurret Clinias cum Socrate ibi de legibus colloquens in vmbra, quam latè opaci nemoris arbores diffundunt.

dunt. Verrem medius fidius Siciliae labem æqui admone-
rent topica istiusmodi recordationis adiumenta, ne dum
te mystam Themidis, Politicâ arte expolitum. Inter eas
Rerumpub. formas, quas lumen illud vestrum Aristoteles
æmulari volentibus proponit, nullam faciliè inuenies, quæ
minori cum exceptione laudari queat, quàm Cretenfis,
adèò moribus constabat, vt illa ferebat ætas, honestis-
simis, & belli, pacisq; temporis percommodis. Huic non
consultum velle, præceptionum præstantissimarum aucta-
rijs, eorum fuerit, qui omnis antiquitatis rudes vetera
datâ operâ obscurant, ne se degeneres arguant à maio-
rum laude. Tu, cui vernaculum est tuorum nonmodò
spem, verum etiam expectationem omnium euentu vince-
re, dabis quidem operam (neq; enim me fallit tui ille cur-
sus animi immensis gloriæ spacijs æqualis) vt magna illa
prioris æui exempla, tuis egregijs factis comparata fidem
apud incredulos inueniant, quibus quicquid ipsi conari
nequeunt, fabulæ est loco. Sine omnium in ore sint
Heroes illi veteres, Ioue ciue digni, modò ne tu illis suc-
cessisse, vt diurnæ luci tenebræ, sed vt Sol sublustri auroræ
lumini, dicaris. Pristinæ gentis laudi, veluti generoso sti-
piti, nobilissimæ coloniae furculum insertum si accuratè,
vt speramus, excolueris. nihil sanè neq; tibi ad immorta-
lis gloriæ præconium nec illis ad prouentum deerit lætio-
ris frugis. Absque Præsidum nonnullorum desidiâ foret,
atq; auaritiâ, non aliunde maiora belli præsidia iuxtâ ac
ornamenta pacis haberetis. Classis est instruenda? quâ
plurimum vos pollere fama refert. & verò non mendax:
nullibi remigum, aut nautarum delectus lectior iubetur.
Miles duris in rebus conscribendus, armis assuetus? illinc
euocatis sagittarios, qui Pandarum illum Phryga arte vin-
cant, robore autem Myrmidonas. Indidem commeatum
simul, & copias educitis. Urbem vestram omni specie re-
rum, quibus vsus cultusq; humanus indiget, collocupleta-
tis.

S. P.

n, ni-
profe-
is me
, con-
impe-
è vel-
nibus
quàm
con-
ur, id
ximâ
sanè
is re-
ises,
uma-
l ma-
Ele-
ntilo-
igno-
o im-
tam-
s, quæ
perfo-
in ip-
t tibi
beat
nibus
atq;
s cre-
rtara
, ani-
collo-
ffun-
it.

tis. Sed quid ego Urbem vestram dico? quasi vllus sit iam terrarum angulus tam longè à nostris finibus summotus, quem Bacchus, non Semeles ille filius (huius enim Indica expeditio tantum memoratur) sed Creticus iste vester non lustrarit, secumq; nominis decus Veneti inuexerit? cuius sub auspicijs maria enauigans, feras gentes perdomat. Quod armipotentes non magis, quam vinipotentes ab extremis hominum Morinis, Britannisq; obiectu Oceani diremptis auditis, huius muneris est. Hoc conciliante gratiam Sarmatis, Thracibus, Getis innotescitis, quibus reliqua Italia inaudita, ac indicta est. Et verò si Regum Regi Xerxi non alia fuisse causa narratur Atticæ armis inuadendæ, quam ne alibi, quam in sua ditioe non obscuræ dignationis ficus, quos illa educat ora, nascerentur: quanto magis vobis erit Maiorum vestrorum virtuti gratulandum, qui sui iuris insulam fecerunt centum urbium alticem, tot regum, atq; heroum domicilium, & quæ, ne quis eam falsò iactare criminetur Iouis incunabula, plenis vindemijs nectar adhuc fundit, Deorum non tam cænis, quam mortalium, quæ se pontus, terraq; porrigit, largè suffecturum. Errauit, non inficiamur, prima illa ætas Iouem, cuius in vertice Idaeo tumulum vidisset, hominum. Diuumq; parentem stultè indigitando: verum in eo ratio aliqua, seu excusatio erroris constitit, quod quem summum primum inter numina putabat, eidem Patriam tribuebat, omnium, quas Sol circumspicit, pulcherrimam, atq; beatissimam: cuius nunc tu spei sua regna recturus cum admovearis, summam tibi ope erit adnitendum, vt rem meram reddas, quicquid aut illa de te expectat, aut nos spondemus, quod minimè vulgare, aut tralatitium futurum est. id eueniet (modus enim epistolæ ponendus) si præceptorum, qui de gerendo magistratu conscribere, suntq; à te perlecti accuratiùs, delineamentis colores ipse veluti pictor optimus induxeris, memoriâ subinde repetens munus, atq; adeo no-
men

men ipsum Harmostarum. Hierant magistratûs genus ad
prouincias regendas à Lacedæmonijs summo cum imperio
transmitti solitum, quibus curæ esset ita ciuium animos
musicum in modum temperare, vt omnia inter se mirabi-
li compage concinnata responderent mutuo. Concilia-
tores, puto, Liuius vocantur: suntq; Cretanis meis popu-
laribus maximè optandi ob dissimilium ordinum disci-
men, quod sicuti ex arte harmonicâ compositum, concen-
tum absolutum reddet, ita sibi relictum, ac neglectum in
in contraria studia scindetur, sibi ipsi impacatum Recto-
ri contumax. Verùm hæc tu meliùs, cui ad clauum ex lon-
gâ meditatione accedenti nihil nouum accidet, aut inopi-
num. Nos votis, quod senum est præcipuè, fauebimus,
vt prouinciâ, ex tui animi sententiâ, administratâ, Tuos
lætus hilares reuifas. Vale noster nunc Amor, moxq; longum
desiderium futurus. Belluni. x. Cal. Iunias. MDCXVII.

HENRICO PVTEANO. S.

PVteane mi iucundissime salue. Demulsit me Palladis
tuæ cantus, deuinxit officij humanitas, varietas verò
eruditionis ita capit, vt mihi amorem, admirationem,
opinionem deniq; de te mirum in modum auxerit. quid.n.
ni mihi † ἀρεσμία θαυμάσιον vix egressum ex ephæbis iuuenē,
spretis voluptatibus, quibus ius dare ætas illa solet, im-
pendio multis profuturo negotium posteritatis agere? res
ignotas, indiçtas alijs pari doctrinâ, atq; elegantia com-
plecti? Verùm de Libro tuo plura, cùm illum per otium re-
tractauero; nunc Syncliticum nostrum, quem ego tui in
me amoris habeo interpreterem, tibi vicissim sponforem do-
effusissimi mei erga te studij, atq; voluntatis. Illum tibi
vt appelles, liberum relinquo; sed conditionem peto, vt
me amicum probum magis, quam doctum, aut eloquen-
tē existimes. In altero n. te decipiam nunquâ; in altero tibi
impositurâ facies, me inuito. Vale. Belluni. ix. Ianua. MDC.

E I.

† ἀρε-
σία ἀμι-
νάνδα.

Mearum litterarum casum, quæ nescio ubi loci posita, nunquam deinde sunt in terris visa, tui equidem causâ permolestè tuli. Venit enim in mentem subuereri, ne eodem planè fato, quo olim Romanæ urbis parens, fuerint defunctæ. nisi quod hunc Patrum, illas famulorum manibus discriptas suspicor. Quod nisi aliquis Iulius Proculus dolori meo intercesserit, qui eas rectâ in Iouis scrinia delatas referat, ego istis continuò mastigijs apud Tribunos vapulares diem dicam. Nam quod ad desiderij tui delenimentum attinet, puer ab epistolis noster ipfas illas tibi nullo auro repensas, neq; enim de Hectoris corpore nunc agitur, rediuuas reddet. De Analectis morem tibi gessi, perquisivi accuratè, inueni, his adscribi iussi. Ea tibi fidem haud dubiam, ni fallor, facient, penitissimum hunc Italiæ angulum, perpetuaq; consputum niue, ubi ego nunc statua habeo, Romanos rerum dominos incoluisse. Vale mi iucundissime Puteane.

ROBERTO

Cardinali Bellarmino

Non sum mihi adeò ignotus, Cardinalis munere isto tuo, famâq; amplissimi nominis dignissime, ut admodum referre putem, vernaculâ ne lingua in epistolis ad te dandis utar, an latinâ, in utrâq; iuxta planè hospes, & qui possim peregrinitatis vel ab annulitoria facile coargui. neq; adeò committam, ut ad te vulgari sermone scripta perferatur qualiscunq; hæc significatio pietatis, obseruantiaq; in te mere non vulgaris. Infantiam in me reprehendas potius quàm audaciam, quasi minore te cultu profectiar, quàm colires augustæ solent, & propè diuinæ. Harum quidem in censurâ reponit præcellens illa tua sapientia, doctrina, vitæ innocentia. eâ ipsâ dignitatis purpurâ, quâ.

quâ meritò refulges, sanè maior, cui cùm eiusmodi humanitas accedat, vt vel ab alijs tuis virtutibus seiuncta mirificos in te hominum amores excitatura videatur, barbarus planè sim, te nisi suspiciam, venererq; vnice, præsertim tanto tibi beneficio obstrictus, quanti apud me est effusus autoritatis tuæ in me fauor, atq; animi propensio; nam ne iudicij dicam, partim conscientia propriæ inscitæ deterreor, partim eruditionis tuæ cogitatione tot editis operis admirandi voluminibus nulli non testatæ. Sic enim ipse mecum aliquando. En quò Virum id ætatis, dignitatisq; perduxit gloriæ de literis partæ amplitudo, amorq; in eadem sequentes studia, quæ ipsi tam egregiè cesserunt: tempus, quod nunquam illi vacat aut à sententiæ in grauius rebus dictione, aut à commentatione, aut à scribendo, quæ perditorum turbulentam contumaciam reuincant maximè in meis lucubrationibus communi excussis monetâ perlegendis terit, & tantum se se demittit, vt de me, meorumq; studiorum ratione, meos sciscitetur: quid agam: quo stylum scriptionis genere exerceam: cuiusmodi lectionibus otium oblectem: quod Episcopo [†] ἐπισκοπὸς [†] Inspiciens, & muneris sui exer- citio in- cubenti.

perexiguum contingere omnino, atq; penè nullum ipse est expertus. Maçte immortalitate digne Heros, & nos ad eius radices speculæ adhærescentes, cuius tu iam cacumen tenes, exemplo, facilitateq; istâ tuâ excita; quæ te & communi omnium præconio in cælum euehit maturius, & mihi pro sponfore est, vt impunè tibi literarum Dictatori, cuiq; ab omnibus ingenij fasces submituntur, per epistolam importunus obstrepam. Nam ex quo me Vir ornatissimus Athenarum Antistes certiore fecit, te carminibus nostris, seu potius carminum argumento non indelectatum, nihil habui antiquius, quàm illud nostrum, quod erat, limâ expolire, qualecunq; erat, vt aliquid in me esset, quod tibi, cui probari valde cuperem, non improbareretur. Vt alia igitur omittam, à me non vno styli genere

E con-

conscripta, è lituris, in tuâ spem gratiæ hæc pauca exemi:
 (nam de mendis sine Theseo quî possem?) quæ censuræ
 tuæ libens, volensq; nolenti licet animo submitterem, non
 quòd, vt iussa tua capeßsam, monitore egeam, quibus ni-
 hil est mihi magis in opratis; sed quia in mentem venit sub-
 uereri, ne nostra diligentius tractata autoris pro dant impe-
 ritiam: quam tamen obsequij studio defensam, obnoxiam
 minùs fore censeo vitio subinanitatis, atq; [†] φιλαυτίας. [†] *Amoris
suis ipsius.* A
 cuius suspicione procul vt abessem, summâ ope caui in-
 genij mei fatus arctâ nimis, ac planè illiberali custodiâ hæ-
 ctenus cõercens. iure an secus tui erit iudicij decernere,
 meq; inter eos recensere, qui se se, & sua omnia in tuam fi-
 dem, atq; clientelam dedunt demissimè. Valè sacri Se-
 natûs decus, & veræ Religionis tela omnia contra muni-
 mentum.

IACOBO BAROCIO *Patritio Veneto S.*

Licet ne te paucis affari mi Iacobe? dum ferijs hisce Na-
 talitijs optimis dierum, forum vestrum fileat: an etiam
 nunc limen tuum obsidet nullo postico fallendus cliens?
 experiar, an huic epistolæ vacuas aurium ædes præbeas?
 quid contrahis frontem? de Laconum profapiâ prõgnata
 est: aditum sibi nisi breuitate prõmerebitur, saltem extor-
 quebit. Quòd si frustra conatus cesserit, munusculo ali-
 quo rem aggredietur. Validissimum hoc teli genus esse
 dicunt effringendis Mercurialium patronorum foribus;
 nam tuæ musis, earumq; alumnis vltro patent. Munus
 quale sit rogas? Aues in istarum alpium fastigijs deceptæ:
 & hyemis rigorem pensantes suis delitijs. Quid.n. aliud
 erigendæ orexis causâ ex hac locorum solitudine mitti vo-
 bis debuit, quos Venetum saturat manna? hæc liberiùs io-
 cati sumus, vt scias nos, & valere, & pijs per hos dies
 laboribus perfunctos, nunc memoriâ tui, Donatiq; nostri
 oblectare animum. Vale, & amplissimo Equiti Petro
 Duodo,

Duodo, Caesareo exlegato de reditu in patriam gratulare
meis verbis. Virum amo, & quia multiplici praestat eru-
ditione, & quia vel vnus, vel cum paucis heroum nostro-
rum veterum gloriae subcrefcit. Belluni iij. Cal. Ianuarij.

E I D E M.

Complures me tibi dies futurum Venetijs pollicitus,
subito consilio, si modo consilium vocari debet,
quod subitum est: nec edicta cuiquam profectionis die,
neq; conclamatis quidem, vt dici solet, vasis, iter, seu po-
tius fugam clanculariam arripui. Causa mutatae senten-
tia, si quaeris, aestus fuit insolens, qui me plus nimio tor-
ruerat. Cum enim diu his in locis, quibus nihil alius, ni-
hil pruinofius, commoratus essem, frigoriq; perferendo,
quod huius nostrae regionis quasi proprium peculium est,
assueuisssem, putabam aduersus caloris iura decennij prae-
scriptione me praemuniuisse. Nihil mihi negotij cum eo
per id tempus fuerat; vix eius longo post tempore visi me-
moriam haerebat animo, iam tunc non nisi rigentem Boream;
hybernasq; niues meditantem. Descendi itaq; securus ani-
mi ad vestra ista aestuaria, ne nominis quidem omine de-
territus, aestuante Sole, Sirio arua exurente; nec me, qui
tam diu fueram in ludo, turdi ipsi admonere erroris po-
tuere, quos agminatim conuolare paulo ante discessum vi-
deram ad montes. Alpium istarum alumnum agnouisses,
ita ocreis pedes, penula humeros munieram; nihil metuens
minus, quam discrimen illud, in quod volens ipse, videntq;
incidi. Nam vt Venetam illam Neptuniam planitiem
appulimus, & multo culice perstreptentes lacus, non
aliter exarsi, mi Iacobe, quam si de Ryphaeis montibus in
extrema Lybia delatus essem; vbi absq; igne culinario, &
lignis pulmenta solo Solis vapore excoquunt atricolores
illi Eremitae. Videbuntur haec mira, nec factura fidem

E 2 his,

his, qui amore Urbis illius inclytæ tenentur, quos inter me quoq; numeres licebit, modò absentem esse sinas, donec deferuet æstas: non enim vibis vitium est, quod nunc damnamus, sed nostrum potius, qui vel modici caloris iniuriam pati dedidicimus. Scilicet non nihil est in alpinis in locis immorari, ubi

Quicquid flat Boreas, quicquid cadit ethere, nix est;

Vbi omnis ignotus calor, præterquàm Vulcanius; vbi municipes ne dum culex vexat, sed ne musca quidem, quamvis à Domitiani stylo nihil sibi timens. Quem n apud nos huiusmodi aucupium oblectet? Nam illud quale est? quod sudor neminem hîc occupat nisi morientem, & is quidem frigidus, ne quid eicū isto vestro, si nomen exceperis, conuenire putes. Patere igitur, mi Iacobe, vt, vbi tot annis hyemis pertulimus incommoda, ibidem nos tueamur ab iniuriâ ætatis. Neq; enim nobis cum Ascrâ, Hesiodi patriâ res est, quæ æstate candet, friget hyeme, sed cum ea regione, quæ Tiburtinæ (ignoscant mihi Horatiani manes) vix concedat. Non hic aqua aliunde vecta venalitia, &, vt Plautus ait, lutum cæno mixtum, sed cuius rigorem vos Neronianæ coctæ assueti minimè ferretis. Nives nobis non cryptę penè rancidas, ac veterascentes alienis mensibus asseruant, sed montes ipsi non longè positi intactas, & in quibus præcipua est gratia, quòd minimè hæsternum obolent. Nam, si nescis, ne canicularibus quidem niuib; caremus, ita nuncupatis, quod montes istos illinant sub cane. Nam cuius vos exorientis rabiem tantum exhorretis, nos ne moriunculas quidem molles experimur. Omitto dicere de fomno, qui istic, vt Pontius olim Scipioni de accipensere dixisse fertur, paucorum hominum est, illorum nempe, qui aut mandragoram ebiberint, aut ita laxè habitant domi, vt cubile aliquod habeant interius. Nam quorum ædes celebriores insularum margines prætexunt, his quidem oculis dare licet epulas interdium dormire

mire non itidem licet, ni somnicommeatu se onerauerint
dapsiliter. Apud nos contrâ est: somnus, & is quidem
non spatijs interfectus, sed perpetuus perinde inuisit ta-
bernas pauperum, ac diuitum domos, lethum consanguini-
um suum imitatus. Non est, cur eum blandimentis
capes, vltro aduenit, Homerici Menelai more, cœnatisq;
iuxta, atq; in cœnatis præsto est. Accedit, vt mirere ma-
gis, quod culcitra, & cubicularis reliqua supellex, quæ
vobis per hos menses non minùs solet esse oneri, quàm
ignauo militi lorica, hîc soporem etiam conciliat magis.
Habes excusationem, cur (quod plerunq; debitores solent,
postquam decoxere) ego, ne caloribus planè decoquerer,
solum ex improviso verterim, hanc te non illibenti animo
admissurum puto, si me ex habitu noui ingenij, quod indui,
postquam hic procudere ætatem cœpi, non ex more veteri
spectabis. Erit certè humanitatis tuæ veniam, quam ægro
vltro concessisses, egrotare timenti impertite. Vale.

E I D E M.

COEnis tuis, mi Iacobe, omni genere lautitiarum dif-
fertissimis, Perdicam Macedonis Alexandri comi-
tem, Turditanæ legatos, & ipsos matris Deum Sacerdo-
tes vna cum Medæ ciuibus interesse, satis quidem scio:
neq; ideo continere me possum, quò minùs, dum Noricas
has niues incolò, hoc præsertim tempore, in alpinarum ne-
scioquid auicularum ad te mittam: vt initium Brumæ ad-
uentantis, quam tibi faustam, lætamq; auguror, non cla-
uo, cuius pangendi causâ Dictatorem olim creari solitum
accepimus, sed amici munusculo anniuersario designes.
meiq; renoues memoriam doctissimis diipnosophistis, con-
uiujs tuis. Quorum ego linguis vel inter sacra mensæ no-
mine cieri, genus quoddam eius immortalitatis censeo,
quam Musæ suis cultoribus rependunt. Vale Venetorum
difer-

disertissime; & nos, quos tui memores merendo facis, amore mutuo prosequere.

HIERONYMO EMO *Viro Perillustri.*

R Eddita mihi fuerunt litterae tuæ, breues illæ quidem, si diuturnam earum respicias intermissionem, eleganter tamen scriptæ, atq; peramanter. In ijs longo ex interuallo tuum effusum in me studium agnoui, cui sic gratâ animi recordatione, atq; obseruantia respondeo, vt nihil minus in mentem mihi veniat, quàm abs te vinci in amore, subuereri. Fortuna tantum, quod dolenter refero, consuetudinem iucundissimam futuram inuidet, & vt nunc seres habent, inuidebit, aded istic plena omnia bellici tumultus: hoste nobis contermino: vrbe nullis subsidijs munitâ, quibus vis arcetur; me verò ob ætatem, vitæq; institutum ita non aptissimo ad panicos hostes terrores perferendos, vt vbiuis potius, quàm hîcesse malim: iamq; quod me proripiam, recessum aliquem tutum circumspicio, vbi nec classici sonum, nec Martis fremitum audire queam. Verum hæc ne memoratu quidem sunt satis lepidâ. Amemus igitur nos inuicem, & prætorum memoriâ, quæ læta, ex animiq; sententiâ fluxerunt, tristitiam præsentium temporum solemur, Deum adprecantes, vt vel inter arma nos saltē non impacatos nobis ipsis reddat. Vale amicorum optime, & me, vt facis, ama. Belluni.

ATHANASIO THALAMINO *Bellunensi Monaco Cartusiano.*

P Resbyteri titulo auctum te gaudeo, vel ob id potissimum, quod Deo nunc propiore fruens eum nobis reddes precibus placabiliorem. Et si tibi in ipso etiam flore iuuenantis æui, quantum memoriâ repetimus, maturitas inerat senilis, subsecuti prænuncia profectus, qui nostra quoque vota anteuertit. frugi te sperabamus, ex-
perimur

perimur optimum, in dies acriorem fautorem apud communem Herum habituri, macte istâ nouâ accessione dignitatis. Sic homini in terris cœlestium vitam æmulari datur. Donatus tuus, imò noster vestigia tua ponè legens, vno te gradu minor, Diaconi munus exorditur non indiligenter, Sacerdos post sesquianni spatium futurus, si candidato Cæsaris superni, vita suppetat ad plura in eius castris stipendia merenda. Multum illum multis nominibus amamus: quorum illud non inter postrema, quòd nobis quotidie se magis, atq; magis probat tuâ disciplinâ, & cognitione minimè indignum. Ioannes ei succrescit frater à me non ita pridem in collegium clericorum coopratu indolis erectæ, & quæ sibi suo merito Præsulem conciliet. Multus de te sermo mihi nuper cum Vedanæ cœnobij præfecto tui studio, mei amantissimo, eodemq; Musarum alumno, Deo dicatarum, pudoricolarum, quarum cantibus argumentum Trias alma præbet, cæteraq; mysteria nostræ pietatis. Is mihi tui desiderium lenire solet colloquijs omnium horarum. quid quæris? bella modò abessent, tuq; adesses, cætera contenti essemus nostrâ sorte. Verùm neq; tu quidem mi Athanasi abes, si nos amas, absentesq; cogitatione animi prosequeris: nec vlla terrere eos bella possunt, qui pacem sibi à Sospitatore nostro imis in ceris legatam summâ ope colunt. Vale in Domino Iesu, & contubernales tuos silenti affatu saluta, quo vos inuicem alloqui soletis.

E I D E M.

IAmne rarò quidem abs te mihi litteræ redduntur, quibus tuâ longè hinc gentium absentiam solari possim, spemq; eam in posterum fouere, quam de te conceperam fore, vt oris silentium rependeres crebrâ litterarum missione, nisi fortè vobis digitalis ista quoq; locutio veratur, quâ vsum olim

olim in disputando Picum Mirandulae Dominum accepimus; estq; instituto vestro summè consentanea, quippe quæ compressis labris, valloq; immoto dentium peragitur. Verùm hæc per iocum, quo veluti sale familiaris epistola condiri solet vel ab austerioris ingenij scriptoribus. Illud serium, quamquam ad te perferatur seriùs, Donatum tuum sanctioribus sacris inauguratum Hypodiaconi nunc munere fungi: nam Subdiaconi nomen aures quæ ferant elegantioribus studijs excultæ? quod è dictione latinâ, atq; Atticâ confatur † hybridis in modum. Huic ego tui memoriâ admonitus, quem in sinu fero, ita faueo, vt omnem lapidem mouere non desistam, ne indoli suæ, nostræq; deoquat expectationi. A quo nos timore procul esse iubet, maioremq; promissis in diem fidem facit profectu non omnino pœnitendo. Nos hic frequenter inuisit præfectus Vedanæ Bellus, Musis, vt mihi videtur non ignotus; quarum ille fauore carmen, licet vulgari sermone, non vulgare tamen meditatur de Triade, reliquisq; mysterijs nostræ pietatis. Quid quæris? summopere me hominis & docti, & pij consuetudo iucundissima delectat, eoq; magis, quod de te loquitur, & sentit peramanter; quem ego & probari ab omnibus tui ordinis, & diligi ab eruditioribus; & strenuè in castris Domini rem gerere vehementer cupio. Vale, & me de meliore notâ communi Hero, sanctisq; cœlestis palatij aulicis commenda. Belluni. xj. Cal. Iunias.

† hybride
suas sem
ferre ex pla
cido, &
fero nate.

HENRICO DAVILÆ *Viro Perillustri. S.*

Contubernio vtetur nepos viri non indocti, & qui ei exemplo suo præluceat queat ad asperam illam viam ineundam, quam; quia tandem aliquando ad virtutem duceret, planæ, ac rotabili prætulit Hercules Proditius. Vnâ, ac eâdem operâ frugalitatem, ac literas ediscet: has ab ore præceptoris, illam ex diætâ, quam plusquam Spartanam

tanā esse aiunt, qui nouere. Iure non modo nigro, verū
etiam pane epulum instruitur, macello, forūe catatio
nihil debitum. & in quo rarō aliud opsonium apponi so-
let, præter Socraticum illud, quod non ære impenso, sed
inambulando comparatur; quo ille vehementer delectari
fertur, qui nec domi astureonem alat, & iter quotidie be-
nè longum terat ex suscepto rustici Curionis munere.
Citra tripatinum certè prandium consistet, nec patruo ti-
bi erit subuerendum, ne quid nepos fraudis in Oppias le-
ges sumptuarias committat, dum stipendia sub huius di-
sciplina auspicijs merebit, vel pendet potius; nusquam .n.
cariùs esurire emitur. Veniat igitur alacris, labore duce,
comite industriā, & tantisper dum philologia tyrocinio
imbuitur, vetustæ delicias patriæ, atq; familiæ dediscat.
Castra ex hac duriori bonæ mentis palæstrâ sequi si volue-
rit, delicatiora ei multò videbuntur, quàm olim Phæacum
conuiuia Ulyssi. Ego pensum ab eo interdum exigam, vt
tibi, & Reipublicæ ipsi gratum faciam; cuius equidem in-
teresse censeo Dauidas non vnum tantum in æuum propa-
gari. Vale Vir fortissime, & nos tui cupidos, vti facis, ama.
Belluni. Pridie Cal. Februar. MDCXVII.

E I D E M.

E T si cum eo interpretibus litteris sermonem ferere,
quem coram loqui tibi liceat, si velis, nondum vsu
passim est receptum, tua tamen vestigia legenti, nec au-
toritas deerit, nec ratio. Octavianus certè Augustus cum
Liuia suā per codicillos sapiùs agebat, quamuis earundem
gynecœum ædium, quas ille inhabitabat, hæc incoletet.
Nec vlla lex, quod sciam, iubet, vt epistola amicos lon-
gè distitos respiciat tantummodo, propinquos, & penè in
conspectu positos affatu dedignetur suo. Meninum aman-
ter tu quidem, neq; ideo minùs verè laudas, dignus ob

F

istam

istam tuam pietatem, qui & ab optimo quoque adameris. & a laudatis viris lauderis ob virtutem, cuius munere belli, pacisque artibus excellis. Mihi impar plane nunc animo facultas est. Nam si qua ante in me fuit, ita deffendis amicorum casibus plane exaruit, ut dolere potius, quam aliquid tale meditari vacet, quod eorum nomini, famaeque consulat. Vobis igitur lampada libens volens trado, qui me aetate subsequimini, eruditione longe anteitis. Ingenij ego vestri posthac admirator fuero, non aemulus. Quod ad Maurocenum nostrum attinet, ita tu ipsius facundiam commendas, ut expromas tuam. Nec sane demiror, sic enim naturam comparatum est, ut non nisi disertum vir florentis eloquentiae pro dignitate laudari queat. Unus ille, facessat invidia, Venetam maiestatem sustinet consilio, probitate, literis, eisdemque reconditis, varijs, politioribus: quarum perquam raros salutatores vel est limine hodie inuenias. Epistolam iam pridem ad te conscriptam, nec transmissam his adiungi volui, ne aut lucubratiuncula periret nostra, aut parum a me tuum accuratum negotium arbitrareris. hanc, si vacat, leges, valebisque ut Martis alumnus in procinctu decet, validissime.

Belluni. Idibus Aprilis. MDCXVII.

E I D E M.

REmunerarer lubes te Vir fortissime mutuam gratie de pensione, si vel ingenium copiam, vel hilarius argumentum tempora suggererent; quae tamen non ita animum auocant ab amoenitatibus Musarum, ut non vacet admirari scriptorum tuorum elegantiam. quare? Epistola teres, ac festiua est, Venerisque illius transmarinae plena, tuae patriae indigenae. Elogium luculentum sane, nec vllius praconio, vel censura egens. Maeste istam tuam virtute, quae tibi cum admodum paucis eorum communis est, qui castra hodie

die sequuntur, suntq; ex periurio, aleâ, atq; vtinam non
 ignauâ ferociâ cōfici. Nos hîc belli Panicis terremur, tot
 nimbi circumdiqu; æthera cînxere, noctem, hiememq;
 Italię ferentes, nisi quis ex machinâ Deus malaciem redu-
 cat, tempestatemq; serenet iamiam ingruentem. Quod
 quo minûs speramus (& verò ne meremur quidem) eo exo-
 ptamus vehementiûs; nec clam vobis bellatoribus vota
 hæc concipimus. Audiat vel ipse Gradius pater, nihil
 auidiûs auemus, quàm vt in vomeres omnium vestrûm
 gladij consulentur. Et si ne in pãte quidem, quæ tua do-
 ctрина est, vitęq; studium mansuetioris, tibi defuturum est,
 quod agas; modò Niliaca papyrus, arundoq; non illa le-
 thalis, sed scriptoria ne desit, quam etiam inter arma, lituĩq;
 strepitum strenuè exerces. Vale amicorum optime; & vin-
 ce; † Τοῦτο γὰρ τοῦ πολέμου ἀβλῶν. Epigrammata hæc leges, quæ
 nihil aliud agenti nuper exciderunt suntq; tempori non
 † ἀπρὸς διοῦσα.

† Vanis
 terroribus
 à Panic
 Deo, qui
 eos immi-
 nere ani-
 mis subi-
 to crede-
 batur.

† Hac. n.
 be'li pre-
 mium
 † Absur-
 da

DE BELLO LIBURNICO.

Belli pauore congelata concidit

Vis mentis. imis alget in præcordijs

Sanguis. senecta quem prius rigens mihi

Afflawit; inde militaris diritas

Trucis Liburni; qui parum putans Scythas

Aequare seuis ausibus; vincit feras

Immanitate: sanguinem humanum hauriens;

Adhuc tremiscens, uiuidum cor deuorans;

Hircana qualis Tygris, aut lupo ferox,

Quem silua Daunia educat, stimulat fames

Diuturna. ne mihi accadat ludibrium

Fieri cohortis barbaræ. uolens minùs

Cyclopis antrum adibo: Scyllam, & naufragus

Adnauerim, atrox nauitis monstrum. procul

E 2 Auertere

Auert e caeliturò Pater pestem hanc sacris

Precor piorum moenibus . piacula

Ni sat parentum luimus . ietna fulminis

cito trifulci promerentes , si placet ,

Nos tange . tela haud sic pauescimus tua ;

Uti ferocia arma gentis horrida .

CONSILIVM DE LIBVRNICO

Tumultu .

Apta rogas quæ , Valla , putem me dicere paucis

Illyricas contra tela securiculas ?

Quod petis , expediam . Primum est proculesse . secundum

Præcipitem subito corripuisse fugam .

De eodem Anigma .

Contra Liburnas quod secures autumem

Telum potentius rogas ?

Paucis docebo . quod caput fuit breue ,

caudamq; bulga præferat .

caluere , Bruma dum rigebat , maxime

Res in Liburnis . nunc tepet

Dum uer , putaram quod minus , frigent uice

Grata : paucis , paucis

Sani tumultus iam quatit præcordia .

Sic lympba , quæ per horridam

Hyemem calefcit in profunda origine

Fontis perennis ; frigida

Est ualde , latrans celo ab alto . dum canis

Diffundit astus feruidos .

HEN-

HENRICVS CATARINVS *Davila.*

ALOYSIO LOLLINO.

Remuneraſti me quidem, Illuſtriſs. Præſul, è Muſarum theſauris quàm ampliſſime, qui pro rudi vno, impolitoq; ſcripto, duo illa ad me miſeris Epigrammata, quibus nil grauius, nil acutius, nil exornatiuſ totum pangere poteſt Helicon. Vtèrer ſæpius hac arte: & vili impenſo ære è tuiſ ſcrinijs clariffimas gemmas commercarer, niſi queſtûs nimium audius videri dubitarem, & iniquo fœnore uſuræ crimen ſubire. Et ſitu quidè, & ad ſcribèdû, & ad mittèda, quæ ſcripſerim cohortaris, qui res noſtras eximijs ornas laudibus, & ijs te valde delectari iterum iam affirmas. Quamuis enim Platonis ſententia ſit, [†] *τι φλεῖται τὸ φιλεῖν περὶ τὸ φιλεῖν* [†] *Ex acta int. amicis circa rem amaram.* tuam nihilominus ſapientiam, à vulgari hac conſuetudine longiùs ſegregatam, nullis affectibus obſcècari, vel impediri puto. Scribam igitur, ſed diſſimulanter, vt ſupercilium effugiam cenſuræ militaris. multi enim, qui craſſa ignorantie caligine perſuſi, ſplendorem, & ſuauitatem hominis aſpernantur, nos caſtrenſes philoſogos, veluti nugis deditos aſperius reprehendunt, & tamquam lyram in ſeuerum conuiuium inducamus, Spartiatè illius verba identidè inflatis buccis uſurpant, [†] *καὶ οὐ λακωνι-* [†] *Et non* *Laconicè* *eſſe ping.* *κὼν εἶναι τὸ φλυαρεῖν* [†] *opponere non deſiſtunt.* ſed garriant illi: nos certe à Muſarum conſuetudine non ſegregabunt. Vota veſtra, quibus Iani templum, patentibus valuis, aditis, vt quàm celerimè pacis ſerenitatem reducat, lubens ego quidem audio, quin & vnà meas ipſius precationes adiungo. Aueant illi bellorum colluiones, qui tyranorum, arma ſequuntur, quibus idem finis eſt & ſtipendiorum, & belli. Nos ſapientiſſime, atq; gratiſſimæ inſeruimus Rei publicæ: quæ nouit etiam in pace poſt pericula periculorum reminiſci, & iuſta beneficiâ præteritos ſuorum labores

com.

compensare. Vivant tantummodo Mauroceni nostri ; & ,
ut faciunt , Reipublicę gubernacula moderari pergant , no-
bis certę his authoribus te intercessore nihil est defuturum.
Vale Vir sapientissime , & tua constantia belli terrores à te
longius remoue . Cadubrij Idibus Maij. MDCXVII.

HIERONYMO ALEANDRO *Viro doctissimo S. P. D.*

Ingenij acumen tibi, beataq; omnigenæ eruditionis, dicendiq; copia abste nuper Hieronymæ Aleander in Heliacâ tabulâ, & quidem Apelleis lineis expressa, meum legentis animum non tam mirificâ affectit voluptate, quàm admiratione defixum tenuit, dum mecum ipse cogitarem. vnde tibi aulæ alumno, in ciuilibusq; negotijs occupatissimo tanta noticia vix nomine notorum autorum Græcorum omnis æui, atq; Romanorum, qui de arcanis sapientiæ, de Philologiâ, alijsq; præclaris artibus scripsere, quarum per. quàm raros amatores hodie videmus: vnde tantum otij, vt de suscepto munere pulchri quidem illo, sed assidui laboris pleno ita in hæc diuerticula deflectas politiorum literarum vt τῶν παρέρων pariter hæc τὰς ἀπὸ τῶν παρέρων studium sufficiat, cursus vero animi etiam supersit ad quicquid naturâ nesciri non recusat, mente consecrandum. Eximia sanè verò laus. tibi q; cū admodū paucis (& si vereor, ne absq; fascini periculo) communis. Quotus n. quisq; amœniora ista, saltem quia rariùs oculis obseruantur, suspicit? nisi fortè isti apud vos doctrinarum est vberior annona, quàm in reliquâ Italiâ, vbilibet id genus, & difficilius reperiuntur, quàm lac gallinaceum; & nimio plus squallent, quàm in Aristophanis fabulâ Patrocles. Bella causerer, quibus Musas pro scribere semper moris fuit, nisi vsu edoctus essem diuturno, festæ pacis bona ad segne orium, ac penè τὴν ἀγρὰν μάταιον nos redigere quò magis equidem tuæ isti crescenti laudi. Virtutiq; faueo, teq; qui mihi auunculi tui amplissimi Viri Archie.

Archiepiscopi Amalthei, quem vnice obseruo, causâ eras omnino diligendus, nunc meritò quidem tuo etiam amplector, adamoq; plurimum, fore animo præsagens, vt magno mihi sit decori, ac iucunditati amicitiae fœdus inter nos nuper institutæ. quam ego sic omni operâ, studioq; pro virili excolam, vt timor non sit, ne te pœniteat priorem mecum officio certasse. Vale vir doctissime, & negotium posteritatis procurare, vti facis, perge. Commodum epistolam dictaram, cùm in manus mihi Carmen tuum incidit, quo Georgij Contareni obitum repentinum defles. 'O fletum luscinię questibus suauiores. Bequinam tandem cantus erunt tui, si lamenta tam dulciter aures permulcent? Simonidi, nisi fallor, vni tribuit vetustas, vt cœteris difertiùs lacrimaretur. Nos tibi praconium hoc deberi quamuis fateamur, latiora tamen argumenta exoptamus, vt exultans non minùs, quàm exundans fluat Musa tuæ vena, & amni purissimo simillima; cui hoc quoq; acceptum ferimus imprimis, quod parciùs posthac inimitabili versuum tuorum cothurno, atq; elegantia deterriti inter vos olores obstrepemus. Etiam, atq; etiam vale. Belluni in statuis v. Cal. Maias. MDCXVII.

HIERONYMVS ALEXANDER

ALOYSIO LOLLINO.

HOC habet Aula, quod Africa, vt facillè noui aliquid ferat. Mirari tu quidem videris Antistes optime, & doctissime, quò pacto aulicus homo ad politiores literas diuertere, Musarumq; hortamenta surdescentibus Aulæ strepitu auribus possit percipere. at pro monstro mihi est, Vaticanum vinum (hoc nomine libellum meum appello) delicatissimo tuo palatui sapere adeò potuisse, vt laudes à te Viro laudatissimo elicuerit. Non illum ego in tantam spem genueram. etenim studia hæc amplector, si quando
fas est

velim cogites Præful amplissime, me quæ in tuam clientelam
susceptum amare pergas, & tuæri. Vale Romæ.

ANTONIO QUÆRENGO *Referendario Apostolico Viro Clarissimo*

Non vna iam, alteraue trieteris, aut lustrum abiit,
sed quantum Metonis annus in se iterum reuoluitur
aut continebat, cum ego tibi & Sapientia, & Musarum
munere percelebris, eisdem tum primùm ipse ad motus sa-
cris studiorum, quibus tunc minebas plurimum, in Patavi-
no Gymnasio innotui, sonam tu mihi multo ante dictus,
cognitusq; fueras, famâ ad Cretas vsq; vbi tunc degebam,
& regna Iouis incunabulis inclita nomen perferentes iam
tum literarum monumentis editis præclarum. Ex te te
nunquam tempore non modo admirari desisti, crescentiq;
tuæ in dies laudi fauere, verùm etiam pristinae necessitudi-
nis consuetudinem cupidè appetere, non illam quidem
dissensione animorum, quos nexus Gordiano arctior inui-
cem constringit, sed interuallis potius locorum, diuersisq;
vitæ vtriusq; nostrum rationibus diu interiunctam. Tibi
enim vibem colere placuerat, & in istâ luce hominum ver-
sari, vbi virtutes tuæ magis refulgerent; me studium quie-
tis, secretiq; amor ab ineunte vsq; ætate cæperat, ingenij
viribus diffusum, munus verò pascendi gregis licentiam de-
inceps etiam compescuit liberioris comæatus, quod sanè
munus quàm sit statarium, nec te puto fugit, & ego, diu
est, cum experior, quæ trientem fermè ætatis hîc contriue-
rim procul ab omni commercio literaria vibanitatis, &
Musarum: nisi quantum amicorum litteræ secum ad me
deferunt hinc inde, librariorum operâ exscriptum. Cuius-
modi Carmen tum fuit de sacra Cobellutij Viri magni
purpurâ, quo sanè ego carmine ita sum affectus (erat enim
& argumenti sublimis granditate, & beatâ quadam venæ
vbertate profluens) ut subito tui alloquendi desiderio exar-

G

ferim,

ferim, tibiq; nominis istam claritatem gratulandi, donec
 literis honor erit permansurum. Quod facere hac episto-
 lā quasi parū foret, Carmen, post tuum perlectum (vide
 frontem) addidi, quod tibi sat scio prætui pulchritudine,
 atq; venustate Spinturnicium Plautinum visum iri Vide-
 tur sanè, modo significationem aliquam amoris in te mei,
 atq; obseruantie præferat, quam neq; longinquitas vl-
 la, nec diuturnum silentium abolere queat. Nunc ego te
 vehementer rogo Vir doctissime, non vt paria in amore fa-
 cias; vnde n. nobis tanta morum suauitas, tam omnium di-
 gna studio elegantia, atq; eruditio, quæ amoris illicia cen-
 sentur, at saltē nostri memoriā aliquando recolas,
 nosq; quod potes immortalitati vel breui trium verborum
 amebat schedulā commendes. Auide id nimium auemus,
 sicuti cetera omnia, quæ magna apud plerosq; æquo etiam
 remissiū. Vale sæculi tui Phœnix, & posteritatis nego-
 tium, vti facis, sedulo accura.

ANTONIUS QUÆRENGVS Patavinus.

ALOYSI I TOLLINI.

Spectarant Lolline meum, nisi dona fatēti
 Ingratum diuinapūder, felicitibus ortum
 Sidera luminibus; nomenq; insigne, decusq;
 Aeternum; Aonias colerem, sedulus artes;
 Vos inter celebres animæ sperare iubebar.
 Atq; equidem, primū inciperem cum flore iuuent
 Spargere purpureas, flaua lanugine malas;
 Pressa terens veterū pedibus vestigia Vatum
 Institeram non segnis iter, quod trāmite celfo
 Castaliū nitidas fontis perducit ad ondas
 Sed tua præsertim viros adiecit eunti
 Laus animos, quartū vix dum quem lumina lustrat

Ingres-

Ingressum volueri aspiciens, procedere cursu
 Urgebam vigiles noctemq; diemq; labores
 Nobilis inuidia stimulus; iamq; ardua Cyrrha
 Per iuga, laurigeri nemoris viridante sub umbra
 Nunc dulcem numeris Musam meditatus Etruscis,
 Nunc Latij's malcens intentas auribus auras
 Insanos iuuenum questus solabar amantum
 At malus interea patrijs ab sedibus error
 Spes vulgi miserar, et inania vota sequuntur
 collibus impositam septem me abduxit ad urbem.
 Hic ubi perpetuis aulae iactatus ab vudis
 Saeui inter fera monstra maris, scopulosque latentes
 Pieridum sacras eieci pectore curas
 Quosq; plagis superum, cum vitæ incessit in auras
 Sidereos puri mens hauserat ætheris ignes
 Fallacis malefantis amor restinxit honoris
 Et vanis melior consumpta laboribus ætas.
 Quod si præterit & interdum felicia vitæ
 Otia nequicquam memorans antiqua relabor
 Ad studia, & doctos invito ad plectra Camænas,
 Fratæ incompas voces, incompas merenti
 Aversis dictant animis modulamina uati.
 Sint quæcunq; tamen, si tu, quo uindice nostris
 Prisca redit triplicis lingua facundia sacris
 Haud prorsus temnenda putas, ingentibus ausis
 Testentur summum, quo te ueneramur honorem
 Equæ tuo ducant æternam nomine laudem.

ANTONIO QUÆRENGO

ALOYSIVS LOLLINVS.

Dat tibi cicneam clarius Quærenge senectam,
 carminibus quæ læta pijs demulceat aures
 Romulidum procerum, rapidas Antenæ ad undas
 Dum recolis sacras studijs, tua Numina, Musas

-MA

G 2

Nobill-

Nobilibus, famamq; immensam extendis in ævum,
 Laudis honore nouo semper florentis. Ephæbos
 Nos idem qui iunxit amor, docta otia Athenis
 Dum simul Euganeis terimus; manet usq; nec annis
 Carpitur, inuictum quibus est nil: nec quia nobis
 castra habitanda nimis meretur diffusa fortis
 Amborum, uitæq; autor. tibi Roma theatrum
 contigit emeritum ingenio condigna ferente
 Plausibus Ausonij inuenta, & Principis aure
 curarum moles inter cui dulce camænas
 Hospitio acceptas blandè appellare recessu
 Me regio secreta tenet, quæ Noricus oras
 Italicas latè limes determinat, agnos
 Seruantem uigili Pastoris munere: fontes
 Ne rigui, neu prata ullo florentia desunt
 Tempore. dissimili in studio par fibula nebit
 Pectora, nec patitur Lethe obliuia sanctæ
 Fæderi amicitia officere. es tu semper in ore,
 Inque oculis. dirimant quæ uortia longa uolarum
 Telluris, pelagiq; animi modo cursibus ingens
 Præpetibus non obstat iter. dicto cecyus Urbem
 His repeto, & te inuiso non uisus amanti
 Prona uia est, quacumq; leues direxerit alas,
 Sine Quirinalis petat alta palatia clui,
 Seu Vaticanis importas milibus arcès
 Pontificum Sedem amplificam, quò quicquid in orbe est
 confluit eximij. Virtus, Doctrina beatæ
 Interiora domus asseruant lumina: nomen
 His uen ens dat quisq; suum, penetralibus ante
 Exceptus quam pulchri intret templa aurea honoris.
 Hæc te Principibus permixtum cernimus ore
 Doctiloquo Graiorum artes, Latæque Minerva
 Pandere opes, mirosq; animis ingentibus ignes
 Subdere ad egregie feliciæ premia laudis.

ANTONIVS QVARENGVS

A LOYSIO LOLLINO

Insignes candore niues, quibus improba longa
 Aetatis me aspersit hiems, fortasse merentur,
 Ut mihi cygneam tribuas Lolline senectam.
 Sed hitor excelsae purus mentis, & omni
 Labe carens probitas, hausta est fontibus unda.
 Permissa, & faciles in dulcia carmine Musae
 Ante alios, tanto dignum testantur honore.
 Me uero immeritis postulat ne laudibus ornes.
 Sat fuerit cyrba magnos nos inter olores
 Euganeae raucam filiae appellare cicadam.
 Nec tamen hinc decus exiguum mihi surgere credes,
 Si memor in mentem reuoces quae maxima quondam
 Audijt ingentem Platanus felix ad umbram
 Formae referata sibi mysteria Phaedrus.
 Scilicet ut mundi per secula lata recentis
 Eximia uirtute Viri de sanguine claro
 Tettig's Aonias sic dilexere sorores.
 Ut seu nox tenebris orbem uelaret opacis,
 Seu terras nitido radiaret lumine Titam.
 Perpetuis tenerent hilares in cantibus horas.
 Jamque cibi immemores prorsus, blandeque quietis
 Aegra dabant duro per silvas membra cubili,
 Pieridum cum grata cohors miserata iacentes
 Exiit antiqua forma, rurisque canoras
 Fecit aues, certaque sibi sub lege sacrauit.
 Omnis ut oblitae somni, victusque per agros
 Errantes de more agerent, noctemque diemque
 Mulcerent numeris indeficientibus auras,
 Deum facilis post sortem obitus sublimia Pindali

Ad

*Ad iuga felices animi, laticesque volarent
castalios, eoleretque pius quam quisque cantenans
In terris uates fido sermone referrent
Promeritos placido ut spectarent lumine diu* O I A

NICOLAO CONTARENO *Philosopho. S.*

Lenis me aura Fauonij admonet, Contarene Virorum
optime, ut memoria Patavinos hortos, tua regna re-
petam. Nam tui, qui mihi semper haeres in medullis, ut
recorder, perquam profecto absurdum fuerit, ac superua-
caneum. Florere illos videre videor, odorisq; sui suauita-
tem late adeo diffilare, ut mihi vel procul absenti olfactum
mirifice afficiant ad istas Florae delicias sagaciorem. Et ve-
ro qui alienis quoq; mensibus vernare soleant, quale nunc
eos spectaculum praebere animis, oculisq; parest, cum gra-
ta vice veris hyems acris soluitur, ager his etiam in regioni-
bus, atq; prata ridet, ubi coelum tristius hilaritatem soli ad
regionem contrahit? Nec tibi ab oculis tantum, naribusq;
foelici aures vacant perceptione mirae voluptatis, quam au-
cularum cantus a natura musicos modos edoctarum affert.
Vndiq; tu quidem delinificis sensuum gaudijs perfunderis,
sed non ita tamen, ut animi bonis suis perfruētis latitiae
quicquam anteponas. Ad eam philosophiam, cuius tu co-
gnomento, communi consensione ciuium vocaris, sane per-
tinet proprio quaeq; pretio metiri, sensilesq; istas non om-
nino insinceras voluptates pro com meatu habere ad Sa-
pientiae viam ineundam. Non adeo cornea fibra fuit vete-
ribus illis Sophiae cultoribus, ut non an. aena conquiescent
locorum, ubi coetus agerent procul a Curiae curis, a foris fre-
pitu. Academia, ne quem nomen fallat, haerediolum Pla-
tonis exitit platanis opacum, arbusculisq; id genus alijs,
quae umbræ causa feruntur. Hanc ad sua usq; tempora
durasse tradit non admodum antiquus autor Suidas, illius
sectae æmulis excultam, adauctamq;, ut villico ex fructi-
bus

bus perceptis ad millenos nummos aureos, & eo ampliùs
 redderet quotannis Platonico sodalizio alendo. Nec verò
 mihi sit credibile. Lycæi ambulacrâ, vbi sidus illud nostrum
 Aristoteles, vbi Theophrastus, diuinâ vir facundiâ, totq;
 hos subsequuti Sapientiæ procères spatiabantur, merâ ma-
 palia fuisse; sed (permitte quæso, vt in epistolati sympulo
 dithyrambicos fluctus parumper excitem) viteas præuri-
 danti lacunari porticus frondeis parietibus innixas, quæ ex
 artis topiariæ commensu vmbra cula aduersus æstiuos ra-
 dios prætexerent. Nam Epicuri secessus quidni horti su-
 burbani fuerint? qui, famæ crimen est, quòd malè nunc
 audiunt, non mehercule minus, quàm Siculæ mensæ, aut
 Apitianæ. Profectò, si verum amamus, haud merito, cum
 inde frugalitatis vel Stoici exempla; dominus verò ipse præ-
 ter olitorias dapes, nil nisi [†] *evhuian* peteret omni, quòd te
 non fugit, condimento, atq; embaminate mellitiorem.
 Hæc nos pluribus fortasse sumus profecuti, quòd quàm plu-
 rimos Acrisios, inueniri nouimus, & si patres Danæes non
 sint, qui philosophos omnes ex sui semisse feros quosdam
 homines, & agrestes putant; & quibus nauteam rosæ ipsæ
 oleant. contra est pulchritudinem in omni rerum gene-
 re, nullo infectam næuo affectantes illi vel id ægrè ferunt,
 quòd oblectamenti odoramentorum infamiæ nonnihil à
 nequitiâ afororum affricetur. [†] ex toto mortalium asse vix
 sextulam decuties doctorum hominum; qui bonâ fide di-
 gnationi nominis respondeant, quos ego tantum abest, vt
 non plurimi faciendos putem, vt Regibus ipsis, si fas est di-
 cere, ac regnis eorum omnibus anteferam, non equid em
 studio partium accensus (quippe mihi conscius plurimùm
 me ab isto genere laudis abesse) sed veritatis, cuius sunt ad
 persuadendum vires maximæ, admonitu. Addam dra-
 mati dignum episodium, me ab inuidentiæ vitio inta-
 ctum ad hanc vsq; diem, tibi vni, tuisq; istis fortunis inui-
 dere ob eam in primis causam, quòd fortunæ vicibus non
 sint

† Incūdi-
 tatō Cic.
 animi tā
 quam trā
 quillitatē.
 † Indiscre-
 tos semera-
 rios

† Luxu, et
 garca sūm
 dio perdis
 torum

singobnoxia. Equidem, qui nonnullos sic admiror, ut eo-
 rum industriam à me summopere probatam æmulari no-
 diam, etiam si queam, secundo favore aula velificari peri-
 culosa plenum aleæ existimo: tuum istud otium liberale,
 ac planè beatum circumspecto identidem, ad quod me quo-
 que cotidiano valetudinis conuicio equocari sentio; hoc
 præsertim tempore, quo & ego summis in grege pascendo
 laboribus perfunctus portum mihi maturè esse occupan-
 dum reor, ubi conquiescam; & tu amicâ ope sodalis indi-
 ges, cui iocâ, seriâ impertiare. Nam Donatus noster, de-
 litium illud Musarum, à Patavinæ stationis littore abreptus
 nescio quo fato longum iter Cretam, Iouis incunabulis cla-
 ram meditatatur, eius iter Carmine prosequimur; quod his
 adiungere volumus, ut videas eò nos mentè inflectere, quo
 amici vergunt. Octavianum, diuinum illum virum, bel-
 lorum æstus impulit ad Gallos Andabatarum more inter se
 pugnantes. Andreas, hi namq; amicorum familiam du-
 cebant, quo in fretu iactetur, mecum vides; & (quæ tua pie-
 tas est) eius vicem doles, corpusculi semper affecti vires
 penè obruentis tantâ mole rerum, ac curarum. Horum
 tu qui consuetudine careas exoptatissimâ, quidni tacitis
 votis confortem aliquem studiorum tibi dari cupias, ac
 tranquillitatis, quam mediâ in rerum hyeme plusquam
 Halcyoniam tu te tibi paras. Igitur me ipsum non desino
 acrius vrgerè, ut eò ambabus alis conuolem tandem ali-
 quando, ubi animus absentis iam diu est, eum hæret clauo
 cupidinis affixus. Interea tu Vir doctissime tuis phonis
 frui absq; villo fascini periculo, cuius timor qui nunc es-
 se potest ab alia omnia agentibus, & ad pulcherrimam vir-
 tutis formam planè cœcis. Vale.

AD

AD DONATVM MAVROCENVM

In Cretensem Coloniam cum Imperio proficiscentem.

Entibi Creta parens redeunt Minola regna,

Et Rhadamanti gloria iudicij.

Nec sola, innumera verum comitante caterua

Vndiq; virtutum, Pieridum, charitum:

Precipuus quas Urbis honos, colum eaque Senatus

Maurocenus agit littore ab Adriaco.

O mihi preteritam reuocent si fata iuventam,

Quam cupide hanc vellem subsequi & ipse viam:

Longa nimis, variisque maris subiecta periculis

Sit licet, & nostris diffusa littoribus:

Vt tecum decora alta Viri mirarer, & ipsis

Aspicerem praesens gaudia tanta oculis.

Sed quia posse negant vires, mens quod cupit vsq;

Feruida: deponi nec facile est senium:

Aeolides quamvis florentes Aesonus annos

colchidis aeueta sumpserit arte nurus.

Ifelix mea cura; animae pars maxima nostrae,

Et famam aeterni nominis inde refer.

Tempus erit cum te factis ingentibus auctum,

Excipiet Venetum Curia summa Patrum;

Ornabitque caput meritis venerabile sertis,

Ut niteat, rutilus dum rotat astra polus.

SCIPIONI COBELLVTIO Pontifici Maximo à Secretis.

MIrari te scribis Vir Doctissime, quæ tanta me Ro-
mæ ceperit obliuio, vt omnem ex animo cogita-
tionem eius reuifendæ penitus abiecerim. Dicam equi-
dem verè, & quod † Orobiū decet hominem, simplici-
ter.

† Montica
lam.

H

ter.

ter. Nemo me Urbis rerum, quas Sol intuetur, pulcherrimè cupidior; nemo amplitudinis eius viuere studiosior. Sed euenit nouo quodam modo, vt quæ res me extimulare ad reditum vel maximè debuerant, eæ præcipue in causâ forent, ne redirem. Nam ex quo primùm huius exigui Gregis cura mihi credita est, existimaui munus id statarium esse, quod suscipere; imò (si per dicendi magistros licet) sedentarium. Itaq; postquam hîc confedi, omnes euagandi causas circuncidere aggressus; nulla passa est se vinci ægrius, quàm quæ desiderium illius Urbis, atq; urbanitatis prætexebat. neq; id immeritò. Hærebat infixa pectore Maiestas, Sanctitasq; loci; vbi quacumq; ingredimur, in aliquam historiam Martyrum, Pietatis nostræ vestigium ponimus: præterea Pontificis humano generi Præfecti, Superis penè æqualis Auctoritas: propensa in me voluntas tot orbis Procerum: delitiæ meæ, omni antiquorum codicum genere refertissimè Bibliothecæ: suauissima colloquia, atq; ambulationes cum amicis; quorum teagmen ducere si dixerò, non id auribus tuis, sed eruditioni, sed morum suauitati datum, velim, putes. Verùm ad extremum omnia peruenit pertinacis animi decretum: ita tamen vicit, vt Urbis amor non extinctus prorsus, sed quasi inducto cinere sopitus manserit, eò flagrantius ad ipsius conspectum exarsurus, quo & nunc illic omnia multis partibus pulchriora sunt sub tanto Principe; & tu Romanæ Curiae Sydus, desiderij potior pars mei, postquam copia tibi data est ingenij tui lumen latius spargendi, clarior refulges. Subuerebar itaq; ne (quod Lotophagorum hospitibus aiunt euenire) si iterum lucem istam diuitis spei plenam haussem, extremum vale dicendum mihi esset Ithacæ huic meæ montibus suffixæ: nec carebat ratione timor. In ipso limine senectutis constiti iam pridem: longâ experiētiâ ipse mihi notus sū intus, & in cutem quā sim mollissimi affectus vel hinc perdidici: quod in reuiscidis amicis voluptate

rate perfundor summâ, quam mox discessus cogitatio infu-
scat; abeundi verò tempus vsq; adeò in angorem vertit, vt
multo satius fuerit non reuissse, quàm ab eorum comple-
xibus diuelli tam molestè ferre, & breuis allocutionis fru-
ctum diuturnâ luere desiderij acerbitate. Quid facias?
Æquiore mihi animo toleranda est ista naturæ meæ imbe-
cillitas; quòd & moris non improbi sit index, & occasio-
nem optatissimam præbuerit (vt est solers in communi-
scendis artibus egestas) rationis ineundæ, quâ vel longè
diffitorum amicorum possim perfrui consuetudine. Hanc,
cuiusmodi sit, explicare paucis quid vetat? per epistolam
præsertim; cui ruborem parœmia adimit. Præcipuum ca-
put est (quando & hæc ars scitis suis constat) amicos per-
ceram, & linum, litterasq; interpretes, quantum possumus,
crebrò salutare; eiusmodiq; vti ad miniculo aduersus silen-
tium, quo nihil est amicitijs hostilius, nil perniciosius, ni-
hil Ioui Philio inuisum magis, quem non aliam ob causam
potissimum humano generi dedisse litteras crediderim,
quàm vt earum beneficio absentes longè gentium sodales
præsentibus nobis redderentur. Huic est remedio finitimum,
charorum dicta, facta, colloctiones tradere memoriæ,
quæ illa ob signata ita in thesauris adseruet suis, vt ad re-
petentis nutum in numerato reddat bonâ fide. Tempus
autem erit reposcendi, cum otium ab interuentoribus li-
berum contingit: ipsiq; nobis relictis perlepidò aliquo spe-
taculo oblectare animum auemus; tunc enim licebit Me-
moriâ, ac Phantasiâ, veluti Ædili gemino rem suppedi-
tante, prosopopeias mirificas effingere, factisq; experiri,
quàm sit pernix, omniq; quadrigâ citior humanæ mentis
cogitatio; quæ ad punctum temporis modò nos Venetijs,
modò Romæ sistit. Mihi certè sæpè vsu uenit, vt non Aba-
ris sagittâ, non Gygis annulo, sed sola huius artis ope ad
vos transtulem; tecum de communibus studijs sermonem;
seram; Tibi non tam de Dignitatis incremento gratuler,

H 2 quàm

quàm de istâ tuâ singulari fide, probitate, in excolendis
amicitijs constantiâ: Burgium verò nostrum, quòd ad ami-
corum litteras obstinatè sileat, obiurgem etiam familiaris:
&, quod magis mirere, hæc sic perago, vt. quod difficilli-
mum istic habetur, amicos magnos adeam, interpellem
pro arbitrio non intempestius: rubore saluo, incolumiq;
verecundiâ nemini aliud agenti obstrepam, nullius otium
quasi Dauus alter inturbem. Non is ego sum, cui cra-
brones irritasse placeat, neq; idè nubecula supercilij Stoi-
ci me terret, quod sublaturum esse etatis nostræ Cleanthé,
aut Epictetum aliquem fat scio, si hæc rescuerit, quæ il-
lorum dogmata conuellunt. Ain' tandem, inquit, adi-
re Summates Viros tot negotijs districtos, quod nos præ-
cipuum fauentis Fortunæ donum, alienum certè benefi-
cium vocamus. tu inter ea recensere audacter audes, quæ
sunt in nostrâ potestate? & euersorem porticûs taciti fere-
mus? Adijciant his vel atrociora: gentis irasci facilis sto-
machum non curo; modò mihi maneat honos artis tam ad-
mirabilis inuentæ, quàm eos me docturum etiam polliceor,
quos malè habet à Potentiorum liminibus, quæ plerunq;
importuni obsident, arceri; tantùm præceptoris minam sol-
uere meminerint. Verùm admonet me charta, ne sim lon-
gior. Vellem non tam serò monuisset tui causâ: quid enim
refert, dices, coram me an per epistolam obtundas. Vale.

Belluni. Calendis Aprilis. MDCXI.

SCIPIO COBELVTIVS

ALOYSIO LOLLINO.

O Longam nimium mearû intermissionem litterarum.
eâ sanè factum metuo, ne tu non memineris am-
plius nominis nostri, ne dum erga te amoris & obseruan-
tiæ. Itaq; carminibus agendum putavi, quorum vires cum
incre-

incredibiles narrentur; non est, cur desperem, ne me in tuam veterem gratiam restituant, si qua fortè iactura facta est. Ego ut negligentie culpa non caream, amorem profectò & obseruantiam, quam semel suscepi, præstiti tibi semper, præstaboq; dum viuam, quamquam nosti aule morem: & quàm nostra natio nihil agendo distineri perpetuò soleat. Cæterum in Riuerij carmina, quæ mitto, inquire te magnopere velim, ac simul, quid sentias, liberè dicere mihi crede, & mihi, & illi gratissimum feceris. Burgium Episcopum hîc habemus. venisse se sacralimina visere proficitur. Tu verò addò ne ab Vrbe, & Urbanis omnibus alienus es. ut tam longo interuallo non reui-
fas? Nisi me mea prognostica fallunt, propediem te Romę videbimus. nescioquid boni auguror tum mihi, tum ceteris tui obseruantissimis à Veronensis Cardinalis reditu. utinam verè. Vale.

ALOYSIVS LOLLINVS.

SCIPIONI COBELLVIO.

NOmen tuum Cobelluti apud nos Lege Regiâ Tribunatum gerit, nec à diuturna litterarum intercapidine, quæ arctos necessitudinum nexus, & amicitiarum coniunctiones soluere consuevit, ne dum ab alio quopiam violari potest. tu modò Lollini tui meminisse memineris, septimam iam hyemem Noricam hanc niuem incolentis. tantus gregis amor, tanta cæterarum rerum omnium satisfactio animo incessit. accedit morosa comes mala valetudo, quæ aurem subinde vellens, desiderio Urbis, ac vrbinitatis, quod sepe tu, Burgiusq; noster memoriâ vestri ex-candefacitis, frigidam suffundit. Panegyrica legimus non semel. quæris? non æui nostri visa sunt. plurimum te hoc quoq; nomine amamus, quod otiū nostrū tā lepidā Musarum fecturā oblectaueris. Vale, Burgiumq; singularis doctrinæ, & innocentie Virum saluta meis verbis.

SCI-

ALOYSII LOLLINI
SCIPIO COBELLIVS
ALOYSIO LOLLINO.

Quam diu ab vrbe abpuerim volēs nolēs, Burgij Epi-
scopi litteris certiorē te factū esse existimo: quā
verō mihi omnem vrbānitatem, nedicam humanitatem,
hæc absentia ademerit, ex diuturno silentio nostrarum
litterarum tu te, scio, plus satis perspexisti: tamen caue, pu-
res quicquam mihi antiquius fuisse, cū primā Romam
reuēndi potestas facta est, & domi conquieuius, quā
vt nostrę in te obseruantię, & amoris aliquando tandem
signa impertirer. Etenim vt prætermissi officij culpam lit-
terarum intermissione non effugerim, illud certē non com-
misi, vt quem semel incredibilem suscepi amorem, & ob-
seruantiam, integram tibi non præstiterim. cuius rei & mi-
hi ipse conscius sum, & tibi suasisse me faciliē fateberis, ni
tu animi tui plurima, & egregia ornamenta penitus dissi-
mulaueris. Quid enim? ego quid in vita sit amandum: quid
excolendum prorsus non ignorem plane improbē, si te Lol-
line Vir Clarissimē vnice non diligam, & colam? præfer-
tim quem tuę particula beneuolentię dignatus aliquando
fueris. Id quod tum facio, vt debeo, plurimi: tum etiam,
dum gratulor assiduō fortunę meę, placeo ipse mihi magis:
ita vt non possim non abhorrere ab ea cogitatione, vt ve-
lim à nobis aliquid contrahi, quam obrem de tua in me vo-
luntate quicquam iure detrahatur: quam augeri in dies sin-
gulos ardeo mirum in modum. Sed vereor, ne, dum me
tibi ambitiosius purgo, iniuriam faciam moderationi,
& benignitati tuę, ac videar subuereri, vt tu Vir nobilis,
& virtute ac literis excultus imprimis obseruantiam no-
stram, tibi iam diu cognitissimam, æqui boni non facias,
licet interdum argumentis litterarum, leuib; illis quidem,
& fallacibus non rarò destitutam, quod tamen vt præstes
etiam atq; etiam rogo. Hæc hæcenus, iam dudum, ni fal-
lor,

lor Burgij itidem litteris ad te perlatum est migrasse me in familiam Cardinalis Asculani: si modo migrare est amicorum omnium suasionibus, & potentioris Viri huiuscemodi accitu, quasi a tu quodam non inuitum deferri. Rel quum est, ut si quid meam operam tuis, aut amicorum cuiusmodicunq; ordinis rationibus usui esse posse intelliges, significare ne graueris. mandatis tuis nihil exoptatius continget. Non enim voluptati minus, quam ornamento fore illa mihi pro comperto habeo. Dabis igitur hoc saltem commodo nostro, quamquam non arbitror, deeris, quin in sacri anni huius celebritate Romam inuisas, quare hæc pluribus coram. Burgius, quod fortasse nosti, propediem hic aderit. utinam & una tecum illo perfrui liceat. Vale.

A LOYSIVS LOLLIVS.

SCIPIONI COBELLVIO.

A Mari me abste, mi Cobelluti (quod iam pridem, & constanter facis) non tam mihi gratum, quam iucundum ad intermissas dudum scribendi vices reuocari. Tuas enim litteras natiuo Lepore oblitus dum lego, imaginem mihi Romanæ elegantia, urbanæq; festiuitatis videre videor, quam adeo tecum, quocunq; pedem extuleris, circumfers, ut minimè verendum fuerit, ne eam tibi longa ab vrbe absentia ademerit. Ingenium ante tibi est abijciendum, quam hæc ab illo perpetuò emanans laus. Te in familiam Cardinalis Asculani cooptatum ita gratulor, ut plane confidam breui effecturum assiduitate, & virtute, quibus tu maiorum gratiam exambire soles, ut inter intimos illius Herois amicos habearis. me hic non tam officij mei ratio, quam valetudo ipsa semper quidem anceps, nunc verò etiam aduersa tenet; Romam pietatis ergo, si salus seridò respexerit, adulto iam autumno cogitantem, ubi me inter beatos numerabo, si Burgio V. Amplissimo, in cuius nomine vel solo recreor, una tecum perfrui licebit. Quæ tu interea sponfore meæ in te obseruatæ habebis Vale.

E1.

EIDEM SUMMO PONTIFICI *à Secretis.*

Facio inuitus, ut recorder, quæ præstaret memoria exempta, Amnestiæ scrinijs asseruanda tradere. Verum nec officij in te mei ratio aliter constabit, quam si dixerō, simulatq; tutò mihi licuit ad te dare litteras, dedisse; neq; tu huius tam seræ gratulationis ^{† Intempestiuitatem.} absq; aliquo embammate admiseris. Sit id Iliensium stupori proprium, ut risum istic officiorum dilationibus eliciant: nos Vcæ legontas istos tantum abest, ut recipiamus, nihil ut improbemus magis, quam rebus amicorum prosperis non affici. ut primùm itaq; accepimus te Marcello Vestrio C. V. honorificentissimo in munere suffectum, tantâ letitiâ perfusum, ut nihil nobis fuerit optatius, quam tibi de istâ amplificatione dignitatis tuæ gratulari. quod nunc hac epistolâ præstamus, seriùs sanè multo, quam vellemus, ideoq; breuiùs, ut eadem operâ & animi ingrati crimen, & importunitatis notam euitemus. Interea mi Cobelluti, tibi persuade, amorem in te nostrum eum esse, ut in tantâ amicorum copiâ, quos tibi vel deuincit virtus, vel conciliat humanitas ab vno Burgio se æquari patiatur, superari ne ab illo quidem sit passurus. Vale, & amicos nostros viros optimos saluta.

SCIPIO COBELLUTIVS

ALOYSIO LOLLINO.

VT primū aureolas litteras tuas accepi, datas iij. Cal. Iulij, statim visus sum amicum magnum, planè incomparabilem recuperasse. Te quidem Vir Clarissimè vim fœuissimæ tempestatis abripuisse, & à nobis diuulsiſſe aliquando putavi, ac dolui mecum vehementer. Vtinam te saltem litteris alloqui liberè licuisset: leuasses. Sed mis.

sa hæc

sa haec. Quod Vestrio S. D. N. benignitate successerim, tu quidem merito letatus es: mea n. omnia tua esse iam diu statui, non solum communi legi amicitiae, sed tuo quodam priuato ac precipuo iure. An tua virtus communis? an literæ? an amor in nos? neq; sera esse eius gratulatio, nec fallor, potest, cuius tarda non fuit lætitia. cœterum qualis sit muneris nostri conditio, non te fugere arbitror. Itaq; si mea opera tibi vsui esse possent intelliges, iniuriam facies amicitiae nostræ, si nobis confestim non significaueris. caue enim putes, me cuiquam libentiùs nauare illam posse, quàm tibi. Pluribus ne agam, vetat negotiorum turba, grandis ac periculosa, quæ vrget assiduè, sic vt otium planè nullum sit. Burgius plurimam tibi salutem. Vale.

ANDRÆ MAVROCENO *Senatori.*

Effecit tui calami præstantia, vt collis admirandi operis, Hieronymi Fabricij elegantiae monumentum posteris futurus, quem ego vulgaris famæ sermonibus permotus, inuisere dudum valde cupiebam, iam mihi in tuis litteris sepiùs perlectus, & planè dimensus animo, atq; pererratus, notior euaserit, quàm suus vlli lar familiaris. neq; idè cognitio desiderium fruendi minuit, sed adauget hoc etiani magis, quod in amorem præcognitarum rerum nescio quo pacto ferimur effusus. equidem potuisse priuati hominis solertiam, largitatem, studium in depressâ situ planitie agri Patauni montem excitare, piscosis aquarum scaturiginibus circumfluum, Syluâ felicium stirpium opacum, ferarum colonijs percelebrem, superbis ædium substructionibus spectandum ita miror, vt non æquè animum afficiat velificatus Athos sub maximi Regum auspicijs: Baianum ve mare rupibus immissum Luculli Piscinis instruendis: quem olim qui togatum Xersem ioco appellauit, is credo, si Fabricianum inspexisset, vt erat eruditæ

I facun.

facundia, non aliam inuisset viam, qua stylo paria cum loci aemulatione faceret, quam tu in tua descriptione es secutus; nihil eorum pigmentorum pretermittens, quæ Rhetorum arcule afferuant in hos usus: simul exemplo tuo declarans maximè, summorum ingeniorum parerga, atque animi remissiones, eadem studia plurimum referre, in quæ toto pectore incubuerunt. Nam veluti armorum assuetos studiis videmus, etiam dum à procinctu procul absunt, non segni otio se statim dedere, sed corpus diligenter exercere in cursu, venationibus, palestra, vnde simul ac classicum increpuit, alacriores redeant ad pugnam. sic tu historiam professus artem omnium clarissimam, Senatorioque fastigio dignissimam, non illi modò plurimum impendis operæ, negotium posteritatis agens summâ fide, verum etiam si quid à Republicâ vel gerendâ, vel litteris mandandâ superest otiosi, id in oblectamenta eiusmodi insumis, quæ ad cogitationum, curarumque tuarum præcipuam pertineant. eò tibi seria, eò ioca destinantur omnia: nec sanè iniuria, si prouinciâ te susceptæ amplitudinem respicimus immensam, interminam, & cursui ingenij tui planè parem. cui qui humanas actiones veluti finales terminos adscribunt, restrictè quidem illi nimis agere videntur, ne iniquè dicam, quasi verò fando saltem non inaudierint naturalem Plinij maioris, Aristotelis, atque Eliani de animalibus historiani. Verum ut demus illam non latius excurrere, quam quo fama rerum peruenit domi forisque; egregiè gestarum; quis rebus Venetis luculentè, ac splendidè dicendis negabit notatione locorum accuratâ opus esse, quæ lectorem veluti in rem præsentem manu ducens, nunc in acie, nunc in castris sistat, modò comitem itineris adhibeat per auiarum locorum, & vel altè accinctis in successa, est quando intra munimenta collocet præruptarum arcium, ab hoste actis ad muros vineis oppugnatarum. Ut non in scitè Lucianus Homericò Ioui comparauerit Historicum, nunc Thracum,

nunc

nunc Myforum terras prospectanti æthere de summo: nec
 minùs argutè quidam harum rerum non omnino rudis, nec
 ignotus tibi, qui lectâ epistolâ tuâ, agnoscere se dixit
 Mauroceniani styli rudimentum, insignis alicuius loci de-
 scriptionem meditantis, quam annalium suorum monu-
 mentis inserat. Fælix tu quidem otij ac curarum, cuius
 lusus ingenti studio euigilata alijs ante eunt. Fabricius
 verò & sorte suâ, & præconio tuo inuidendus, cui cum
 paucis euenit celebritati nominis sui interesse, fructumq;
 industrię capere vberimum, laudationis tuæ testimonium
 in omne æuum permanfurum. quod nobis quoq; qui æta-
 tem in studijs contriuimus, vt plurimum affert admi-
 rationis atq; voluptatis; ita spei parum vllò vnquam tempo-
 re paria audendi. quod attinet ad secessum tuum Patau-
 num, qui tibi argumentum pariter, otiumq; suggerit ad
 festiua ista curarum condimenta, quibus animus, corpusq;
 vegetatur, assiduis laboribus fatiscens, quid aliud dicam?
 nisi me antequam huic essem adscriptus Bellunensi glebæ,
 nunquam mihi magis placuisse, quàm cum illic essem; vn-
 de memini me frustra quasi liciniâ lege Venerias ab amicis
 reuocari solitum, quorum tu in censu princeps eras. ne-
 mo oppidum facile inuenerit ab omni laude florentius, &
 cui valetudo, hilaritas, & Musę deniq; ipsę magis debeant.
 vt ergo felicitati tuę gratularer, si casus illuc te aliquis for-
 tē detulisset; sic nunc consilij tui rationem probo vehe-
 menter, quod eiusmodi tuis grauissimis occupationibus
 diuerticulum paraueris, vbi quasi de viâ fessus, & com-
 plures dies sis aliquando libentissimè, & Alcyonijs vel me-
 diâ in rerum hyeme fruaris. neq; probo tantum (parum
 enim id foret) verum etiam imitari cupio summopere: imò
 spero potiùs, animoq; destino non alium portum Senecæ-
 tis meæ, cuius in limine iam dudum constitui, quâ ego in
 cogitatione ita me recreari sentio, vt laboriosi huius mu-
 neris molestias & exiguum hospitij amānitatem, atq; an-

gustiam, quam mihi celestis ille metator dimetiri voluit, hac potissimum spe soleam lenire. Interea, quod adhuc est nobis in optatis, tu Deo benè iuuante, quantum tibi per publica licet commoda, amplectere, nosq; quod facis, ama tui cupidissimos. Vale.

THOMAS SEGETVS

ALOYSIO LOLLINO.

M Alui quidem coram, quàm per litteras, hoc salutandi tui officio defungi. nunc quod ex clarissimo Viro Donato Mauroceno intelligere licebit, quoniam illud rationes nostræ non ferebant: non erat negligenda occasio, quâ & amico me obstringerem, & studium in te meum profiterer, quamquam subuereor, ne intempestiuè fortè obstrepam occupato, atq; ita studio officij officium corumpam. Verùm esto: dum ne officio desim. reliqua humanitati tuæ permitto; quam ego nimiam ignotus, immeritusq; sensi. neq; vlla me cura tam habet sollicitum, atq; illa vt vel merear, vel mereri videar, etsi tibi quidem videor. Interea meliori me videndi, demerendiq; tui spei seruabo, colereq; quo affectu cæpi, perseverabo. Vale. Vide quâ apud te fiduciâ sim. quia persuasum habebam, qualiacunq; demum sint, mea tibi placere; animum induxi, vt & duobus his epigrammatis seu otio siue negotio ruo abuterer.

Taruissium loquitur.

*Flavius, & vitrea Sillis me proluit vnda
Sunt Bacchi, & Cereris, sunt mihi dona Palis.
Mansi vna accisis Venetum fidissimarebus,
Sorsque, quod haud crebrum, leta secuta fide est.*

Mitte

Mitte Saguntinas memorare Hispania clades :

Plus est, quod salua stat mihi fama fides.

De Altino.

Hic erat Altinum. de tanta molibus Urbis.

Hic rerum cursus, nil nisi nomen adest.

Discite mortales. Brevis aui incerta, vicesq;

Ferre alacres. vrbes & sua fata manent.

THOMÆ SEGETO.

Occupationibus tuis subirascor, quæ te exoptatissimum hospitem nobis inuiderunt. id tu, credo, numine natum proprio diuinans, delinimenti loco epistolas, atq; epigrammata, quæ bilem nobis abstergerent, quasi litterarum bellaria misisti. ea, si nescis, rusticanti mihi, otioq; quod haud crebro accidit, planè diffuenti sunt reddita: itaq; & perlecta à me auidè, & probata sum mopere fuerunt. quæris? admirabilis in eis gratia, lepos, puritas elucet. Ego te in sinu fero, neq; timendum tibi ne discingar. Tu contra me mutuiter amabis, & valebis. Clarissimo Viro Ben. Georgio hospiti tuo plurimam salutem.

LAURENTIO REGOSIÆ.

AFabis mi Laurenti, abstinebis posthac, si sapias, non modo Pythagoræ admonitu, sed tuo met periculo, quod proximis comitijs subijsti. sunt illæ, vt optimè nosti, concoctu perdifficiles, & quæ stomachum delicatioribus sollicitant, cuiusmodi te esse conuenit in molli gremio Musarum educatum, eisq; doctrinarum studijs excultum, quibuscum ambitioni nihil est commune, rei humili, abiectæ, virtutis iniquæ interpreti, fortunæq; cuncta tribuenti; vnde omnis gratia comitalis, suffragatorumq;

rumq; procedit fauor, quem quicumq; ille fuit, qui popu-
larem auram vocauit, rem acu tetigit. nisi quod aura ista
lenis repente ita persæpe increbrescit, vt in vehementem
nimbū, turbinemq; euadat, noctem, hyememq; in foro
deprehenfis allaturum, vbi habitare oportet candidatos,
ea summo studio agentes, quæ plerunq; summam illorum
leuitatem an subinanitatem? arguunt. Meminisse te pu-
to L. Craffi, socerum suum grauissimum Virum. Qu. Scæ-
uolam sibi assistere nolentis in petitione consolatus, ne ri-
diculus esse cogeretur eo spectatore, cuius vita omnis cen-
sura fuit. quod si ille ab ineunte ætate campo assuetus,
idemq; Orator maximus ineptire sibi videbatur, dum rei
tam ineptæ inseruiret, quid de Peripatetico dicemus? quid
de Asclepiadum artes æmulato? quas ideo fortasse Maro
noster mutas vocat, quod verbis blandiri omnino nesciant.
mirifica hercule persona introduci poterit in hac mundi
scenâ Iatrophylosophi calatis comitijs prensantis, dū vul-
tu, ceteroq; corporis habitu in modum deprecatorium com-
posito hunc ore, illum complexu arctiore, vocali nutu
aliū efflagitat oratq; vtrum exorari adhuc anceps, & ni-
lex Calpurnia obset, mercari quoq; suffragia paratus. Ve-
rū hæc alijs narrantur, si modò est aliquis futurus, qui
spem emere tam effusâ suæ existimationis impensâ velit.
Tibi verò nobis intus, & in cute cognito, in mentem re-
uocasse satis fuerit tria illa à Q. Fratre in M. Ciceronis
Consulatum petentis aures crebro instillata. quis, quid,
vbi. Medicus, non circumforaneus, verū id nomi-
nis humanitatis, doctrine, eruditionisq; studijs promeri-
tus. artem exerceas eximij decoris, atq; dignitatis, ab Ho-
mero multis alijs æquilibrem dictam, quæ, quia in vitam
omnium ius habet, imperantibus quoq; ipsis imperare
solet, modum eorum victui præscribens Manlianis iussis,
corporiq; ignem, & scalpellum admouens impunè. hanc
muneris tanti maiestatem, quam Menecrates ille Thure à
Dio-

Dionysio depastus; Iouis imperio equabat, fasces cuius de triuio submittere quàm deceat; ipse pro tui ingenij acumine, etiam me tacente, credo, vides: presertim cum aliquid magnum non petatur, & in quo fortunæ Asiæ constant, sed auctoramenti exigua accessio, quam meruisse potius, quàm efflagitasse fuerit honestius. neq; enim magis vmbra corpus, quàm honor, honorisq; fidē istę comites, remunerationes; ac largitiones insignia benefacta subsequuntur; Cuiusmodi sunt ægrotos etiam extremæ fortis, (quandoquidem non fortunæ, sed humano corpori medicinam facitis) officiosissimè inuisere, solari, artis, ac humanitatis opē subleuare, eademum exequi, quæ Hippocrates; lumen vestrum sanctē se iuramenta obstrinxit præstiturum, nullo alio operę suæ constituto pretio, quàm quod magnitudo beneficij reposcit; tanto argento, auroq; carioris, quanto vita ipsa, cuius vos conseruatores haberi vultis, longè fortunis omnibus præfertur. erit ne quicquam à gratijs aded auersus, qui aliquam earum rerum partem saluatori suo neget, quarum vsura fruitur, illius munere ab ipsis penè Orci faucibus ereptus; & publicitūs ac priuatim omnia, quibus indiget vsus, ad vos confluent tanquam gratitudinis singulorum monumenta, si ea à vobis non maximopere expeti homines persenserint. ita enim naturā comparatum est, vt acres sui amatores fortuna deserat, vicissimq; aliud agentes donis suis ditet pro arbitrio. credo equidem, ne præclarissimis literarum studijs relictis, toti diuitijs parandis vacaremus: quas sæpe numero non inuitas sequi fugientes fugereq; insequentes animaduertimus tum alibi, tum in patriā potissimum, vbi mores nostri vitęq; institutio latere contrerrancos non potest. municipes quidem tui, mi Laurenti, in alijs non ita inter se conuerdes, in te non ita pridem ornando, mirā animorum conspiratione consensere. horum tu gratiam si non eisdem artibus sartam tectam seruas, quibus ab initio tibi

com-

comparasti, facis tu quidem, quod à fide, virtuteq; tuâ alienum est, à nostrâ vero expectatione remotissimum. Sin talis esse pergis, qualem te recipiunt futurum omnes, qui te norunt, nihil est causæ, cur dubites, quin eadem sint in te studia tuorum ciuium mansura. quod si vt sunt hominum ingenia ad ingratitudinem procliuia, quidpiam acciderit, quod illorum immutet voluntates, putas ne tibi defuturas opes amicorum, quos egregijs meritis tuis tibi deuinxisti? Verum vt demus eorum quoq; in te benignitatem arescere posse aliquando at tu obliuisci nō debes veteris sententiæ à Nerone crebrò vsurpatæ, artem omne solum alere. quod ille Imperator nequam, idemq; fidicem ridiculus de suâ cytharedicâ peritiâ iactabat, equius tu de tuâ arte dixeris omnium Clarissimâ, cui donec audax Iapeti genus cum morbis ancipiti pugnâ conflictabitur, suus erit honos apud Troiugenas non minùs, quàm Achæos. hæc animo diu multumq; meditata te admodum remissè ab alijs cupere inducent, quod tibi, cū à Deo Optimo Maximo discefferis, fortunæ cuiuscunq; nostrum architecto, præstare ipse potes studio, sedulitate, fide, rebus haud passim inuentu promptis, tibi verò per familiaribus, quarum te auxilio inniti malo, quàm gratiâ, ac circumcurfatione fauitorum, per sepe suorum spei illudentium. Officij mei esse duxi hæc ad te familiari stylo exarata mittere, vt haberes, quid planè sentirem de totâ petitionis tuæ, quam mihi summa curæ esse nosti, ratione cui si incumbere est animus, nos eam votis, quæ propria seniorum esse non ignoras, vtrò prosequemur, Deum Optimum Maximum orantes, vt cepta non tam fauore adiuuet, quàm fortunet suo.

FRAN.

FRANCISCO BARBARO *Patriarche Aquileensi.*

Româ paucis ab hinc diebus per incommodo sanè anni tempore profectus, non intermisso itinere Venetias eo potissimum animo petuèni, ut inde è vestigio ad Synodum tanquam ad Deicæstra conuolare. quod haud difficulter præstitissem, ni lassitudine nimia confectus, corporisq; valetudine aduersâ præpeditus, angustia quoque temporis planè excluderet. quæ sanè res sicuti mihi molestia plurimum iniecit, ita multo maiorem intulisset, nisi spes non dubia subesset, legitime excusationis nostræ rationem Amplitudinem tuam non improbaturam. quam ob causam probum, & doctum Virum Gasparem Pinellum Theologum nostrum Vtinum legauimus, simul ut quicquid erit actum ratum, comprobatumq; nostra vice habeat. Interea, quando, uti summis votis exoptaram, presens quidem nequeo, per hæc litteras manus tot præclarissimorum Præsulum osculor, Sanctissimoq; isti cætui fausta omnia à Deo precor. Veneris viij. Calend. Octob. 1595.

ALEXANDRO BURGIO *Episcopo.*

Amyclas ferunt tacendo perisse; perierint ille, dummodo non amor in me tuus, cura litteris orto, eductoq; ne idem planè accidar, litterarum ope succurrendum puto. præsertim cum viuæ vocis fructum, quem, si vnâ effemus, ex familiari sermone vberimum quidem caperemus, tempora inuiderint, quorum est difficultatibus effectum, ut nobis tecum agere per aliquot menses ne per epistolam liceat. Verùm hæc, quandoquidem animo eximere, cuiusmodi fuit illud Homericæ Helenæ, non datur, missa faciamus: & Deo gratias habeamus immortales, qui tam procelloso rerum turbine perflante, non est passus nos aliquid committere aut Epi.

K scopi

† Medicin
na aliqua
obliuione
inancie.

scopi munere indignum, aut nostræ amicitiae indecorum :
 Stetimus animis, & cum paucis cursum (nisi nos opinio
 fallit) rectum scopulos inter medios tenuimus. nunc, si
 quæris, græcos, sacræ philosophiæ auctores, liberiori ani-
 mo tractamus : quos etiam, nisi id inuidiosum sit, patriæ
 linguæ peritissimolatinâ proferre verba, ipsi adhuc docen-
 di, edocemus. ut otij nostri ratio, si modo vllum homini
 † *Munus* *sum in-* *σπιονοπολω* Te otium contingit, amicis constare possit ali-
 † *spiciens.* quando; tibiq; imprimis, cui & tribuimus multum, & de-
 bemus plurimum, & probari nostra omnia vehementer cu-
 pinus. Vale.

ATHANASIO THALAMINO *Monacho Cartusiano.*

FAcis tu quidem peramanter, qui in secessu isto tuo, vbi
 cæterarum rerum omnium, quarum mortales studio
 ducuntur, longa ebibis obliuia, memoriam amicitiae non
 prorsus abijcis, rei tam præclaræ, & quæ sui recordatione,
 si non vsu, vellongè inter se distitos delectare potest, præ-
 sertim si litteræ accedant pristinae consuetudinis non planè
 immemores, quales tuæ eximia pietatis refertissimæ fue-
 re. quibus ego, & si Donatum domi habeam, tuæ in me
 voluntatis obsidem, mirifice tamen sum affectus. Perge
 porò, quodq; & amicorum munus est præcipuum, & vel
 silendo præstari potest hand difficulter, Deum deprecare,
 vt me mihi, oneriq; timentem largiori fauore prosequi di-
 gnetur, ne succumbam; studijs verò, quibus ab ineunte
 ætate assueueras, etiam atq; etiam incumbe: his cum pie-
 rate coniunctis facillè efficies, vt ratio negotij non minùs,
 quàm otij tui Deo constet. habes collegij tui maximæ exem-
 pla. Dionysium, surium, alios plerosq; qui nos suo silen-
 tio, egregijs scriptionibus impenso, de rebus Diuinis lo-
 qui docuere. fœlices animæ, quibus contemplationi con-
 tinuæ defixis contigit mortali in corpore cælestes omnino
 curas

curas meditari; at nos proprijs iuxta, alienisq; periculis iactamur, stationem istam vestram nautis tutissimam procul aspectantes, felicitatiq; gratulantes tuæ, qui ventis æquora turbantibus, mature satis portum occupasti, vbi te sospitem, nouisq; subinde Diuinæ gratiæ muneribus florentem cupimus. Vale.

E I D E M.

Vbi mihi contigit silentium istud tuum mi Athanasi sermone multorum facundius agnoscere; neq; amoris in te mutui officia amplius requiro, nec in mentem venit dubitare, ne (quod prouerbio græcorum usurpatur) amicitiam nostram intermissio rescindat allocutionis. Alloqueris enim tu nos sæpè peramanter, absens licet, & ita verba remigio alarum, quas illis Homerus tribuit Poëtarum parens, exarmata, litteris includis, vt timor non sit, ne ore demissa aures præteruolent, segnius ue animum afficiant aliud agentem. quod scribis sodales tuos eximæ sanctitatis viros epistolâ nostrâ non indelectatos, accepi sanè quam libenter. quid enim mihi potuit accidere iucundius, quàm ab illius studia non improbari nostra, quos nemo non probat? næ vi uam, nè istius Collegij apud me pluris est suffragium, quod se non nisi opinione virtutis exambiri finit, quàm vitrea Regum gratia, aut vulgari rumor quantumuis secundus. faueant modò precibus, & pacem. cuius ipsi hic in hostico non leui imagine fruuntur, nobis statione peractâ à Deo impetrare pergant. Donatus nepos se in dies vrget, vt quò tum meis quotidianis monitis, tum exemplo auunculi vocatur, euadat aliquando, iamq; Rhetorum campos prætergressus, grauioribus curis affuescit, & quibus instrui clericum par est ad pietatem candoremq; non minùs animi quàm orationis. Ego in grege pascendo licet totus sim, non inuitus tamen facio, vt non

nunquam diuertam in Musarum horros, vnde hosce non
ita pridem, malectos flosculos, nostris Proceribus ornan-
dis, perleges. Vale, meq; vti facis, ama.

CESARI CARDINALI *Baronlo.*

PArebo non inuitus, Vir amplissime, & quod sub specie
rogantis iure tuo iubes, pro virili exequar: quicquid
de multiplici Barlaami hæresi notaui apud græcos recen-
tioris æui autores, quorum monumenta habeo typis non
excussa, huic epistolæ breuiter includens. *Barlaamus Mona-
chus natione.* Calaber circa MCCCXXX Christi Annum
vixit. Latine linguae, vt potè in Italia natus, non ignarus
fuit, græcæ vero, vt eius testantur opera, eruditissimus.
nam præter absoluti operis volumen, quo omnem est logi-
sticam complexus, emendationem canonis Paschalis, Ma-
thematicaq; alia nonnulla, quæ extant adhuc in celebri-
oribus Italiæ bibliothecis, epistolæ sedidit non inelegantes;
orationibus verò maxime inclaruit, non vulgari facundiâ
conscriptis, quas inter præcipua habetur illa de concor-
diâ, in qua pacificatoris munere desumpto, Græcis, quos
ipse paulo ante armauerat in nostros, suadere Ecclesiasti-
cam vnionem nititur. foverat ille, licet homo latinus,
græcorum schisma, quod ad summi Pontificis primatum,
Sanctiq; spiritus à filio processionem attinet, Ecclesiæq;
Romanae desertores infruxerat omni genere argumen-
torum. Simul huius rei causâ Thessalonicen. primum, dein-
de Constantinopolin adierat. vbi, cum multos eloquen-
tiâ, multipliciq; rerum scientiâ cœpisset, ad eumq; erudi-
torum hominum vndiq; fierent concursus, euenit, vt qui-
busdam criminandi sui eiusmodi ansam exhiberet. Quæ-
rebatur fortè, vt fit inter literatos, de lumine illo gloriæ,
quod de facie Domini in Monte Thaborio emicuit, nega-
bat Barlaamus lumen illud increatum, sempiternumq;
fuisse,

¶ s ¶

fuisse, cuiusmodi diuina natura est. alioquin discipulo-
rum aspectum latuisset. diuinitas enim extra omnem hu-
manum captum, atq; notionem ponitur, mortalium ocu-
los perinde, atq; mentes supergressa. Gregorius contra
Antistes Thessalonicensis cognomento Palamas, qui Bar-
laami opinionem impugnantium ducebat agmen, aduer-
sam Thesin tuebatur acriter, accito in sua causa subsidium
Ioanne Damasceno, qui à Diuinitate Christi profluxisse
tradit fulgoris illius claritatem. his hunc in modum con-
tentionis funem pari nixu inuicem ducentibus, postremo
resdefertur ad iuniorem Andronicum, Ioannis Imperato-
ris patrem. Inoleuerat tum pessima consuetudo, pessumq;
R. P. non multo post tempore data, vt senescentis Græ-
ciæ Principibus, Imperij iuribus per summam ignauiam
accisis, tantum à rebus suis superesset otij, vt Theologo-
rum munia obire, ac regem sacrorum, qualis apud Ro-
manos fuit, agere vacaret. igitur Andronicus in Regiâ,
vti moris erat. Synodo coactâ, cui Præsules sacri iuxta
atq; Senatores mixtim adfuerunt, rem totam disceptari
decidiq; iussit. Gregorio Thessalonicensi victoriæ palmâ
in ea disputatione fuit attributa. contortum mox anathe-
matis fulmen in Barlaamum, & eius erroris partiaros,
Acyndinum in primis, qui secundum post Barlaamum cer-
tandi studio, atq; contumacia locum obtinebat. Autorem
habeo eius ætatis non ineruditum Constantium sancto-
montanum Hieromonachum, qui non vnâ contra illos
Synodum, sed plures eubcatas dicit, quauis Nicephorus
Gregoras historiarum sui æui scriptor, à quo Barlaami est
defensio defensa, tradat in opere huic quæstioni dedicato,
à concilio nescioquo Thessalonicensis sententiam damna-
tam. Verum Constantius argumentis necessarijs conuin-
cit Synodicos complures tomos, quos etiam profert, in
Barlaamitas, & Acindynianos emanasse, à tribus illos qui-
dem Imperatoribus Andronico nempe iuniore, Ioanne fi-
lio, &

lio, & Ioanne Cantacuzeno filij socero subscriptos, totidemq; pariter Patriarchis Constantinopolitanis, & à quinquaginta præterea Archiepiscopis firmatos; nam reliquos patres ne recensione quidem suâ dignos purat. Reiectâ hunc in modum, atq; anathemati expositâ sententiâ illorum, qui lumen, quod in transfiguratione Domini effulfit, creatum, & aliud à Diuina essentiâ dixerunt; schisma, tantum absuit, vt aboleretur, vt maiora in dies incrementa caperêt, in apertam scditionem Orientali Ecclesia discissa. Nam Patriarcha, qui in demortui locum fuerat suffectus, partium studio accensus Acindynum fouere cepit, ab illo si quidem is & Ecclesiasticæ communioni restitutus dicitur, & Episcopali dignitate auctus. quod ita aduersa factio molestè tulit, vt non multò postea congregatâ Synodo, præfidente Ioanne Imperatore, atq; eius Matre, Patriarcham tanquam malè de fide sentientem solio abegerit, Acindynum verò, & socios diris denudè deuouerit: quòd splendorem illum diuinitatis, discipulorum oculis olim obuersatum in rerum creatarum ordinem redigere fuerint conati. neq; enim aliò tendunt verba illa Barlaami, quibus disputationem de lumine transfigurationis

» exorditur. *Vna est inuisibilis lux, & inaccessibilis gloria,*
 » initio, sineq; carens, increataq; prorsus diuina Trinitas, in quâ considerandâ aspectus omnis hebet, mensq;
 » ipsâ caligat. Cætera præter hanc, & circa hanc omnia
 » ortum aliquando habuere. Cui Acindynus succinens
 » hæc addit. *Increatum quidem lumen, ac gloria natura*
 » diuina est, omne autem aliud ab eâ inferioris conditionis, creata nempe est existimandum, ideoq; conspici,
 » menteq; comprehendi potest. Hæc Barlaamianæ opinionis summa fuit, propter quam anathema, odiumq; totius penè Græciæ incurrit. haud sanè immeritò, si ante actæ illius vitæ artes introspexeris. cum enim Italus esset ipse, monachusq; professione palmarium sibi duxit ritus

non

non tam patrios exuere, quàm Græcis aduersus Ecclesiæ Romanæ autoritatem dimicantibus, editis damnandæ virulentæ libellis, auxiliares quasi copias parare, nam & primatum Summi Pontificis, vt diximus, præfractè nimis oppugnavit, & latinorum Patrum de processione Sancti Spiritus à filio sententiam miris Sophismatum technis expresso est calumniatus, vt parem illi gratiam, ipsiusq; præfidia dignissimam, à Græcis, quos vaframenti suis demeruerat repensam esse dicere possimus, Catholicæ enim fidei desertor, nedum desertus ipse tandem, destitutusq; verum etiam à Græcis perinde ac Latinis probris, conui-tijsq; impetitus fuit. hæc ego pauca de multis, quæ Barlaamus ipse, & post eum Acindynus, nec non Gregorius Thessalonicensis, Constantius Sanctomontanus, Nicephorusq; Gregoras, editis his de rebus peculiaribus libris, conscripsere quæ si ad tuas cogitationes pertinebunt, quas in historiam Ecclesiasticam summâ fide, singulariq; diligentia impendis, erit, quod Bibliothecæ meæ gratuler; mihi verò gaudeam, cui Diuina quadam sorte accidit, hoc qualecunq; aramenti est, symbolæ loco tuos in thesauros, refertos illos quidem omni doctrinæ, sapientiæq; opulentiâ, inferre. Vale.

CÆSAR CARDINALIS BARONIVS

A LOYSIO LOLLINO.

Sed quidem, sed non adeo, vt omnino effluerit temporis opportunitas, in mentem venit obseruasse me inter codices Græcos manu exaratos, qui apud te sunt, quorumq; elenchum mihi cupidè requirenti iam pridem transmisisti, reperiri ducentas Epistolas Nicolai Patriarchæ Constantinopolitani. Hæ magno vsui mihi forent, nunc in eorum temporum successus conscribendo incumbenti,

quæ

quæ valde obscura sunt. facileq; mihi persuadeo ea plurimum lucis posse hinc accipere, saltem quoad res Orientis. Quocirca pergratum, perq; iucundum mihi feceris, si eas latinitati redditas ad me curaueris perferēdas. quamuis non ausim id oneris tibi imponere, cuius curę cogitationesq; muneribus sacrę dignitatis probè obeundis tam assiduè euigilant, ut otium tibi superesse vix possit, ad eaq; quæ vehementer cupimus perficienda. Proinde si malueris, ne in longum res procedat, codicem ipsum nobis commodare, eo utemur tantisper, donec in latij sermonis intellectum vertantur. Epistolę si non omnes, illę quidem, quæ labori nostro prodesse valeant. Postmodum nulla mora erit: quàm maximā diligentia, ad te ut redeant, efficiam. Id te vehementer rogo, ex animoq; omnia tibi polliceor, & defero. Vale. Romæ.

SANCT. PAPÆ VETERIS ROMÆ NICOLAUS PATR.

C. P. de Tetragama à Romanis recepta.

INde principium scribendi sumam Beatissime Pater unde nobis tot mala promanarunt. Post tertię vxoris obitum subiit optimi, atq; dilecti nobis Imperatoris animum quartum quoq; connubium experiri velle, quod nemo ante ne dum priuatus, verum etiam amplioris gradus sub ditione Romanā ausus fuerat. quæ.n. tam effusè petulans libido refragantibus sanctorum Canonum Sancitis non cohiberetur, nisi summo imperio suffulta, licere sibi censeret, quicquid concupisset. Vicit ergo ad extremum Amor, quartaq; iam vxor expetita est; puer autem obtentui assumptus, qui pridem ab ea genitus, successioni Imperij nullo prolis adhuc subsidio innixi destinabatur. quod quidem fieri minime debuerat; neq; .n. partus subsecutus illegitimam coniunctionem ratam efficit; alioquin obuium vnioniq; & in promptu foret legibus illudere. Hunc Imperatoris

peratoris conatum Ecclesia Orientalis, pro eo ac grauitas rei postulabat, tam moleste tulit, vt conspiranti Antistitum consensu solemnem illam pompam Augustorum filijs exhiberi solitam (id enim pater flagrantissime cupierat) in baptizando puero vetuerit; nisi prius a se mulieris missionem iuraret Imperator, quod & ore praestitit promptissime, quamuis aliud animo occulte volueret; nondum .n. triduum a baptismo filij effluxerat, cum pueri mater in palatium, vt Principis decet nuptiam, apparatu regifico accitur, cerimonie expectantur nuptiales nullius Sacerdotis interuentu, Imperatore ipso, & sponso, & auspici munus exequente. Quod quidem non aliter ac si fundamenta totius fidei conuellerentur, non Praefules modo, clericosq; cuiuscunq; ordinis commouit, verum totam simul ciuitatem perculit: me autem quid aliud tunc agere oportuit, quam quod amico, Antistiti, excubitori, de Ecclesiae dignitate, principisq; salute dies, noctesq; cogitanti agere parerat. primum quidem ad genua ipsius, immo ad pedes vsq; pro uoluitus & monebam eum vt errantem; & vt Imperatorem obsecrabam, vereretur fastigium dignitatis augustae, in qua non secus ac in facie vel tantillum quidem maculae occuli vix potest: agnosceret longe se sublimiorem regem, tam inauditum facinus celitus vlturum: non ideo Principes legibus exolui, vt vitam per omne scelus impunes, ac infrenes agant, sed vt sibi leges ipsi sint, virtutis praescripto mores componentes. Postremum conditionem afferebam lachrymis obortis, vt saltem secubaret a muliere tantisper, donec acciti Romae veteris, ceterarumq; Patriarchalium sedium legati nobiscum, quid facto opus esset, discerperent. His ego tunc verbis nihil profuturis (obstruxerat .n. eius aures amor) regem fatigabam; cum interim Roma adueniunt legati, quos ille (sic .n. publice sermonibus diuulgabatur) connubio firmando enocarat. Res sane, si quæris, hominibus nostris indignissima est visa, sumi-

L

moq;

moq; dedecore coniuncta, quippe quæ procurationem mihi debitam alijs deferret, provincias Patriarchales iam pridem inter se Patrum sanctionibus discretas turpiter confunderet, nefarium scelus olim ab Ecclesia dira execratione vetitum, in ius denuo nullo seruato iure reuocaret. Non ignoro à calumniatoribus iactatum, me per superbiam legatorum conspectum, atq; colloquium spreuisse; quasi vero mihi integrum fuerit aut palam adire viros summa passim inuidia flagrantibus ob rumorem, quem pleriq; sparsant adesse reprobatarum à nobis nuptiarum assertores; aut ipse Imperatori non suaferim, secretum nobis in palatio cum legatis congregandi locum daret, vbi remotis arbitris de quæstione ista nuptiali disceptaremus: quod ille facere neglexit in meam unius perniciem animo intentus, quam quidem irà confutis dolis est aggressus. primum omnium nonnullos nostrum Præsulum partim donis, partim pollicitationibus illectos, quasi suas peculiares aduersus me copias conscripsit, deinde me iussit in regiam accersiri ad conuiuium, quod illi instruere quotannis in beati Tryphonis festo moris erat. Accedo imperterrita comite fretus conscientia, solemni catui intersum, epulis accumbo; inter sacra mensæ deniq; abripior, atq; nauigio impositus in exilium agor immitissimum, non amico, non famulo, non libro deniq; cuius lectione me solari possem, fugam comitante; vbi non tam hyemis rigore, rerumq; omnium egestate pressus, quam custodum violentia penè enectus diu mansi. pari inclementia in reliquos sanioris consilij sæuitum est, carcere, relegatione, vinculis afflicti omnes, deliquisse poenâ tantum modo creduntur. Accessit, ne quid plane nobis deesset mali, aut superesset præsidij, legatorum asperitas, qui non secus ac si Roma ad indicendum nobis bellum huc delati essent, nos indignissimis modis oppugnarunt, tantum miserorum odium, tantus contemptus ordinis homines inceserat. Et quidem dicebat pri-
miatum

matum Ecclesiasticum sibi vendicantes, rem totam serio
inquirere, atq; ad Beatissimum referre, non autem per
summam iniuriam, atq; ludibrium eorum damnationi as-
sentiri, qui nullius affines culpæ Principis indignationem
incurrerunt ob id solum, quia fornicationis labem sunt abo-
minati. Verum esto duos, aut tres viros delatorum hinc
calumnijs, inde potentiorum prece, seu pretio expugnatos,
humani aliquid, cum hominis sint, pati potuisse; Occiden-
tales Præsules meris inimicorum mendacijs inductos, in-
nocentium exilium suo confirmasse suffragio quis ferat?
præsertim cum indicta causa aliquem damnare ne barbari
quidem, ne dum Romani moris unquam fuerit. At factio
dispensationis nomen, ut audio, prætenditur; quasi verò
per ullam dispensationem liceat fidei dignitatem, Eccle-
siæ disciplinam imminuere, effractisq; canonum repagu-
lis fornicationem introducere in sancta: aut non inter na-
scentis Euangelij initia huiusmodi crimen Apostolorum
Sanctionibus una cum immolatitijs, & suffocato vetitum
non fuerit. Dispensatio, ni fallor, cum sibi imitandam
proponat Dei miserationem, quæ delictum aufert, non fo-
uet, salutaris quædam condescensio censenda est, pecca-
tori quidem manum, ut se humo attollat, porrigens, non
autem iacere permittens lapso. Non excribo, quæ in hanc
sententiam retulit vas electionis, cum sint nota omnibus.
miror magis, cum nos eo potissimum relegamur nomine,
quod vestigijs inherentes patrum damnata ab illis non per-
mittimus: Ecclesiæ decreta, animarumq; nobis à Deo cre-
ditarum salutem, Principis gratia seu indignatione potio-
ra ducimus. Non deerunt fortasse, qui obijcient, errori
suo latebram quærentes, hoc de quo lis est, matrimonium
esse merum, non autem fornicationem. Ita ne verò; ma-
trimonium vocatur immunda cum quarta muliere coniu-
ctio, & quid aliud est vim inferre verbis, si dira lasciuiantis
animi libido tam honesto nomine prætenditur? Honora-

hile connubium Paulus appellat, & genialem torum impol-
lutum. cur igitur eos, qui huiusmodi culpæ succubere,
Sacerdotes ab Ecclesia eijciunt? cur brutalem hanc lu-
xuriam, & sine humanos supergressam vocant? At Ro-
manis id in more positum: (non enim desunt, qui id di-
cant, laudare id vobis, an vitio vertentes, non sat scio.)
nam apud vos, si famæ credimus, non modo quarta vxor,
verum quinta, & sexta, & super hanc alia, atq; alia per-
mittitur, vsq; ad Orci faucis inexhausta illa dispensatione
omnes prosequente, illudq; subinde Apostoli verbum in-
gerente, satius esse nubere, quàm vri. quasi verò ille in-
temperantiæ patronus induci debeat, qui ne omnibus qui-
dem secundas nuptias suasit, dum ait, dico autem innuptis,
& viduis bonum esse illis sic permanere, quod si continere
nequeunt, nubant; viduis quidem mulieribus permittens
secundum connubium ob sexus imbecillitatem, viris au-
tem non item, nisi his tantum, qui matrimonij iugum non-
dum sunt experti: his n. nubere satius, quàm vri alioquin
si cum quarta muliere concubitus coniugium est, cur illud
Clemens tam aperte damnat? Clemens inquam ille alum-
nus, atq; auditor Petri: sic enim apud eum legitur. Mono-
gamia quidem naturæ, atq; legi consentanea est; Diga-
mia verò post promissionem illegitima non ob conjunctio-
nem, verum propter mendacium; Trigamia intempe-
rantia inditium; quæ autem Trigamiæ additur, aperta for-
nicatio est; & indubia incontinentia. At non vnus è ple-
be, sed Imperator est, qui id aggreditur, cuius voluntati
refragari nefas. Preclare sanè. an quia omnes ille dignita-
te supereminet, ideo nobis enitendum, vt inquinatio-
quoq; reliquis appareat? eadem ratione pedum ne luto re-
spargantur, summam curam adhibebimus, capitis pror-
sus nullam. Apage. non ne vides ad Principis vitam tam-
quàm ad exemplum populorum conformari mores? pro-
numq; magis esse praua imitari, naturali quadam ad dete-
riora

riora humani ingenij inclinatione? Quod si principibus, viris, quia potestas à Deo maior eis attribuitur, ideo nequam agere plus licet, quid inter eos, & iumenta differet, quæ copia reddit efferatiora, contumeliosioraq;? Potentes potentèr examinabuntur, monet ille, quinimò si in idem crimen tribunus, & miles gregarius impegerit, magis hoc illum disciplina puniet castrensis: adeo dignitas non mitigat, sed incendit pœnam, neque verò à me in eum sensum hæc dicuntur, vt velim diris à vobis impetì Imperatorem tale nefas ausum; ipsumq; Sergium Pontificem prædecessorem vestrum. Non ea mens animo, nec tantus vindictæ amor Dei seruos decet, ambo hac vita excessere pridem, supremi omnium iudicis tribunal adituri; ille verò etiam antequàm hinc emigraret, agnouitq; flebiliter errorem suum, veniamq; à Deo petijt, me inter primos hortatore, ac deprecatore (aderam enim tunc fortè ab exilio reuersus, ab eoq; Ecclesiæ gubernationi restitutus). In eos animaduertendum Beatissime Pater, qui supersunt, qui tot in me, tantasq; turbas criminationibus falsis excitarunt. Hæ tuæ erunt partes, id à te dignitas primum tua, Romanæq; Sedis decus exigit; id qui nunc rerum potitur Imperator, misso ad te palatij magistro, nosq; omnes obnixè petimus, atq; obsecramus. Deum Sanctitatem tuam incolumen seruet.

IOANNI BEATISSIMO PAPÆ.

Quot, quantisq; ærumnarum fluctibus per xv. Annos iactati simus, (tot. n. plus minus effluxere, ex quo primum scandala Ecclesiam C. P. peruagata, omnia turbauerunt) & meminisse mihi permolestum est Beatissime Pater, & memorare scienti tibi superuacuum. læta potius amicis, & coexcubitoribus impartiri iuuat, pacem nempe Ecclesiæ repositam, conspirantemq; omniū ordinum in his,

quæ

quæ sunt fidei, consensum. Cum enim in eo esset res, ut nulla amplius spes humanis experimentis nostra merentibus superesse videretur, affulsit subito illa captum omnis intellectus supergressa pax, Dominus scilicet, & Deus noster Iesus Christus, qui illam hyemem, atq; tempestatem communis hostis opera coortam, in ipsa Halcyonia mutavit; aded ut nullum penitus dissensionis vestigium remanserit, nulla odij cicatrix; omnes velut ex condito veterum obliti idem planè sentiunt; omnes Sanctæ Matris Ecclesiæ, quæ eos obuijs vlis diu expectarat, optatissimum eunt in amplexum: & nostræ quidem ita se res habent. Verum quia & vestram fraternam dilectionem, cuius erga nos officia temporum difficultatibus intermissa sunt, expetimus, & consuetam Ecclesijs vnionem exoptamus. ideo has ad vos dare litteras decreuimus, ut omnis offensionis memoria deposita S. V. ad sinceram amicitiam, atq; coniunctionem animorum, pastoribus populorum debitam prouocaremus, quæ tum demum missis hinc inde legatis coalescet, cum iudicatum fuerit concorditer quartum connubium, quod dissensiones, & scandala in Ecclesiam iniecit, non rei ipsius, sed personæ causa permissum esse; suadente tunc occasione lenitatem, atq; affectum erga principem indulgentiorem, ne repulsa ipsius animus offensus, deteriora moliretur. Sic n. & S. Tuæ nomen ex Sacro Ecclesiæ C. P. albo, ut mos olim erat, vnà cum nostro rursus celebrabitur; & nos omni ex parte gaudio repleti iucunditate pacis perfruemur. Enim verò ut huic curæ sedulò incumbas, te iterum, atq; iterum rogat Deo dilectus Imperator, oratore Roman ad S. T. destinato Cl. V. Batilio Protospathario, & aurei triclinij præfecto, cui nos comitem itineris, curarumq; conscium adiunximus Eulogiū honorabilem presbyterum. Hos tu Beatissime Pater, & excipies, uti spero, fronte hilari, & nos mutuis legationis officijs remunerabis. Ioanni Venerabili Episcopo, cuius

apud

apud nos iam experta virtus, id munus, si expedire videbitur, iniungens; aut alicuius moribus illi non absimili; qui, si qua sunt adhuc correctionis indiga, doctrina, atq; consilio emendare valeat nobiscum, iuxta Ecclesiasticas Constitutiones. Vale in Domino Beatissime Pater.

SYMEONI BULGARIE PRINCIPI.

Es tu mihi quidem filij ad huc loco dilectissime Princeps, licet omnem iam pridem obedientiam patri à filio debitam exueris. hinc fit, ut cum paternus ille, quo te sum persecutus amor, tum etiam Sanctissimi Papæ, cui minime parere nefas, grauis apud bonos omnes auctoritas me in lacrymas, & preces ire iterum impellat. Huic cum fama rerum nostrarum vniversam iam orbem peruagata retulisset Bulgararum & Romanorum clades, direptiones, fugas, vastitatem, & reliqua belli, quibus affligimur incommoda; quæ pietas eius est in gregem Domini Sanguinem redemptum, & nostris ex animo indoluit malis, & eis ne proserpant latius, ire obuiam decreuit, Legatos itaq; misit Theophilactum primum inter eius Episcopos locum obtinentem, & Carum eiusdem ordinis præstantissimos viros. Qui te suis adhortationibus aut inducerent ad pacem, fœdusq; nobiscum ferendum, aut si iussa detrectares, Spiritus Sancti nomine insolubili anathematis vinculo obstringerent. Hos ego (nam id mihi Beatissimus Pontifex iniunxerat) ut tuto, & commode ad te peruenire possent, addito comœatu, & itineris duce sedulo curassem, ni me deteruissset ab incepto malus quidam rumor, qui de te pridem inoleuit. diceris enim fili mi solere legatos ad te venientes in vincula coniectos asseruare, imamni plane, & omnem supergresso barbariem exemplo: quæ n. est tam effera, tam ab omni humanitatis sensu remota natio, quæ tale facinus inter nefaria scelera non recenseat? Quapropter

pter cum & Sanctissimi Papæ exequi mandata valde cupere-
rem, & legatorum incolumitati consultum vellem, illos
quidem summis induxi precibus, ut hic apud me consiste-
rent, veritus ne à te post longę peregrinationis tedium, ac
laborem aliquid paterentur mali; Apostolicas vero litteras
ad te perferendas dedi. Quibus exhibebis te facilem, &
obsequentem, si me audies, imo si rationem habueris di-
gnitatis, salutisq; tuæ. Caue .n. putes idem tibi plane li-
cere in Sanctissimum Pontificem Romanum, quod in me
olim licuit, quem ludibrio habuisti tandiu. Si quid in eum
commiseris, non impune feres. Apostolorum primores,
quorum illi ad aras quotidie litat, iratos in te oculos conij-
cientes quasi propriam iniuriam contemptum illius vltum
ibunt. Subeat animum Ananiæ & Saphiræ casus, quos
obiurgatio Petri neci dedit, menti obuerfetur Elmiæ ma-
gi Paulo contradicentis cecitas. Hæc Apostolicæ indigna-
tionis monumenta cogitantem excipiet te certo scio hor-
ror quidam, & pavor salutaris, nec permittet, ut Beatissi-
mi Papæ monita despicias. præsertim si vera sunt, quę de
te narrantur à tuis, præcipua quadam veneratione profe-
qui principes illos Diuos, quos si verè suspicis, ac colis, eo-
rum insidentem throno minime contemnes. Hæc de le-
gatione Romana, cuius aduentu (cur .n. tibi sub Chri-
sti Signis quamuis aduersus Christianos Diaboli fraude pu-
gnanti commune gaudium inuideam?) scandalis, quæ ob
tetragamiam apud nos omnia turbant, impositus est fi-
nis, pax clero reddita, cœtus sacri mira animorum conspi-
ratione habiti, & ut verbo dicam Romana, ac C. P. Eccle-
sia ita in vnā, eandemq; coalita est fidem, ac consensio-
nem, ut nihil amplius veteret, quominus nos optatissima
illorum communione, & sanctificatione perfruamur. Re-
liquum est ut te postremo admoneam loco, ne post hac cum
ab his, qui rerum potiuntur, litteras acceperis, Senatui po-
tius rescribas, quam illis ipsis. Ridiculum enim est, & tua
pruden.

prudencia planè indignum adire seruos posthabito eo, cuius ipsi capeffunt iussa: nisi te ludere delectat in re haud quidem ludicra. Quin tu potius, si te serip poenitet bellorum, si cladium non tam acceptarum, quam illatarum piget, sensum animi tui Imperatoribus expromere, conditio- nes offerre, diem locumq; colloquio prescribere, siue tu ipse ad nos accedere, siue alios mittere malueris. nulla in memo- ra est: adero, quocumq; vocaueris cum delectis ex Senatu viris, rem fortasse consequurus ex voto, si Deus annuet. Quod si longè alia tibi mens est, nisi hominibus nostris lu- dibrium debes, post hac ab huiusmodi irrisionibus, quæ te minime decent, abstinebis. Deus te eo validiore ope tuea- tur, quo grauius regendi alios onus suscepisti, nè quod ple- rumq; principibus viris accidit, oneri succumbas.

AD ARMENIÆ PRINCIPEM

N Il pietate præstantius, nil humano generi conduci- bilius inueniri potest; tum enim demum ritè, & ex maiorum præscripto colitur Deus, cum hæc altius radices egerit, & inualuerit. Dei autem cultus quid non boni affert, quid non mali abigit, si non aliunde incolumitas pri- uatim vnicuiq; nostram, non publice familijs, vrbibus, ip- sis deniq; populis promanat? Hinc fit, vt magna inter mortales concertatio omni æuo fuerit, dum vnusquisq; opinionem, quam de Religione vel ipse concepit semel, vel aliorum traditione hausit, tueri aduersus diuersa sen- tiètes cupit. adeo opinioni receptæ assueuisse multum est. Idem plane dices nobis euenire, quod veteri panno, quem vbi coloris succus altius infecerit, discerpseris citius, quam eluas, nisi opem afferat Deus gratia suæ face mentibus præluens. Ille quidem suavit Catholico viro, de quo scri- bis, vt ad vos diuerteret, populumq; orthodoxos edoceret ritus: ille vobis auctor fuit, vt prisco agnito errore ab opti-

in Imperatore nostro, cui omni obsequij genere confun-
 deri esse vultis, ne in his quibuscumque fidei sunt, diffideatis.
 Illis denique impulsus est effectum, ut aliquem e coetu ve-
 stri mittere velitis, quem nos ex prius, quæ ad religionem
 faciunt, electum in vestrum Antistitem prouehere mus.
 Quod mirum est, quanta animi gratulatione exceperimus,
 memoria repetentes. Illucip, prastantissimi predecessoris
 nostri in eodem agone irritos conatus, dum vi ille sacra
 omnem lapidem mouens, disceptationibus, alloquijs, le-
 gatorum missione urget opus, quod Deum arcano proui-
 dentia sue consilio in hunc diem Ecclesie vniuersæ, Arme-
 nijsq; omnibus, si bona sua noriat, longè optatissimum di-
 stulisse crediderim, ut inclytam nobilitatem tuam maiori
 celestium donorum cumulo ditaret, sibiq; arctiori benefi-
 cij vinculo obstringeret. Tu modo fac, ut promissa extent,
 omnem rumpe moram: vinum illum à te, primoribusq; Ec-
 clesie vestrae electum itineri accingi iube: breui eum ad vos
 mysterijs iniciatum orthodoxis Armenijs quidem hæcenus
 ignotis, & sacris nobiscum Catholico more operatum re-
 mittemus. Deus te, tuosq; omnes ab humana, & spirita-
 li nequitia defendat.

PRINCIPI SARACENORVM.

Qui populos imperio regit, quantum reliquos homi-
 nes potestate supereminet, tantumdem virtute an-
 teire debet: quæ à me non ideo dicuntur, quod te poten-
 tissime Princeps in parem oneri, aut non ex æquo prestare
 censeam animi, & fortunæ bonis (non ignota mihi est tua
 sermone omnium celebrata laus) sed quia sinister quidam
 rumor hic percrebuit te in nos esse animo infestiori quo-
 rundam fraude inductum, qui tibi falso nūnciarunt Sara-
 cenorum Oratorium, quod in hac regia vrbe extat, homi-
 nes nostros demolitos esse, nonnullosq; tuæ gentis per vim,
 & me-

& metam adegisse, ut patrio abiurato titulo nomina Christianae religioni darent. Hanc delationem ab hoste humani generis, omnis mendacij parente sortam occasionem tibi praebuisse aiunt iussionis, quā indixisti omnia Christianorum sub tuo imperio degentium templa deuastari. Atrox sane, & horrendi carminis edictum, tuāque per tot bella conquisita gloriā plane indignum, quod neque facti utquisitio praecessit vlla, nec direxit consuleatio. Atqui dedebat tot victorijs auctum, tam soleris ingenij ducentem tantemolis constanter, & ferid indagasse prius, si inuenisses enim quod & inuenies, ut spero, breui) fabulam hanc totam per summum scelus a maleuolis, & a Christiani nominis calumpniatoribus effectam. Cuius ignota est Imperij Romani ab vltima vsque origine dementia; cuius non ad aures peruenit Augustorum nostrorum quasi tradita per manus pietas, & animi moderatio in uictos, quibus, si patriam excipis, & suorum conspectum, nihil fere deest ex earum rerum genere, quae ad vitam recte, & commode degendam faciunt, argumento sit vel hoc ipsum, de quo lis est, Saracenorum oratorium, quod iam olim Imperatorum indulgentia exaedicatum sacrum, tectumque non aliter ac si apud vos esset, hactenus seruatum. Interroga postliminio reuerfos, discas extra aciem ciuem, & hostem nullo discrimine apud nos haberi. Confer nunc hos mores cum Saracenorum seuitia aduersus Christianos, qui apud eos seruitutem seruiunt, quos quasi parum esset in ergastulis rerum omnium egentis afferuari, nonnumquam in medium productos per iocum, & ludum iugulant, aut arbori appensos lapidibus, ac telis petunt, cum hic truncatio capitis grauissima omnium etiam in scelere immani sit animaduersio. Quod verò attinet ad vim, qua doles ad Christianismum impulsos Saracenos tuos; procul abest ab huius dedecoris suspitione Imperator noster, procul tota purpuratorum cohors, & quicumque demum nobilitate, aut

DACI

M 2 indu.

industria in hac luce hominum refulgent. Verum permit-
tamus obscure aliquem nota, penas moliturum nisi inno-
tuerit, scelus perpetrasse; quid tot meruere Christiano-
rum millia? cur vnus ob noxam innocens natio affligitur?
sacrisq; patrijs atq; reclamatione communigentium iu-
re, ipsiusq; prophete vestri Sanctione, qua ille Christiano-
rum modo iugum non detrectent, incolumitari, ac reli-
gioni satis cauit. Hæc nos ad te paucis perscripsimus mu-
neri nostro quidem consentanea, quod non tam Christia-
ni gregis amplectitur curam, quam tuæ, omniumq; salutis
procuracionem. Plura nunciabunt visores tui, & ij, quos
illis itineris comites adiunximus. Quibus te, vt sedulo
animum intendas, etiam atq; etiam rogamus, simulq; vt
des te ad lenitatem: sic n. & ij, qui tibi nunc subijciun-
tur, imperij tui moderationem laudibus extollent, & man-
suetudinis memoriam omnis excipiet posteritas. Vale Sa-
racenice gentis eximium decus, atq; ornamentum, & q. ex

EPISCOPIS EXTRA COMMVNIONEM *existentibus.*

SAnè ita est, vt celesti illo ore Paulus affirmat: homini-
bus imponi potest. Deo autem reuelantur nostra, om-
nias atq; innōtescunt. hæc pauca vobis sit dixisse satis, quos
ego vt mitissime dicam, infelici satū Ecclesiæ mihiq; genui,
quid ni enim vos sic appellem, qui me, quem etiam meri-
to damnatum defendere debueratis, vt par erat filios pa-
rentem, nullius affinem culpe, imo per summam iniuriam
folio eiectum, quasi parum fuerat deseruisse, prodidistis?
Hæc animo reuoluite iram Domini, scelerum ylticem ex-
pectantes.

DVCI

DVCI LONGOBARDIAE.

Christi hostes te vicisse gratulor vel eo potissimum nomine, quod expectationem de te meam minime felleris, qua tua hæc egregia facta & præfagebam multo ante, & prædicabam: meminisse enim potes, cum te pene inuitum, atq; resitantem, vt id munus susciperes, impellebamus, in prouinciam ablegantes tunc quidem omnium miserrimam, nunc autem tuo beneficio florentem. vnde non tam sperabam rediturum te summâ, quam iam pridem es adeptus, gloriâ, quam amplissimis, virtutiq; tuæ condignis præmijs ornatum. Verum posteaquam (vt sunt res humanæ) aliter omnino accidit, ad vota est nobis recurrendum, quibus à Deo tibi deprecamur in hoc quidem sæculo incolumitatem, in futuro autem æternam beatitudinem.

PRINCIPI AMALPHITANO.

Amorem in nos tuum singularem, effusissimumq; in Ecclesiam, quæ nobis credita est studium, & antea quidem fama ipsa tuas litteras præuertens nunciarat, & nunc ex ipsa amantiſſime ad nos perscriptæ retulerunt. Plurimum igitur tibi hoc nomine debemus, soluturi numquam nisi votis, quibus fausta omnia tibi à Deo precamur. Nā quicquid nostræ euigilare cure, aut eniti vires vnquam poterunt, & præexiguum sanè est, & tibi antea ob præclara tua in nos beneficia obstrictum. negotium tuum de redemptione captiuorum explicuimus aliqua ex parte, totum confici, quæ rerum ac temporum difficultas est, haud sane potuit. Aderit, vt speramus breui manus Domini egregios istos conatus tuos promotura, quam neq; Agarena immanitas, nec vlla omnino vis contra niti potest. Tu modo,

modo, quod facis, sedulo incumbere operi, & in id libram auri expendere, quam tibi mittimus. diuinatione quadam praesagit animus breui fore ut Deus nobis praebeat occasionem liberatis fratribus summas ei gratias agendi. Incolumen te Christus, tuosque omnes seruet, illasumque à visibili, & inuisibili hoste.

CÆSARI CARDINALI BARONIO.

ARGUMENTVM.

Superiorem Cardinalis Baroni Epistolam hanc statim subsequi debuerat, qua Auctor græcas Patriarchæ constantinopolitani litteras a se latinitati donatas mittit, sed per errorem huc est comecta. Tu Lector is ignosce, quibus falli contingit, ex humana conditionis imbecillitate.

C Vras ego quidem ita partiri soleo, ut ne quid in dies studiis negetur, cum non adeo se se gregis pascendi numerus extendat, ut totus in eo esse cogar, & otium mihi desit is agendis, quæ lenimento, & solatium afferre valeant ad capescendos cupide magis grauioris muneris cogitationes. Tum vero maxime otiosum me semper existimabo, cum in tuæ spem gratiæ aliquid fuerit elaborandum, videborque mihi, non tam occupationibus distineri, quam vacuitate, ac voluptate frui, ubi commentationibus tuis, Reipublicæ Christianæ plurimum profuturus suppetias aliquos fere potero. Quos inuis Epistolas Nicolai Patriarchæ, eas selegi, ut è Græcis latinas facerem, cum non singulas annalibus inscribere decreueris, sed nonnullastantum, quæ obscuris temporum illorum rebus lucem aliquem dare queant. Et profecto admirandum fuerit hinc nosse Orientalis Ecclesiæ Presidendum Principi Bulgariæ scriberet post immanem schismatis perniciem, Pontifici

ifici Romano id honoris habuisse, vt non nisi cum laude
de eo loqueretur; imò litterarum monumentis sermones
huiusmodi commendaret. Si ipsa met. græcas Epistolas
edere malueris ad conciliandam facilius fidem veritati, se-
dulam dabo operam, vt ad te perueniant primo quoq; tem-
pore. Interea me, vt facis, ama tui obsequentissimum,
dum pro tua incolumitate, hoc est pro communi omnium
piorum desiderio vota facio, & amplitudinem tuam Illu-
strissimam demissius veneror. Vale. Belluni.

ATHANASIO THALAMINO *Bellunensi*
Monacho chartusiano.

Salus ipsa mihi solito salubrior est visa, ac planè iucun-
dior à Grinco meo per te mihi reddita, viro amicissi-
mo, & eruditissimo, cuius me non magis memoria dele-
ctat, quàm ex cruciat absentia. Noster erat amor, dum
hic apud nos maneret in statu is, nunc triste est deside-
rium, votumq; omni porro successu cariturum, nisi ali-
ter Numini videbitur, cui vel humanæ spei inaccessa, ne-
dum difficilia, in procliu sunt. Equidem Mirandulae Du-
ciob crescentem in dies gloriam, atq; pietatem diu est,
cùm faueo, præter illa communia Principibus, Impe-
rium, opes, clientelas, Fortunæ effusæ indulgentis mune-
ra, priuata me domus Picæ ornamenta, tot heroum ima-
ginibus refertæ capiunt, quibus ipse, vt ab omnibus cla-
rius perspiciantur, luculentam quoq; faciem ad mouet pro-
priae virtutis. eo verò præcipue per beatum illum puto,
arq; (absit inuidia dicto) inuidendum, quod Grinco fa-
miliari vtitur consuetudine; vnde illi & suauitas sanè lon-
gè maior, & utilitas haud paulo vberior emanat, quàm ea
fuit, quam dominatorem Asiæ Alexandrum à Parmenione
suo, aut à Nestore trisacclissene Agamemnonem ferunt
olim solitum percipere. Pluribus hæc à me dicuntur, &

ultra

ultrâ præscriptum Carthusianæ breuitatis, quæ Laconica
esse debet, & vix ipso silentio prolixior, vt planè intelligas,
quantè mihi voluptatis sit, de homine loqui mei cupidissi-
mo, postquam cum eo colloqui non datur. Simul vt ha-
beas, quod ipsi possis, si te reuiferit, ostendere, mei in se
amoris atq; obseruantia inmemor non futurum, sin minus
eò transmittere, vbi nunc moratur. Nos hic relicta vrbis
solitudine confedimus plusculos hos dies. quid n. ibi, que-
so, faceremus absq; curâ Gregis? qui nunc agros, & vil-
las liber peruagatur? Quàm sera montibus in nostris Au-
tumnitas, quàm iucunda sit, puto, meministi. nos quo-
tannis maximo sanitatis bono experimur. Siue vindemiam
tu vocare velis, seu labruscidemiam, quæ nostros homines
exercet per id anni tempus, non negabis plenissimam esse
haud inconcessæ voluptatis, præsertim si aucupium acces-
serit, multiplex oblectamentum, ac inemptum, quod ple-
risq; nunc omnibus pro macello est. Donatus Bernardius
nepos reſtricis præſidens, quarum aues ministerio irretiun-
tur, eas cantûs illicio illectas capit: nobis curis grauiori-
bus paululum leuari, feriari est. alacriorem brevis ista
quies reddet ad labores, quibus, & vita omnis hominum,
& munus in primis hoc nostrum, & præſens conditio tem-
porum abundat, si quæ vnquam. Tu mi Athanasi in ſta-
tione iſtâ tuâ vigil manens, pro me quoq; excubitore, uti-
nam non ſemiſomno excubare perges, & valebis. Seue-
rino, ſi apud vos eſt, reliquisq; contubernaliſus tuis, viris
integerrimis plurimam ſalutem. In ſecceſſu Caſtilioneo.
Idibus Octobris.

ALEXANDRO BVRGIO.

BInas ad te dedi litteras, vras annum iam, & eo am-
plius conſcriptas, alteras ſexto ab hinc menſe, nec
me fugit ambas longæ peregrinationis caſibus iactatas,
poſſe.

postremò littus tenuisse. pro quibus ego abste præter illud comicum, nil planè extorfi. eademne fata tertias has maneant, an liquidiori augurio hinc soluant, mihi quidem ambiguum est. tibi in procliui, rescribendo diluere pertinacis silentij suspicionem; cuius tanta vis esse perhibetur, vt nihil necessitudines labefacter magis. Quintus se decimus circunducit annus, ex quo te Romæ primùm cognitum, conciliante amorem probitatis, & doctrinæ famâ, in ore, in oculis, in sinu fero, cum interea, omitto multiplicem eruditionem, quam in tanto studio, ingenijq; subtilitate non admiror, eximium in te sum expertus animi candorem, fidem singularem, constantiam verò in amicitijs omni pietaris genere excolendis summam. quo fit, vt non te nunc magis officij oblitum, quàm me potiùs vt tua memoriâ exciderem, meruisse putem, scireq; abste aueam summopere, quid in te committere potuerim imprudens, quauè potissimùm in re amicitiae iura prætergressus fuerim: quod si assequor, efficiam, vt vel me purgando, vel culpam deprecando, veniam impetrem: sin minus, ego tamen tacitus te silentem colam. Vale.

DONATO MAURO CENO *Senatori Amplissimo.*

ANtequam me tibi inuidere secessum istum tuum Patauinum dixerò, præfabor non esse omnem nullo discrimine inuidiam damnandam, non hercule magis, quàm Erin dissidij, & cõtentionis Deam, quæ licet pestis sit humani generis teterrima, Hesiodo tamen Musarum atq; Apollinis alumno, & laude non indigna, & hominibus utilis videtur. quis enim affectum in me iure damnet, qui sub inuidiæ personâ, fortunæ meæ misratio est, tuæ commendatio? cui sic inuideo, vt tantum tibi obtigisse boni gaudeam, idem mihi non euenire doleam, euenturum sperem. Et verò si vniciq; nostrum natura deside-

N

rium

rium in seuit, quò beatitudinem appeteremus; mirari non
 debes, si id ego vehementer cupio, cuius compotes per-
 beatos reor. Urbem colis Italiae ocellum, insignem pomce-
 rij amplitudine, ciuium splendore, ædificiorum elegantia,
 aëris salubritate (cuius cum Plato nullam rationem peni-
 tūs habuerit in statuis Academicæ Philosophiæ metiendis,
 contentus non imitari, quærere omitto) præterea gymnasio
 omnium, quæ fama refert, celeberrimo, quò tanquam ad
 bonarum artium mercatum innumera vndiq; confluit iu-
 uentus. Amicis vteris eximia eruditionis, candoris, pro-
 bitatis: quorum ego catalogum subtexerem, si vereremur
 ne eorum multitudo dignationi nominis officeret apud eos
 præsertim, qui summa ingenia raritate æstimantes, haud
 possunt facile induci, vt credant quicquid vbiq; terrarum
 hominum doctiorum floret, portas Thebarum numero ex-
 cedere, non Egyptiacarum quidem, quas [†] ἐκατόμυπυλῶν
 fuisse memorant, sed Beoticarum. Neq; ideo silentio inuo-
 uam Academiae istius lūmina Musarum, Quæringum,
 Gualdum, Contarenum, quibus vel innotuisse præclarum
 est, nedum placuisse, quòd tibi ita contigit, vt concilian-
 te amorem similitudine morum ac virtutum, illi de com-
 muni studijs tecum colloquendo longos sæpè soles con-
 dere visantur. Ni mihi nota satis esset tua moderatio à fa-
 stus & vanitate maxime semota, intradentium vallum con-
 tinerem, quòd mox sum dicturus: vnam me in hortis tuis
 cum huiusmodi viris ambulationem omnibus regum opi-
 bus præferre. Nec timor est, ne opinio me fallat, rationi
 ad amissum quadrans, quæ inter peculij humani bona ea
 sola suspicit, quibus animi cultus continetur, cætera tan-
 quam res externas paruipendit. Verum philosophum ena-
 ista quæ ex dupondio apud vos veneunt in scholis, missa fa-
 ciāmus. Ego longè à nutriculae tuæ votis diuersus ab eo:
 optauit illa tibi vagienti formam, diuitias, honores, neq;
 frustra. Ego istam mentem, istum animi cursum per He-
 roum

† Haben
 tes centū
 portas.

IIIIT

VI

roum

roum nostrorum veterum vestigia ad decus, & gloriam
 ducturum, siquidem hac Hermolaus ille Barbarus, sæculi
 sui phœnix, hac Iustinianæ gentis proceres iuere, hac non
 multo postea Hieronymus Donatus faciundia trilingui in-
 clytus, cuius Patavini horti, pomerio urbis adiacentes,
 me inuene ob tanti viri memoriam celebrabantur. Eadem
 tuos fortuna manet, si, vt cepisti, in illis aliquam vitæ
 partem ducere malueris, quam forum obsidens, ciues tuos
 per otium videre, angustum periter luctantes ambitionis.
 cui sanè spectaculo quàm interesse, quò nunc potius non
 fugerent prisca illi Reip. nostræ conditores? qui non nisi
 rogati, victiq; precibus, magistratus eos capessabant,
 quos nunc vides ab enixissime rogantibus, pressantibusq;
 tam efflictim peti, expetiq;. Quàm vellem te illa sæcula
 tulissent, cum Honoris templum per solam (neq; enim
 aliunde patebat aditus) Virtutis ædem adibatur. nunc bo-
 na posteritas posticuum vnum aut alterum compendij cau-
 sâ adiecit, quò enim à trita semitâ longius abscedere, si
 breui citra sudorem confici iter potest? vtinam ne ista
 breuitas. Sed prestat vela contrahere fortassè latius exten-
 sa, quàm epistolæ fines patiuntur. quod igitur initio di-
 cebam, tuæ felicitati subinuideo, quò Pomponium Atti-
 cum Ciceronis. per familiarem imitatus. Athenas Euga-
 neas frequentes: quò colles istos prospicias, non tam
 Baccho, quàm Palladi gratissimos; vbi hyemēs egelidæ
 ver spirant: quò Nicolao Contarèno vicino perfruaris,
 viro tam docto, tam suauī, tam rei hortensis studioso:
 quò tempora, quæ tibi tranquilla, liberaq; fluunt, ita di-
 uidis, vt partem tibi & Musis, partim amicis non inerudi-
 tis impendas. At nos, ne gratiud inuidos esse suspiceris,
 in hoc rigenti cæli cardine, torpentisq; naturæ solo, mu-
 nere distinemur molestissimo; vbi sodales non nisi per
 somnium videmus, non nisi per epistolam alloquimur; hoc
 etiam Vlyse ipso ærumnosiores, quò ille Ithacam incole-

bat salebrosam, asperam, montibus quasi nidulum suffixam, sed patriam: noseiusmodi affectu etiam caremus, nisi patris nomen ex officio insamptum molliores nos reddit in externos, eosque siue eorum quosdam, suis rupibus in nos aliquando non molliores. Accedit intermissio studiorum, vrbauitatis, elegantiae, Musarum denique obliuio: quas semel olim Ouidium prosequutas fuisse Arabissum usque Ponti, vltimosque Getarum Tomos ita poenitet, vt vix haec montium aspreta accessuras credam; vbi neque Parnassus delicias, nec Aganippes illimen vndam sunt habituræ. Sed sentio me longius à littore abreptum, dum breuis esse minimè laboro, vt tuas vberiores litteras eliciam. Facigitur, ne me spes fallat, & vt valeas, cura.

MARCO VELSERO *Duumuiro Augustano.*

Facit nominis tui claritudo, vt etiam tibi ignotis innotescas; nemoque hodie eorum sit, qui numen, sacraque Musarum ritè colunt, qui te, faciente amorem eruditione, ac virtute, non in oculis ferat, haberi que tuorum in numero vehementer cupiat. hanc ego coniecturam de me ipse facio, qui ex quo primùm Clarissimorum Virorum de te elogia perlegi, sermonibusque laudum tuarum refertissimis interfui, mirifico tui desiderio flagrare cepi; neque id immeritò. Necessitudo mihi fuit cum Pinello, Bencio, Aicardo, Guilandino summa: Quærengo, Gualdo, Bello adhuc vtor perfamiliariter. Vnus tu restabas ad sacrum illum, & concordiae dicatum numerum explendum; cuius ego in amicitiam admitti sicuti nunc expecto, ita in posterum enitar, vt (si doctrinam exceperis, cuius quàm sim expers, planè sentio) nullum in me studium, nullum grati animi officium sis vnquam desideraturus. Gualdo ipsi in tui amorem effusissimo vix cessero, reliquos, ni vota destituent vires, anteibo omnes. tu modo tuæ famæ non absimilis

lis nos tui cupidissimos mutua ama. Vale. Belluni nonis
Februarij. 1611.

IACOBO BAROCIO *Patritio Veneto*

Oratori eloquentissimo.

LEgi nuper bibliothecæ Delphinianæ, quam apud vos
venalem proflare audio, catalogum ne dicam, an
pandecten, voluminum omne genus calamo exaratorum,
impressorumq; gremio complexum: legi inquam, & quæ
à Seneca nostro dici olim per locum, aut per hyperbolen
credideram de diuitum nonnullorum sui æui studijs, phi-
lologos bibliothecâ tenuis imitantium, quorum totius vi-
tæ ocium vix sufficebat suorum librorum indicibus legen-
dis, veriora esse comperi his, quæ apud Sagram accide-
runt. Nam & catalogus ipse in tria volumina erat distri-
butus eâ litterarum paruitate, atq; spissitudine conscrip-
tus, ut lyncæo indigeret Anagnoste; & voluminum illo-
rum vnunquodq; tantæ molis erat, ut Anticatones Cæsa-
ris æquaret. In his cum mihi primo aspectu tot millia no-
minum, cognomentum, nationum occurrissent, in men-
tem venit suspicari, commentaria ne hæc inditionis Au-
gustæ essent, vbi totius Romani orbis incolæ contineban-
tur an potius† diphthera Iouis, in quas ipse mortalium
acta dictum refert. Verum hanc dubitationem meam
statim excussere apposita nominibus librorum argumen-
ta. nunquam me meæ ruditatis piguit magis, quam cum
hæc perlegerem. Nam inter tot examina scriptorum vix
vnum, aut alterum agnoui. ceteri ignoti mihi proflus,
atq; inauditi. nomina pleraq; omnia aut contorpicata
erant Punicum in morem, aut monosyllaba, qualia Abo-
riginibus suis Flandris tribuit Goropius. pauca admodum
offenderes, quæ Romanus proferre posset nomenclator;
reliqua tetragrammatophanta requirebant aliquem de re-

cutito

† Pelliæ
malibet
capre.

cutito genere Syrophænicum, quibus non minus musicum
 sonant Occham, Bricot, Olchor, Bohic, Koineikstein,
 Pirkahimer, quàm eruditis auribus Apollodori nomen,
 aut Theophrasti. Sed de nominum inconcinnitatè, licet
 ea à Cratylo, totaq; Academiâ permagni fiat, minùs labo-
 rarem, ni rerum accederet fatuitas, quam vel hinc cogno-
 sce. Inaudisti, credo, inter iratis musis editos libellos
 Alexandri cuiusdam anagrammati prorsus grammaticæ
 opus, Doctrinalis titulo inscriptum, quod iam diu est, ex
 quo solum vertit, exilio à tribunis literarijs damnatum;
 huius tam præclari operis, quò clerici olim latine loqui ni-
 miùm accuratè dediscebant, complures scholiastes ibi re-
 censui, & commentatores, vt omittam magnos, imma-
 nesq; de paruis logicalibus tractatus, quodlibeta nume-
 ro carentia, Disputationum collationum, atq; magistra-
 lium: Moralizationum millia tercenta: porro Quirites
 quid hoc aliud est, quàm latinitatæ arcem, Capitoliumq;
 Gallis prodere? aut fatalem illum equum, Epei dolo fa-
 brefactum Phrygia intra mænia recipere, excidio illiunda-
 turum? Nec oriunt mihi, nec voluntas fuit cuncta peruo-
 luendi, sed nomina fallunt, credo equidem nullum illic
 Suffenum, Casiumuè, nullum carcinoma Musarum, nul-
 lum demum incommodum sæcli defuisse ex his, quæ soda-
 lisuo missurum se Catullus comminatur ob nescioquid ine-
 ptiarum, quod ille prior sibi Saturnalibus, dierum optimo
 donauerat. quod his oculis vidi, reticere nolo: florentis
 facundiæ Heroes nati melioribus annis, sui dissimilibus
 permixti non aliter suffundebantur pudore, quàm si idem
 in ergastulum cum nequissimis mastygij coniecti forent:
 neq; ideo summi viri incuso diligentiam in hoc anthraci-
 no thesauro sibi non mediocri labore, atq; sumptu compa-
 rando, cum & consilium eius nimè habeam compertum;
 & multa incapta carpi sciam, quæ mox effecta laudem
 merentur. Quis nostrum si Poniopolin aliquam extrui
 conspi-

† Carbu-
 num.
 † Impro-
 borum ci-
 uitatem,
 quam in
 Thracia
 Philippus
 condidit.

OMI

conspiceret, in quam lectissima quique improbitatis homi-
nes suis cuique contributis agris atque domorum areis, tan-
quam in nouam coloniam transcriberentur, non statim de-
ris deuoueret urbem, incolasque. At id non infelicitè Regi
Macedonum Philippo cesserit, purgamenta exercitus vnum
in locum ableganti, vnde malum referre pedem halid pos-
sent. Acciperem excusationem, inquires, ni gryphes equis,
hoc est semilatinorum nugamenta iunxisset optime notæ
Autoribus. quod ego crimen in presentia sic diluo, vt in
exscriptoris incuriam rejiciam, qui discretas fortunato-
rum scriptorum sedes cum extremæ sortis librorum foru-
rulis confundens ima summis temerè admiscuit: non secus
ac pharmacopolarum pueris euenire solet, qui noxia salu-
bribus coniungunt aliquando per socordiam, nonnumquam
etiam consulto. neque enim solæ veneficæ venenæ colli-
gunt. eadem cura Asclepiadas fatigat, quo alexipharma-
ca in promptu habeant, quæ illorum opponant deleterijs.
aduersus scorpionis morsum nihil aequè prodesse experti
aiunt, quàm scorpio ipse tritus, vulnèriq; impositus. quàm
sanè vim si barbarorum auctorum scripta minutarim discere
pta retinent, aduersus barbarographiam, morbum Ierha-
lem, sacrum, ac, vt nunc sunt tempora, planè epidemicum,
ne iste bibliotheca tam diuitis instructor hominibus nostris
optime consuluisse credendus est. Hactenus mihi tecum
per epistolam iocari libuit, nisi tu dolum potius, quàm io-
cum vocas, huiusmodi technis emprores abstertere velle à
librorum licitatione, vt mihi quantiuis pretij supellex vili
addicetur. id quoque à me quesitum minimè diffiteor. qui
enim possem, nisi improbæ frontis essem, deprehensus, eo
in crimine præsertim, cuius expertes paucos viuorum esse
autumo, abs te igitur mihi ignosci equum est culpam agno-
scenti. palinodiaque loco illud proferenti latere non magis
sub quocumque pallio, quàm sub qualicumque verborum in-
uolucro sapientiam. cui id cum sole commune est, vt in

luto

luto quoq; Romuliq; fece nitorem seruet. meminisse te reor Alcibiadis apud Platonem in Symposio orationem, quā laudes Socratis profecutus est, philosophi omnium confessione maximi, & planè diuini: Sed quem ob corporis deformitatem imbalniciem, sermonis incomptum genus Silenis templorum comparabat. qui, si ea tantum modò, quæ oculis obuersantur, spectes, nihil præclari præferunt extrinsecus: si intima pectoris rimeris, cuncta ebore, gemmis, auro refulgent. idem planè nos subigit fateri veritas de doctissimis viris Scholasticæ disciplinæ æmulis, licèt sensa animi obscurissimarum quæstionum tenebris infuscent, licèt filices lapides loquantur. Verùm ista, cui sint magis, quàm tibi cognita, haud facile inuenierim, qui & huiusmodi autorum commentarijs si quis alius abundas maximè, & ex eorum lectione, tanquam ex horrido, & inculto campo pulcherrimarum sententiarum flosculos delibas, quibus non tam in foro, vbi nunc tu regnas, quàm in colloquijs familiaribus cum viris doctissimis, hoc est, cum tui similibus vtaris. Tu igitur hæc per otium examinabis, & valebis. Obsignaturus epistolam raptim, ac nimium familiariter perscriptam, granditatem illi deesse deprehendi, itaq; curauim, vt ad te si non cothurnata, at saltem coturnitata perueniret. iterum vale, & nos ama. Nonis Decemb. MDCX.

DONATO MAVROCENO *Senatori Amplis.*

Quod olim apud Platonem Socrates in Phædro laudationem amoris auspicaturus, id ego, cum meas has pœticas nugas ad te darem, feci, vt pallio obnuberem caput præ rubore. Subuerebar enim, ne tu non absq; supercilio subridens: ecquidnam huic, diceres, ingenio, munere, etate tetrico cum iocis solutioribus interuenit? Neq; nunc quidem iste pudor animo penitus excessit, quamuis graui-

gratissimorum hominum exemplis praesidium aliquod mihi comparauerim aduersus censorias notas criticorum. Nam Socratem ipsum philosophiae parentem scimus nonnunquam carminibus lusisse Apolline non usque adeo fauente editis: & Platonis eius alumni epigrammata inter praecipuas graecae iam tum florentis facundiae opes etiam miramur. Sed hi insipientis sapientiae doctores fuerint. Gregorium Nazianzenum, ingens illud Theologi cognomen quae scriptis, quae moribus promeritum, a Musis festiuioribus non abhoruisse testatur eius omnis generis poemata; elegi imprimis, quibus animum alienis crinibus comantem lepidè, argutèq; nimis insectatur. cui comites doctissimi Viri nostrae pietatis addi possent Apollinarius: Methodius Martyr: Nonnus Panopolites, idem Euangelicae historiae; ac Dionysiacorum scriptor non inelegans; quos credibile non est huiusmodi studiis incubuisse, si putassent sacra, quorum illi cultores fuere maximi, pollui poetices affricu, ac contagione. Verum Apologiae satis datum coram te praesertim, iudice minimè omnium difficili, atq; Lycurgeo, & cui hac prorsus carere culpa, quam eam deprecari crimen fortasse grauius videbitur animaduertenti quam non sit facile homini non planè indocto Musis, quibuscum à puero aliquandiu consueuerit, nuncium remittere, eisq; ut res suas habeant, edicere; eum, etiam si furcillis praecipites eijcias, recurrant. Ipse de me huius rei coniecturam facio, qui procul ab isto eruditorum hominum commercio in penitissimum Italiae angulum ad ipsas nempe Noricarum Alpium fauces reiectus, ubi & otia non suppetunt, & occupationes molestissime ex suscepto munere supersunt, cohibere tamen me non possum, quin volens nolens illis obsecunder aliquando. Quod tamen à me fit eà ratione, ut non partem aliquam temporis in publica negotia, aut grauiora studia imperdi solitam subducam, quam huiusmodi ludicris impendam, sed de somno

detrahā non nihil, qui hybernīs mēsisibz mihi perquāmbreuiſſimus obtingit, credo ob cæſe, quæ com̃eatus eſt ſomni, breuitatem. haſ ego horas verè aureas, diem, ac noctem interiectas, quarum hæc amica ſilentia miniſtrat, illa ingenij excitat alacritatem, ſecretorum meorum conſcias aſſumo: in his ipſe mihi viuo; mecum habito; mei conſuetudine perfruor quam familiariſſimè: harum beneficio deniq; retineo, ſiquid annis melioribus perdidici, alioquin euolaturum inter tot mentis euocationes, quas dies oborta ſecum affert. huius ſuauiſſimi temporis uſuram pallore, macie, valetudinis incommodo quaſitam, neminem fore arbitror, qui mihi inuideat, ex his qui genio conſultum volunt; aut vitio vertat, quòd Muſas puellas frugi, ſiccas, pudoricolas de nocte tum demum in cubiculum admittam, imò potiùs vltro irrumpentes non excludam, cū animus, vt à longâ cogitatione euenire aſſolet, defatigatione affectus, laxamenti aliquid expoſcit. Quòd ſi non eſt eiufmodi, vt alios etiam oblectet, non me idcò mei inſtituti pœnitet, qui hæc non alijs conſcribam, ſed mihi, tibiq; amicorum optimo: cui vt mea omnia ioca, ſeria non ignotâ cupiam, facit tuus ſingularis in me amor, quem ſanè non dubito iudicium mihi tuum demitigaturum. Vale.

ALEXANDRO BURGIO.

EQuidem ſic exiſtimo Vir ampliſſime, magni admodum referre, cuiuſmodi ſint, quos Principes creſcenti ſuorum ſpei admovent. Nam cū prima illa ætas alieno ex ore ſapiat, ſit neſcio quo pacto, vt ad eorum componat ſe exemplum, quibus conſueſcit familiariùs. Hinc illæ Philippi Macedonis voces natali filij ſui gratulantis, quòd in ea incidifſet tempora, quæ Ariſtotelem tulerunt præſtantiffimum Philoſophorum, cuius erudiri præceptis egregiam Alexandri indolem non minùs præclarum ſibi reputabat

rabat, quàm Græciæ latè dominari. Quod cùm mecum animo reuoluo, nescio, tuæne eximie virtuti gratuler an M. Antonij Burghesij adolescentis lectissimi felicitati: an potius Pontificis Maximi iudicium admirer, qui nepoti, quem vnicè diligit, te moderatorem de tot Urbis proceribus delegit, vt haberet veluti Phœnicen alterum, qui illum efficeret Oratorem verborum, actoremq; rerum. Memorabile certè aliquid à tuâ summâ probitate, & sapientiâ expectant omnes, qui te norunt, nec timor est, ne spes eos fallat: adsit modò cœptis Dei fauor, & supersit vita. quod vt eueniat, nos ætate iam, & valetudine non amplius inter iuniores recensendi, quando aliud non possumus precibus, quas solas senibus Hesiodus reliquit, obnixè petimus, optamusq;. Vale amice magne, & Lollinum tuum obstinato animo Ithacam istam suam, infixam montium iugis incolentem mutò ma; & doctissimum Virum Scipionem Cobellurium saluta meis verbis.

HENRICO DAVILE Viro Perillu. Stri.

Venetijs digressus extremam Italici agri angulum deueni, irriguis montium iugis adiacentem, niue suâ æstatis calorem frigerantibus, consilio, si quæris, multò saniore, quàm illud fuerat, quod ad vos me detulit, Vere iam ad messis tēpora præcipiti, cùm siluarum vmbracula commodè quæruntur. Hic sudore deterso, excussoq; puluere sic ago, vt vita mihi iam sit iucundior; otium verò studiorum patiens, cuius quidem ne vestigium extabat in vrbe, ætûs & negotij plenissima, & quam iure dicas Mercurij promercalē forum. Nunc iuuat istic plusculos dies contriuisse haud aliter ac nautas, postquam periculis perfuncti portum subeunt; laborumq; non sine sensu voluptatis meminerrunt, quorum perceptio fuit permolestā. Iam corpore vtī; frui animo audacter audeo, iam nosse mea bona di-

ſco, quę non niſi prius amiſſa, dein recepta placent, ſuntq; plurimi. Stat porro, imò ſedet animo, non alibi vnquam æſtiua figere: non ſi gelidas vmbraſ Menala miniſtrēt, aut Taygetuſ. Hiberna, vbi plus nimio frigore dirigui, quę dementia fuerit recedente hieme relinquere? an, ne vlllo vnquam tempore nobis benè ſit, vt Aſcræis olim, malo aſtro genitiſ, quibuſ tempeſtas omniſ capitaliſ, ac infeſta accidebat? Ad mare non ego, ſi ſapiam, poſthac accedam, niſi Brumâ rigente Alcionas præire videro. Haſ itineriſ duceſ non reſuſo, turdoſ æmulari interea contentuſ, nemora factò agmine petenteſ, vnde illoſ Boreas eſt auocaturuſ, vbi primùm hibernum increpuerit. Flabellum, quod dono abeunti dederas, remitto: cùm nec muſcaſ regio iſta ferat, quā illud abigat: nec ventulū nobiſ excitare moriſ ſit, niſi quando flammam conclauſi tepefaciendo ſollibuſ accendimuſ. Satiſ frigoriſ per æſtatem ſuppedit: hieme pluſ ſatiſ, etiamſi ad minicuſiſ id genuſ careamus, quibuſ aër dimotuſ eſtuanteſ ventilat. Non eſt equiſ apta Ithaçā minùſ, quàm hæc loca xenijſ huiuſmodi, quintu, ſi lænaſ, & gauſapa dediffiſ, gratiuſ feciffiſ. Vale.

HENRICO DAVILÆ.

Propè eſt, vt arbitrer loci, non corporiſ eſſe morbum, quo laboraſ. Nam ſubtriffiſ voluptaſ illa, quę ex pruritu orta vnguium miniſterio, peragitur, peculiare peculium eſt Oritanorū. Proinde tibi non Archigeniſ arte, ſed Abariſ ſagittā opuſ erit, quā vectuſ aliò ferariſ: ſi iſtiuſmodi delitiijſ, quibuſ Socrateſ, vt eſt apud Platonem in Phedone, non indelectari videbatur, minùſ caperiſ. Conciniane fabulę cataſtrophę tibi non inopinam puto accidiſſe, cui non ex diſciplinâ Augurū cor ſapit, ſed ex uſu rerū, hitoriariūq; omnigenarū lectione. Seiani mihi caſuſ animo reſuſat, dum hæc audio, tam ſcitè, atq; gra-

aggraphicè, vt nosti, in Taciti scena oculis obiectus. In sum-
 mas cum iste pariter opes ab exiguo censu, priuatisq; for-
 tunis, quas Florentiæ non florentissimas obtinnerat, emer-
 sisset Gynæconitidis fauore, quam posthabito andronè vni-
 cè coluerat, eò demùm dementiæ deuenit, vt iniuriam sibi
 fieri putaret, si foret vno Rege minor, qui nemine penè
 maior apud suos vixerat. Non sat visum auido Imperij,
 Regiosatos sanguine anteire: id moliri capit, vt nullos
 sibi tandem, ne longo quidem intervallo proximoshabe-
 ret. Adeò Periandri factum altè animo infederat, bacillo
 eminentiora papætherum capita decurrentis. Reliquus Rex
 erat (nam Regina iam vltro iugo assuenerat) qui remoram
 inijceret in sui, regniq; perniciem ruenti, hunc quoq; in-
 fidijs aggressus eò loco compulit, vt in eius solus nece vite
 spem reponeret. Hinc turbo est ille subito coortus, qui
 ipsam nihil tale timeantem perculit. Galliam seruauit, ni-
 hil ab eo mali non timentem. Nam de Italiâ quid loquar?
 quæ huius exilio ita est lætata, ac si sospes efficeo incolumi
 minimè potuerit. Vatinium medius fidius, odiū illud
 orbis immortale, si cum isto comparas, inuenies fuisse de-
 lictum generis humani. Nam quòd ad eius cadem attinet,
 Pythona Phæbi iaculis confossum vix tanta gratulatio ex-
 cepit, quanta huius fatum, quod Nemesis sanè stoma-
 chum fabulam non esse meram comprobauit. Minimè sum
 omnium. [†] *Expendit hoc aut quem insultare inuēt hominum*
 ærumnis, etiam si ipsi prius hominem penitus exuerint.
 huius tamen postrema præbere nunc declamationum ar-
 gumentum apud Rhetoras in scholis eo minus equidem
 molestè fero, quod huiusmodi exemplis arbitror eos deter-
 reri porro posse, qui postquam vota ipsi sua subitis incre-
 mentis præterierunt, nulli miserabiles postremo corrunt.
 quibus inferijs sit illi parentatum, credo, inaudisti & quæ
 tua, vel in armis exulta pietas est, inhoruisti. Artus lu-
 dibriorum reliquæ tumulo subitatio sorrepti, vñeo tracti,
 pati-

patibulo suffixi, demum cinefacti, & in auras parsi, ne eos natura saltem communis parens inhumanos, & sibi relictos sepelire tempore ullo posset. Verum hæc atrociora fortasse, quam ut à nobis singillatim stylo complecti debeant, epistolâ præsertim ultra legem breuitatis propositæ tendente. Te hic expectabamus, delectum, uti fama referebat, habiturum indigenarum cohortularum. ut igitur sospes, validèq; validus aduenias, vale. & nos a tui cupidissimos. Belluni.

ALEXANDRO SYNCLITICO *In Academia Patavina*

(Legum Professore celeberrimo.)

A Lexij Aristani partem aliquam nescio quotenarum pagellarum memini me olim habuisse inter literarios calamo exaratorum codicum thesauros Cretâ mihi aduectam, quæ Ecclesiasticos Canones in ordinem hæud amethodicè regestos continebat. Ioannis Zonaræ labor longè alius, cui satis fuit nullo habito delectu Pontificum suorum iura explanare crassâ, sed perbreui Minervâ, ut mos postremæ Græciæ, & iam in occasum vergentis auctorum fuit. Vtrumq; volumen integrum Patavij asseruari vidi vnâ cum ingenti illo legum alueari, quod vos Themidis antistites † ἐξήκοστα βιβλία vocatis, apud Nicephorū Larissensem Monachum inter egregios † βιβλιοθήκας sui ordinis tunc habitum, antequam Gabriel Philadelphienſis scrinia eius, dolone an vi quis in hoste quærat expilasset. Iste, si vivit adhuc (nam iuisse eum ad beatos rumor ad nos attulit, nescio an verax) certiore super hac re faciet: sin autem (quod omen aure differant) hæres eius, aut certè creditor, per quem non ipsi licuisse reor secum libros, quos optimæ notæ plurimos habebat, adsportare † δ᾿ ἀποστρέψαι. Ex his, qui eosdem locos græcè tractant autoribus, neminem per calcographorum typos emulgatum vidi, præ-

† Sexaginta le-
gionum.
† Librorū
summas.

† τὸν αὐτὸν
προσέγραψεν.

—neq

ter

ter Balsamonem, Photiani Homocanonis interpretem;
 & anonymum illum, cuius opus est, Ius orientale. Me-
 rum hæc tu mediûs, qui urbem incolis istiusmodi mericum
 feracem. nos enim iam dudum [†] *ἐπὶ τῇ αἰῶνι*. De duo-
 bus epigrammatis, quæ nuper inuitissimis Musis edolauimus, vnum, vt de Aiace suo Octavianus Cæsar dicere sole-
 bat, spongiæ incubuit. alterum ad te iam transmissum,
 vix tantiesse puto, vt versipiatoris cuiusuis de triuio famam
 pro dignitate sustinere queat. nisi fortè apud te, qui no-
 stra specillis spectas telescopijs Hollandicis. tandiu te in
 freto ambitionis fluctuare permolestè audio. puppim iam
 obuertisse littori oportuit, nihil vialibus Dijs amplius de-
 bentem. Verùm sic nunc iuuirur. spes quoq; ipsæ, & qui-
 dem, quàm Homericæ sunt litæ, loripediores, impensâ in
 antecessum prece, discursu, prensatione, tædio emuntur.
 Valebis igitur, & vt Catulliano verbo utar, vsq; obdura-
 eo tibi carior sponsa superueniet, quo diutiùs speratur no-
 bis hîc, æstuosâ licet anni tempestate, & quâ vos sudore
 diffluere non addubitamur, tantum abest, vt frigus opa-
 cum captare vacet, vt ad solem etiam appicari nonnun-
 quam libeat. Vale.

† Solitu-
do barba-
ros diduc.

BERNARDO A COLLE *Bellunensis*

Venetijs Medico Perillustri.

CVM istinc ad nonas Iulias reuertens Populeum tuum
 præterirè, quo nihil in totâ illâ regione Transarctanâ
 aliud, nihil est amenius, cepi mecû de te (quod solens facio)
 tuâq; istâ vitæ ratione cogitare acriùs, credo, loci præsen-
 tiâ admonitus, quem scis ad recordationem plurimum
 conferre. & tempus eiusmodi sanè inciderat, vt villæ quo-
 uis Tybure opacioris latiùs se vmbre explicarent, sole iam
 deuexo. En, aiebam, quò nos adigit ambitiosa laudis cu-
 pido, merendoq; nostri memores alios faciendi studium.

Col-

Collinus sua regna linquens æstiuis mensibus apta, quantum nec Perfarum Regum celebrata veteribus Ecbatana, æstuaria Venera inhabitat; ubi aqua, & illa quidem palustris pluris venit, quam in Plauti thermopolio murihina, aut mulsu; aer nisi flabello dimotus torpet iners: somnum nunc culicis tuba eripit ex oculis, nunc comessantium circuncursatio, nunc (quod & sæpius euenit) vtrunq; ubi quod cardiacis accidere videmus, sudatur, & bibitur assidue. & ne quis putet ibi confertis manibus eum otari, aut ventulum sibi facere, quod beati solent, frigus remotiori in parte ædium captantes, ægros visit perdius, febres feruens curat; vsq; aded aliena salus propriam præuertit. Plura in hanc sententiam parabant, cum Musæ nostræ, quæ mihi Spartam meam repetenti officij causâ eò vsq; loci obuiam exierant, letum exceperè perhilariter, quarum ego beneficio vsus, quod tacita cogitatione mecum agitarum carmine conscripsi, si queris, subito, atq; viatorio; quod huic epistolæ insertim leges, solumq; seu salum potius mutare vertens, febriculosa loca, nec messes Arabum olentia, amænis, atq; salubribus mutabis Sirio aduentante. Cuius iniuriam non aliter arceri posse veteres putabant, quam Iacchi pharmaco algidâ in umbrâ. Vale amicorum optime, & vt frater validè valeat, accuratè. De Humi.

ANDRÆ MAVROCENO *Senatori.*

† Semestres.

Ocupationes sanè vero publicæ & ex publico Castoras vos reddunt, procures politicos; semestris anni cuiq; integer ita à vobis Reipublicæ insumitur, vt vix respirandiorium superfit; semestris vitæ manijs fit reliquus, nec ille quidem totus; aut omnino liber; cuius quippe pars non quotacumq; sed plerumq; potior, eisdem fermè distinctur curis. hunc inibi familiaribus epistolis lacessere fas sit, parcius modò, atq; verecundè, illum interurbare ne verbo ausim

sim, nisi me importuni ingenij cognomen. & pro responso ^{† Ne mi-}
 Aristophanicum illud ^{† eudem po-} delectet. nec verò iniuriâ ^{nimî quas}
 nam. quæ rogo frons tam pudoris nescia eorum tempora ^{dem.}
 morari velit nimio sermone, aut scriptione, quibus feria-
 ri vel non licet, vel si quando licet, prodigere otium non li-
 bet litteris legendis haud multi pretij? equidem non sic
 ineptio, vt cuius amicitiam colo summâ pietate, eius ve-
 lim cogitationibus officiosissimè obstreperè, aut otio nego-
 tium facessere stultorum more. neq; ideo (quæ tua est sua-
 uitas) Sigaliona me prorsus esse, puto, patieris, aut Amy-
 clæum, qui sepius etiam ad scribendum prouocas, ne no-
 stræ necessitudinis fructum intercipiat silentium, neu le-
 the obruat. Sed proæmiorum, nisi plus nimio satis, iam
 sit satis: cum mecum epistolas ^{† raxades,} & quæ fungino ^{† Breues}
 sunt capite non probes. Misit ad me nuper Sozomenus ^{pamilio-}
 noster inscriptiones viuificæ Crucis duas græcas, iambis vt ^{nis for-}
 mihi sunt visi, non omnino malis comprehensas: quas ^{man ha-}
 ego, quia & historiæ corû temporum consulunt non nihil, ^{bentes.}
 & pietatem lectoris fouent maximopere, vertendas latinè
 non minus quàm metricè, imò verò iambicè curavi: ne il-
 lis quoq; ignotè forent, qui M. Marium Ciceronis perfa-
 miliarem imitati, ire, ne rus quidem suum petaturi, Græcâ
 viâ volunt. Interpres verbum verbo reddere neglexit, sa-
 tis quidem habens, si accedat ad Sententiam quàm proxi-
 mè. quâ in re monitore est vsus Venusino Vate. An rem
 acu, quod dicitur, tetigerit, tuum est decernere. His a-
 diunxi carmen eiusdem argumenti domi meæ natum, neq;
 tamen meum. tandiu est, cum mihi cum Musis negotium
 nullum intercedit, vt in mentem subuereri veniat, ne ma-
 læ tractationis diem mihi dicant apud Tribunos literales.
 parùm eis nunc planè adblandior. adblandior autem?
 imò, vt ipse olim Catullianum illum cognominis non ho-
 nesti, sic ego eas furcillis abigo. Quærens ille eruditi
 laboris Atlas, mei cos ingenij hæc non ita pridem ad me

P dedit,

dedit, quæ tibi impertiri pretium operæ putavi, ut embam-
matis loco essent, quo nostra palatui tuo minùs displice-
rent. Lege, si vacat. & vale, & nos ama Amplitudinis tuæ
cupidissimos. Belluni Idibus Iulij MDCXVII.

E I D E M.

EVge Vir non laudibus modò nostris, sed sæculo quoq;
tui censu longè maior. Nimbi vndiq; æthera præ-
cingunt, hyemem Reipublicæ ferentes; & tu non inter-
missam clavis, ad quem sedes, gubernatione, litteras re-
tractas? nec te vectorum sospitas, quorum salus tua ti-
bi carior; nec orbis concussi fragor cæteros exanimans, ut
nuncium remittas studijs, inducit? Diogenem ego anor-
mis eorum sectæ Coryphæum, qui vitam sine lare, sine
lege segregem, ac planè Timoniam ducebant, Corinthi,
cùm Ciues plus immo calere cerneret pro aris, & focus
breui pugnatuos, dolium suum ita per compita & fora cir-
cumvoluisse, ut penè confregerit, haud sanè miror. Quid
enim singulator ille, Deorum atq; hominum irrisor egisset
aliud, à muneribus publicis non minùs abstinens, quàm
Samius sapiens à fabis? tibi potiùs animum istum iure gra-
tulor, quod eadem operâ & curis sufficiat communibus,
& supersit Musis: Musas autem cùm dicò, non illas modò
canoras, Pœtarum daphniphagidarum Numina intelli-
go, quibus cum tibi quoq; necessitudo intercedit; sed gra-
uiore, ac seueriores, quarum ope in historiâ tempo-
rum condendâ Hærodotum æmulatus yteris, qui libros
suos licèt pedestri oratione editos, quibus nihil habet Græ-
cia diuinius, earum nominibus inscripsit, Deum verò,
Diuosq; omnes precor, quibus curæ Itala res est, ut pacem,
diffatis procul his nebulis, reducant cum eius familiari
comitatu securitate, hilaritudine, liberali otio, cuius si ti-
bi contigerit laxior annona, cui dubium, quin sis vberio-
res

res ingenij tui fructus percepturus bono literarum? Verum hæc euenient tandem aliquando: sic diuinat animus. Vsurâ interea fruamur præceptæ ex ipsâ expectatione voluptatis. me certè eò temporis optatissimi prouehit cupido, cum decumanos hos fluctus malacia excipiet, vt, cum euenta me adhuc morentur, percipiam tamen gaudij non nihil ex imagine rerum speratarum. Huc vsq; calamo processeram, cum ecce mihi argumentum ingens, nouum, eucharisticum litteræ tuæ attulerunt, quibus me libello donas aureolo, cuius dum folia moræ impatiens, vti fit, peruoluo, ea limis legi, quæ de meis carminibus scripsisti. Ne uiuam, ni à te amari tam effusè (nam laudari quid opus est dicere, cum laus ab amore oriatur Rhetorum blandissimo?) ita delectauit, vt opinari incipiam in me esse instar aliquod Virtutis, quod tibi, me inconsulto, imposuerit non inuito tamen. cui enim non pulchrum fuerit, ac perhonorificum ab illo non improbari, qui probatur omnibus? De toto libello quid sentiam, cum ipsum auide perlegero (nam nunc tabellarius vrget abiturians) pluribus rescribam.

Syngliticanum negotium de meliore notâ tibi commendarem, nisi litteris meorum factus essem certior, te in eo promouendo vix mihi ipsi, cui summæ est curæ, iam concedere. quod quàm mihi gratum, quàmq; tuorum officiorum omnium sit simile, cum res loquatur ipsa, quid attinet scribere? Vale amice magne, & rem, quod facis, literariam non minùs, quàm publicam accurâ quàm auspiciatissime.

E I D E M!

EXculsi me non ita pridem diligenter, dum mecum ipse rationem puto, quâ possim tuis tot beneficijs obstrictus tibi saltem aliquâ ex parte satisfacere, nec inueni quicquam, quod magis in re esset meâ, quàm in ære tuo;

P z adeo

ad eum me bene merendo prior occupasti. In foro mihi tandem cedendum foret, nisi spes animus minimè decoctor faceret futurum, ut inter ipsas egestatis angustias materiam sibi inueniret liberalitatis aliquando. Me igitur hac spe interim sustento: præsertim cum tu is non sis, qui nominibus quantumvis lentis calendarum incutias timorem facilitate istâ tuâ, atque lenitate, gratiasque tantum ago, habeoque haud qualescumque, sed officiis tuis pares, nempe immortales, haud temerè alio posthac ad te scribendi characterem libentiùs vsurus, quam qui eucharisticus in scholis Rhetorum vocatur, estque si non pudori tuo, pietati certè in te meæ consentaneus. nam tu quidem promereri laudes contentus, laudari respuis, dignus ob id maximè, quem minus eternitati temporum commendet Musarum ac Charitum concordia, tibi Synclitici nostri causâ deuincta, quam proprii ingenij diuinitas, cuius multiplici fæturâ famæ innotescis non interitura. vel nupera illa qualis ad me missa de sacris Lipsanis? quam docta, pia, elegans, & eo magis ornata, quo inelaboratior. In ea iam animaduerti Epigrammata abs te laudari duo Iambica, distichum præterea trochæo, præproprio metri genere, ad planè rotabili expressum: quæ erant enim græcè perscripta non in seipsum, vertenda mihi in latinum statui: ne posthac interprete apud eos lectores indigerent, qui haud paulo minùs quam Pala medis aues græcos norunt à barbaris nationibus discernere. En humanas vices: en rerum in præceps semper ruentium prolapsus. Vrbs æternis faderibus Graciæ coniuncta, eiusque tot, tantisque latè populis imperitans vix vnum, aut alterum nominat, è suorum albo, qui in Hellenismo cum Octauiani Caesaris salutate psittaco conferri possit. Gregorius Barbadius tibi succrescebat lingua, quâ Musas locutas ferunt, haud imperitus, cum mors Veneta eruditioni inuidens eum interceptit in ipso ætatis, ac fortunæ flore. O cæcas hominum mentes. O futurorum igna,

ignarum pectus magni Bessarionis illius, Græciæ post tri-
stia suorum funera assertoris, qui Atticæ eloquentiæ, do-
ctrinæq; gazam, illustrium ingeniorum monumenta per
tot maria vecta non alijs concredi voluit, quàm patrum no-
strorum proavis in Græciæ propylæo à naturâ ipsâ consti-
tutis. Quam vereor ne voluentibus annis Bibliothecæ At-
talicis Regibus olim inuidendæ, libris per summam incu-
riam aliò translatis, aut carie absumptis, nihil sit aliud
futuræ, quàm Bibliothecæ, hoc est loculi librorum, sed
inanes. Verùm has, dices, querelas temporâ non ferunt,
cùm lituum, & arma magis poscat res. audio; sed nos ne
festâ quidem pace, quæ diu, multumq; nostris regionibus
incubuit, ad huiusmodi studia promptiores fuimus, quàm
nunc Marte sumus omnia turbante. Cœli schematismum
equidem, astrorumq; recursus causerer, vnde squalor tem-
poribus statis venit literarum, si Chaldeos sequerer: neq;
foret æquius luxui accepta hæc tropica referre, qui in alia
omnia trahit iuuentutem haud sanè multum resitantem:
præsertim vbi Hellenismus ipse tantum à commendatione
procul abiit, quantum ludibrio est propior. Quicquid
igitur hoc est versiculorum latinè à nobis redditorum in
eundem fasciculum coniectum simul cum his litteris habe-
bis. Vir Amplissime oræ tui libelli adscribendum, à nobisq;
interea expectabis literarium aliquod munusculum.
† χαλκρον scilicet † αὐτὸ χρυσέον. Vale.

HENRICO DAVILE Viro Perillustri.

VEra narro: in vrbe ciuitatis nihil iam est reliquum:
omnes ad vnum veluti signo dato rura petiere. me
secessus habet adeò propinquus, ac submenialis, vt inde
urbem, quasi parum sit aspicere, olfaciam. Autumnitas
otia hæc facit, indictæq; à Lenæo feriæ, cuius sacra non ali-
ter coluntur, quàm securo, solutoq; in omnem hilarita-
tem

† Ferrer
† Contra
antem.

tem animo. Accedit auspicatum negotij genus, & cui nemo non vacat per hos dies, aucupium multiplex, festi-uum, voluptatis ingenuæ plenissimum. Alij lusciniæ, quæ iam saginâ grauatæ silent; ficedulas alij nunc fallunt; nunc panthera capiunt. quid corrugas frontem? nostra non modo rura, sed florentis facundiæ scriptores nati melioribus annis sic loquuntur. Porro qui plus sapiunt, nec voluptate ducuntur labore tam improbo quæsitâ, fruticetum aliquod syluiforme occupant. in eo è ramis frondentibus laqueos suspendunt; illices turdos in excubijs ordine disponunt, victos illos quidem, compede licet laxiori, quæ populares suos blando cantu inuitent ad suspendium perquam Timonicè. hoc nostri turdarii vocant nil minus verentes, quàm ne quis in eos Orbilius ferulam intentet, qui Hellenismi zelo peccant, siquid peccant dum τὸ κινεῖσθαι, Atticum, atq; delicatum vocabulum æmulari student non illaudabili (nisi ego fallor potius) conatur. hic tu cum risu percunctaberis. Vnde iste tam subito auceps euasit de opilione.

† Turdos
edere, quæ
le manu-
gere.

Pastorem Tytire pingues pascere oportet oues.

Audio. sed non mehercule lautius, nec minori impendio pascere meq; ouesq; meas bipedes has possum, quàm huiusmodi inemptis epulis, quæ nobis non ornithopolæ, aut auarij, verum anni tempus, aer, celumq; adeo ipsum non restrictè præbet, vel tum maxime, cum nubilat. Pastorem gregem pòne sequi multo reor æquiùs per agros, & villulas vagantem, quàm vrbs inhabitare meram solitudinem, vbi præter lemures, & lares neminem aliquem facile offendas. Nam qui se nunc incomitari gaudent, atq; (cum Plauto dicam) inforare, hos ego de Bellerophonis semine prognatos autumo, hominum vestigia vitantes, ac planè semiferos. persuasi è an mihi muneribus ex manubijs auium tecum est agendum. id quoq; in tuæ spem gratiæ conabimur, modò putidum ne sit, & diuerbio

illi simile, Noctuas Athenas, aues ad vos cathoritanos nemoricolas transmittere. Hæc, dum prædæ intentus retia refarcio, dictabam. plura ab otioso, & reduce in urbem expectabis, simul ac hibernum Aquilo increpuerit, nosq; ad colligenda vasa cohortabitur. Vale, & vince. In suburbano Castilionæo. pridie nonas Octobris. Ferijs ipsis vindemialibus, quibus vos, ut audio, caretis, Liberi ne ob iram, incolarum incuriam? & si (quæ vestra æquanimitas est) vino generoso, exotico contenti, indigenæ, reor, desiderium non molestè fertis.

HENRICVS CATARINVS *Davila*.

ALOYSIO LOLLINO.

Persuasisses profectò mihi, rurale vel otium, vel negotium per quàm suauissimum esse, nisi me rusticitatis saturum, urbanitatis avidum inuenisses. Sapienter, & ad naturam appositè maximus Oratorum pronúciauit omnibus in rebus similitudinem esse satietatis matrem: varietatem verò occurrere satietati, sensus alere, animum recreare. Ita est. ego, qui secundum iam annum, vagam per agros, & nemora, vitam duco, urbis aspectum, ciuilem frequentiam, forense negotium concupisco. Tu, qui ciuitatem assidue colere consueuisti, nunc mœnia parumper egressus, villarum amœnitate caperis. vindemiæ frueris hilaritate, otio, libertate, aucupio vario, atq; multiplici deniq; delectaris. Sed quem Xenocrate durior, ne dicam stupidiore genus istud vitæ opimum prædæ, vindemia latum, quod mihi facundissimè narras, summâ non perfunderet voluptate? Delectatio sensus in hilaritatem soluit: labor gustum ad epulas exacuit: epulas prædæ multiplex tam lautas subinde ministrat, ut Æsopi patinam, nullo comparatam impendio, valeas emulari. Huiusmo-

di

di mehercule coenam iucundo sudore partam, orexi conditam, tam delicatis ferculis interstinctam, omnibus Veltellianis dapibus anteposuerim, quibus languentis, & nausentis stomachi tarditatem, frustra duo millia lectorum piscium, & auium septem millia acuiere conabantur. Quid Phasianorum cerebella, linguas phoenicopterym murenarum lactes, iecinora scarorum commemorem, nepotinis sumptibus ab extremis Asiæ, vel Europæ partibus ad solemnem patinæ dedicationem expetita? Quid dilutos vniones aceto? Quid feruillanos solidos apros mensis impositos? Quid Troianos porcos medio parturientes conuiuio? Quid mullos, vendente principe, octomillibus emptos? Quid Neroniana mellita? Quid augurales coenas? quid parata in Apolline conuiuia? quid cætera, quibus ciborum famam, non suauitatem comedisse antiquorum helluones existimo? omnia ista, medius fidius, populatione prouinciarum vndiq; coaceruata irritamenta deficientis gulæ, cum tuis istis, innocuis, atq; inemptis dapibus comparanda non puto, quibus modeste frugalitatis parsimonia, & opiparè instruendi conuiuij copia, res toto fere cælo distantes, tua diligentia conciliate in vnum videntur quasi symbolum conseruisse. Vnum dubito. ne vindemia longè inferior epulis tam pretiosis euadat. Bellunenſe enim omphacium, potius quàm vinum, illud autumo esse medium, de quo scripsit Varro medium vinum prædium caninum esse. Certè, qui vini saporis distinguere didicerunt, quattuor illius esse genera dicunt. Dulce, quod & musteum. Tenerum, quod & elene. Asperum, quod & austerum. molle, quod & delicatum appellant. Bellunenſe verò hisce generibus contineri non posse videtur. Dulce non est: lenitatem non habet. delicatum appellari nequit. sed nec asperum huncupari debet, cum vim, & generositatem non habeat asperitatis, quemadmodum habent Maslica, & Prenestina. Itaq; medium illud

lud Varronianum esse concludo, quo mensis appposito, abstemium traducere prandium conducatur. nisi cum Plinio toruū nominare velimus; aut naturam artem miscendi naturarum imitantem, vel potius deridentē, poscam hisce regionibus pro vino edidisse dicamus. Verū hoc parū refert. Tu enim feriarum sectaris vindemialium hilaritatem, ut soluto parūper à curis animo ^{† Semel in anno.} ἀπαλῆ ἐν ἐνιαυτῷ exhilarari sapienter ostendas oportere. Vina autem exotica, Palernis, vel opimianis non deteriora, ad stomachi valetudinem, & naturæ fomentum aliunde petere didicisti. Fruere igitur felicissimè vindemia quidem, donec pendens Lenæus carceribus includatur: aucupio verò, donec ficedule in melanocoryphos, ingruente iam hyeme conuertantur. ego verò ciuitatis desiderium tamdiu sustinebo, donec Bifrontis valæ, coniecto in vineulis Marte, ad innumera exinde secula claudantur. Vale, & me tui observantissimum ut facis, ama.

E I D E M.

LEgi tuas litteras, quæ mihi cum acerbiores in Lyæum popularem hunc nostrum, quam tua fert lenitas, sint visæ, in mentem venit subuereri, ne quis, dum hic esses, tibi Cynææ. Pyrrhi Regis legati poculum miscuerit, neque enim aliunde factum puto, ut vindemias nostras nullo discrimine omnes pro labris eidem haberes, quasi nihil referat vuasne immites prælo premas, an solè multo prius amanis in collibus decoctas. Equidem sic cenfeo nullibi non posse vinum vel sappa dulcius diffundi, modò sit, qui vindemiatori veteret, ne appropere. neque ideo homines nostri consulto minus sibi cauere, qui ob malum vicinum, racemos immaturos malunt, quam omnino nullos. Sed de vino satis. De pace aqua mihi adhuc hæret. resne sit, an spes magis dubia, variis imaginibus animum deludens, ni.

Q

fi eam

si eam pacem vocare volumus, quæ (Aristophanis comici sunt verba) picem, classisq; apparatus procul olet. Verum hæc in Dei Numine sunt posita, arcanisq; Regum. Nos casum amici optimi (nam dicere boni, parum fuerit) dolemus, tibiq; à Deo, qui Iani pro arbitrio postes claudit, aperit, fausta omnia precamur, ut possis tandem aliquando, sylvis cum earum Amadryadis relictis, Urbem ex voto, urbanitatemq; adeo ipsam colere, cui à teneris sic assueuisti, ut tecum, quocunq; pedem intuleris, circumferas. Syncriticus noster primarij Prælectoris titulo iam auctus Mercurium Agoræum, quem sibi parum propitium fuerat expertus, cum Themide Patauinae Academiae mutauit auspiciatò, uti spero, & si autoramento minus luculento, si uiri virtus, munerisq; dignitas respicitur, atq; amplitudo. Tu amico, cuiq; tuo gratulaberis, valebisq; plurimum armate non magis, quam literatæ Palladis delitium. Castilione.

HENRICVS CATARINVS *Dauila*?

ALOYSIO LOLLINO:

M Iraris me præter instituti mei consuetudinem infensus de vino Bellunensi esse loquutum. Non iniuria miraris. nihil enim æquè abhorrerere soleo, quàm ^{† Male dicere.} ^{† Iam Biscum} neq; facile stylum, cynico more aculeis armare consueui, nisi vel damno affectus, vel laceffitius iniuria, diuturnam deniq; patientiam in breuem iracundiam conuertere, non humanum modo, sed virile quoq; esse succurrat. Verum audi, & defines Epistole mordacitatem mirari. Ego cum primum ad hæc regiones Senatus imperio delatus, vitam nullo delectu, cibo, & portione fortuita ex militari disciplina instituissem, statim in vinum istud incidi Bellunense. Gustus non respuebat: tenuitas uale-
tudini

tudini conducere videbatur: nulla extemporalis appare-
bat in eius usu iactura. Verum procedente tempore cum
visceribus sensim adherere cœpisset: stomachus paula-
tim languescere. voraces quidam intestinorum ardores
exoriri: os, lingua, palatus sæpius amarescere, nonnum-
quam exasperari, deniq; importuna scabies totum vndiq;
corpus occupauit. Malum videbam: causam tantę mu-
tationis penitus ignorabam. cum ad recuperandam sani-
tatem intentus, & mihi metipsi propemodum iratus, penè
quidquid humidi erat in corpore, medicaminibus egressis-
sem: sanguinem verò iteratis phlebotomijs affluentius
profudissem, nihil tamen proficere toties repetita remedia
videbantur. Tandem nonnulli ex amicis non Galeni præ-
ceptis, sed experientiæ disciplina benedocti, vt vino illo
vti desinerem, iterum atq; sæpius monuerunt. Abstinuî.
conualui. pristinas vires, amissam miserè valetudinem fa-
cillimè reuocaui. Satis ne graues inimicitiarum causę esse
videntur? Fac, non sunt. Veritatem scriptis, sermone,
publice priuatimq; profiteri, non maleuolentię, sed inte-
gritatis est argumentum. Veritatem verò nec ne protule-
rim, tu metipse luculentis carminibus profiteris. Sed quo-
niam in Carminum mentionem deuenimus: quid tibi in
mentem venit, Iambicam pharetram vniuersam aduersus
illicem turdum exhaustire? non te miselli miseratio subiit,
qui fideli famulatu operam tibi suam commodauerat, qui
aucupium tuum oblectatione festiuum, copiosum præda
esse fecerat, qui mensam tuam suauissimis dapibus exor-
narat? Non satis visum deplumem affixisse veru, tostum
igne dentibus lacerasse, nisi versibus etiam æternam infamiam
inurentibus confixisses. Vide quæso id lenitati, æqui-
tati, gratitudini tuæ quàm conueniat: ego enim de vino,
æquis iudicibus causam meam probaturum esse confido.
Sed lusimus satis. Pax, quæ cælitus effulxisse afflictis Italię
rebus videbatur, iterum ad superos redit, tenuesq; vane-

Q 2 scit

scit in auras. Allobrox nihilominus, cuius Epithetum ex Horatio nosti portum tenet: nos in salo iactamur. Peritirerum ingruentem malorum molem ominari non cessant. Sed Dij meliora. Synclitici nostri honorem laetus audiui: auctoramentum verò, quod tenue esse significas, adhuc anxium me tenet. Idcirco annua pecunia quanta sit, quas me certiore facias. Presui Illustriss. Vale.

E I D E M.

Sermone ferè omnium, qui hâc iter habent, certior sum factus Oratoris Veneti Litteris ex Iberiâ transmissis nunciari, pacem Regis Chirographo firmatam, quod etsi minimè addubito, quin vobis quoq; , qui limitaneis copijs præestis, pridem innotuerit, operæ tamen pretium sum ratus epistolam hanc ieiuniorem aliâs futuram, huiusmodi embammate condire: licet nondum constitutum habeam, euangelijne loco esse debeat Viro bellatori lanum, qui ad hanc usq; diem fuerat Patultius, Clusium nunc indigitari. Vt cumq; sit, pax tandem, si famæ credimus, coaluit. Synclitici nostri honorarium in nummis summam non excedit CCCCL florenorum; in spe, ut ipse de se scribit, multis est partibus maius, ac vberius. Hæc volanti calamo præpropere, ne te diutius lateret, quanti amicus ingenij sui industriam locarit. Nos adhuc suburbani sumus, atq; utinam non potius subrustici, ad eò vrbis, & ruris confinia incolimus, ferenis tempestatibus illecti: nam aucupium plusculum refrixit. tu interea vale, & nos ama. Castilione.

E I D E M.

NE frigore me congeliasse planè putes in hibernis, intermissum ad te scribendi repetam officium: simul

mul vt tuas litteras eliciam . Nam quòd epistole argu-
mentum nullum fermè habeam , eo minus curo , quòd vi-
deam , cùm vnâ confedimus nos è nihilo sermones ple-
runq; texere prolixos , † *ἐπερισσώδεις* , & quales Alexandri-
ni pepli esse solent , polymitos . Idem accidet familiari
scriptioni Stylus ipse rem , & verba suggeret , garrien-
diq; voluntas copiae magistra . Syncliticus noster in eo est ,
vt Patavium cogitet haud longum iter , neq; inamanum .
nos ei è tironibus nostris copiolas paramus , quas ille de
rudibus reddat rudiaras . Nam , etsi non dubito scho-
lam eius hederâ opus minùs habituram , vbi ipse thermopo-
lium instituet murchinâ , mulso , omniq; anthosmici gene-
re instructissimum , facio tamen non inuitus , vt eò bona-
rum literarum sititores veluti intento digito delegem . Te
reor , nisi aduentus Pacis serior morabitur , quam video , vt
Italiam reuisat , lentè admodum , ne podagricè dicam , fe-
stinare eius praelectionibus interfuturum . Verum , quo-
niam de pace mentio , amabo mi Henrice , ecquam cata-
strophem mimus hic habebit ? eritne nobis vnquam ad to-
gas remigrandum ? an sagati hanc quoq; hyemem in ex-
cubijs durabimus ? Agnosco foemineum ingenium crebras
sui expectationes nobis illa mouet , dum comatrici nimiam
dat operâ , ante pedè quâlimine efferat cūctatrix . Sapièter ,
& cordatè nostri , qui vel nullâ volūt , vel mansurâ . nec tū ve-
rò improvidè , qui eorum consilio subscribis . Interea Gra-
disca , quod viuit adhuc , & aurâ non modò vescitur æthe-
reâ , verum & pulmento militari , quod planè defuerat , in-
ducijs belli insperatis debet . quæ vtinam Marti nuncium
remittant tandem aliquando , Deo sanguinario , & cui
cum Musis , earumq; clientibus tantumdem conuenit ,
quantum cum balne cani . Ignosce , si tua vineta impru-
dentes cædimus . Nihil æquè horremus , quàm litui istius
vestri strepitum inconditum , citharæ assueti , quam posi-
tis armis , regius ille Psalteres resumebat . cuius nunc tem-
pla

† Extra
argumentum
asium
pros . non
cumenos .

pla cantilenis personant. Huius tam multa, dices, imparatus? quid faciam? In lubrico lingua est. Fertur sphæra ocyus, cum se dat in præceptum. Tu par pari referto, si viciscendi incessebit cupido: & valeto Amicorum optime Belluni.

HENRICVS CATARINVS *Dauila.*

ALOYSIO LOLLINO.

IVre author ille rerum rusticarum, de arundinis naturâ scriptum reliquit, quum obriguit hiberno frigore, eius fecunditatem, & incrementa compesci: nam & hæc arundo scriptoria oritâno gelu concreta penitus exaruit, & posteaquam niues, & pruinae terram operuerunt sterilis est effecta. Igneus nihilominus amoris ardor, quem mea erga te fouet obseruantia, tantisper adstrictum glacie liquefaciat calamum, oportet, donec festis hisce diebus saltem per epistolas te valeam salutare. Sed qui dies festi nobis esse possunt, quibus induciæ feruent opere, & otiosis ne in communi quidem otio licet esse? nuper Germanorum legio iter per hosce fines instituerat: arma capere, fines circumire, in statione vigilare necessitas imperauit. Nunc posteaquam aliquanto suspicio tandem illa refrixit, deletum Cadubriensium cohortium haberi ex tempore Senatus iubet. Ita varijs iactamur laboribus, donec concordia longum desiderata postremo inter Principes coalescat. Sed quid de illa possumus diuinare? scemina certè, quemadmodum tu scripsisti pax ista: ita nos amatores inconstantia, & morositate torquet. Tamen ni fallit animus, assiduis placata precibus, nobis sui copiam facere tandem aliquando non negabit. Verum longè à proposito aberrauit Epistola, quæ tui salutandi gratia fuerat instituta. Romæ no igitur more te salutatum hodie volo, non ut mihi clien-

ti coe-

ti coenam rectam, vt patroni solebant, largiaris, sed vt sportularum vice Epistolam à te reportem, nunciam tuæ erga me voluntatis. Vale decus Italiæ, & maximum Præsulum Ornamentum. Cadubrij. X. Cal. Ian. MDCXVII.

E I D E M.

COrnici ego illi oculos libens effoderim, quæ nobis Martiales hos tumultus, tantum non gratulabundis aduentanti Paciobusiam euntibus prædixitne dicam? an inuexit crocitatu suo. Quicquid illud erat, quod tranquillitatem Italiæ spondebat, densa nubes subito inuoluit, notis, atq; hyemis prænuncia: &, quod magis angit, vos, hoc est, spei nostræ arcem, insidijs apperi ab hoste nunciatur. O præclaras inducias? ò fœdera Iberica ne fœdera? tantam, tamq; repente coortam rerum conuersionem, atq; ^{† περιπέτειαν} quis non vehementer horreat? præsertim cui ^{† Subitæ rerum variationem, & mutationem in contrarium} sanguinem congeliet senectæ; consiliumq; timor periculi expectoret? Amabo mi Henrice, tuis nos, si potes, literis solare: sin autem; saltem, quod potes, animum obfirma. Pergratum sanè feceris, officiorumq; tuorum omnium simillimum, si hac curâ leuassis, quæ nos coquit. Te propemodum huc aduolaturum fama tenet, vt delectus habeas. Nosti belli Panica: rebus, quæ minùs ex voto fluere videntur, quisq; multa addit, demit pro ingenio, ac studio. Nos auditores tantum horum acroamatum sedemus, quibus nihil fieri potest otio literario magis aduersum, aut sensibus nostris iniucundius. Quod si modò ferrum distringendum est, in efferas gentes iactari quàm maxime vellem, regionibus ijs, atq; imperijs recuperandis, quæ orbis Christiani confinia longè ampliora reddebant. dum verò huiusmodi cogitationibus immoror, calamum inhibere nō potui, quin parenesin hanc exararet, quam per otium, si modo supperet, legendam mitto. Te, aut litteras tuas expectamus. Vale.

Ad

*Ad bellum sacrum pace inter Principes constituta repetendum
Exhortatio.*

IN maiorum annalibus mentio fit crebra belli sacri, cuius origo vocis, quia res ipsa dudum exoleuit, paucis est nobis explicanda, quando ad id ventum, ut suum unicuique bellum sacrum sit, sui hostes diris execrandis Syria non alia, quam ubi ferro certamen cernitur. Post imperij Orientalis fata, effusaque in Aegyptum, & Syriam effera gentium barbariem, Palaestina quoque cum sancta urbe, ubi nascentis Christi cunabula passim, spectantur monumenta iugum subiit magno pij generis dedecore quod sane dedecus ut procedente dein tempore eluerent, intentis certatim viribus adnitebantur. Pontifices Summi classicum veluti canentes autores erant facinoris tam praelari audendi Capita rerum Reges, procures, prompte in bella cohortes aderant: classibus mare trans mittebant, hostem lace ssabant; Hierosolima oppugnata, recepta, defensa, amissa, denique toties ancipiti euentu tentata, postea seges fuit vberissima palmarum, quas illis suggererat affatim Idumaum nemus. Hinc primus immortale sertum sibi Gothofredus texuit; subsecuti exinde Germani Caesares, Angli, Franci Reges: nam ceteros laudem non disparem promeritos enumerare longum sit. Quid ad haec posteritas de genere dicemus? exaruisse stirpis palmeta illa, an vigorem in nobis omnem animorum, quo pietas fulta ferebatur in maris longinqua, terrarumque eximium decus quaesitura? id verius fuerit fateri: nam palmeta illa nequicquam sobolescunt magis, cum nemo sit, qui inde decerpit furculum, ut domi pangat. Causari auctam potentiam loca sacra insidentis hostis haud possumus, nisi falli, vel fallere nos iuvat: quotidie illius sublabuntur retro res, qua imperandi inscitia, qua parendi dedignatione. vastam autoritas ruinam traxit laesa primum crebris incur sionibus finiti.

finitimorum, exinde urbium direptione diminuta. Persa
vectigalis ante, quasi parum foret occupasse Mediam, par-
tem Arsacidum citionis non exiguam, Babylonem inua-
sit regiam tot regum. Maëtidum accolarum bello ferox
gens frena pati insolens Hellesponti claustra minutarum
lintrium classibus refringit. Rex ipse terror ingens orbis
in penentrali recessu sedens sui gynæcei clamores in seruitu-
tem abductorum audit. Prætoriani Principum olim sti-
patores, nunc carnifices promercales imperium subha-
stant. Sarmatiam non ita pridem ingressi copijs innume-
rabilibus tamquam in id venissent, ut hostem manubijs di-
tarent, cæsi, fugatiq; domum reuerrere Rege ipso exerci-
tus miseras reliquias trahente. Ancyra Galatię præposi-
tus res turbat, obsequium erga Regem exuens. Quod
vix ipsi optare auderemus, alia omnia agentibus fors ipsa,
imò numen obtulit. prædo ille terrarum præda Mysorum
factus nos ad decus vocat negotio penè nullo capeßen-
dum quod maioribus nostris tam caro constitit. Persa re-
rum modo potens nos ultro non tam belli socios, quam vi-
ctoriæ consortes interiuñcto fœdere inuitat, cultoribus ve-
ræ pietatis templa aperit: itineris ducem se se offert nobis
ad loca Christi vestigijs signata repetenda. Quid ad hæc
nos interea? occasionibusne intenti moras rumpimus, pro-
peri accurrimus, arma conclamamus? Equidem pudore
præpedior, ne sermonem prosequar materiam lacrimis da-
turam. Frigemus in medio aestu rerum nostro omine eun-
tium, an potius plus nimio calemus ardore vesano animo-
rum ferrum inter nos stringere impellente, cum oporteret
barbarorum cæde illud ementasse. Furorem hunc læsum
numen incutit, cui iam non amplius cordi nostra salus est,
sed ultio. mentem animi vecordia ista eripit, ne cogitet,
quàm alieno tempore frigeamus hosti, mutuis in viscera
nostra armis in ferendis caleamus. Barbaræ superstitioni
miserum, consulimus, dum, vatibus suis ansam damus

R

præsti-

præstigias legis nefarię iactandi, quasi gentem Mahumetis
 tegat opportunè fauor missa Regibus nostris cœlitus discor-
 dia (cœlum illi designant infima loca Erebi promerito)
 vnde credibile est discordiam Eumenidum vnā adueni-
 se bonorum spem iam maturescentem procul abacturam.
 Hispanum Francus oppugnat, leuir leuirum; propin-
 quitatis, atq; necessitudinum oblitus, quas non vnas ha-
 bet officijs mutuis pacis excolendæ. Summos Europæ Re-
 ges præter suas opes externa auxilia sequuntur. Franco
 Anglus adest: Hollandi, Hollandisq; Principes fœdera-
 ti iras acuunt; Rhenanus comes etiam succendit non
 aliter redux patriam visurus. In subsidijs Venetus, Sabau-
 dusq; stant. Hispanum non vno orbe contentum maiestas
 nominis tutatur: Parmę, Mutinæ, Florentięq; Dynastæ
 armis iuuant; aurumq; Indicum præterea ferrum ad se
 magnete ipso fortiùs alliciens. prætexui sumpta Vulture-
 na vallis. hanc Hispanus occupat. Francus repetit,
 Rhætis ex fœdere daturus, antiquis eius possessoribus; &
 iam decastellis præsidarium Pontificis militem deturbat
 qui sequester optatus fuerat, dum spes tenuit rei depositis
 armis componendæ, nec belli tanto apparatu initi pro-
 cella se intra fines cohibebit tam angustæ vallis: vltèr
 progressa adiacentem Insubriam inuadit. Hæc belli
 atrocis Helena futura est, quam auorum memoria à Caro-
 lo columine gentis Austriacæ, eodemq; Germano Angu-
 sto ereptam sibi Francus dolet. Iuribus Regijs nec aduer-
 sa iurisperitorum responsa, nec concordēs aliæ super
 alias iudicum sententiæ, nec longa dies denique præscribit-
 litem semper prouocatione extrahunt ad tribunal Martis,
 ferro finiendam. Mediolanum vxorium maiorum suorum
 fundum, dotemq; iure subsequens hæredium potioris se-
 xus sobole deficiente Francus putat, ab alio occupari mi-
 nimè passurus, donec legiones erunt, quæ arreptis armis
 causæ patrocinentur. nec dum etiam de Regno Siculo de-
 cisum;

cisum; & de Nauarra adhuc sub Iudice lis est. Credam
hæc magis Franci regis animum respicere, quam mutua
coniubij fœdera, quo ipse Hispano iungitur; Hispanus si-
bi fidenti iuuentâ, opibus, imagine Henrici genitoris, cu-
ius non decora alta æmulari quidni turpe foret nato non
degeneri? Turpe id sanè quidem foret, nisi se occasio in
conspectum daret longè pulchrior non vnus niuosa vallis,
non vnus vrbs populosa licet obtinendæ, sed gentem
perdomandi, Europæ minacem, iniquo iugo Asiam pre-
mentem. Area hîc patebit latior virtutis exercendæ si-
mul, simul pietatis. cuius maximè nunc interest Christia-
ni nominis Reges dextras interiungere, & omnes velut si-
gno dato Tyrannidem viribus sociatis opprimant, suamet
iam mole fatiscentem. Pax vicissim inter eos culta bel-
lum in hostem efficiet implacabilius, triumphosq; habitu-
rum dignos Deo auspice, conceptis piorum votis, Ducum
pro religione pugnantium virtute. Nec nuperum hoc decus
fuerit Francorum Principum. Philippus Augustus vnus
e proauorum tuorum atauis, Ludouice, qui modò sceptris
Galliæ potiris, fœdus cum Ricardo rege Anglo pepigit,
vt is ab omni domestici belli suspitione liber, armis Saladi-
num in Syria vrgerè pergeret, se, donec eum reducem do-
mum Fortuna sisteret, à repetendis Aquitanix oppidis
temperaturum; quamuis milite vacua intercipi potuissent
haud difficulter; & ipse dissidij grauis causas dedisset, repu-
diata Franci sorore, nec solutâ dote. Non alia mente Lu-
douicus cœlo deinceps ob merita sacrandus. Philippi pro-
nepos controuersias cum Henrico Anglorum Rege æquis
conditionibus diremit, ante arma quàm votiuâ ambo in-
duerent. coniunctis barbariem animis aggressos: illum
Africanam, hunc Syriacam; par erat relinquere res paca-
tas domi. Philippus recentiori memoriâ Hispanus Rex
Caroli inclyti Augusti proles, idem auus Philippi huius tot
Regnorum Regis, curis licet maximis districtus, tumultu

R 2 iam

iam tum Belgico appetente, Afris Hispaniæ incolis seditione omnia turbantibus, sacre tamen causæ non defuit: foedere se strinxit cum Pontifice summo, Venetisq; aduersus Turcam, excidium Cypro insulæ parantem. classe, commeata, milite rem communem iuuit, exultantem euersâ iam Cypro barbarum, & per Ionium mare volitantem fregit commissâ nauali pugna ad Echinadas. cui sanè pugna Italiâ, in quam prospero successu ferox animum iniecerat, tantum omnino debitum est, vt foederatos Principes libertatis suæ vindices agnoscat. Quis vetat, quin maioribus tam egregiè pijs orti reges, idem præstent, imò quis non tacita hortamenta votis addit, vt velint præstituri, quod optamus, modò velint, proculdubio numine coeptis adspirante, suamq; agente causam contra nefarios hostes pietatis? Nemo est de numero Principum in damna mutua coniuratorum, quorum stemmata tituli non decorent susceptæ in Syriam expeditionis, belliq; in barbarum tam longè à patria illari. Flander, Hollandus, Austrius, Hispanus extremus terrarum Anglus, ne de Franco loquar sacri belli signifero, nomina in hanc militiam dedere, Sabaudus adhuc nummis insculpsit à se cussis suorum virtutem Rhodum tenuisse. Venetum vt ego taceam, æternis monumentis fama rerum narrat. Thiphis velut alter Argonautas sacros non ad vellus aureum petendum vexit, sed eximium nomen deuicto barbaro Syriæ inuasore capessendum. Excessisse piorum pectoribus curarum maximam, eandemq; Reipublice multum profuturam sacri resumendi belli ni mirarer, Vmber essem, aut Boeotum vnus, quibus cor non falit. Omitto pietatem virio gentis humanæ modò intepestentem, non ne maxime quæ nunc, calet ratio imperij fines promouendi, acres vobis stimulos ad mouere debuit, vt semel armis primò parta, dein ob discordes inter vos animos amissos recuperaretis? Antiochiæ, Tyro, Ptolæmaidis proceres Franci
impe-

imperitauerunt. Byzantij rebus praeferre iure Auguste ma-
 iestatis. Hispanus adhuc Hierosolimitanus Rex, Achaiae, et
 Athenarum Princeps salutatur. pudor sit tam latè potètem
 Regem vrbes nomine tenus obtinere, cum alius rerum po-
 tiatur. inanes ego titulos non moror, nisi ad res bello repo-
 scendas calcar addant. Derideri nos à barbaris sicuti in
 decorum, ita palmarium videtur illorum risum in meero-
 rem vertere. Venetae classes, vltro citroq; commeantes
 Peloponesi littora praeerlegunt, vbi maritima oppida se
 conspectui obijciunt eorum ditioni olim subiecta. Chalcis
 Euboica, nobile Eurypi fretum, aquabile ius Veneti im-
 perij suspirat. Cyprus praeda tyranni nupera, palmas in
 caelum attollens, illos obtestatur eripiant iugo, nanque pos-
 se, omnium grauissimo: portus incustoditos classibus pe-
 tere: arces indefensas veteri possessori portas pandere: re-
 centem adhuc Venetae clementiae effigiem haerere animis.
 tantum se commoueant; ventis vela dent; virtuti fortu-
 nam fauturam, quam pro hoste foedifrago steterisse iam
 poeniteat. Insularum ocellus clara Rhodes inuicti robo-
 ris equites hortatur, vt lares suos tot quodam adoreis orna-
 tos repetant. Excessuros finibus ad eorum appulsum barba-
 ros non aliter ac noctem ad Aurorae iubar. Chios Genuen-
 sum nobilis colonia gentem assuetam maritimis expedi-
 tionibus inuitat, ne se diutius à deteriori hero foedari pa-
 tiatur. Praelarius quidem ausuros, si huiusmodi facinus ani-
 mo conceperint, quam si centum sine nomine in ora lygu-
 stica castella vi aggrediantur, expugnentq; sed quid ego
 verecundiam Principum nostrorum vrgeo, fasq; piumq;
 adducens in barbarum, tempestiui belli, conatusq; diuite
 spe onerans nihil profecturus; nec potius communis peri-
 culi admoneo illis imminenti, si inuersa rerum serie ho-
 sti prisca virtus redit, Rexque, qui modo impuber ab
 Eunuchis intra aulae septa educatur, adolescat in Virum
 erectae indolis, dignos fortunam suam spiritus resumat, imagi-
 nes

nes maiorum consulat, narrantes aliquid de Selimo in audiat terrarum imperium spe, conatuq; adeo complexo quid tum nobis erit, si arreptis armis in bella suos ipse ducat, finitimosq; imparatos repentinus opprimat? idem maiorum orbis repetendus nimirum, qui nostris quondam proavis incubuit, in consilium adhibendus paucior pessimus consultor. trepidandi causa maior sanè fuerit, quam cum gens effera Bosphorum ingressa Christianæ rei lumen alterum Byzantium Imperij Augusti sedem occupauit. longius tunc pestis aberat, quæ modò interiecta locorum victorijs emensa Italiam fermè in conspectu habet, quam sibi diripiendam de propinquo destinet. Scriptores eorum temporum equales memorant non secus tunc Romæ trepidatum, quam si hostis Anienem transmississet. Bellorum Panicis exterritus Pontifex pios Reges per legatos hortabatur, occurrerent crescenti in dies malo, pestum euntibus Christiani nominis rebus ferrent opem. prouincia Franci Regis adeundi Bessarioni Cardinali græco homini obtigerat, quæ ille egregiè perfunctus multa oppositè disseruit ad persuadendum, serio rem communem agi, incendio conflagrare proximum parietem. quæ quidem ille dixisse minime contentus mandanda quoq; literis curauit, ut nobis documento forent non ignarum futuri Vatem se fuisse. Pius certè Pontifex ipse (Æneam parentes lustrali nomine dixere) qui tum sacris præerat, magno quamuis natu, atq; ægro corpore, arthritide membra fracta trahens Anconam se deferri iussit prætoriam Venetæ classis nauem conscensurus, ut vitam in sacra expeditione, namq; id agitabat animo, relinqueret, nisi viâ longâ fessus, in ipso conatu rerum mori maturasset, dignus ob id, qui inter magna pietatis exempla æmulatione exprimendus posteris narretur. Non aliunde ad beatos compendiosus iter, quam hinc arripitur: Cœluni recta itur ab his castris, quæ aduersus consecretatas barbariæ acies ponuntur. Victoriæ super-

superstites trophæa manent memorabile decus habitura;
defunctos gloria sequetur, quam nulla dies æuo eximet.
Aurum memoriâ cum innotuisset Selimum Aegypto, &
Syriâ potitum, nostrorum animus tantus pavor perculit,
ut iam remotas latebras respicerent fugam excepturas; nec
aliter eos affecit Rhodiorum clades. vndique concursum
ad Pontifices adreges serum auxilium, ac planè Sagun-
tinum, imploratum. adeo artes pijs strenuisq; dignas de-
dicimus bellum sacrum communi consilio redintegraturas.
Hæc sæpius menti obuersata excutient ignarum torporem
animorum, qui nescio quo pacto ad tristitia iam occaluere,
quasi receptis omnibus; quæ amiseramus debellatum fo-
ret: nec potius finitimos eos hostes haberemus, quos olim
tot maris, terrarumq; spatijs diremptos pertinuimus.
Non ad Nicæam, aut Iopem iam conueniendi; longè pro-
piùs copiam sui sunt facturi, si aduersus eos ire perrexerim-
us. Illyricum possident Italiæ Vestibulum: penctrali-
bus Adriæ arx imminet barbarico præsidio in sessa. parte
aliâ Hydruntum spectant sui quondam iuris armis factum,
nunc à suæ ditionis finibus perbreui diuortio seiunctum,
quàm longa est vnius dici nauigatio, tam longè à periculo
absumus. Contentione Principum effectum in mutuam
perniciem ruentium, ne inuadi vno tantum ex latere pos-
simus circumfessi vndique. Vrbs Austriæ Princeps Vien-
na succubuerat, nisi Caroli Augusti virtus obstitisset. illac
breuis via Barbaro terenda fuerat ad arma Iuliæ prouinciæ
inferenda; à qua tamen etiam Viennâ stante non semel præ-
dasegit torrentis imbribus aucti instar obuia prosterbens.
Terrorum incussura memorauimus, nisi maturamus ho-
stem iam omnino labantem, vincere desuetum, occupa-
tum aggredi. indubiam spem precibus intermiscemus, fo-
re ut cuncta ex voto fluant audentibus, spondentes. officij
admonuimus pij pios ad sacra arma in Religionis perduel-
les resumenda. Quod reliquum est Deum obnixè obsecra-
mus,

mus, ut mentibus Christiani nominis Principum illapsus
contentionum causas procul inde abigat, pacem atq; con-
cordiam inducat, initium belli perpetui futuram in com-
munem hostem, donec erit, quod nobis iniuriâ ereptum,
iure ab ipso armis repossamus.

E I D E M.

HAud inauspicatum est omen, cum senex canit, præ-
fertim non ad ludos, ac locos genitus, sed cui est fu-
percilio nubeculam raro admodum discutit hilaritas.
Quod ut magis credas, carmen ipsum mittimus calamo ex-
ceptum: si respicis argumentum, quantiuis pretij, si mo-
dos, vix dignum Plauti titiulitio. Tantumne tibi otij,
inquires, à rebus pastoritij obuenit, ut Musas in ipso ata-
tis, anniq; senio retractes? tantum sanè hercule; sed la-
boriosi, & quod non sine negotio peragitur. nisi quis for-
te putat facilius esse syllabas, quam in cliuo lepores ve-
nari. Vt cunq; sit, turpe mihi duxi, si solus in tantâ, tamq;
festiuâ exultatione omnium silerem. Nos placatis planè
rebus te expectabamus: sed ut video, iudicabiles nobis
ludi sunt. pro pace nescioquid monstri, ut olim in Co-
mœdia pro Casina villico armiger, obtruditur. Adriati-
cum Mare classibus oppletur; imò, quod miserius reor,
naufragijs. Quam timeo, ne foedera ista, veluti Arachnes
stamina, priusquam refarta fuerint, scindantur. Verum
religio si natalitij feriis optimis dierum male ominari,
quas faustas tibi, legionibus, Rei deniq; publicæ ad preca-
mur. Vale, & rem gere, quod facis, strenuè in otio, in
negotio Marito, ciuili, literario.

Hucusq; nullis litteris tuis laceffit, scripseram: nunc
quæ culpa sunt nostri tabellarij, epistola perlectâ, quam ca-
lendis Ianuarias dederas, id addam tantum nihil eâ mihi
viquam accidisse gratius, nihil elegantius. Iterum vale.

EI-

E I D E M.

Binas meas ad te litteras intercidiſſe ex tuis, quæ mihi heri veſperi ſunt redditæ, facile perſpexi: quarum e quidem vti ſarciam iacturam, carum exempla in hunc faſciculum conijci curabo, vt tibi officij mei rationem probem. Ego hîc in ſtatu ſis de more maneo, quamuis quotidiano meorum conuitio ad reuiſendas neceſſitudines euocer Venetias, vbi me Octauianus Bonus Vir ſui planè nominis, Donatusq; Maurocenus noſter cupide expectant. In Librum Conſtantiſ Imperatoris de adminiſtrando Imperio ad Romanum F. incidi non ita pridem, in cuius cap. 29. de Dalmatia hæc de iſto tuo præclaro oppido habentur pag. 86, quæ non indigna ſunt omnino viſa, de quibus non nihil cogites per otium. Nam mihi ſanè, quòd ad Etymionem attinet, aqua hæret.

Vrbs Decatera lingua Romanorum ſonat anguſtatum, & percuſſum, quoniam mare ingreditur tanquam linguâ coanguſtatâ ad xv. & xx. vſq; millia paſſuum, eſtq; quaſi maris complementum. Oppidum habet verò circum ſe montes adèò arduos, vt æſtate tantum Solem videant, hyeme verò nunquam. Vale Vir fortiſſime, & nos ama tui cupidiſſimos.

BERNARDO COLLE BELLVNENSI *Medico Venetias.*

Gratiffima ſanè ſalus fuit mihi abs te nuper tam amanter dicta, ſaluti iam bona fide reddito poſt variæ valetudinis incômoda, quæ difficiles morbos ponè ſequi ſolent. Gratum quoq; quod meam operam tibi, amoriq; tuo debitam requiris tuo iure. Illud minùs gratum, quod N. in te non eſt, vt volumus, atq; præclara tua in eum voluntas repoſcebat. Verùm (dolenter dico) neſcio quo ſuo fato accidit, vt ille nemini planè vnquam ſatisfaciat.

S Omit.

Omitto alios, quibuscum ei necessitudo intercedit, me nuptiarum suarum pronubum, officij erga bene de se promeritos sponforem ne inuisit quidem quattuor hos menses, ne dum ut gratias vel verbo egerit. Venetias venit, domum inde redijt: nouam nuptam duxit: rus se se abdidit me insalutato. Quæ non eò renarro, quod eius multum moribus offendar: ad hæc enim iam curis grauioribus implicitus genitûs occalui; sed ut planè videas non eâ me apud eum esse auctoritate, quâ maximè vellem tuâ causâ. Cum Laurentio tamen nostro pluribus heri sum locutus, quid de toto hoc negotio sentirem. Is ad te accuratiùs de communi sententia rescribet. Ego tibi ob litteras, amoremq; in me tuum nec operâ, nec ope deero, N. q; tuo, dicam etiam nostro, modò se mihi det, auresq; vacuias præbeat, vel conuicium faciam liberius, quòd te talem Virum nondum ex arte omnium laboriosissimâ vindemias eas colligentem, quæ sumptui sint satis, planè deseruisse videatur. Vale; & nostræ bibliothecæ, si potes, consule. Iam diu est, cum ei nihila te supplementi procuratur.



ALOYSII LOLLINI
EPISTOLARVM.

LIBER SECVNDVS.

HENRICO *Danila*.



HEROAS ego meos eximie virtutis, non
eo potissimum celebrandos sumpsi, vt
materiam tuis, aut vllius cogitationibus
præriperem. Non ea mens animo, tan-
ta aut fiducia Musæ subagrestis, quæ te-
nui auenâ carmen meditabatur. tan-
tùm otio meo negotioli aliquid quæsiui,
ne per hibernas noctes iners congelascerem. Hinc factum,
vt inuiti pedem domo efferant, nec nisi tuis summis pre-
cibus adacti. vehementer enim eos te cupere scripsisti
ignarus adhuc quam parùm laudibus respondeant Mauro-
ceni nostri. cuius iam translatitium est non minùs præco-
nia in immensum augere amicorum, quàm res obiectas so-
leant telescopia specilla. Tibi puto tanti nominis ambitu
modo placituros Viros omni omnium commendatione ma-
iores ne dum nostra. Lege igitur, si vacat, & nos ama,
qui nugas nostras liberiori cœlo credere volumus, vt tibi
morigeri essemus. Vale.

S 2 FRAN.

FRANCISCVS BARBARVS Senator.

*Agmenagis procerum, doctas qui Palladis artes
 Tu procul insigni potuisti ex Vrbe fugare
 Hinc tibi mansit honos tituli, quem scilicet olim
 Deductam sera ad secula barbaries.
 Hec miseram latè Italiam ditione tenebat,
 Ex quo Romanum concidit imperium.
 Tu Patria extorrem sophiam, Graiasque Camænas
 Per maria aduectas excipis hospitio.
 Chrysollora Deas ducibat sedulus: ille
 Triptolemus fruges qui tulit, alter erat,
 Glande prius solitis vesci: hoc praelara magistro
 Orgia principio discere dulce fuit;
 Atq; explere sitim doctrinæ e fonte perenni,
 Vnde tibi illinis manat ab ore latex;
 Docta rigaturus varij monumenta laboris,
 Quæ bona posteritas tempus in omne legat.*

HERMOLAUS BARBARVS Patriarcha Aquileiensis.

*Magne nepos Patruï ingentis: de lumine lumen
 Exortum terris eximio eximium.
 Cui tamen ille prior natu submittit honoris
 Fasces sponte, libens fitq; nepote minor.
 Quo nihil orbis habet maius, seu græca latinis
 Reddere, seu proprias promere malis opes,
 Omnigenas, dias, locupletes, diuite vena
 Quas uegetum ubertim suggerit ingenium,
 Mene tuas laudes carptim pertingere, quarum
 Pondera uix totus ferre potest Helicon?
 Nec timuisse ausa, Icaro quæ nomina ponto
 Fecere? an uires mi tuus addit amor?*

Mate-

*Materiesq; eadem, incepto quæ terret inertem,
 Ingenium pennis instruit alitibus,
 Quis penetrare volans possim fastigia famæ
 Summa tuæ, Eois cognita, & Hesperijs.*

DANIEL BARBARVS Patriarcha Aquileiensis.

*Hac face tergeminę tollit se ad sidera laudis.
 Clara opibus soboles Barbara, clara viris;
 Iste refert proavos parili virtute: nepotes
 Dignus ob id seri quem referant proavum.
 Huius Aristoteles genio debere fatetur,
 Quod mage doctorum nunc teritur manibus.
 Quod sua, quæ faciunt fandi præcepta peritos,
 Omnibus admissò lumine clara patent.
 Traxerat informem veteris structura ruinam
 Vitruvij, celerem ni iste tulisset opem.
 Flore sub ætatis: canos nam providus annos
 Vouerat æternis ante voluminibus;
 Unde salus generi orta. manent vulgata, latino
 Fontibus è grecis quæ dedit eloquio:
 Præcipuum celebratur opus, quo Regis Idumes
 Explicuit miris carmina sacra modis.*

LEONARDVS IVSTINIANVS. Senator.

*Justiniana domus tantum hoc se iactat alumno,
 Hectore quantum ipso se genus Asaraci,
 Hoc differre puto, studijs quod Palladis ille
 Eminent, hic duræ robore militiæ.
 Inciderat sacli in tenebras rudioris, iniquam
 Cum procul hinc Musæ corripuere fugam;
 Pulsa armis Erulorum; atroci & clade tumultus,
 Quem tulerat latio Gottica barbaries.*

Ferre

*Ferre sed atra diu haud potuit tot nubila tant
 Ingenij rutilum, iudicijque iubar.
 Nox depulsa quibus, liquidiq; admissa dies
 Lumina sunt nostris cognita luminibus.
 Namq; ea Niliaca asseruat perfecta papyrus,
 Et legit admirans Graius, & Ausonius.
 Hic Romana videns prisci ornamenta nitoris,
 Quo res fonte olim sumpserit, ille memor.*

LAVRENTIVS IVSTINIANVS Patriarcha Venetiarum.

*Ambitiosa tui laudatrix ore vetustas
 En age dic tumido Tyndaridas geminos,
 Dum mea Musa duos, clarissima pignora, fratres
 Quos regerat fictis fratribus hos habeat.
 Urbis, & Adriacae, & mundi decora alta: secundus
 Hic aetate; prior sed titulo, ac meritis.
 Errabunda gregis patrij vestigia namq;
 Exemplo, ac monitis sidera ad alta vocat.
 Religionem sacer, lingua facundior; & dum,
 Quod mirere magis, lingua fileat, calamo;
 Cuius inexhaustis opibus ditata virefcit
 Fama Viri, extremo clarior à cinere
 Fortunata cinis, templis servate superbis,
 Cur non Phœnicis conditor e viges?
 LAVRENTI ac similem producis in æthera rursum
 Vnum aliquem nobis, hinc alium, atq; alium?*

BERNARDVS IVSTINIANVS Senator.

*Te Patris, & Patruj decorant præconia laudum:
 Tu Patris, & Patruj nomina condecoras.
 Tertia spes stirpis, triplici quæ lumine fulgens,
 Perluſtrat radijs germina clara suis*

Felix

*Felix quæ potuit ternis ter magna futuris
 Heroas sacris edere magnanimos.
 Quæ fecunda minus, rigido ac squalentia ferri,
 Haud parili educunt nunc sata seminio.
 Si modò crimen inest auro, nec decolor ætas
 E iuuenum vita deteriore fluit
 Quæ sternacis equi similis, pia fræna remordet,
 Et ruit in præceps victa cupidinibus.
 Sed quocunque loco res stet, testabere scriptis
 Ipse, quibus Venetæ consulis historia.
 Dotibus ingenij quantum, linguæque disertæ,
 Extuleris nitidum sidera ad usque caput.*

ANDREAS NAVGERIVS Senator

*Ni tua Musa queat meritis tibi dicere laudes,
 Nulla queat, plectri conditor Adriaci.
 Pindaricæ quo fila lyre percurris, & ore
 Concinis, albus olor quale sonat moriens.
 Nostra ferat nam qui tanti argumenta decoris,
 In medium profert quæ tuus almus bonos?
 Fimbribus haud vllis pressus, sed quæ patet amplus
 Doctrinarum orbis, pervigil inuolitans.
 Vnde apis instar opes præcepisti sedulus omnes,
 Quæis tua adhuc passim mellea scripta nitent,
 Seu carmen meditaris, Amor cum matre tenellis
 Quod cupidè versans vsq; erat digitis.
 Cum Cicerone pari seu certas fulmine lingua,
 Aemulaq; antiquo verba tonas Latio,
 Naturæ reuivens opus: nam effæta tulisse
Sæculanemo tuum dixerit ingenium.*

PETRO

PETRVS BEMBUS Cardinalis.

Huc usq; Adriacis Pleias micat aurea stellis:
 Qui sequitur, rutili Solis ad instar erit.
 Bembus honoratum terris per sacula nomen,
 Non quod canitiem purpura sacra premas.
 Romulei vel quod fuerit pars magna Senatus,
 Maior ab ingenio sed quia splendor adest.
 Murice qui saturum perstringit lumine amictum,
 Spectantumq; oculos auocat inde aliud.
 Scilicet ad proprii pretia admiranda peculi,
 Tyrrhenorum amplis inclyta diuitijs.
 Ausonia veterisq; opibus, gazaque Pelasga,
 Laſcaris aduexit quam rate Cecropia,
 Hellespontiacos de littore Mammertinos
 Usque lares, Siculi regna beata soli:
 Is tibi ductor erat, reliquis tu, maxime mercis
 Institor Hetrusca, Graugeng, Ausonia.

GASPAR CONTARENVS Cardinalis, Belluni Episcopus.

O quem te memorem Gaspar? tua plurima virtus
 Nomine non vno namque vocanda venit.
 Te Veneta exposcit praestantem Curia cinem
 Clara sibi, insignem Purpura Pontificem
 Regum aulae gregium belli, pacisque sequestrem
 Affeculam sophiae vita peracta grauem.
 Cuncta simul de te passim, tuacura, libelli
 Testantur quous pignore doctiloqui.
 Fama nec assensum cohibet, sed tollit ad astra
 Promeritas laudes prodiga, vera tamen.
 Cui concors pictura manus, artemque ministrans,
 Os sacrum effingit, fidereosq; oculos.

Magni

Magni animi hospitium? me quem gregis acor eiusdem
Torquet amor, cuius numinus instar exas?
Plura alia haud fugiunt memoranda. nepot. huius. ingens.
Si pondus tenuis nostra Thalia ferat.

PETRVS BAROCIVS Bellunt. Episcopus.

Hec minùs apta meis reputem loca Norica curis;
Plus nimio immiti quod rigeant hieme?
Quicquid flat Boreas, aut quod cadit æthere nix sit;
Aut niuis assidue cana pruina soror?
Ter tu ubi septenos reuolutis mensibus annos
Perugili insists in statione manes?
Dij melius. veneror potius tentoria vitæ
Clara tuæ, & sacris oscula do foribus.
Queis inclusus adire polum persæpe solebas
Mente animi, Diuum colloquioque frui.
Hinc tua sancta procul relegens vestigia, plantas
Ante ubi tu fixisti, ponere dulce mihi est,
Imparibus licet auspicijs. Nam tanta lacertos
Unde mihi umbelles nimida vis agitet?
Hæ tuæ erant artes, partito munere, ouile
Pieridumque choris sufficere, & studijs.

AVGVSTINVS VALERIVS Cardinalis.

Extremus tu noster eris labor, optime Præsul,
Agmina tu claudes Adriacum procerum.
Non quod prisca tuis antissent nomina factis,
Vllius aut virtus, aut honor, aut meritum;
Sed quia te terris produxit senior ætas,
Ætas natali facta superba tuo.
Cui licuit peperisse decus tantum, & dare de se
Orbis in hoc senio splendidius specimen.

MEM

T

Ne

Ne modo facta virum legeremus grandia: verum
 Ipsis possemus cernere luminibus.
 Salve Heros condigne tuba meliore, Quintum,
 Ac Venetum augusta nobilitate potens:
 Sed mage tergemino eloquio, studioque Minervæ
 Peruigili: Et latij clare nitore styl:
 Nec pietate minor, morum candore, benignis
 In quosq; experet prodimus, officijs.

EPILOGVS.

Deerat adhuc numerus non contemnendus auorum,
 Dignus ab exculta posteritate legi.
 Sed quia seligere est animus, non singula in vnum
 Colligere, è multis nunc modica ista damus.
 Præteruicti ideo viuentum exempla, pudori
 Illisne, aut nobis id foret inuidia.
 Publica merx laus est uirtutis: funera famam
 Consiliant: uiuis luor, amorque nocent.
 Nec me pauca putes retulisse his nomina fastis
 Virtute & studijs vincere rarus honos,
 Nec multo seclis spectatus crebrius; ales
 Quam sibi succedens unica post cineres.
 Ipsa uide, ut, proprias iactat quæ Græcia dotes,
 Plus nimio in laudes ingeniosa suas.
 Vox totidem memoret, quot sunt Nili ostia, amicos
 Quos sophia Clarius iure uocare queat.

HEN.

HENRICVS CATARINVS *Dauila.*

ALOYSIO LOLLINO.

Positis in foro fellis delectum indigenarum cohortium habere instituēramus, cum mihi iam pridem illas expectanti redditæ sunt litteræ tuæ. Quid quæris? omnium rerum præcipiti festinatione curam abieci, ut Heroas tuos aspicerem felici calamo tamquam penicillo depictos. Astabant Centuriones, fremebant cohortes, tympanorum sonitus circumstrepebat: ego tamen obstupueram obtutu defixus in vno, veluti si Troiano in puluere armatos cœlicolas, & diuinâ quadam maiestate in acie versantes conspexissem. Equidem non instructos hasta, neque clypeo munitos Venetos intuebar Heroas, sed eloquentiæ fulminibus armatos in arena Cadubriensi, illos diuinorum carminum deduxerat magnitudo. Sed perfecto militari negotio ab hominum turba me festinanter proripui, ut artificii manu elaboratum opus. magnificentius, diligenti lustrarem contemplatione. Dij boni, quis rerum splendor? quæ verborum maiestas? quam mirabilis numerorum coagmentatio? vno tantum verbo concludam, quod nulla orationis explicatione assequi me posse confido: non mortalia carmina sunt: Musæ sunt ipsæ: cælitus ad plerique modos, te vocante, delapsæ. Caterum fatebor ingenuè. quantam cœperam legendo delectationem, tanta deinde meorum elogiorum pœnitentia est consequuta, ut cuncta discerpere desperatione ductus, cogitarẽ, nisi summâ perfectionis speciem prosequẽtem, in tertio, & quarto loco consistere, honorificum esse succurrisset. Itaq; sic animum postremò disposui, ut tua in scribendo diuinitas me ab incepto non deterreret, sed palanti potiùs viam certissime commonstraret. Tu igitur mihi Dux, tu scopus eris, ac te ad summâ Heliconis cacumina robusto gressu vadentem, ego

T 2 tam.

tamquam parvus Iulus, passibus sectabor non æquis. Quapropter me tibi adstrictum multis nominibus, tam ingentidemum, his versibus ad me missis, te obitrixisse beneficio scito, ut eius delere memoriam obliuio nulla possit. Nos propediem cum bona Senatus venia Venetias cogitamus. Iam enim omnia hic tuta, & ad pacem composita conquiescunt, neque quicquam est amplius, in quo opera nostra magnopere requiratur. Antequam verò ab hisce regionibus discedamus: ego Bellunum accedam, nulla alia de causa, nisi, ut deosculatis tuis manibus, quem admodum par est, tibi plurimam salutem relinquam. Interim Præsul Amplissime, nos tua beneuolentia prosequere, & diutissime. Vale.

ANDRÆ MAVROCENO *Senatori.*

Dixi, & ut mihi tunc primum videbatur, frustra perquisiui inter mei otij fœturas, quod multo mihi restrictius occupationes muneris suppeditant, quàm vellem, si qua foret minùs auersa Lucinâ edita, quæ spem faceret vitæ diuturnioris: unde possem te, qui prior præclari operis tui nuncupatione me laceffiuißes, sic remunerari, ut non ingrati animi conatus saltém appareret, si mei census exiguitas negasset par pari referendi facultatem. Tandem non inuentum repertum est opusculum, longe situ squalens, haud multe, si manupretium respicias, quantævis, si materiam, dignationis. Præcipuos enim Heroas Venetos complectitur, qui eruditionis laude olim florere. Hoc non vno tibi deberi nomine sum ratus. Nam & tuo cum ipsius autor in ære sit, quicquid habet literarij peculij, iure tibi vindicas. & præclara illa communis Patriæ columnina neminem te magis decorum suorum censorem, quam vis emuluseffes, exoptabant, his præsertim temporibus, his moribus, cum discendi bonas artes cura, quarum illi scien-

scientiâ excelluere, paucos oppido sollicitat. Accedit,
 ut quas tuus in te, tametsi non immerito congestas laudes
 non tulisset pudor, eas in illis planè recognoscere haud il-
 libenter, quibus ut fores, habererisq; perquam simillimus,
 summo, es labore consecutus. Cur viuos vomere, quod
 aiunt, suspenso præterierim, non est, ut quis scitatum ora-
 cula Phœbi Delphos mittat. Inuidiâ sanè carere multo
 maius est, quàm ut ante fata homini contingat. ut omit-
 tam ita demum vitari seruire crimen adulationis, si manes
 præstantissimorum virorum commendantur, gratiam lau-
 datori suo nunquam relaturi. Accipe igitur, quod in præ-
 sens damus, & sic Heroum istorum (quod sine monitore
 sponte tua præstas) æmulatione te exalface, ut ambiguam
 reddere apud Musarum cultores palmam possis, quorum
 tu quoq; carmen, & verò sophocleum eris aliquando. Vale.

E I D E M.

LEgi tuas litteras solito quidem longiores illas, atq;
 ideò cœteris, quas ante dederas, elegantiores. has
 litteras, qui de me præclarè ob amorem sentiunt, mei esse
 aiunt carminis paraphrasin: ego, cui meus est census mul-
 to notior, diorthosin veriùs vocauerim. Eosdem enim lo-
 cos tu vberiùs, & ut mihi videtur, picturatiùs pertractas,
 quos ego ita breuiter, atq; utinam ne ieiunè nimis, sum
 complexus, ut tibi commentarij instar fuerint ad histo-
 riam de Heroibus Venetis absolutiorem pertexendam,
 omniq; illustrium colorum genere ornandam. Quid erit
 igitur? quæ spes mihi reliqua te remunerandi? si munus
 ipsum meum abs te mihi redonatur acutius, ac planè diui-
 nius? Addis, quod superpondij sit loco, de Venerio elo-
 gium quem Virum florentis facundia, mihiq; amicissi-
 mum vixisse non ante intellexeram: si modò ij vixisse iure
 dicendi sunt, quos tu immortalitati commendas. tuis ser-
 ptis.

ptis. Nec contentus largitione tam prolixa, in eundem fasciculum coniiciendum curasti libellum aureolum Carminum trilinguium, quibus ita suprema Georgij Contrani lectissimi iuuenis desentur, vt non suauius Philomela Iryn suum plangeat. In ijs delectauit me summo perepistola Iacobi, fratris tui filij, quem ego posthac non tuâ solum causâ (quod ante quoq; faciebam) sed ob virtutem, & communia studia amabo. Illud medio de fonte tot lepôrum peramarum fuit, quod te ophthalmiâ laborasse scribis. Te ne adeo, quem totum oculo esse in Reipublicâ, literarumq; rem in primis foret, oculorum laboribus tentari? Irascor Asclepiadum cohorti, cuius crimen est, quod tantum doctrinarum lumen tenebras inhabitat: Sed uota, quæ à nobis pro salute tuâ ritè fiunt, tuâq; eximia pietas meliora spondent. Vale Vir amplissime, & Rempublicam nobis, cuius ad clauum Sedes, turbantibus equora ventis in vado siste tandem aliquando.

E I D E M.

EGO ne ed obliuiofi silentij deuenerim, vt amicorum optimum, & lautiori eruditione ornatissimum, per epistolam ne semel, saltem in anno alloquar? & quidem sensibus adhuc amoris, & mentis integris; nec luxatâ occipitis compage, vbi memoriam tamquam in lare proprio morari aiunt Asclepiadarum elegantiores? non ea mens animo, hæcque mihi sententia vilo vnquam tempore occurrat, ne dum vt infederit; sed pudor me a scribendo potius deterruit extra pomeria natus, ac planè subrusticus, dum cogito viro in actu rerum constituto, litteras officij causâ conscriptas ratò non inofficiosissimas, profligatèq; verecundiæ videri; quæ illum negotij abauocent ad nugas. Quasi verò cura Reipublicæ Caucasæ volucris sit instar, quæ Promethei ad saxum religati perpetuò exta exedebat,
nec

nec potius statas ferias recipiat alternarum vicium: quibus aded veteres publicis rebus ad moti indulserunt, ut & Scipio Africauus ille non ad lusus genitus, conchas aliquando in littore rure manens legerit nimirum pueriliter: & Romane grauitatis columen Cato Uticensis pater Augustus verò Cæsar nucibus cum pueris minutis luserit, animum remittens, orbis regendi labore sæpe fatiscentem. Quod si cui vnquam anni tempestati otia conuenit libertas, huic sanè conuenit, cum liber Pater, ut solutiori animo vindemiarum suarum sacra excolamus, iustitium foro, ac curiæ indicit. Quo tempore, ni me omnia fallunt, Patauium iam, in villam te vrbani secessisse a bitror: id quod tibi singulis quibusq; annis translaticium, ac solenne est: consilio nulli improbando, cui loci amœnitas sit nota, indeq; proueniens salubritas, frequenti cohorti Musarum, ac Charitum stipata. Equidem quid beatitatis contineant insulæ illæ Oceanitides, ex aduerso Celtiberiæ, seu Mauritanie posite non satis assequor, ut fortunatarum nomen apud Poëticas tribus renunciatione fame obtinuerint. Cœli certè flexus, habitusq; adiacentium regionum facit, ne Euganeos colles Elysij illis viretis umbrarum sedibus posthabeam (nam ibi piorum animas nauibus exponi narrant post hanc vitam: quod si, cui minùs persuadeo, is, per me licebit, eò cursum passis velis dirigat, periculum facturum, an suauius cœlum illis niteat, molliusue arborum comas ventilet Fauonius: dum nobis fraudi ne sit bona nostra pernosse, eisq; uti, frui iucundissimè. Verùm hinc tu fortassis, Ecquæ nam hæc demum, dices, ironia est, seu [†]loxologia, iactare te vsq; hisce bonis frui, quibus fruaris nunquam per absentiam Vlyssæ æmulam: totidem enim anni ferme sunt, quos apud istos Lotophagos tuos perpetuâ statione contriuiisti, quot ei partim ad Troiam hærenti effluxere, partim maria omnia ventis circumlato. Non inficior factum: tantum id mihi dari postulo, eam esse vim

memo-

† Tortuosa
sacratio.

† Sex age
simo m. 12
iusculi.

memoria, qua nos [†] *πρὸς ἀποστολὰς* vivimus potissimum, ubi
crebra meditatione inualuerit, rerum vt adamatatum
species circumferens, illas menti subinde regerat non
secus, ac si oculis ipse met res obuersarentur. Hoc erat cur
Æneas quocunq; fatis actus ferebatur, effigiem Simoëntis,
Pergamæq; magnis simulata poneret: scilicet vt foret,
quod Ilium quamuis procul Ilio referret, ad eius formam
extructum, quod ipse in ore, atq; animo ferebat. Huius-
modi nos Patauium ad Noricos vsq; diu est ex quo, eius
desiderij leniendi causa, detulimus animo ex ædificatam,
ac dimensum graphicè: cuius etiam imago, quoad eius
potest fieri, siconica montibus his nostris vt extaret, præ-
ter ambulationes Ripenses, & amœna viarum umbracula,
Musæum quoq; sum molitus in ædibus è fundamentis: vbi
pluteos, & scrinia digessi, literarios thesauros disposui ti-
nere, non erugini obnoxios, supellectilem deniq; omnem,
atq; instrumentum fixi studiorum, ratus fore vt Musæ, quæ
hic inquilinæ ante censebantur, firmare aliquando sedem,
ac statim ponere nostris sub auspicijs inciperent, præser-
tim cum præruptis montium non indelectentur, biuerti-
cis Parnassi iugis assuetæ. Quod si e sententiâ res cesserit,
erit quod mihi ipse gratuler impensæ operæ: sin minus, hac
saltem falsâ me hac imagine interim solabor. eis felicitä-
tem minimè subinuidens, qui amoribus suis propius fru-
untur. Habes dicti mei rationem, vererer, ne paulo ver-
bosiùs, si character epistolaris finibus vllis circumscribere-
tur, quominus sibi diuerticula conquireret alia ex alijs ad
liberiorè euagationem: nec potius ei [†] *τὸ ἐν τῷ ὁδῷ δεικνύον* laudis
esset loco: quod poëmatibus verti vitio videmus à Peripati
magistro. Equidem Etessias litteras, cuiusmodi hæ sunt,
etiã si Anticatones Cæsaris longitudine æquauerint, bre-
ues reputabo. Pergam igitur tibi negotium meo otio fa-
cessere, eius fœturam his adiungi iubens. Nocturnam in-
scriptam, personam quidem, fateor, parùm consenta-
neam,

† Frequens
digressio.

neam, quæ piscationi animorum, pastioniq; ex iure diuino
 mancipatur: tempori verò satis congruentem quàm quæ
 maximè: quo omnes hîc ad vnum aucupio indulgemus
 sedulo: & si verbum recens facilis admittis è græco ex-
 pressum audacius, turdamur. atq; vtinam tibi capturâ
 istuc transmissâ id probare possem: efficerem, vt & indu-
 striæ nostræ, & successui gratularere. Nunc fides tan-
 tummodo verbo habenda est, palato, ventriq; nihil suasu-
 ris, quem natura inauritum finxit. His, ne auolent, Iambi-
 co metro compeditis, pagellarum nescio quid obleuimus
 per otium; quod ad te muneris loco mitteremus, selecto-
 rum verborum, si quem alium, copiâ florentem, à rerum
 autem præclarissimarum argumentis adedò instructum per-
 beatè, atq; luculenter, vt tibi non sit de triuio, aut de pe-
 nu ingenij fumendum, quod conscribas, sed è thesauris
 veritatis archetypæ promendum, quæ tuæ summæ fidei
 creduntur publico decreto, vt vnâ, eademq; operâ & Ve-
 netæ consulas historiæ, & nominis tui immortalitati. Erit
 fortassè apud te, dum hæc leges, Donatus Maurccenus,
 idem & horarum omnium comes, & doctrina, ac comitate
 exultissimus: nam te absq; Lælio tuo istic feriari, quæ
 vtriusq; vestrûm est concordia, vix induci possum, vti cre-
 dam. Huic nihil à me profectum obsignatum, celatûm ue-
 volo: cæteris istis Lycurgei iudicij non item, qui nihil non
 † κρόνια olens, ac senile sunt, puto, in presbytero laturo: † *re-
 statè præ-
 rancidâ.*
 perinde ac ea foret nostri muneris tetricitas, cui vel stylo
 saltem aliquando hilarescere, aut ioco discutere superci-
 lij nubeculam minimè liceret saluâ dignitate: etiâ si cu-
 ræ quauis sequaciores umbrâ intus comitentur. Sed istos
 valere, abireq; sinamus longè hinc gentium. Tu Vir am-
 plissime cûra, vt validè valeas, otioq; isto tuo in sinu Mu-
 sarum, quantum per Rempubicam licebit, perfruaris.

Belluni.

V

AN.

ANDREA MAVROGENO *Senatori.*

IN concursum mearum maximarum occupationum tuarum incidit Epistola, & quas nec vitare integrum, nec differre fuit saluam pietate. Hinc ad eam senior rescriptio, familiarique stylo interiecta mora, dum laboriosae sectionis hebdomadae feriae fatigant ne dicam animam, an recreant? Nunc ipsa recordatio officij solito etiam alacriorem me ad pensum reddit, cui dare ad te litteras, ut eliciam tuas, res est plena lucri, atque voluptatis. Quid enim, nisi voluptatem afferat tecum, id est, cum viro optimo, ac sapientissimo, aspectabili hoc genere sermonis colloqui? Quidni lucrum istiusmodi meis aramentis aureas tuas Epistolas mercari? Ioannem Bembum ex humanis excessisse permolestie tui. Ita moderate vixit, praesuitque, ut cunctis finis eius acerbum fuerit, licet in extremo flexu ductum serae senectutis. Huic Donatum suffectum gaudeo, Virum pietate, & consilio eximium, maximamque Reipublicae usui futurum, si illi usura vitae longior contigerit. Urbes Venetae ditionis quotquot sunt, totidem tetrastichis descriptas ad te mitto, me in te amoris monumentum, argumentumque otij futuras quod nimium breue licet, inter huius anni initia sum nactus, Brumam adhuc rigente, cuius sane nives vereor, ne, etiam me tacentem, ipsius carminis *† Frigiditas.* abunde exprimat. Vale Vir amplissime, & philologiam cum politica res, nostra *† Difficiles nexu,* aetate, plane *† Difficiles nexu,* ut nunc facis, necesse.

NATALI RICCIO,

DOleo te reiectis litterarum studiis opes summam ope querere, congestasque alijs valde invidere. Nec verò addubito, quin, si scires, quantum lolij haec seges, quantum alioes mel istud habeat, quas modò deperis impoten-

potenti animo vltro oblatas protinus abijceres, ne mentem tibi humo affigerent, vnde sunt inuitissimâ naturâ eruta. Sæcula aurea auro caruere: nostrum hoc æuū nimio plus affluit, ferri scoriâ deterius. Hinc facili conijcias, propitijsne Superi, an irati dederint, quod Cœciæ instar tot nubila vitæ mortaliū inuexit: tales sunt diuitiæ, quæ soles nostros in noctis meridiem conuertunt, dirumq; in nobis alunt habendi hydropem, quem neq; Tagus ipse restinxerit obrizo manans, nec imber aureus in Danæes gremium dilapsus per impluuium. Declamare me putabis argumento hinc sumpto, ne me in campo Rhetorum exerceam. contra est. expertus meo periculo te moneo, vt caueas ab hac falsū nitente laruâ, ne tibi accidat, quod olim Satyro flammam, quia fulgeret, amplexari auso. Ego fratre sospite tantum ex meis veditigalibus priuatis colligebam fructuum, quantum satis superq; esset ad vitam non modo commodè degendam, verū etiam suauiter. Decessit ille me hærede scripto, hoc est, vt ipse interpretor, onere Ætnâ grauiore, meis humeris imposito, quod me vsq; premat, discereq; cogat, quā Archimedeum problema sit, explicatūq; arduū, quod Græciæ Sapientibus Apollo Pythius proposuit, cubi duplicandi; quā verè ille ludens dixerit magnam ærumnam custodiam magni census esse. Quotidie aliquid emergit noui, quod me mihi eripit, transuersumq; rapit in Acroceraunia curarum. Infuetus talium es, dices. non nego. sed quis illæsus mergi assuescat medijs in vndis? aut inter carduos horrentes spinis somnum caperet? Hæc mecum subinde cogitanti cohibere me vix possum, quin proclamem. Solus tibi sapiens Crates, cœteri desipimus, qui Plutum tamquam diris deuotum caput, scelerumq; omnium piaculum, ne te ipse mergeret, occupans mersisti. sentin? an surdo fabula hæc canitur, multum porro veri habitura. Vale.

Ioannem Cornelium Contareno Principi suffectum primū nobis nunciauit as de turre propinquā latūm perstrepens : mox multorum litteris, sermoneq; omnium famæ creuit fides, gestienti lætitiæ animos datura, vt eis indicijs se se foras promat, quibus talia publicè noscuntur. Accensi per fora festi ignes, nocturnis diem vmbreis intulere : additi symphonijs cantus, quos faustæ acclamationes sæpe interromperent. Itum ad puluinaria Diuorum, vt precibus exorati diuturna esse velint, quæ dedere. Quibus consuetudo cum Musis intercedit aliqua, hos nunc gaudij sequax cura tenet carmen meditandi in domum imaginibus maiorum, & reliquā indulgentis fortunæ claritate aliorum fastigia ita supergressam, vt ampla argumenta Vatribus suppeditatura videatur. Rhetoras cogitatio par excitat ad panegyrica scribenda, in publicâq; acroasi recitanda. Inter tot occupatos Claudius noster, cui nec dolium esset, quod ritu Diogenis Cynici reuolueret, nec priuata res aliqua, quam ageret, ne consertis manibus federet, hos pangere versus Thuscānicis modis est aggressus, nullo sibi, vel Musis negotio exhibito. Neq; enim, quod pleriq; omnes solent, dum Phœbum patitur, aut vngues demordet sibi, aut cœdit pluteum, sed noctu postquam edormiuit, galli cantu excitus pœticam materiam quærit, inuenit, disponit, aptat numeris sententias, carmen deniq; totum exasciatum ad vnguem, dolatumq; dat sub lodice iacens, vbi neq; stylo locus vllus est, neq; palimpsesto, neq; adeo lucernæ lucubrationis studiorum testi, sed omnia silentio vndiq; infessa, obsita tenebris. Quinimo Musæ ipsæ, vbi diluculauit, fenestræq; diei radios admiserint, actutum inde proripiunt sese, non ante reditura, quàm Sole discedente vmbra cadant. Nycticoracis ingenium ad lucem niçtans viro esse crederem, nisi eius fœtus nocturna ora minùs ferrent. an mentis aciem aliorum auocat lux ista? sci-

to in id Heracliti facinore, oculos sibi eruentis, ne contem-
 plationes interturbarent importuniùs. Noster certè Clau-
 dios Musas nunquam videt, nisi noctu facibus extinctis:
 Cimmericus planè Vates, & nisi nomen græcum aspernaris,
 † αλυσος. Carmina cùm legeris, coniecturam ipse de nata † Lucan-
 libus eorum facies haud difficulter: nobis quidem nec pror-
 na carè.
 fus ille pida videntur, nec procul ab imitatione abest animus
 curarum, ac tœdij pertes, quod tacitè obrepit, dum litu-
 re scriptis inducuntur per crebros calami cursus, & recur-
 sus: memoriæ pugillaria multò tenaciora reputo, ac fide-
 liora: illic exarare licebit mentis cogitata absq; manus de-
 fatigatione, impensæ vlla in papyrum. Vale.

HENRICO DAVILA.

VEnit ad me Liuius, imò liuor ipse squallenti ore, ra-
 befacto corpore, oculis transversum sub cauernis
 superciliorum intuentibus. Is, cùm interuentor deforet,
 qui me tamquam Deus ex machinâ seruaret, aures mihi
 vasto illo suo sermone obtudit sesquihoram ampliùs. Non
 vnum colloquij argumentum erat, si modò illud collo-
 quium vocandum est, quod vnius vociferatione, alterius
 silentio transigitur. Tesselata versicoloria pauimenta re-
 ferebat nullo tamen nitore, aut artis lenocinio spectanda.
 prout quodq; in buccam veniebat, statim expuebat sputa-
 tilicus, vt Sisennæ vtar vocabulo, Orator. Post commu-
 nia illa: vt valerem, vt rem bene agerem? ansam primùm
 loquendi arripuit de tempore, quod erat Epiphaniæ perui-
 gilium. Multa de illa dixit, sed protrita, nec indicta vlli.
 Deinceps è loco, vbi sedebamus, sumpsit, quod attexeret:
 conclaue sibi arridere, arrisurum magis etiam, si fenestras
 haberet ampliores: nam, vt nunc sunt, maligniùs diem,
 atq; auras admittere, unde ædium partes exclarantur. post
 hac auleis parietarijs oculos affixit, obtutu adeò immoto,

vt

† Speciem
humanā
referētia.
† ἀνθρωπώμορφα,
vt appareret illis cum non indelectatum. Erant enim par-
tim florulenta, nemorosaq; ; partim belluata, atque
specta laudauit frigide, vt empturientes solent, cum ali-
quid publicè licent. Inde acies versa in substrata tapetia
Alexandrina, quorum ille postquam fuit sortem miseratus,
quod soleis plerunq; lutosus premerentur, non nihil insper-
fit eruditionis condimenti loco de Ægyptiacis mercibus,
pipere scilicet, & palmulis, quibus Eremicolarum cœnæ
instruuntur: largiter sumptas capiti inducere languorem
memorabat: quod vt magis crederemus, iuratum, exper-
tumq; testem domo afferebat, capulare suum caput, cuius
porro intemperies luculentam occasionem illi dabat, vt se
in diuerticula proriperet medicorum propria, dum causas
accuratè quærit hemicrania, epiphoræ, catarrhi, quem si-
bi per molestum esse, quasi fidei parum foret dictis, excrea-
tu testabatur crebrò, nasiq; , quod in sene mirum fuerat,
infantiâ. Postremò in nimias opes Sacerdotum inuehi:
inuidiosè nimis recensere sumptus, quos noui homines fa-
ciunt, natalibus indecores: ad rauim vsq; raucam succen-
sere aduersùs luxum, famulitijq; pompam nouus Censor
nullius suffragio creatus. Non missura cutem hirudo vi-
batur, cum ecce de turre sacrâ as increpuit nos ad preces
vespertinas opportunè vocans, cuius ille strepitu conticuit,
ego assurrexi tædio affectus non vulgaris notæ. Quod ne
te quoq; ex mea relatione capiat, finem faciam scribendi,
si te prius admonuero, hominem caueas non secus, ac fœ-
num in cornu habentem bouem. Vale.

BERNARDO FLORENIO.

LEgi nuper immanes Elogiorum fascēs, quibus Conta-
reni funus Principis defletur: legi, inquam, & men-
tem admirari subiit, vnde tanta seges non ita pridem Ve-
netijs

netijs succreuerit talis scriptionis. Omitto Principem, & rerum capita. Viros Consulares Laticlauios, quæis æmæ ætas id honoris dedit. Nemo vel minorum gentium, ne dum Optimatûm hodie effertur, tumultuæ conditur, quin eius statim Manibus eo genere monumenti parètetur ad dè à plurimis, vt præter sandapilariorum collegium, atq; pol- linctorum, aliud sit multo populosius instituendum lugu- brium elogiographorum, quos libitinarij subinde euocent ad pompas mortuales honestandas. Ex quo mos hic tenet, Elegi interquieuere. credo, quia non minùs arduum om- nibus habetur peragrarè Heliconis auia, quàm adire Co- rinthum olim fuit; & anxie syllabas inter se connectere res est plena solliciti laboris. Quem sanè laborem rarè in consilium vocari ab inscriptionum autoribus, documento esse potest earum pleraq; parùm lucernam olere, multùm exoticam barbariem. Neq; enim in scholis ediscuntur hæc sub magistri ferulâ: verùm vnusquisq; sibi dictat per- lasciuia, inconsultis Romanæ facundiæ peritis. Hinc adeò fit, vt non plus offendat sepulchrorum fætor, quàm eorum ad operculis inscripta Nænia: ad vtraq; nasus tibi illac prætereunti corrugandus est, qui Musarum delitijs af- sueuisti. Huic mori, seu morbo veriùs Asclepiadæ, qui Urbem tot urbium parentem colunt, medicinam faciant, nisi ipsi quoq; eisdem intemperijs correpti curatore egent. Mihi satis erit aduersùs hoc malum epidemium pro alexi- pharmaco vtì elogiorum (vt quodq; est absurdum, inamœ- num, importunum maximè) crebrâ lectione: sic mihi ete- nim eueniet, quod ingenuis Spartiatarum pueris temulen- torum spectaculo ad motis accidebat, alieno periculo vt hanc labem caueam. Similem errorem in populo Ferrariensi olim adnotarat, non insciti ingenij scurra inter ludicros aulæ artifices tunc satis celebris. Is, cùm sermo incidisset coram Principe, quodnam vrbano Collegiorum cor- pus foret numerosius, alijs aliud dicentibus, ipse senten- tiam

tiam rogatus, Medicorum dixit: nec id verbis asserere contentus, pepigit multam luiturum, nisi id probasset: Placuit conditio, statutaq; dies rei comprobandæ: ad quem ille diem cum fascijs genas obuolutus, delibutusq; medicamentorum vnctionibus Principi prodijisset obuiam, rogatus, satin ne res saluæ? composuit in omnem miserationis simulationem, ut iocis non esse locum appereret, à dentibus se respondit laborare, tunc omnes tamquam ex antecompecto certatim aliquid remedij afferre dolori leniendo. Princeps ipse ante alios quin tu, inquit, os proluis absynthite vino, pipere, & semine urticæ temperato? Ad has ille voces: Vicimus: exclamat. atrium ipsum scater Podalyrijs: ne foris accersam, qui meæ dentagregem operant. Concludamus igitur, omnia passim esse plena non tam medicis, quam inscriptionarijs id genus, nec ullam annonam, quam istorum sit copia, fore viliores, si modò emptorem inueniat. Vale.

IACOBO CARDINALI *Peronio.*

Perincommodè accidit, ut dum Venetijs aduentus expectaretur tuus. ego in extremis diæcesis meæ finibus, lustrandi gregis causâ morarer. Vnde mihi, ne festinè, ut sum mopere optabam, iter ad te arriperem, compedes impedit articularis morbus, quo iam pridem vtor familiarius, quam vellem, Hinc, dum occasionem officij præstandi video præreptam, tanta obuicit animo molestia, ut vitam mihi esse acerbam putem. Neq; enim me magis angit meæ valetudinis infirmitas, quam cogitatio huiusmodi discruciat non potuisse tibi flagrantissimum meum studium, summamq; obseruantiam coram testari, cui me omnia debere sentio. Verùm hæc nos si non æquo animo, at fortifaltem perferemus, si intelleximus ita ab Amplit. tua accipi, ut non tam veniam, quam miserationem nobis aliquam

quam deberi censeas. Erit certè humanitatis tuæ, quâ non minùs, quàm singulari doctrinâ, ac virtute mensuram im- ples tantæ dignitatis, quicquid hoc litterarum est, quod obliuionem mei impedit, meq; ad Amplit. tuam, quâ li- cet, quasi postliminio reducit, boni consulere; & me, imò tuum ipsius in me fouendo iudicium tueri. Vale clarissi- mum Gallia tuæ lumen, amplissimiq; Christianæ Reipu- blicæ Senatus ornamentum.

IACOBO BAROCCIO *Oratori Clarissimo.*

Vidi nuper Menini nostri carmen, quo ille Marcia-
aræ gemmas non tam mihi describere videtur, quàm
styli nitore æmulari. Vidi, inquam, legiq; diligenter, &
quod me deterrere maximè debuerat ab eodem loco pertra-
ctando, id magis, vide frontem, impulit nescioquo pacto,
non vt paria cum illo facerem, veterano Vate, & tot Musa-
rum stipendia emerito; improbum enim id foret, & subim-
pudens; sed vt ingenium experirer huius argumenti subi-
tâ correptus delectatione. Itaq; dum mecum ipse cogito
Vrbis istius pulcritudinem nulli non, etiamsi patria non sit,
amabilem, † μουσάληπιος repentè euasi. Quod mihi accidit
se minùs miror, qui sciam pietatis in Patriam multò maio-
res esse vires, quàm vel indignationis, vel amoris: quorum
tamen hunc Musicam docere, illam versus facere vetus ver-
bum est. Hoc igitur quaecunq; carminis recentis, ac pla-
nè incompti ad te mitto. Iacobe Amplis. quem & Patriæ
peramantem in primis, & huiusmodi studiorum scientem
cum paucis cognoui. Tu munus à me profectum boni con-
sules, meq; tui cupidum amabis. Vale.

† Μουσά-
ληπιος
πρίστιος.

Ara maxima Aedis Diui Marci regali sumptu

Venetijs inſtaurata.

Marcia diuitijs ingentibus Ara renidens

Te adoro supplex: te mea

Mirror honos Patriæ, Veneti pia cura Senatus.

Te pulchrius nihil videt

Omnia collustrans Phæbus, nec quod mage vultus

Eius micantes exprimat.

Regia, quam Soli Vates finxere disertì

Minus coruscat: sit licet

Aurea, purpureis ac intercinctâ pyropis

Tot vnde gemmas nauita

Aduexit, vada salsa secans? quibus extudit audax

Gazam beatam rupibus?

Gangis opes, ferro indomitos Adamantas, & Indi

Latos smaragdus littoris,

Sardonichas, cæli referentem luce color

Sapphirum, amethystum, Iaspida.

Defixi, obtutuq, vno spectamus hiantes.

Ardescit anthrax, amulus

Flammæ, tenebrasq; fugat: candorē niuali

Miroq; turget pondere

Bacca Cytheriacis olim sub gurgite conchi.

Reinulsa, multiplex, teres,

Et fame factura fidem: quàm multa talenta

Vno haurienda spiritu 8

Regina Aegypti apposuit. mirabilis Urbis

Quæ parte in ista conspicias.

Orbe pererrato vix non inuenerit hospes.

Nam quod potentum in ædibus

Est medijs Regum dives thesaurus : idorbi

Est ista toti Civitas.

DONATO MAVROCENO

Senatori Amplissimo.

I Talia Menini nostri Poësi augusti illius sæculi in certa-
men prouocat: tantum in ea cothurni, ac leporis est:
nec minor in elogio Pignori yuustas. Profecdo sic est;
nobile par istud probatissimorum auctorum: vterq; in
suo quidem scriptionis genere ita primas tenet, vt maximo
infra se interuallo videatur quocunq; proximum locum hac
nostrâ ætate occuparunt. Polæ oratio sanè præclara: præ-
fatio satis digna; quæ proximè orationem subsequatur;
elogidia certè eius dixeris, qui libris inscriptionum editis,
efficit, vt inter eos iure reputetur, qui antiquario cælo vt
sciunt in huiusmodi epigrammatis maiori incidendis.
Ferratum animus nec deserit, nec ingenium vegetum
moratur. Verùm quid, inquis, tibi quaeso in mentem ve-
nit Aristarchum agere, seu potius tutorem vltra erepida-
rium? non aliud Hercules, quàm cupido per epistolam re-
cum gaudiendi cuius tu aspernabere, sat scio, breuitatem?
nisi hinc inde hos argumentorum centones mutarer. quos
inter non minor apparet ratio similitudinis, quàm equi-
næ ceruicis sit cum capite humano in pystrin, seu aliquod
aliud pelagicum monstrum desituro. quid facerem? Pagel-
la hæc erat tota illinenda alicunde, si tuas elicere longiores
vellem. Sed quis, te rogo, Todefcus ille est, Odes archite-
ctus in Bembum Principem? ne is non inuitis Musis car-
men pangit, sed quod legat ipsa Lycoris, ipse Philarmo-
nicum se vocat, & verò præstat etiam, ni mihi Batava au-
ris omnino est ad Musica ista acroamata. & hæc quidè hæc
nunc. Nunc ad Liburni tumultus Panica denenio. Catorum
nostræ cohorticula non tã anni, lociq; frigore congelant,
quàm otio, quo illis abunde frui per vicinos licet, hostile

nihil molientes. Ad Gradiscam plus nimio calere res nunciabantur, sed rumore incerto, & cui vera iuxta ac ficta canere tralatitium: manum certe non exiguum praesidiarii militis vapulasse constat. Nos tuas expectamus, quae, quo res stet loco, nobis explicent, simul consilium dent, permanendum ne nobis in hibernis sit, an ratium aliquid habendum in Anaxi portu: contra Liburnorum securiculas negant tutius hoc munimentum genere quicquam reperiri. Vale.

VINCENTIO QVIRINO *Viro Illustris.*

Litteras tuas amanter scriptas? & si Faustinum in optima causa concidisse miserandum, ceteris autem omnibus, ut postea a nostris hominibus accepi, etiam irridendum. Nunc scilicet hoc a me requiris, ut rem tibi totam ex ordine. Viderat homo mirus suae causae causam solam deesse: ceteris itaque rebus auctam, exornatamque, quantum in ipso fuit, eam esse voluit. dumque id ageret, se architectorum adiumentis ab aduersariorum telis circumsepsit. Suarum enim adium formam affabre dimensam, ubi morientem noueram, assidentem ad quaesita pietatis officia Virum, ancillulas etiam ex spiranti ligno verba pro foribus excipientes cerneret, exedificauit: eamque publice inspicendam exhibuit, credo, ne topographia domus suae ludices latere. Quæris? res mira, atque ostento similis visa, ut quidam ex XX. Viris se illam quasi Archimedeam machinatione circumuentos, inductos, in fraudem coniectos dicerent. Quid tandem Epeus iste fabricator effecit, inquires? quid? idem, quod pessimi Poetae, qui male concinnatas fabulas, cum aliter non possint, machinam dissoluunt. Sed nimis multa de nugis, in quibus tamen cohortatio & illa quidem seria, si nescis, continetur. Architecturam enim vobis magnis Oratoribus ad vestra studia pro cumulo adu-

gen-

gendam censeo; ut vos non solum verborum, quod & Tullius amicus vester præcepit, verum etiam formarum ædium architectos post hac rude vulgus appellet. Sed de his tu videris, cuius interest. Nos enim & Oratoriae iam dudum, & reliquis disciplinis nuncium remisimus; alteriusque vitæ, quæ tota in nihil agendo occupata, distentaque sit, quoddam quasi initium cogitamus. Rides? At idem Cicero in vestro, quanto Virò? quam gloriæ cupido? placuisse video. Nam, cum sibi procul à Republica, quam nullam putabat, reliquam ætatem habendam decreuisset, Antij manens, se tum fluctus numerando, tum lacertas captando oblectabat. Mirificum venationis genus, & à Xenophonte indigno scelere prætermisum inquires. Fateor. Sed vir ille alioquin strenuus totum se in hanc curam contulerat, ut Cyri pædiam solum obseruaret; Arpinatum disciplinas penitus neglexit dignus, qui à vobis Arpinatibus vel hoc nomine exagitetur. Vides, ut quicquid in buccam? quid enim aliud ab eo, qui cum amico familiariter garrere discipiat: quod scribat, non habeat. Argumentum igitur des nobis, censeo, longioribus ad nos quocumque sermone placuerit, litteris perscriptis. Nam quæ proximè nobis redditæ, fuerunt ille quidem Rhetorum, in quibus tamen ingenium scribentis mihi antea quoque planè perspectum agnouerim. Acta vibana, quibus me summo pere delectari scis, desiderarem. Sed dum ita scribis, video, quid agas: Ciceronianus enim videri vis, quod ita per me affecutus es, ut nihil possit ultra. Nam, quod me rogas, ut tuas corrigam, facis tu quidem modeste, & ut Ciceronis alumnum decet: cum & ille dux vester idem ab Attico suo non semel exigat. Tuæ verò mi Vincenti, litteræ eiusmodi sunt, ut non modo mei iudicii limam, quæ nulla est, verum etiam Attici illius, cuius miniatulas certulas vel ipse Cicero pertimescebat, si is nunc videretur summa cum laude sustinere possint. Hui quam ambiciosè nunc
enim

enim primum animum aduerti. illud verò, quod est in po-
stremâ Epistolâ. itera dum, obsecro te, mihi eadem illa.
Ioannes Nabosidius suos persequitur mores? malè mihi sit,
si vnquam quicquam aequè me ac postrema illa de Ioanne.
Sed heus tui æquum ne esse putas, te ei operam tuam non
præstare? non mehercule, si tibi sapienter consulis. neq;
enim est concordie vestræ diuersa sectari, & non porius ea-
dem in huiusmodi rebus sentire. Rescribes ad hæc, si quid
volēs: non feres tacitum. Hieronymo Fracheta plurimam
salutem. Nabosidio etiam. Vale.

ANGELO LOLLINO.

<sup>† Circu-
laris.</sup> **S**Tamus animis, Angele mi, & citatiore in studia animo.
<sup>† Fene-
stras in-
sellige.</sup> etiam nunc sumus: eademq; <sup>† Fene-
stras in-
sellige.</sup> & multipli-
cia. Nam & mathematicum puluerem palæstræ illius no-
stre perueteris pauimento insperimus, & <sup>† Fene-
stras in-
sellige.</sup> in te-
cto aperuimus ad celi variabilis æternos illos oculos suspi-
ciendos, obseruandosq;, quibus efficitur, vt & in reliquum
omne genus exercitationum lacertis nescio quo pacto va-
lentioribus vtamur. Adde, quod ætas ingrauescens antho-
ritatis, nisi me animus fallit, non nihil affert. restringit
certè quàm plurimum præcipitis illius audaciæ iuueniliū
annorum. Hanc enim nos iam pridem grauior cogitatio-
num genere, quasi repagulo ita cohibuimus, vt oblecta-
menta illa nostræ subuenit Musarum offensionem, quæ
furenter illæ in erroneos credantur irasci, reliquerimus non
opinino tamē. Huius rei multa signa sunt: non minimum,
quod fabellas tibi hîc inclusas habes. Etruscè perscriptas,
inquies: fateor. hoc enim vnum occupationibus per ebrui-
re mihi deerat. Nam nosti nostri temporis Aristarchos:
nostis illotum egregia de hoc sermone præconia: gerendus
erat mos, atq; ex eorum præscripto ingenium deforman-
<sup>† Super-
bor.</sup> dum, ne nos illi <sup>† Super-
bor.</sup> & vt in summâ dicam, incesse-

rat

rat animum libido quædam tentandi, quid in hoc genere
 præstare possemus hominibus nostris. Has habe, quales-
 cunq; sint; quas tamen, caue, putes à me vel paulò diligen-
 tius elucubratas. neq; enim tantum est nobis otij à rebus
 nostris, vt serio iocari liceat, vix tantitotam Erruriam cum
 illâ suâ peruerustâ Aruspicum disciplinâ facimus, vt ea nos
 à nostris ceptis senocare debeat. Altiora cogitamus, mihi
 crede, habemusq; in omni literarum genere ingentis otij
 opera animo iam dudum dimensa, atq; in quincuncem re-
 data, viuamus modò, perficienda. quid quæris? Fortu-
 na solum veteris aduersariæ nostræ iniurijs confictamur,
 quam, tantum abest, vt hoc itinere ad gloriam demitiga-
 uerimus; vt etiam multoquam antea acerbiorē reddide-
 rimus nobis. Sed de his ipsa viderit, quæ nos immerentes
 gratuito oppugnat. Illuda cecidit per incommode, quod fru-
 strâ meâ operam ab his sentio requiri, quorum me causâ om-
 nia velle, nihil non transigere par erat, par erat autem? Sed
 præstat, circumrodere, quod deuorare nequeas. Non me fal-
 lit hæc esset *Ex Tōv ἀνιγνίσκων* Est tamē hæc obscuritas & ra-
 tionem nō aliena nostræ, & tuis coniecturis haud vsquequaq;
 imperuia. Nota enim mihi ingenij tui vis, nota celeritas.
 Da operam igitur, vt hinc emergas. quod si assequeris,
 non est tibi in postremis labor in eundus, vt animos nobis sub-
 offensiores recolligas. Distulisse nos maturitatem illis mo-
 rem gerendi, non penitus abiecisse dicas; beneficijs fami-
 liam nostram dandis potius, quàm recipiendis amicitias
 conquisiuisse, conquisitas aluisse. ipsum illud testimonio
 sibi esse posse. Sed iam satis affusimus tenebrarum. Luci
 nosmet reddamur; Danieli nostro Hippocrateum volumen
 ab ipso votis expetitur, curabis quamprimùm perferen-
 dum. Eidem (fui enim datis ad eum litteris sanè brevis)
 si, quæ tibi ad suas cogitationes pertinere videbuntur, ex hac
 epistolâ descriperis, non molestè feram. Bibliotheca, de-
 litæ nostræ, dum hæc scribebam, aspectu meo ad monebat
 suo,

† Ex enig-
 matice di-
 ctis.

suo, vt tibi se, suumq; ornatum commendarem. Id ego non agrè facio: noui enim te in eâ exaugendâ miro quodam modò affectum esse. Nos quidem id etiam ex ea capimus commodi, quòd amicitias summorum Virorum nobis illa conciliat. Nostri Galliarum Regis Oratorem, omni eruditionis laude circumfluentem. Is nos in oculis fert planè. Huic accedit supremus Cæsareæ Maiestatis Theologus, Vir hispanus, linguarum peritissimus. Scotiam ex longinquo illo, rigentiq; terrarum angulo, iuuenem nobis dedisse scito, vnum omnium elegantissimum, duo de viginti annos natum: heptateclinum, heptaglossum: ex tempore de re qualibet [†]συναριθμῶς disceptantem: poëtam venustum: declamatorem egregium: mathematicum etiam non nequam. Queris? delitium humani generis à nobis appellatur: ab alijs etiam sæculi nostri Phœnix. Cœtera de eo non me latet rumorem hominum hinc soluentium ad vos multo vberiora allaturum. Tu de his nulla hyperbole exemptâ, velim, iudices: admiranda sunt etenim. Sed chartam nobis deesse vides. ego etiam, quod amplius scribam, vix habeo. Nicolao Physico Viro docto, & nostri studioso multam salutem. Eidem de Constantino Nepote referas, velim, tum ita erudiri, vt omnia magna, elegantiq; medico digna in spè habeat. Noseum plurimum amamus. Venetijs.

† Septem-
artium pro-
fessore
septis lin-
guam.
† Socrati
ec.

VINCENTIO VIRINO.

Valerudine factum est meâ, vt & nullas ad te antea litteras dederim, & in præsentia dem penè nullas: eâ enim per incommodâ per sex perpetuos dies usus sum. neq; dum reliquæ morbi exciderunt: tantus fuit ipsius ferocientis impetus ille primus, quo me immerentem, ni aliter tu sentis, quatefecit. Ammum tamen mi Vincenti nondum demisimus: mensq; ipsa nobis vbi tuq; Hieronymusq; noster

noster habitatis, manet incolumis. Habet in hoc fascicu-
 lo Epistolam, quā ipsius Hieronymi amantissimis litteris
 respondimus. Cuius hominis in hoc studium, atq; beneto-
 lentiam ita amplectimur, ut omnibus officijs eam profe-
 quendam iudicemus. Tu interim, ne totus languēam, va-
 letudinem tuam cura diligenter. Venetijs.

Suavior ipsa salus accidit mihi, per te tam amanter exo-
 pratum. Quam obrem me saluum, restitutumq; non
 minus tibi, quam meis velim existimes. atq; utinam eum
 diem videam, cum vnā esse nos, consuetudinisq; nostrae
 fructum quam iucundissimum capere possimus. Nam ta-
 met si tui, mi Vincenti, memoria adeo meis sensibus ada-
 ctā sit, ut ea vix inde extudi posse mihi persuadeam, sit
 tamen nescio quo pacto, ut praesens nostra colloquio, &
 aspectus ipse tuus quiddam sibi peculiare habeat, quod neq;
 litteris, neq; vllā recordatione cōpetere possit. Nec ad tuā
 Epistolam, in qua caetera belle. Illud mirum, Riccobonum
 Candidos, Academicos suos appellasse: quos ego, ut etiam
 coloribus fuerint candidiores, admixtione tam atrii homi-
 nis, qualis est ille, quem tu inter eos nosti, subfuscis iam
 pridem redditos putabam. Quod autem tam crebro de fe-
 licitate declamitat, facit ille quidem ex officio, qui sui
 nominis interpretem agat, & probitas enim in eo est, &
 quas vos Peripatetici nimis ambitiosē in homine beato
 requirere soletis, diuitiē. Sed haec, ut nos planē conualuis-
 se sentias. nostri enim iocum aureae sanitatis comitem fin-
 gi. Hieronymo nostro plurimam salutem per me. Ioanni
 vero, quantum tibi videbitur, equidem tua in me taci-
 turnitati, cessationiq; subira scerem, ni bilem mihi omnem
 morbus consumpsisset. Vale.

Y

Non

Non tam tibi amplissimam dignitatem consecuto, quam delatae tibi dignitati gratulor. utrinque in alterutrum existimationis multum venit, ac splendoris. Illa te titulis honestat, tu illam invidia exonerat, quasi in indignos pronior feratur. Pulcherrimum omnium exhibet spectaculum. & plausus superum, mortaliumque simul exciturum conspirans concordia honoris, virtutisque ex quo vitio temporum parum conuenire inter se coepere: nam ante vna utriusque mens erat, vna sedes gradibus eisdem adenda. Eo magis letor, spemque haud dubiam animo concipio fore, ut cumulatione beneficentiae exempla in commune praebeas, quanto tibi maior nunc facultas est plures demerendi. fallor? an opibus obarmata liberalitas nulli opis suae indigenti defutura est haud sane aliter, quam oculis ad inspicendum aptis solis radius. Haec ipsi de te, tuaque eximia indole nobis auguramur, pollicemur alijs. Neque timor est, ne sponsores frustrati promissi fide villo vnquam tempore appellent. Vale.

FRANCISCO Bencio.

† Exercitationis lyrica.

Dramma tuum † *γυμνασιώδης* annis superioribus in Collegio Romano actum sane quam auidissime perlegi. Est enim eiusmodi, ut cultam illam veteris aui elegantiam, ac festiuitatem mirabilem in modum exprimat. Itaque & tibi gratias habeo quam maximas; & intermissione illi tuae octimestri plusculum etiam me debere fateor: quae in causa fuit, ut me libello isto aureolo demitigares. Occupationibus enim tuis eram subirator, per quas tibi nos alloqui minimè licebat. Nunc omnis illa deferbuit † *θυμὸς ἤϊσθη*, auctusque amor, immane quantum, qua te litterarum, & suauitatis morum gratiam prosequimur, prosequimurque: dum spiritus hos artus reget. Tu modò nostri meminisse

se memineris. Vale mi optimè Benci, & meis verbis Quere-
rengum, Virum omni virtute, officioq; ornatissimum sa-
luta. Venetijs.

ANTONIO Vaccaro.

SI sponte sua olera olla ipsa legeret, vt Vulcani tripodes
solebant opere defungi, qui destinabantur, vna mi-
nùs cura modò destineret coqui perquirendi, cùm domi
veru, sartago, lebes, & id genus instrumenti culinarij sup-
petat abundè: ille tantùm desit, qui eis graphicè vtatur,
& ex arte. Illic fortasè aliquem inuenies muneri non im-
parem, vbi ex tot caminorum siluâ nidorosus fumus exilit
frequentius. Nam apud nos Heroicorum temporum mōs
tenet, vt ipse sibi quisq; obsonetur. Palatum domini ha-
bere coquum oportere, vetus cautio est. is mihi à naturâ
tributus non rudis adcò, vt nesciat, quid sapidum differt
fatuo discernere. Condimenta præter famem, & salis mo-
dicum non admodum anxie requiro à puero educus cibo
simplicio. orexim integram in caput canē affero, siue id
capus sit, quo tamen non valde capior, siue harnius vituli
ex iure, siue assa perdix, aut pipio, pisce non ita ducor, nisi
sit saxatilis, oua, si per me stare, incubitu matris sinerem
in pullitiem excludi. Locum non soled relinquere placentē,
etiam si Samia mellita sit: eius vices pomenta subeunt.
Nihil me quē offendit ac opimitas, siue foris accersita, si-
ue innata. Neq; idcò macie altitium delector, quæ eorū
arguat esuriem: quod inter vtrumq; sit medium, hæc ve-
scor libens. herbis mihi interdixi omnibus, vno asparago
excepto, quia herbes nihil planè refert. nuces mensa ex-
egi, salgama proscrispi de allio idem cum Flacco sentio,
parricidarum esse cibum capitalem, execrabilem. lac, la-
cteaq; cuncta ita odi obstinato animo, vt indigner nutri-
cem mihi infanti vbera adpressisse, si adpressit modò, nec

-VAL

Y 2

me

nec me; ut Chiron olim Achillem; salutem futurum apud
me coquum monitum in antecessum volo, ne quid esculen-
ti caseum subolere domi meae sinat, noxam ieiunio triduam
luet, seu imprudens, siue sciens id commiserit. In has
conditiones venienti pro mercede, quos tu statues in men-
sem, denarii præter vestimentum dabuntur. Vale.

AGIDPOSVO

Mira est conciliatrix amicitiarum inter doctos fama:
præsertim cum plurimum de vero trahens intra fi-
nes historie se cohibet. Huius relatu Flavius inductus, te
summo opere compellere ardet, meque obnixè rogat, ut sibi
ad te venienti Comes esse vellem per epistolam. haud diffi-
culter impetravit, quod meâ sponte oblaturus eram, si re-
scissem. Quod enim obire manus volent litteræ libentiùs,
quàm interpreti esse loco apud literatos ad eos mutuâ fa-
miliaritate vincendos, neque idè aliâ, quàm nomen-
clatoris, partes mihi sumo. Ipse tibi se commendabit mul-
to meliùs, cum ad te accesserit. Sermo, vultus, oculi ipsi
amoris illices te in eius amplexum ita rapiet, ut alio Conci-
liatore non sit opus. raro admodum, & nescio an unquam
aliâ candidiorem animum singularis eruditio ingressa co-
luit: hæc illum plura scitu digna edocet, ille hanc gloriâ
ventosâ non effert: Nostis scio, doctorum nostri qui plus
quàm Campanum supercilium, & plenos de designationis fa-
stus, quibus sit, ut nec eos æquo animo feramus. nec lite-
re ipse vulgò benè audiant. Sed nolo aliorum insectatio-
ne Flaviij clariorem reddere modestiam. tibi integrum iu-
diciu relinquo, ut de mea sententia decidas, veraxne sit,
an ob amoris blanditias aliquid effingat. Vale.

LAV.

LAURENTIO REGOSIA Medico Bellunensi.

Leuter ego semper istis bene volui, qui humanioribus, quas tractant, literis tantum sua afficiant atrocitatis, ut iam amplius eis huiusmodi appellatio conueniat magis, quam furijs Eumenidum cognomen: atque ideo ipsos ludimagistros non ante dixerim, quam iudicatum fuerit ludum, & iocum esse futurarium: cum potius sint victores Tribunorum vapularum vocandi, aut certe militum ex eorum numero Centuriones, qui impotenter in libera tergora vite utebantur. Hæc mea mens, quam ut tibi (rogas enim) pluribus significarem, testimonia mearum Musarum aliquot vndiq; collegi, quæ ad te in vnum fasciculum coniecta mitterem. Ex his facile cognosces, nisi fallor, quam non immerito alieniori animo in gentem ferat, ingenijs perdendis natam, & cuius diricati ætas nostra debet plus æquo restrictam annonam doctrinarum: nam literas pueri quin oderint, ærumnarum sibi causas futuras? mihi quidem nullo negotio causam suam probant, quod procul à Væioue, à verberibus procul, quantum possunt, se proriipiunt, eunt in alia omnia libentius. Vale.

Ludimagistros truculentos.

Formido turba maxima inuestis: Dea

Ofor Vacunæ cognite haud ioco magis

Quàm Soli Auerni regio nigrantis. tuum est

Crimen, Camænas quod prius pueri oderint,

Amare quàm satis queant. fastidium

Gignit disertis mi poema Virgili

Per te explicatum: nauseat Propertij

Lepos, Catulli ore dum prodit suo

Flos Tullij, arens concidit: frigent sales

Plautini

Plautini: Homeros excreans tussi mala
 Fit Charilo ipso ineptior. quin tu pedem
 In atria atra Ditis inferi refers,
 Unde extulisti? vernulas Proserpinae
 Docturus artes literatę in scitia.

A L I V D.

Digne magister agi manibus post terga reuinctis
 Per fora, per spacia ampla viarum à pube salisca
 Verbere multiplici, terroris dira verendi
 Larua, Minervae enim haud aliud, preciumque laboris
 Convenit inuiso pueris, tibi lora supellex
 Licet foris, ferulaque truces, & verbera cordi
 Non misura cutem nisi tincta cruore. satelles
 Cur non Teseiphones, & amantis tristitia Ditis
 Manibus accedis pavor aut nouus, aut Rhadamanto
 Officium seruire locas? non membra nocentum
 Dirius ille alio posset laniare ministro
 Tunc odia ante animis musca recentibus indis
 Quam vel amare queant, molles vel cantibus aures
 Vatum aptare. minas modò, & arma horrentia pace
 Ferali ingeminans iuxta, manibusque retractans
 Stultus, & vltices Iphæbi non respicis iras
 Praefidis Aonidum, cuius pacata nefandis
 Orgia contemeras flagris. mellita solebant
 Arte Palemonia insignes dare crustula alumnis
 Discendi ut vellent longos perferre labores
 Premioli capti puerilibus, ilicet alma
 Virtutis radix subamara, in læta licet se
 Fundat adolescens sensim ramalia flores
 Omnigenos olim latè, fetusque datura
 Ambrosios. Subigat tardos sua rura colonos
 Percolere, imperijs & herilibus increpet Aggon

*Ignauum famulorum agmen. Sergestus aperto
 Equore dum certat cursu: vel verberare crebro
 Remigium officij admoneat: ne seignius undas
 Palmula verrat iners. iussis modo molibus iactet
 Conciliare animis doctor virtutis amorem
 Dexter. & ingratum dictis lenire laborem.*

A L I V D.

*Stat vultuosus tetrico in ludo Ortalus,
 Immitte sceptrum virgeum, enodæ, horride
 Propaginem inuisam arbuti, quæ sans manu:
 Minoæ credas. Aeacum aut truce, nigri
 Pretorem Auerni territare pallidas
 Umbras nocentum. Circum Ephæbea agmina
 Silent, tremuntque donec ad subsellia
 Adire tempus tristia, & thema aggredi
 Laboriosum. Tum malorum haud amplius
 Timor: malorum sed glomus presentium,
 AErumna pregnax, maxima, in pœnas mine
 Deducta apertas: verberare ætæ diceres
 Trochos: vel ictu quos per alta montium
 Crebro caballos mulio asper excitat
 Fessos. amores & tamen Didonios
 Plagas tot inter mussitant ingratis,
 Tantum seueri terror vrget imperi.*

LAVRENTIO REGOZE Medico Bellunensi.

De tubere terræ disquisitio epistolaris.

TVbera mihi præclari muneris loco (si modò ea tubera)
 missa esse scito, mi Laurenti, eaq; terrâ hac nostrâ
 ac indigena, vt tibi, & olitoribus nostris gratulandum sit,
 qui salgamarizæ annonæ consulant egregiè, & mecum, ea-
 quam

quam in paginam naturalis census referri debeat huiusmodi factura, cogitandum. nam & si inter ea recenseri soleant, quæ terra vitæ haud quidem expertia progignit, tamen si Aristotelis, Theophrasti; primorum in philosophiâ hominum, ac signiferorum castra sequi volumus, vbi tubera ista reponamus, non habebimus. adeo illorum definitionibus veluti edictis censorijs vrgemur nequid de plantarum genere putemus, quod radice, caudiceue, aut caulecareat omnino. his enim minimùm partibus plantarum constant definitiones, quas partes in tubere frustra requireris, vbi nec articulatum, nec distinctum aliquid apparet, quod stipitem, aut caulem præferat; sed totum qualecumq; illud est, teres, atq; rotundum est. quod si dicas ea radices bulboras stirpium referre, aut meras ipsa radices esse, haud satis dixeris. cum enim radix inter ea sit, quæ ad aliquid dicuntur, vnde caulis nullus radici innixus germinat, aut assurgit caulex; ibi ne radix quidem villa fuerit apud proprietatum vocum non ignaros, & quos, quid quæq; significant, non fugit. vt omittam siue radice provenire tubera summos autores decreuisse, qui ea a plantis secreuere sub hæc verba: Plantæ, fungi, tubera; & his similia. Scitè me hercules, & argutè Plinius, qui tubera terræ callum vocans nodum solutu perdifficilem perquam Macedonicè discindit, nisi quod genus illi vestigandum fuerat, quo callos istiusmodi reñceret, præsertim cum talia memoratu lepida philosophia hæc entis admittat, si earum ratio menti nostræ conslet: & callos ego inter vitia corporum atq; impedimenta potius, quàm membra numerem, quæ tanti naturam fecisse, vt eorum propagationi voluerit consultum absurdum dictu planè arbitror, atq; inconsultum. nec terræ aliquam partem veluti aprorum obcalescere, nisi pictoribus, eorumq; consanguineis poetis sit credibile, qui telluri vultus quoq; & verba tribuunt, quibus apud Iouem conqueratur se penè Phaëtonis rogo concrematam.

matam. quæ cum ita sint, in hanc cogitationem tibi incumbendum cenſeo, ſint ne tubera, Peripati magiſtris inuitiſſimis, in ſtirpium album tranſcribenda, an animo cominiſcenda ſpecies alicubi aliqua, quæ iſta à re plantariâ ſeiuncta, ſeu ancipitis generis, ac amphoterizonta, vt Platon in Libris R. P. videtur, ſinu complectatur; quam tu ad curam ſi Hyppolitum Obicium collegam tuum Philoſophum, Medicumq; præſantiſſimum aſſumpſeris, & mihi perſanè gratum feceris, & tibi eum ſeu ducem, ſeu comitem aſciueris, qui cuius Theſeo erit conferendus. interea quid ego mediter, paucis exponam, iudicijq; illud veſtri faciam. Principiò præter quattuor illa prima ſumma plantarum genera; arborum nempe, fruticem, ſubfruticem, ac herbam, in quæ Ariſtoteles atq; Theophrastus, nobile par philoſophorum, quicquid ubiq; terrarum pullulat, eſtq; naturæ abſolutioris plurimarumq; partium, diſcreuit; quin etiam quoddam genus animo dimetior, atq; cominiſcor, ubi reliqua iſta terræ ſeu [†]κύνματα, ſeu foetus vocari gaudent, [†]Germina concepiunt.

reponam. cuiusmodi ſunt tubera, nihil aliud, quàm radices meræ; tamenſi cuius ſint radices, nihil planè habeam, eiſq; non abſimilia Miſy, ebinum, ieburq; foſſile, ceraunium, quæ non ſimpliciter plantæ, ſed plantarum rudimenta ſunt veriùs parte tantùm vnicâ conſtantia, prætereaq; viſcum, epithymum, epithymbam, aliaq; de hoc genere non multa, quæ quamuis in plantarum hiſtorijs recenscantur à veteribus [†]πολυμέρεϊαν tamen perfectioribus plantis debitam non habent, vnâ parte tantummodò contenta, hac mea ſententia paulò confidentior, non nego, quæ ampliare ſtirpium diuiſionis pœmæria ſit auſa. neq; idcò ullam cauſam dico, quin vos illam, ſi videbitur, arctiori finium gyro claudatis, ne extra, quod aiunt, oleas excurrat alienam meſſem inuaſura, etſi audendi auctores habeam præter Galenum, lumen illud veſtrum, Dioſcoridem herbariæ

barie reipertissimum, quorum ille eandem stirpem diuisionem duobus membris auxit, hic de quadripartita quinque membris fecit; haud sane satis dignum operae obpretium, quod ue huic necessitati, quæ nos, & alios ad nouandum impulit, comparari possit, nisi credimus (etiam si ipse peculiare aromatum genus non constituisset) hæsitatos fuisse homines huiusmodi rerum non in curiosos, quoniam illa reduci possent non obtorto collo. Verum hæc vos melius quorum cogitationibus id etiam relinquo, cur Theophrastus apud Athenæum læuem tuberculi corticem vocauerit, cum scabrum, & verrucosum eum esse constet, cur item cortice carere ea non secus ac mora, fraga, dicat, in commentarijs in Theophrastum Scaliger, si id experientia ipsa, & historia penitus refellit. In quare Plinius rimas agere locum, ubi tubera gignuntur, neget, si solo hiante conijcere pastores solent, quâ parte ea latitent potissimum, noto in id Martialis carmine.

Rumpimus altricem tenero de vertice terram. sili supilo idv
cur deniq; à tonitruis, & imbribus prouenire credantur, cum nusquam letius proueniant, quàm in Africâ, ubi nec funduntur imbres, nec in nubibus tonitru disploditur. Et hæc de vero, ac germano tubere dixisse hætenus sufficiat, cuius ea apud antiquos extitit dignatio, ut probri loco foret regioni Thellespontiacæ eo caruisse, ut Agesander Delphicus testatur. Naclidis verò solitudo, ut est in proverbio, iure putaretur, ubi neq; tuber, neq; thymus proueniret. nam quæ nunc nobis tubera obtruduntur hortorum Bellunensium vernacula; vereor, ne cum tubere nihil habeant commune præter nomen, nataleq; solum subterraneum: ceteroquin non terræ sagina in vnum, ut Ruellius ait, conglobata, non naturæ foetus monomeres, atq; uniformis, radici similis, sed fructus absolute plantæ radice, fibris, caule, folijs, flore quin etiam constantis, quæ ubi oculis mihi primum occurrit, Arachidna est visa, non

Theo-

Theophrastea est enim illa (quod notatu per quam di-
 gnum arbitror) foliorum expers; non Pliniana, cuius (quod
 miremini magis) neq; caulis, neq; folium supra terram ex-
 tat. sed quam rex Hispanijs aduectam narrat Clusius. Ame-
 rica oriundam, vbi Papas proprio nomine à Quilibet incolis
 vocatur; Italiae verò oppidis quibusdam ob mirificam fa-
 cunditatem (nam ad quinquaginta vsq; bulbos ex vnâ stir-
 pe prouenire aiunt) adeò non raram, vt suis quoq; sa-
 ginandis, cuius est id animal impense cupidum, pro me-
 rendâ sit. vnum in tantâ partium concordia disconuenit,
 quod illius fructus (sic habet ex Hispano autore Ciezâ Clu-
 sius) gratis sunt referti; quæ huius nostræ fructibus, quan-
 tum oculis conspiciari potui, non magis insunt, quàm ra-
 po Curijs obsonio. Quod & si tanti apud me non sit, vt sen-
 tentiæ mihi ansam præbeat murandæ, non possum tamen
 reticere, quod apud Cæsarem Scaligerum nuper observa-
 ui in commentarijs in Aristotelem de Plantis, vbi de huius-
 scè generis foetibus suo more differit subtiliter, allatum sibi
 tuber ex vltimâ Vasconiâ cyclamino formâ per quàm si-
 millimum, cætera purum putum tuber, quod ipse inter
 illa numerat, quæ naturæ variantis lusui, nobis sunt mira-
 culo, quales fungi quoq; in Pyrenæis saltibus reperti, anti-
 quitati, vt ipse censet ignotissimi. sed desinam Phormio-
 nem agere apud viros istiusmodi rerum apprimè consultos;
 si prius dixerò non videri ad idem genus (quod nemo pu-
 tat) tubera, & fungos pertinere. nam, præterquam quod
 ea inter se distinxit, & quidem assertis verbis Aristoteles,
 cuius apud sapientes auctoritas pro ratione esse debet, cum
 præcipuè partes plantarum sint solum, ac superficies, ra-
 dix nempe, & quod è radice supra terram emicat: tubera
 quidem tantum sine superficie solum imitantur suo modo;
 epithymum sine solum superficiem: fungi verò vtrunq; ha-
 bent enim, & quod radicis sit loco, & quod eis, quæ de radi-
 ce pullulant, proportionè respondeat aliqua ex parte.

LAURENTIO

Regosia.

GRaphicè tu quidem mi Laurenti decerpis hinc inde floribus, est quando etiam encarpis Spartam tuam ornas, quorum tamen pars non exigua ad rem minus facit quæ contenta doceri, ornamenta respuit. Neque tu ideo minori es præconio dicendus, qui rerum, ac verborum copiâ exundans, agrè te te comprimis, quin in declive latius ferare. Iuuentus hos quidem tibi hercle facit animos alit ingenij vbertas, lectionisq; quâ polles, omnigenæ varietas. nobis (neque enim hostrum ē scalmo in littore reperto, nauem exordiri) pauca sunt pertexenda crassiori filo super ijs, quæ tibi dubiæ fidei videntur, Negas radicem non minùs quàm caput, & manum esse [†] τὸν πρὸς, euocasq; à Simplicio suppetias milite caligato scilicet aduersùs summum Imperatorem suum Aristotilem, cuius verba aliorum spectant. At modus, inquit, reperitur aliquis in tam vberi prouentu cogitationum humanarum, quoradix non aliò refertur, sed suo censetur censu, suo stat peculio. Quid ad me? dum alius aliquis supersit modus, & quidem multò quàm prior ille vsu tritior, & in eruditorum sermonibus sanè valdè frequens, quo radix ad aliquid refertur. Hoc non est nostri (ni fallor) argumenti aciem retundere, verùm potius obliquo responsionis flexu declinare. addis tibi non licere tam audacter esse audaci, vt plantarum quadriuo relicto, quod Theophrastus suo olim ingenio, ac impensa fecuit, strauitq; subsecuti dein Philosophi triuere, de via in semitam deflectas, amarem istam animi verecundiam tui vel potius religionem, si tibi perpetua foret, nec haud multò postea eundem auctorem, nescio quâ diuina virgulâ immutatus, modò abs te extra omnem repteensionis aleam sepositum apertè carperes, quòd in fungis semina non viderit, verùm hæc nominum, ac dignationum pondera committamus

† Eorum
quæ sunt
ad aliquid

mittamus, rem putemus ipsam. Placètne tibi in herbarum
tribum tubera, quorum natales controuersi fuere, etiam
apud veteres, transcribere? valde vellem equidem, quod
cupis, sed rationes erant eruendæ tibi alicundè haud paullo
illis fortiores, quas in medium adducis. nam rudimenta
naturæ tubera vocare, fingere herbas primùm addiscentis
lepida quidem sunt, non inficiamur, memoratui, & à Pli-
nio non omnino infeliciter desumpta, sed quæ vim persua-
dendi nullam habent. quale enim rudimentum illud, oro,
fuerit, quod folia, partem herbarum speciosiore, & qui-
bus illæ maximè noscuntur, ne leuiter quidem designat, ne
dicam, exprimit? nam quòd sententiæ tuæ adstruendæ
tubera cum bulbosis generibus herbarum comparas, qui-
bus folia decidunt hyeme rigente, perinde est ac si parùm
differre putes caluum Myconium à Monacò Carthusiano
strictim attonso, & ad cutem vsq; aliud sanè est, ni ego po-
tius fallor, nihil prorsus enasci de radice, quod in plantis
Theophrasto ignotum ac indictum fuit, cuiusmodicunq;
illæ speciei censeantur; aliud enasci, sed ita frigoris iniu-
riâ arescere, vt rursus vere nouo reuifescat. hoc herba-
rum: illud tuberum est, quæ nedum germine, verùm etiam
radice carere prorsus asserit Plutarchus lib. 4. quæstionum
conuiuialium, ea τὰ ἀριζα vocans, atq; τὰ ἐλασα, nihilq; cum
plantis habentia commune. Cætera tua argumenta, qui-
bus tubera plantas esse probas, mecum faciunt, qui id ip-
sum sentiam: licet nullum omnino inueniam, qui velit ex
quattuor illis earum summis generibus Theophrastæis, tu-
bera vel ad biduum hospitio excipere, nisi vi admotâ. po-
stremò quod scripsi mirari me Scaligerum maiorem puta-
uisse tubera non aliter ac mora cortice carere, damnas ve-
luti mnemonicum erratum. Equidem obliuiosam esse, cu-
ius iam limen tero, senectutem, & fateor, & patior non
iniquo animo. neq; ideo minùs arbitror esse τὸ ἰζοδύναμα, vt
Grammatici loquuntur tubera tota edi solita non secus, ac
mora,

† 'n secū-
da non ger-
minantia.

mora, & tubera veluti mora, quæ vix tenuissimâ cute muniantur cortice carere. Quod ni credis, digitos ea conspice legentium haud multo minùs, Hercule, rubentiores, quàm facies Sileni Virgiliani fuerit. Et verò cui non in mentem veniat mirari Scaligerum, quem virum? ommissis ficibus præsertim aridis, multipliciq; genere pirorum odoratorum, quæ tota esse vesca ob cutis teneritudinem nemo est qui ambigat, tubera tandem inuenisse rugosi & præduricorticis, quæ cum moris, ac fragis compararet. calceato sit gutture oportet, qui id, si expertus tubera irrepurgata cortice vorauerit, non sentiat. verùm de his fortasse plus satis, tibi præsertim acumine ingenij non minùs, quàm maturitate iudicij præstanti.

E I D E M.

De vesica in ventre quorundam piscium inuenta.

DIcam equidem, mi Laurenti, quid de geminâ vesicâ sentiam, quæ in fluuiatilium quorundam piscium ventre reperitur. industriam nostrorum in eâ vestigandâ hominum amplector, quibus parùm fuit Aristotelis, Aelian, Plinij, Triumvirum constituendæ Halieuticæ historiæ dictis acquiescere; nisi huic curæ sedulò incumberent, vt de suo aliquid afferrent ex anatome nouiter compertum, rationi verò non ita facillè assentior, ob quam à naturâ, quæ nihil agit temerè, fictam arbitrantur, assensurus procul dubio, si quis mihi tui similibus scrupulos exemerit, qui in causâ fuerunt, vt in Ephesticorum castra demigrarim. Obseruatum à vobis est non ita pridem vesicam aëre differtam in Tincâ, Scarduâ, ac Lucio piscibus indigenis, dorsali spinæ adhærescere, in duas partes diremptam inæquales, quas tamen ita inuicem cartilaginea fibula connectat, vt arenalis horologii ampullas referant, Quòd ad me vos qui,
dem

dem ipsi detulistis tanquam ad collegium Augurum, scitatum, quid sibi in eâ moliendâ proposuerit natura; crederem ne illic collocatam, ne pisces eâ præditi prægrauante corporis pondere submergerentur, vel potius, ut eâ veluti suspensi enatarent, in aquis expeditius? quod ijs, qui nondum sine cortice nare assueuerunt vsu venire videmus aliquando, cucurbitis, culeisue ad brachia vtrinque alligatis: ego, qui respondere meditatis vestris percunctationibus prorsus imparatus, inconsultæ plenum aleæ putabam, differri mihi vadimonium in alijs occupato tantisper postulavi, dum rem totam attentiori mecum animo recogito. simul quod deprehensi solent, postquam præsens periculum effugerint, ut auxiliares raptim copias conquirerem ex eorum librorum lectione, qui piscium historiam pertractant haud perfunctorie. quod mihi non ex sententiâ planè successit: mirum enim de huiusmodi vesicâ fuit omnium silentium, vnum si Rondelitium excipias, virum cum multiplici eruditione perpolitum, tum experientis medicinæ, quæque in opere consistit, consultissimum. Is quod ad vesicæ vsum attinet, eadem propemodum, quæ vos nuper, in medium adduxit, de situ eiusdem ac naturâ addidit nonnihil, ut doctorem veteranum decuit, & qui maria omnia, lacus, flumina. huic rei intentus Vlyssæo fermè fato circumiuerat. Scilicet præterueficas fella continentes, in piscibus aliam reperiri plenam aëre, interdum vnicam, ut in Barbo, interdum geminam, maximè in fluuiatilibus. nam & in pelagiorum etiam non nullis visitur, in alijs huius vicè spatium esse inter spinam, & peritonæum aëre plenum. quorum ego fidem, quia prosecutionem omnis generis, Neptuni pecudum aggredi non vacat, nec, si vacaret, in procliui foret homini è decurijs maritimarum in mediterraneas ac montaneas tribus iam transcripto, penès ipsum autorem, luculentum illum quidem, & facundum deferens, discutiendam mihi rationem sumam, vesicæ nobis vsum

demon-

demonstrantem. nempe ne ea præditi pisces submergantur. quæ sanè ratio si de alio animantium genere aeris vel terrarum incolâ nobis ageretur, cui submergi disperire est, locum aliquem esset habiturâ, nunc ut verear, ne parum afferat subsidij, facit peculiaris piscium diata, ac consuetudo sese in maris ima, vrinatorum instar, demergendi: postquam in summo ludibundi paulisper innatauerint: quod ut magis obeant ex voto, capita illis naturâ prouidentia effinxit corporum proportionem maxima. Sunt enim inter fluuiatiles potissimum nonnulli, imprimisq; Attilus Padi peculiaris aecola, cuius caput, & partes capiti attiguae, si Cælio Caleagino credimus oculato testi, iam proportionis ad reliquum corpus rationem obtinet, quàm quatuor ad vnum. si igitur piscium pleraq; genera ^{† Nana.} ^{† γαυώδες} sunt, & ut Plautinè dicam, pumilionacea. cuius formæ non aliam rationem reddit Aristoteles (cui nunc fasces philosophi cæteri submitunt) quàm ut facilius mergantur: si in eandem sententiam it Plinius historiæ naturalis autor grauiissimus, ipseq; adeò, quo cum nobis nunc res est, Rondelitus in libro de piscibus fluuiatilibus, quid tandem, quæso, causæ naturæ fuit, cur consilij suppetitens vesicam, ne submergerentur, piscibus assueret, quorum plerisq; ne immerfibilis forent, summâ ope cauit, immani capitum mole prægrauante? præsertim cum ipsis aliâ viâ fuerit consultum, si quando superenatare opportunum foret, id ut peragere possent non in commodissimè, nam cum pisces partim aplicationis, animiq; causâ, partim ut latibula, pastumq; parent, quemadmodum terrenæ animantes, huc illuc se transferant, in hocq; maximè differre videantur à Zoophytis, terræ plantarum in modum defixis, pînæ alijs tributæ, & squammosis omnibus alijs latitudo corporis propinnis est, ut Raia, & Pastinacæ. Buglossis verò, Rhombis, passeribus vtrunq; suppetit, nam & pinnis, & latitudine feruntur, plerisq; à vario flexu corporis mobilitas, ut

Con-

Congro, Ophidioni, Murenae, quibus notis non modo in aquis suspensi permanent, cum se dat occasio, verum volant etiam nonnulli, & quidem telo ocyus, quos inter Miluago, alati mugiles, Hirundo ad lapidis vique iactum aërem pinnis tranans aliquando, ut opus non fuerit auxilio vesicæ in vno, aut altero pisce minorum gentium, cuiusmodi vulgi opsonia Tincæ, & Lucij habentur, qui nec pinnis carent, nec ob carnis, aut nimij adipis saburram, nouo machinarum molimine erant suspendendi. cum Thunus prægrandi corpore, & qui nomen a celeritate impetus inuenit, nec multis eo minor partibus Delphinus, absq; vesicâ volucrior aibus euadat, Troctæq; ipse, Salmonesq; item fluuiatiles contra aquam se ad fontes efferant aduerso flumine, pinnis solummodo innixi. Quæ prout longiores sunt, & membranis valentioribus contextæ, ita pisces motui reddunt aptiores. Cum itaq; nec demergi piscibus infuetum sit, nec exitiale: sed solenne potius, atq; translativum; suspendiq; eos in aquis expeditius, non ad Tincæ modo pertineat, Lucijq; rationes, sed ad omne genus aquatiliū, quod in udo degit, ecquænam ista improuida fuerit prouidentia naturæ, si vesicæ id leuitas præstaret, voluisse tribus, aut quattuor speciebus piscium consultum, reliquosq; sus deq; habuisse, & numero, & censu potiores? latius huiusce rationis, quæ affertur, ambitus pateret, si de veritate aliquid traxisset, quàm ut tam angustos intra fines coërcendus foret Tincarum atq; Luciorum. nam quod aiunt, marinos pisces haud ita facile demergi, ob humoris pelagici crassitiem, ideòq; vesicas eos subleuante non indiguisse, eisdem videtur esse in erratis, etiam si hypotheci minime falsâ subnitatur, marinæ scilicet aquæ crassitudine. vesicæ enim in nonnullis pelagicis obseruauit Rondelitijs, maximèq; in Pagro; in alijs verò quibusdam vesicæ spatium analogum, aëre differtum. Quod sicuti eorum argumenti vires nimium eneruat, ita cum huiusmodi

A a

coniun-

coniunctum appendice non omni piscium generi, quod flumina lacusq; incolit, vesicam ventri adpressam, atq; applicatam; mirum est quàm omnem illi fidem omnino eleuet. quò enim marinos pisces à fluuiatilibus tanquam cancellis quibusdam inter se dirimere, quibus ob aquæ leuitatem, cui incidunt, vesicam tribuas, si eorum planè perpauci, imò penè nulli, vesicam, nè dum omnes habent? nec adrenum ea careant pelagici? ^{+ αὐτὸν λόγισα} hæc mihi surgunt, ac ^{+ ἀπὸ προσδιόγουσα} vesicam non omnes, non plurimi, non deniq; pars eorum quotacunq; habent, quibus inesse deberet ex istorum præscripto. eandem nonnulli ex his pisces habent, quibus non est opus, si vera sunt, quæ isti afferunt. alius ergo est comminiscendus vesicæ vsus, quàm sit natatoriae cucurbitæ. quâ cum illa nihil habere commune (similitudinem si rectè compares) facillè cognosces. nam piscis primùm vesicula illa digitalis visceribus est sic agglutinata, vt ab ipsis obruatur vndiq; atq; opprimatur. cucurbitæ verò extra corpus natatoris superfluitant: quod quanti momenti sit, nemo, opinor, non videt; modò mechanicarum subtilitatum non omnino rudis. quæ docent in contralibramentis, ac retractionibus, externum esse agentem oportere, scitâ in id pollicitatione Archimedis orbem se iactantis loco dimoturum, si extramundani spatij aliquid daretur, vbi vectem, & hypomochlium aptaret: quod illi vnus viro- rum Epicurus in intermundijs suis erat præstiturus non grauatè, si rescisset. omitto similitudinis in eo quoq; dissimilitudinem, quod cucurbitarij, quos exempli gratiâ inducunt, natatores, vt primùm sine corticemare didicerunt, adiuuenta ista extranea abijciunt, impedimento ipsis potius futura, brachiorum agitationi, & totius corporis flexui affuetis. pisces, ex quo illis in lucem editis natura natatûs instrumenta simul ac præcepta dedit, nunquam tyrones eius artis deprehenderis. quòd si virgere pergas piscibus non omnino inutile futurum ali-

quan-

+ quævis
ratio in-
vi non po-
vest.
+ ab sur-
da.

quantulum æris congeniti, cuius ope ex aquâ emergere, superneq; eminere queant, præterquàm quod tibi frustrâ erit laborandum in vesicis in omni genere piscium scrutandis, illud quoq; ægrè à nobis obtinebis contento in vesicis, ære illum non aliquanto ampliorem esse, qui caua replet, conceptracula piscium corporibus interfita: cuiusmodi sunt venter, & ventris in plerisq; omnibus multiplex appendix cum spatio inani vesicæ æmulo, quod Rondeletium in quibusdam obseruasse admonuimus; nec nobis integrum est vacuo id refertum opinari, nisi prius expungi nos ex Aristotelicorum albo patiamur: quibus piacularare facinus fuerit tale quid proferre. Anguillas certè demortuas ob id potissimum non superfluitare ait Aristoteles, quòd cauitatem ventris habent perexiguam, in qua parum quoque inesse aëris ingeniti necesse sit; quid igitur de totâ causâ tu sentis, inquires dicam equidem verecundè tamen, & cunctanter, nec nisi ad aurem, ne quis eorum, qui quidpiam Episcopum nescire nefas putant, quem vnctio omnia docuerit, exicipiat. In quo à vobis dissetiâ, abudè habeo: quid ipse sentiam non item; nisi fortè quod Magistri ipsi Peripati elegantiores de Ceruicornibus, marium mamillis, & (ne longè nos à mati abripi sinamus) de lapillo sentiunt in capite Lupi, Auratæ Phycidis inuento: quem Aristoteles sibi apprimè notum, annotatumq; in historijs non indiligenter, vbi de partium quaruncunq; animantium vsu, naturæq; in his elaborandis solertiâ disceptare cœpit accuratius, suspensio quod aiunt vomere præterijt, expectationem non minùs nostram, quàm sua pollicita frustratus. credo, quia religio inceserat virum nihil non scire profitentem, eò deuenire loci, vnde sibi de salebris euadere facile non foret, nisi dignationis maximâ iacturâ, quæ non perinde in silentio, cui non vna excusatio obtendi potest, ac in hæsitantiâ periclitatur, absurdaq; causæ assignatione, quæ ab ipso quantum exagitari soleat, in alijs ad derisum vsq; nemi-

A a 2 nem

nem eorum fugit, qui vel pagellam eius operum verfaue-
 rint: nos vnico contenti erimus exemplo, quia mirè ad
 rem facit. Inquisierat Plato in Timæo nimium anxie atq;
 diligenter felleæ vesicæ vsum, in eamq; venerat senten-
 tiam, vt crederet fellis aspergine iecur, concupiscentiæ se-
 dem, comprimi, ac veluti morificatione quadam excitari,
 ne voluptate continuâ flaccesceret, ac resolueretur. quod
 Aristoteles eò improbat potissimum, quia animalia multa
 concupiscunt, quæ felle careant. multa itidem acutis fe-
 bribus, pulmonumq; inflammationibus tententur fel non
 habentia, cui morborum istiusmodi peculiarem causam A-
 naxagoras attribuit, errore nihilo minore, quàm Plato in
 indicatura causæ deceptus, cum fel nullum in plerisq; sit,
 in quibus tamen easdem affectiones videas, quæ felli ama-
 rori adscribuntur, non ob id planè à naturâ conditi, sed tan-
 tum vt esset excrementi loco, vel colliquamenti propter
 corporis vitium habitum. non enim vt in scholis lo-
 quuntur, omnia sunt alicuius gratia, sed pleraq; ex ma-
 teriæ necessitate, quorum causas rimari velle scrupulosius
 nihil aliud esse, quàm nodum in scirpo quærere, ac extra
 rationis septa non sine ratione aberrare. Talia fermè re-
 fert summus Lycei præceptor in Libro IV. de animantium
 particulis, vnde non deuium foret coniecturâ assequi, quid
 ipse de vesicâ aëre plenâ sententiam rogatus responderet
 iuxta doctrinæ Peripateticæ principia, quibus magis con-
 sentaneum videtur conceptaculum ipsam esse materiæ in
 corpore piscium colliquefcentis, seu potius, si dicere fas
 est ad Græci sermonis regulam, aërescentis. quod raro
 in flatuosis hernijs contingit; in fellis verò folliculo solen-
 ne est, licet humor ille crassior sit aëre: quod non tanti au-
 tumo fuisset, vt Aristotelem de gradu sententiæ deijceret
 proprijs positionibus innixæ. de nobis alia est ratio, qui
 præterquam quod alienas theses non tuemur, nec animi
 credulitatem nostri, assertionibus diuinis iure mancipa-
 tam,

ram, ad philosophorum dictata detorqueamus. ne id quidem, quod ex Aristotele deduximus, omni exceptione maius arbitramur, si ad Critolai libram fuerit expensum, id quod exequi minimè pigebit, si res feret, dabiturq; otium huiusmodi curis indulgere. Interea pauca hæc leges epistolari conscripta charactere, quem in non absentes quoq; usurpari solitum Augusti exemplo declaratur, Liuiam suam non aliter plerumq; , vt Suetonius tradit, alloquentis, & si in eisdem, quibus ille ædibus commoraretur. His à me hunc in modum exaratis, comperisse vos anatomes ope nunciastis. idq; oculatâ fide, Scardua emortuam, si ei vesica ventosa eximatur, aut perforetur, continuò demergi, qua tamen super enatet incolumi. quod non tale est, vt eò me loci adigat, vnde effugere non possim, nisi velim nolim fatear supernatationis causam vesicam esse. nam & in aquis fluitare, non Scarduæ modò, verùm etiam reliquis fermè quot sunt piscibus exanimis, vesicâ quoq; carentibus, commune est. & demersio non eo potius subsequitur, quòd vesica aut perforetur, aut eximatur, sed propter corporis dissectionem, per quam interaneæ concauitates accipiunt inimicum imbrem, rimisq; fatiscunt; hæc dissectioni foret, Scardua non magis vesicosa fluitaret mortua, quàm vesicæ expers.

Eidem respondet.

Nisi ita essem à teneris affectus erga veri vestigandi studium, vt victoriam, vel ouatione dignam reputarem aliquid addiscendo ab his vinci, qui potiora in medium afferrent, iure nunc hercule ac meritò crabrones me irritasse quereretur, qui velitationibus meis perfunctorijs, atq; imbecillis validos in me lacertos, confertâmq; telorum nubem concitarim. sic enim mihi vocare libet argumenta omne genus, quæ tu mi Laurenti, ex armamentarijs desum-

desumpta Philosophorum, atq; Medicorum meęsententię
 oppugnandę admoues, contorquesq; adeo pancreaticę, vt
 me iam vix Aiakis clypeus tueri possit omnia tentantem :
 atq; vtinam ne frustra, aut si frustra quidem, sicq; Marti
 placitum, at saltem cum aliquo fructu disciplinę, postquam
 neq; flammę lux aliter, quā conflictu igniariorum, nec
 absq; altercatione veritas exentitur, scito in id Gręcorum
 dicto [†] *αληθινότητα ημιν ειναι ταυαθηματα*. Sed prestat tela emissā
 recolligere, vt si quid eorum nequicquam clypeo pepen-
 dit, id ē disciplinā militari retorquere possim. Arguis argu-
 tē vesicarios pisces eo prę ceteris adiumenti genere indi-
 guisse, quod eorum corpora, quā ceterorum omnium
 sint compactiora, ac terreniora, ego sic redarguo. Lucium,
 vesicā preditum, nimis confidenter dici piscium grauissi-
 mum, nostratem præsertim illinium amnium indigenam
 nam de lutario illō Ausonij non loquor. Idem iudicium
 de Pagro, quem cum tu Mulo per omnia similem efficias,
 Galeni sententiam secutus, vesica quoq; assuenda illi per-
 te fuit: nec alia planē de asellis ratio, quos qui viscosos, atq;
 duricarnios appellat, is mihi videtur palatum suum non
 consuluisse; nam quid ego de marino Gobio, quid de Tro-
 ctā dicam? quę si vesicę non expers per peritos anatomes
 renunciatur, quā vereor, ne positionis tuę fundamenta
 funditus conuellat. illud primū, si quid ego iudico, erat
 euincendum inductione per singulas piscium tribus ductā
 hostiatim, vesicam nisi in pituitosā carne preditis reperiri
 nusquam; quod quā tibi non facillimum futurum sit, tu
 tuo periculo edisces, si rem pertentaris. Ego certē ex
 multorum sermone compertum habeo plerosq; omnes pi-
 sces Ponti accolas, qui non nisi saliti ob carnis crassitiem,
 ac viscositatem veniūt in hichthycolijs, ex eorum esse ge-
 nere, quę carent vesicā: nam in Scombro, Anguilla, Stu-
 rione ipso, quem quo nomine Latine vecem, adhuc quæro
 res est apertior, quā vt peregrini visoris operā indigeat.

Mulus

† *Pisces.*
vis Var.
vis.

Mulus verò, qui per æstatem in æstuarijs Veneticis capitur nō infrequens, aded est muco, lentoreq; grauis, vt lutum cœno mixtum non sapiat modò, sed redoleat. quam ob rem cū nec idiomatica, quæ vesiculos piscium generibus attribuis, illis solū quadrent, itaue sint inter se similia, vt non multis in rebus differant, agilitate nempe, formā corporis, naturā. alia est nobis via munienda, quā cui nunc insistimus, in omnia alia, quā ad causæ inuentio- nem, perductura. nam quod ais non omnino parem esse ra- tionem vesicarum fella continentū cum his, de quibus mo- dō disceptatur: ne nos quidem id inficiamur, qui illarum exemplo non ad similitudines inter eas comparandas su- mus vsi, sed vt eodem argumenti genere positionem op- pugnaremus tuam, quo Princeps ingenij, ac doctrinæ Ari- storeles Platonem, atq; Anaxagoram refellit: in reliquis si quid felli dceat ad probandum piscium aëre plenas vesicas non alicuius rei causā, sed ex necessitate materiæ creatas, id sanè, quod è lapillis in quorundam piscium capite reper- tis à nobis petatum est exemplum, suppetet abundè. qui sanè lapilli non huic modò pisci, illi minùs insunt, sed om- nibus, qui eiusdem sunt generis, ex æquo. idem à me di- ctum reputato de piscium prægrandi capite, quod non edò vergit; vt omnes ad vnum pisces in capitonum numerum reijciam, aut pumilionum. non ea mens animo, eāue ocu- lorum hebetudo fuit: probandum tantum modo desumpse- ram mersionem in piscibus non ita exhoruisse priscos au- tores, qui capitum granditatem edò plerisq; illorum à natu- rā attributam dixerint, vt mergerentur expeditius. Vesti- cas quoq; piscium extrinsecus alligari debuisse dixi, eorum sententiam redarguens, qui illas suberis, vel cucurbita- rum loco esse voluerit. quasi verò pisces, ex quo nati sunt, natatoriam artem edocti à naturā, nondum sine cortice na- re edidicerint. Et de tuis quidem in nos argumentis ha- tēnus, quorum si aciem minimè retudimus, quid mirum? cū

cum tu quidem in tuo foro litiges, nos palestra longè alia exerceat quotidie. cui tamen curam, studium, cogitationem deniq; nostram omnem debeamus, præstemusq; , quoad eius fieri potest non indiligenter, sit tamen nescio, quo pacto, ut ad Medicas istas vestras diatribas diuertamus aliquando, tuis omnium horarum allocutionibus: est quando etiam scriptionibus allekti; his enim efficitur potissimum, ne nos longa istiusmodi rerum capiant obliuia, quas ne à nobis parùm accuratè lectas causeris, nonnulla præterea notauimus, quæ si operæ pretium videbitur, tecum recognoscas. Piscium grauitatem leuitate aëris vesicâ inclusi magis quàm infusi per caua corporis sustentari asseris, quod hic liberiori discursu dissipetur, ille in se se compactus, atq; conglobatus, sic enim ais, fiat efficacior. quasi aër, ut suæ leuitatis vires exerat alacrius, conspissatione indigeat vllâ, vel compressione. nec potius illi comprimere, densariq; idem ferè sit, atq; è naturâ propriâ excedere, ut videre in fumo est lebetum feruentium operculis adherescente paulo compactius. hoc ego qui nouerim ventos ab Aeolo Homérico huiusmodi rerum non planè ignaro, in culeum confutos nihil eorum moliri potuisse, quæ ad ventos pertinent: solutos continuo per auras egisse, rapuisse omnia, dubito ne quid scrupuli iniiciat peruicacioribus, & qui altercandi studio ducuntur. sicuti illud, vbi dicis, piscium corporibus plus inesse aquei elementi, quàm terreni. Vidimus non semel marinarum belluarum ossa, quæ Gigantum esse falsò credebantur; legimus quin etiam Baleas scopulis aquatas à quibusdam, nec raro etiam reuulsis cycladibus, non paulo ut mihi videtur veriùs, quàm à Virgilio naues, tanta eorum soliditas, tam vasta, atq; immanis magnitudo. sed quid ego cete, piscesuè memoro, Æsopi patinâ maiores? vel in ipsis aquis tam exiguis, tamq; ferè nullis teriæ aquam prædominari nullus vnquam credidi, nec verò in posterum credam, nisi tu priùs persuaseris.

seris. quod etiam si tibi esset obuium futurum, rationibus tamen tuis minimè omnium conduceret, quarum è re foret plumbeos esse pisces, ne dum terreos, vt quo grauiores essent, eo magis vesicæ egerent adminiculo. Sed nos in præsens vesicarum causam, tam disertè, ac mirificè à te defensam non suscipimus, sententiam tantummodo rogati. quam si secunda admurmuratio sequetur, retinebimus, quoad libertati philosophicæ intererit: sin minus, in castra tua nos conijciemus transfugarum more. quod tamen ante nō facturi sumus, quàm tu rem accuratiùs examinaueris non tam ad rationis normam, quàm anatomes ^{† ἀνρίστηται. + Εκατὰ} nam, vt nunc se habet, aqua mihi, quod aiunt, adhuc hæ- ^{discussio- nem.} ret, multis hinc inde difficultatibus mentes distrahentibus, quominus à perquirendi labore conquiescat. nisi tu fortè putas (quod & non obscure innuere videris) quia, quem ad vsum vesicam finxerit natura, non dum liquet, iccirco necesse nobis fore illis assentiri, qui contendunt eam appositum quiddam habere ad pisces in æquoris summo sustinendos. quod ego non esse tanti autumo. quid enim? si vsum eius ignorari dixerò? quæ ne nunc quidem de facie nisi admodum paucis est nota, ante verò Bellonium, ni fallor, nemini. Is enim inspector primus fuit, dum Adria, Ionio, Aegeo, Pamphylia, Bosphoro transmissa, admiranda perlustrat marium, atq; terrarum Orientis homo Celtogallus. ab illo postea Rondelletius accepit: ab hoc vtriusq; cornicula Gesnerus tantum ne igitur crimen fuerit, tam piaculare vix omnibus vñdis expiandum, si ista nos homines natos fugiunt, quibus nostra quoq; ignorantia nescitur? ad multò clariora, quàm hæc sunt, & quæ quotidie oculis occurrant, caligamus. cœlum ne stet, vnde semina vitæ haurimus: terra parens, vbi degimus, an circumuoluatur, sunt adhuc qui ambigant: & nobis incutiet ruborem profiteri, mente non satis assequi, quorsum bulla turgeat, visceribus non nullorum piscium inclusa? quæ non à me idcò dicuntur.

B b

tur.

tur, ut cursum ingeniorum laudis amantium inhibere velim, quominus equis, velisq; ferantur ad arcana naturæ vestiganda: non ita malè de studijs sum meritus; sed ut paucis declarem dubitare de singulis vtile videri, morisq; ingenui plenissimum; scientiam earum rerum vendicare, quæ nondum nobis liquidò constiterint, non item: quæ in re quàm mirè inter nos conueniat, argumento sunt postrema illa verba scriptiōis tuæ, quæ ad omnigenæ eruditionis lauream præclaro tibi labore comparatam, lemniscos mihi adijcere videntur modestiæ præstantis, philosophoq; dignæ verecundiæ: quâ fit, ut qui facundiæ vi polleas quàm plurimum, & te mutas artes agitare dicas, & nobis tantum tribuas, quantum neq; noster pudor, nec obrectatorum lior erit vllò vnquam tempore laturus.

E I D E M.

TV quidem paradoxum putas piscibus plus terreni elementi, quàm aquei inesse: quodd vita in humido consistat; ossa sensu careant, sepulcralisq; cinis vix octogenam partem cinesacti corporis exæquet. Ego contrà te veram, ac integram sententiam incrustare arbitror, in ea; quod ipse domo attuleris, damnare. tuum si quidem est, quod nos elementum aqueum vocauimus, humidum transnominare: nisi tu nihil differre putas, humidumne, an aqueum dicatur, omnesq; omnium generum humores ad elementum aqueum, quod ne humidissimum philosophi agnoscunt, refers nouus Thales, qui non aliunde principia rerum omnium petebat. Longe aliter se re habet mi Laurenti. humoris ambitus latius se porrigit, quàm quò aqua ipsa peruenire possit: etiam si nouo cataclysmo aditum aperias. Asclepiadæ tui, quorum te edictis iurisiurandi religio obsequentem reddit, ex quattuor humoribus animantium corpora compingunt: quorum humorum nullum, si phleg-

phlegma excipis, ad aquam referunt, terrę verò, quicquid in corpore solidi, quicquid offei fulcimenti est, quod scire te puto, quàm nō sit exiguum, præter bilis, & sanguinis crassiores partes attribuunt. Cùm igitur vobis hæc sciscitentibus, phlegma elementum aqueum præferat, atra bilis terreum: in eoq; par penè sit amborum ratio: si terræ superpondij loco ossa quantacunq; sunt, adiudicamus, quis nisi Aquario astro genitus mirabitur, in viuis corporibus non aquam, sed terram primas obtinere? vitam in humido consistere, non obtusa adedò gestamus pectora, vt inficiemur: quod tamen si tu aqueum edixeris, medicos ad vnum omnes collegas tuos, ne dum philosophos, tacitos non feres, quorum quænam sit de semine, atq; humido primigenio sententia, quàmq; ab aquæ natura dissentanea, nec te credo fugit, neq; nos vti centones consuamus, ista scribimus. ossa, reliqua; omnia apprimè sicca sensu penitus carere iuxta, verum esse, ac nihil ad rem facere fatemur. De rogali cinere vt Licetum huc aduoces, causę non est, cum frustra exemplo rei nemini non cognitę vtaris, & cui, si credulus fidem adhibere potidò pergas, negandum tibi sit omnino vel ligna ipsa querna in se plurimum continere terreneitatis, ex quorum conflagratione cinis, qui sit reliquus, ne sextulam quidem pendet lignarij ponderis totius. Non enim quicquid in ligno terreni est, omne in cinerem collabitur: sed partem eius haud modicam fumus secum effert, parietes fori infecturus. Verùm hæc tu meliùs, qui experientis philosophiæ abdita rimaris. Nobis satis fuerit sententiã nostram paucis pinguiori Minerva explicasse.

BERNARDO A COLLE MEDICO. *Venetias.*

L Aurentio nostro succenserem, quòd is, quę non ita pridem familiari stylo sibi, & mihi de vesicâ piscium plenâ inanitatis exarabam, clam me Venetias trasmiserit: nisi

Bb 2 con-

constitutum haberem nihil eorum, quæ ab amicis bonâ fide sunt, durius accipere, quàm leges Iouis Philij permittunt: præsertim cum ad te ea mitterentur, cuius ego & amorem expertus amo vehementer, & iudicij candorem facio quàm plurimi; quorum altero scriptorum nostrorum te lectorem non iniquum fore sperabamus, altero plus æquo etiam fauentem. verùm cum quicquid illud est libelli, liberiùs istic per eruditorum manus peruagatum inaudiuerim, suspicio mihi est oborta, ne cui cupido incedat eundem locum pertractandi accuratiùs: quod sicuti per mihi gratum futurum est, ita nihil minus malim, quàm nequis aliorum verba mea accipiat, quàm à me sunt dicta. nihil ego in eâ disquisitione, mi Bernarde, statuo, nil tanquam arbiter honorarius definio, sed tantùm (qui mos Scepticorum fuit) in dubium ab alijs definita reuoco, ne ijs viderer assentari, quorum opinione dissentirem plusculum. id fuit, cur ego paucas illas paginas illeuerim, argumentis hinc inde ex occasione arreptis, quibus, quantum in me foret, declararem nondum os è puteo Heracliti veritatem problematis illius extulisse: porrò incumbendum operæ pro virili istiusmodi rerum studiosis, eius expiscandæ. quòd quàm non insolens fuerit veteribus illis, vnde nunc philosophiæ dogmata petuntur, satis magno argumento esse possunt, vt alia omittam, Methaphysica summi præceptoris, in quorum primo, tertioq; in primis quæstiones quæstionibus glomerantur ad eò, solutionem maximâ ex parte nusquam habituræ, vt manifestum appareat illius viri mirifici acumen, quo tantum se iactat Græcia, subtiliùs veritatis vestigia perquisiuisse, quàm adinuenisse; collimare quidem paucis concessum: neq; id eò cuiusuis est ex arte sagittariâ iacere ad scopum, de singulisq; dubitare non inscitè: quando nisi cum curâ quæsitæ res inueniri nequit. Mihi igitur non infimæ laudis erit loco, si cotis instar secandi prorsus expertis, aliorum aciem acuerim; modò nequis putet

ret me affirmabundum aliquid dixisse, aut eius sententiæ
fuisse, quam ab Aristotelis philosophandi instituto propius
abesse sum testatus. aliud est, quid cuiusq; principiis con-
sentaneum sit, quærere; aliud aientibus verbis quidpiam
inducere, quod sententiæ loco astruendum sumas. in illo
ita me versatum fuisse fateor, ut negem ullam seu propriam,
siue alienam thesin acrius fouisse, sed potius sermonem sic
à me institutum, ut quid in alijs leuiter probarem, paucis
exponerem. hinc illa de contralibramentis, quæ eos tan-
tum modo respiciunt, qui pisces natatoribus comparant cu-
cubitarijs; nec aliò referri debent, si qua nobis de fellis ve-
sicâ disputantur, quàm ut Aristotelicę rationem methodi
ostenderemus, quâ ille in re non omnino absimili est usus.
aliorum quoq; fermè par est ratio, quorum in ea commen-
tatione sit à nobis mentio. quæ cum ita sint, eos ego oratos
velim per te, quos istic eadem cura distinet veri vestigandi,
ut si nostra tanti esse duxerint, quorum inter scribendum
meminisse operę sit pretium, non aliter id faciant, quàm
supra à nobis est præscriptum, nihil scilicet præter dubi-
tandi libertatem, tanquam peculiare dogma nobis tribuē-
do. quod si, te præsertim suasore, potiore à me inire gra-
tiam maluerint, easdem dubitationes, quæ sibi fortasse
succursurę erant, etiam si nostra non legissent, agitare po-
terunt nobis prætermisiss; qui, ut Lucilius olim Cosenti-
nis suis, hominibus tantum nostris illa scribebamus. quod
minimè omnium te fugit, qui scias quàm arctâ custodiā
† συνταγματα cohibere nostra soleamus, ne quò pedem effe-
rant è Musæi limine sine commeatu: quem illis morosè ni-
mis, nec ante nouennale spatium temerè concedimus. Hęc
de re leuicula verbosius fortasse quàm par erat: sed me dul-
cedo quædam tecum colloquendi sensim à Laconismi litto-
re abripuit in altū ex quo Asianæ † πολυπραγμοσύνης, ac gar-
rulitatis. Bibliotheca nostra valde tibi debet, nosq; eius
nomine, qui eam & quàm instructissimam impensè cupi-
mus,

† Com-
mentarij

† Criticis
editis.

mus, & verò speramus tuâ freti diligentia, ac sedulitate. Vale mi Bernarde, & meâ absentis memoriæ dare operam, vti facis, perge. Laurentius noster solertis Medici, pariter & gnauî mariti obit munia mirificè Hygeiâ, & Iunone pronubâ fauentibus. tu qui Hymenillum concinere præsens noluisti, Genethliacum iam per otium meditari poteris; ne, cùm tempus aderit, in morâ sis. atquî, inquis, possum, nisi priùs Caldeos consulam de fecturâ genere? equidem huius tibi rei auctor non sum, præsertim cùm eam
 + Indiffe + adiafopiar in carmine feruare liceat, vt quicquid nascetur
 ventiam. denique, id ei examussum quadret. iterum vale, & fide, quæ in te est summa, athleticè valentem mihi fratrem redde: hoc mihi gratius facere nihil potes. Belluni idibus Septembris.

LAVRENTIO REGOZÆ Medico Belluni.

De die Cinerali, & Ieiunij nostrorum temporum luxu, & saturitate.

PAUCIS me philosophari cogit, vel mirari potius ingenij humani inconstantiam status Sacræ Ecclesiæ, solemnisq; ritus quotannis recurrens in hunc diem. Cineris exigui super capita iniectu feruor ille resedit animorum, qui omnes velut æstro percitos in insanas furias agebat. redit bona mens pudore comitata liberali, excessura rursus, cùm Ianus licentiam reuoluto anni spatio reducet, iusq; nequitia dabit nouus Prætor. aded desipimus sapimusq; alternis. prout vsus iusserit, qui nos ratione iam explosâ regit pro arbitrio. Ieiunium resumptum, quod non frugalitatis amor, verùm fastidientis stomachi cruditas inuexit, pro pharmaco saturis futurum crapulæ excoquendæ. quod dum fit, interea epulæ quærentur, quàm priores illæ fuerint, tanto lautiores, quanto piscium esus non erudito Apici-
 tiana-

tianarum artium palato gratior habetur. nam Neptuni pecudes præcipuo in pretio, honoreq; apud veteres fuisse norunt, qui aliquam dipnosophisticas partem attigere: noto in id conuicio elegantiorum aduersus Agamemnonis commilitones, quos rudis gulæ fuisse, ac agrestis vel inde arguunt, quòd Hellesponto nobilium piscium altore classibus per integrum decennium infesso, bubulâ, & eâ quidem absâ absq; vilo embammate sint pasti. Verùm nos exempla minimè moramur, quotidianâ experienciâ contenti, quæ nunquam secum agi beatiùs fatetur, quàm cum aquatiliū escis lances instruit. huius ego prolato testimonio nostrorum hominum præposteram vrgeo intemperantiam, qui quo maximè tempore esuriales ferias agere deberent, eo se suamq; cutem curant accuratiùs, conquistis vndique edulijs cupidini nobis ad nequitiam insitæ facies admouentibus. vnde animum subit subuereri, ne ciborum iste delectus, ciborum quidem omnino delectus sit, sed opiparorum, & qui cariùs in piscatorio macello veniunt: cum neminem eorum lateat, qui modò inter vrbanas tribus censeantur, trilibrem Mulum pluris quam vitulum, aut eius parentem bouem, & quidem aratorem constitisse multis, constareq; plurimis; ne putes degenerare ætatis nostræ Neoptolemos à maiorum ingluuie ac gulositate. accedit ad pulpamentorum Sybarin vini vsus largior exotici, varij, generosioris. quòd opinio istiusmodi nepotum mentes occuparit, fortasse haud fallax, pisces in ventre, quippe ex aquis genitos frigere, nisi plurimo mero concalescant. cuius & rei causâ eis specierum aromaticarum vim inspergunt perquam dapsiliter, quibus non tam cibi frigiditatem corrigant, quàm innatum condiant saporem, orexinq; vel torpentem excitent mirificè. nota sunt philologis, quæ de id genus scitamentis Cicero conscripsit, suo periculo edoctus. nam cum is lege sumptuariâ Cæsaris vigente apud Lentulum augurali epulo cœnaret, fungis, he-
luellis,

luellis, oleribus, quæ erant lege excepta, ob idq; lautioribus suauissimè condiri solita, se auidè adèd impleuit, vt in diarrhœam inciderit, morbum edacitatis proprium, & quomale Epicurum, quodd esset ei obnoxius, Stoici accipiebant. quæ cum ita sint, neminem non videre arbitror, quantas vires condimenta habeant etiam insulsis per se rebus, quales herbæ habentur, prataq; illa Plautina patinaria, nedum dapibus ganeatis, & quæ Ædilem timent, superaddita: nam de vino quid attinet dicere solutæ in omne scelus lætitiæ datore, Veneris parario? cuius est opus præcipuum malorum omnium ebrietas, quæ mentem poculis mersam sic dementat, vt suo munere fungi minùs queat, quàm Homericus Polyphemus Cyclops, postquam epoto Maronei vtre lumen, quod vnicum habebat, perdidit. fallor? an Baccho cum ieiunio tantumden conuenit, quantum cum balneo cani? nisi eo per modico vtamur, pro medicamento ob non satis firmam valetudinem; quæ Pauli præceptio est non ita per interpretationem peruertenda, vt non nemo facit, quasi modicum non mensuræ modum, sed vini patriam, genusq; denotet non secus, ac si Mytileneum dixisset, aut Chium. Poculum cum fletu miscentem Dauidem cum audis, credo, nisi es Exocæto similis, qui cor in ventre gerit, sat intelligis, cuiusmodi calices se se ob commissa piacula afflicta tantibus conueniant. Minutos quidem pisciculos, Terentianæ quoq; scenæ non ignotos ieiunij tempore homines frugi, & antiqui moris retinentes esitasse legimus: contra verò immanis pretij ponderisq; pisces, & à quibus rescire aliquid potuerit Philoxenus de suorum naufragio, Saliaribus cœnis seponi solitos, in quas à coronatis ministris tamquam Accipensere dignatione non inferiores inferrentur, fistulatore modos faciente. Non alienum à loco, quem tractamus, fortasse fuerit paucis complecti, quod duobus Monachis accidisse ferunt ex eorum numero, qui Numini militantes, nostrorum castra secuti fuerant

Sala-

Saladino Syria Sultano bellum religioni votum inferentium. Hos exercitu pio profligato in potestatem hostium redactos Sultanus; ut erat miti ingenio Princeps, cum ex ipsis de suo fodalitio, et uitæ, victûsq; genere prius accepisset, à captiuis reliquis diremptos in liberâ custodiâ benignè habuit, nisi quod mutatâ prioris dicetæ ratione propiscere, cui assueuerant, carnem eis apponi iussit enixè primò renuentibus, verùm ad victoris iussa relanguescente sensim pertinaciâ, necessitati denique parentibus. cibuserat ex præscripto simplex, nec magis paratu, quàm confectu facilis ex iusculo caro vitulina fami non superfuturus: poculum ex Israëlitis fontibus petitu: bellariorum loco geminæ proiectæ procacitatis meretrices ad labefactandam ipsorum castitatem accersitæ. quod tantisper illis frustra fuit, dum mutari prandij scenam Sultano libuit, & pro carne elixâ, multiplicem importari piscem, magno emptû, nec minori conditum: pro frigidâ è profluente haustâ nectar viteum, atq; [†] *ἀνθοσμίων*. tum demum labare cœpit hominum constantia, per vinum & pisces postremò à Bacchidibus illis expugnata. quò sanè successu sicuti Saladinus latari potuit, cui religio nostra ludus fuit, ita nos oppidò docemur abstinentiam ab esu carnium nobis summa cum ratione sacris à sanctionibus præscriptam salutarem fore, si viribus cum frugalitate sociatis caueat, ne sibi à luxu imponatur, qui non minus sub Accipenseris, quàm Phasiani patinâ latere solet, ne ve fraudi sit solemnis proscriptio cœnarum, ubi earum vicem subeunt bellaria, quæ instar cœnarum quantumuis dubiarum esse possint etiam famelicis, ne dum prolato in longum prandio distentis. Sacchareas ego paraturas fructuum, nucleorum, seminum, omnigenis acetarijs, oliuis, ouisq; salitis piscium permixtas nunquam, si palato sapiam, inter ea numerauerim, quæ ieiunantibus iure permittuntur, antequam cubitum eant pro somni brevis commeatu. qualis esse olim solebat buccel-

† *Odora-*
tum vi-
num gene-
rosuq;

Cc lati

lati frustum, aut vix passulæ racemulus. Verùm iam cen-
 furarum satis, nisi potius, vt prælagit animus, nimio plus
 satis apud eos, qui dies afflictationi corporum decretos ge-
 niales reddunt per intemperantiam: cui si neq; diuinæ le-
 ges, nec humana iura fibulam innectunt, cuius quæso tan-
 dem temeritatis fuerit, modum dictis imponere sperare?
 exempla vix medijs fidijs aliquid proficerent adductæ ob
 oculos præcipue alicuius virtutis, atq; sanctitatis, præfer-
 tim vbi vitium legis obtentu seruetur, quasi carnibus in-
 terdictis cetera permittat. Hæc enim est in ore istorum
 frequens ac translatitia nimis excusatio veluti cum Deo pa-
 ciscendum à carnijs esu abstinentiam, reliquorum verò
 omnium flagitiorum, quæ ob incontinentiam committi
 solent, indulgentiam. non sic desipimus, vt gulæ ambi-
 tum, ad pomorum vsq; illicitâ appetitionem sub ipsis gene-
 ris humani primordijs porrectû macelli tantum finibus cir-
 cum scribamns. longè professò se extēdit latius, & vt nunc
 sunt tempora, imò vt olim fuere, atq; porro erunt, maria,
 lacus, flumina pertingit. à quo ne Nereidas quidem exclu-
 sas dixerim, si retibus, aut hamo capi possent. Ieiunium,
 dolenter equidem dico, vt à nobis hodie obseruatur, satu-
 ritati multo est similis, cui expellendæ fuit institutum.
 hinc fit, vt non aliàs magis intestinorum morbi, tussis, ac
 grauedines latius grassentur. quas non tam ex affluenti ci-
 borum copiâ præcipue oriri, quàm abstinentiâ tolli si quis
 ambigit, huic ego suaserim, ad coenobia vt adeat Græco-
 rum, vbi os ad ructum, aut excreatum laxare non multo sa-
 nè turpius habetur, quàm alibi ventre aduersus tonitrua
 obstrepere. & verò vnde in ijs purgamentorum materia
 succrescat, quibus panis lapidosi crustulum aceto intin-
 ctum, aut, cum selautius accipiunt, oliuarum patina pro
 cœna est? erit fortè ex istis gulæ patronis aliquis, qui id
 Græciæ cœlo tribuet. Fauonijq; genitabili auræ, quæ perpe-
 tuò tractum illum perflat, estq; popularibus suis alimenti
 instar.

instar, quasi verò non eadem sit frugalitas Sarmatarum Monachorum, aut, qui Boristhenem accolunt, Moscovitarum, quibus nihil aliud, nihil est niosius, ut omittam quæ Saxo Grammaticus de Danis vitæ religiosæ addictis memorat, solere eos ieiunij tempore lacubus in glaciem concretis ita se defodere, ut vix extent humeris, ne quæ non facimus ipsi, ne ab alijs quoq; fieri putemus: neu quis nos promissis minùs stare causetur, quibus præter figularem disciplinam in amphoræ molem iam exierit vrcus primùm fingi institutus, & si ut censura hæc temporis conueniens alios perstringat, te minimè omnium tangit Laurenti, ieiunium non minùs ægris ex Iasidarum arte, quam tibi piorum more præscribentem ad animi valetudinem aduersus intemperiem luxus percurandam. Vale.

ANDRÆE MAVROCENO Senatori Ampliss.

Cum essem in secessu Castilionæo, quem Pierius Valerianus Bellunenſis vergente in senium ætate sibi olim, & Musis amano in loco huius regionis exedificarat, redditæ mihi sunt litteræ tuæ, quæ, si quid erat ruris, absterfere animo. Sunt enim perscriptæ luculenter, petitisq; ex reconditiore rerum Venerarum lectione floribus adeò distinctæ, ut lectorem perfundant mirâ voluptate, præsertim qui nolit in patriâ peregrinus esse. Equidem semel, aut ad summum iterum accidisse rebâr, ut in comitijs X. viralibus absentis alicuius ita ratio sit habitâ, ut ad Principem in Republicâ locum capeſſendum missis, qui arcesſerent, euocaretur; quod tu septies in hanc vsq; diem euenisse testificatò, ut mihi sanè videtur, recteq; subductâ ratione temporum demonstras, additâ, ne quid deesset ad nos, qui longè istinc absumus, enarratione rerum lepidissimarum oblectandos, solemnî Principi suo occurrentis, & quasi ex vîbe egressæ Ciuitatis pompâ. Non sum adeò

C c 2 natura.

+ Spectator
discipulus

natura φιλοθέωπος, ut huiusmodi spectaculorum paratu vehementer capiar, & tamen ista, quæ me, dum agebantur, fortasse, si istic fuisset, minùs tenuissent, acta nescio quo pacto in tuis litteris perlego avidius; absentisq; meæ hoc quoq; debeo, quod in causâ fuit, ut imagines ingenij acie perspiciam rebus ipsis, quas exprimunt, elegantiores. Idem M. Mario Pompeianum suum incolenti contigisse legimus Ciceronis beneficio, dum ludi apparatus Romæ spectarentur: cuius ego epistolam tuâ perquam similem, quâ eos ludos fuit prosecutus, haud paulo pluris facio mehercule, quàm quicquid conari potuit Ædiliū veterum industria prodigiosis opibus in populi gratiam abusa. Licet i liber, in quo de spontaneo viuentium ortu disputatur, opportune admodum est ad me allatus, cū temporis ab interuentoribus vacui non nihil suppetit, quod in eius accuratâ lectione ponendum mihi iudicaui. Amo viri officiosissimi erga me amorem, cuius tu interpret es extitisti. Doctrinam verò, & exactam philosophandi rationem sic demiror, ut eâ potissimum nunc inniti putem Lycei Patauini opes, atq; dignitatem. Vale exemplum antiqui officij, & humanitatis; nosq; tuæ collocationis fructu diutius sanè quàm vellemus, quàmq; nostra animorum coniunctio exigit, carentes solari, quod facis, perge, crebrâ missione litterarum. Bonus noster, ut optimum sui nominis interpretem decebat, diu, multūq; decumanis fortunæ fluctibus iactatus, Patauij, hoc est tutissimâ in statione, ac exoptatissimâ anchoram suæ vitæ iecit; vnde me sepius non tam amantissimis epistolis ad scribendum, quàm exemplo ad sui imitationem prouocat, vtinam ne frustra; aded hîc clauo amoris, ac officij suffixus hæreo.

Beſſuni tertio Idus Iunias MDCXVIII.

ELI

ELI

E I D E M.

Heri cū in eo essem, vt lucubrationibus perfunctus
 me sopori darem, publicus ad me cursor attulit epi-
 stolam, quam xiv. Kal. Martias dedisti: quā perlectā sen-
 si haud de nihilo dictum grauiores curas nocti malè credi,
 quod eas illa semel apprensas indulgenter alat. enimuero
 peruigilium pro somno mihi fermè fuit, dum sollicitudo de
 tuā opthalmia hæret animo, in maiusq; omnia dat amor in
 te meus singularis. Hem, dicebam mecum ipse, nocturnæ
 tenebræ mihi sunt molestæ vigilantibus [†]ayoduvai licet, & bre-
 uis exorientis auroræ lumini cessuræ; & illi quid fiet, cui do-
 lor veluti Tribunus violentus intercedens verat, quo mi-
 nus interdiu luce pulcherrimā rerum frui possit; morbus
 verò etiam impacatiora minuitur & quæ auræ differant,
 nec sinant Adriacæ gloriæ sidus, ocellumq; Curia longiori
 eclypsi laborare. Fallor? an euentura omnia propediem,
 vt volumus, spem Numen facit tam piè à te cultum, quàm à
 nobis oratum pro tuā incolumitate obnixissimè. De edi-
 tione quod addis mearum rudium curarum, valde vellem
 equidem huiusmodi forent, vt partem aliquam tibi ægri-
 tudinis leuare possent: omnes ad te, vt sunt in scrinijs ob-
 signatæ, mitterem: sed vereor ne & famam earum minuat
 præsentia, & eruditorum imponat expectationi. Quoti-
 die aliquid meditor, non nego, quod obfirmet stylum,
 comitem à me adscitum lectioni, vt habeat, qui eius fasti-
 diantis tædium abstergat gratâ vice. Quicquid tamen il-
 lud est, non ita intentis oculis admiror, vt simiæ solent suos
 foetus, qui illis multo pulchriores signis Phidiæ videntur,
 quamuis genetrices ad viuum expriment. Ego sic Hora-
 tiano illi, *Dele fodes*, pareo, vt non putem alijs obelis ni-
 mium nostri amorem confodi meliùs. Hæc mea mens, cui
 non tantum tribuo, vt egrè sim in sententiam tuam descen-
 surus,

† Leuatio-
 nem dolo-
 ris aff. r. n.
 res so. n.
 num ac-
 cersendo.

furus, si ita prorsus te velle sensero. De Palazzioli elogio plurimum te amo. diu est, cum viro ob eruditionem faueo, eximiumque in te colendo studium, atque pietatem multifacio. Priorem epistolam in eundem fasciculum coniectam antea dictaram, quam de tua agitudine inaudissem; hanc tuus agnoscet tum tibi perleget, cum animus a curis, ac dolore liber acroama aliquod requireret, quo se occupet. Vale, & qui publice salutis consulis, te ipsum etiam diligentius, quam soles, cura. Hoc nobis, quibus tua valetudo summæ curæ est, facere gratius, nihil potes.

VINCENTIO CONTARENO *Viro doctissimo.*

Non ita me, mea que perditè deperco, ut non videam, si quid in ijs placui, quæ in Andrea Mauroceni funere conscripsi, argumenti esse potius, quam artis; quæ ubi affectus doloris, ac desiderij deferbuit, quam sit in me exigua, facile cognoscet vel ex harum litterarum scriptio-
ne. ille mihi ingenium, animosque dictus faciebat etiam post fata, cuius viui amore nihil in vita habui iucundius: quem cum tu perinde colueris ac ego, non est seu humanitatis tuæ, quæ cedis nemini, siue facultatis, quæ cæteris præstas, eius nomen, quantum in te est, obliuione finire virgeri. vnus tu, nec me fallit amor, amico nobis, importunissimo tempore crepto otium parcarum horarum nactus parentare potes elogio meritis eius digniori, quam vel meum, vel vllius fuerit. quod ut facias, si officij tui ratio admittit alienas preces, maximo te opere rogamus: amamusque eo quoque plurimum, quod & nos tam amate, quam diserte per epistolam tuam appellaueris, inter musarum cimelia nobis asseruandam: & quia tantæ viri in litteris dignationis, tanti census eò te demiseris, ut cum typegraphici præli operis, hoc est cum tot errorum excetris; & quibus, licet cum litteris negotium sit planè perpetuum,
nihil

nihil tamen est illitteratius, statueris tibi deluctandum: ^{+ Solertiā}
 tuiq; non in hos vsus quæsitam ingenij ^{+ An ego} in re con- ^{tui curam}
 triueris haud multi pretij, præsertim cum familiarium cura ^{dis alio}
 rum mole premerere: quæ genus vitæ ^{μισοπράγματος} sectan-
 tibus, de me coniecturam facio, quam moleste accidunt.
 Equidem ineptijs meis subirascerer, quæ tantum tædij abs-
 te expecere sint ausæ, nisi tædij saliter sentires: & is verò
 esses, cui plurimum debere pulchrum mihi ducerem, quo-
 ad se mihi omnia circumspectanti occasio in conspectum
 dabit gratias, quas tibi maiorem in modum nunc ago, ha-
 beoq;: fenore cumulatiores referendi. Interea animum
 ab officij obliuione vindicabit non tam sponsor locuples,
 & omni exceptione maior Octavianus Bonus Vir amplissi-
 mus, quam grata studij, amorisq; erga me tui recordatio.
 Vale.

E I D E M.

Suaues meas lacrymas, & multo, quam querela sint lu-
 scinix, iucundiores, quæ mihi tot doctissimorum
 hominum gratulationes, tot laudationes peperere, imme-
 ritas fortassis, & immodicas: sed quæ tamen effusum in
 me illorum studium, amoremq; maximè declarant, cui,
 imprimisq; tuo Contarene optime minus respondere non
 eius fuerit, qui se officio vinci turpe putat. Dabo itaq;
 quantum potero eniti, operam, vt te priorem ceitasse me-
 cum minimè pœniteat. Diu est, cum ego te inter eos nu-
 mero, qui sæculi sui ornamento, bonoq; Reipublice na-
 scuntur, hinc factum, vt permoleste sanè tulerim te omisso
 publicè profitendi egregio labore, plures tibi demereri de-
 sisse: nisi fortè tu bene subductâ otij tui ratione longè vbe-
 riorem fractum ad te, posteritatemq; ad eò ipsam putas re-
 diturum, si horas, quas prælectionibus terebas, lucubra-
 tionibus adieceris: quod vt magis sperem, facit perspecta

iam

iam mihi operum tuorum ante editorum elegantia. Interea dum nos hæc fiducia sustentat, saltem per epistolam crebrius inuise. hoc nihil potes mihi facere iucundius alpe hanc, niuemq; incolenti, & quem non secus ac olim Philo-

+ Barba-
rum red-
didit soli-
tudo.

cteten ἑβαρβαρωσεν νιερμα. Vale.

E I D E M.

Sospitem te ad tuos rediisse gaudeo, Illyridis ora per-
lustrata, quam vilem à Propertio vocari, cum pisces
eximie nobilitatis educet quamplurimos, te verò Arbitrum
elegantiarum non inuitum tenuerit tam diu, admirarer, ni-
si compertum haberem poetis nonnunquam pro ratione
voluntatem esse. Equidem vnus Amphitheatri ruinas in
deserto littore Polæ procumbentes pluris facio, quam in-
fanas barbaricarum + Neopόλεων substructiones. Inde quin
tu inscriptionum aliquid attuleris, quod vetus latium re-
doleat, nullus sanè dubito, qui norim eruditos homines
haud temerè vnquam ita soluto animo peregrinari, vt non
secum pugilares circumferant & stylum Plinij exemplo.
Vidisse me olim memini apud Epigrammatologos antiqua-
rios nonnulla id genus non omnino + ἀμουσα. à te multo plu-
ra, & emendatiora expectantur, cui nec otium, nec cupi-
do vestigandi defuit, ingenium verò etiam supersit ad maio-
ra natum, quàm sunt ista bellaria Musarum. Vtcunq; sit,
facit humanitas tua, animiq; candor singularis, vt spere-
mus non vni tibi tot + πολυισορίας opes congefisse. præfer-
tim cum Octavianum communelitteratorum Bonum spon-
sorem huius tuæ voluntatis habeamus, quem meis verbis
salutabis, valebisq; à me plurimum tui cupidissimo.

+ Non-
tum gr-
bium.

+ Inep-
ta.

+ Varia
historia.

FOR.

FORTVNIO LICETO *Philosophie Professore,*
Primario Patavij.

Magno non ita pridem teste studij erga te mei, eodēq;
spōfore tui in me amoris sum priuatus Andreā Mau-
roceno vtriusq; nostrū cupidissimo, ad quem cū postre-
mis meis litteris plura de te, præclarisq; tuis de spontaneo
viuentium ortu libris, quos ille ad me perferendos antea
curarat, perscripissē, accidit profectō perquā incom-
modē, vt Vir immortalitate dignus, conciliandisq; inter
se eruditorum amicitijs aptissimus, prius morari apud nos
desierit, quā tibi meo nomine gratias referret. hinc fa-
ctum, vt occasionem tui alloquendi auide arripuerim, mi-
hi nuperā nostro Obitio oblatam. Is enim tuam Episto-
lam ostendit ad se missam, vbi de me mentionem facis. Ego
sanē te mi Licete ob ingenij candorem, singularemq; do-
ctrinam, dotes haud repertu promptas diligebam pluri-
mū, nunc verō propter studium in me istud tuum tam ef-
fusum, cui non respondere turpe fuerit homini Philosophie
candidato, vehementer amo, & qui mos est amantium pe-
culiaris, de te & audio, & loquor libentissimē, te vnum,
vel cum paucis superesse prædicans, cuius præstanti erudi-
tione tot monumentis ingenij testatā Peripati dignitas ho-
die fulcitur, quæ à me non eò dici credas, velim, quod me-
um iudicium amor exambiuerit: diu est, cū in eandem
sententiam, te ne præstante quidem litterariæ Tribus cō-
mune suffragium tulerunt. Ego si quid erit, in quo mea
vti operā statueris, quā vt tuo iure exigas, impensē rogo,
enitar, vt, quanti te meritō faciam, cognoscas. Vale.

E I D E M.

Dignus es tu quidem cum ista tuâ eximiâ eruditione mi Licete, qui ad æternos lucernarum ignes sedulus euigiles ea commentando, quæ nec vlla aboleat vetustas, neq; carpat liuor. Nos verò haud sanè digni, quorum tu spem, desideriumq; morâ nimium in longum ductâ excandefacias. Annus iam vnus, & alter in sua vestigia volutus abiit, ex quo tuos lychnos expectamus, amulos stellarum, cum tu interea promissa differs lentum nomen, atq; ideo appellandum crebrius. tanta est tui ingenij fecunditas: is vigor animi quantumuis abditis rerum subtilitatibus superfuturus, vt suspicionem cessationis non admittat. ne aliò cursum deflexeris, hoc vero nobis est verendum, qui tuarum lucubrationum lecturâ capimur. Sed hæc tu, cuius de fide agitur, non negliges. Ego, cum per litteras te alloqui auerem, nec satis materiæ suppeteret, hinc occasionem arripui, vt se mihi dabat, epistolæ familiaris conscribendæ. Hanc (ni mihi tua humanitas spem faceret) subuerer equidem, ne philosophia, quæ te totum per hos dies in scholis occupat, vt grauis est, nec ad iocos nata, tamquam interturbantem Dauum procul abs se abigeret, quod ne fortè accidat, desinam tua tempora, quæ publico commodo impendis, pluribus morari. vale, & amicos magnos, qui mihi tecum, atq; ad eò cum ipsis Musis communes sunt, saluta meis verbis.

E I D E M.

Non id à me quæsitum fuit Vir doctissime, vt te, quem lætum, florentemq; cupio studiorum bono, mœstitiâ afficerem ex scriptorum meorum lectione. Dolori me tantum meo indulgere iuuat, qui tempore, quo demitigari

maxi.

maximè debuerat, nescio quo pacto magis recrudesceat. Neque ideo iisdem te affectibus duci, quibus ego moueor, permolestè fero, vel ob id potissimum, quòd tuo viri sapientissimi exemplo hanc animi mei molliem, ac teneritudinem aduersus philosophiæ conuicium tueri statui, quæ in nobis ut non Stoicæ ^{anabæar} efflagitat, ^{peripatetæar} tamen merito requirit, Peripati disciplinæ consentaneam. Veris, ^{+ Indol. m. rati.} ^{+ modera tam per turbatio nem.} uberrimisq; lacrymis deflendus erat Viri amicissimi excelsus; quod sicuti nos abundè præstitisse non inficiamur, ita nullam inde laudem captatum iuimus facundiæ elegantioris, cuius vix umbram vnquam assecuti, non ea orationis ornamenta in nostro opere agnoscimus, quæ illi seu amor in nos tuus, siue iudicium amore eblanditum tribuit. utcumq; sit, nostra à te, quem nemo non ob mores, & doctrinam probat, minùs improbari sanè nobis periucundum, perq; gratum accidit, plurimùmq; te eo etiam nomine amamus, officiaq; omnia nostræ erga te testandæ obseruantix deferimus. Vale, & negotium posteritatis, vti facis. vrge, cui magno te fidei pignore obstrinxisti breui fore, ut problema illud plusquàm Archimedæum, de antiquorum lucernis industriâ tuâ explicetur.

ANDRÆ MAVROCENO Senatori Amplif.

M Vsarum mearum faturas à te non improbari eo magis gaudeo, quò minus mihi erat exploratum tutòne censure limatioris iudicij hominum, cuiq; persimilium concedi possent. remanet tamen nescio quid scrupuli, qui animo inherens nimium mei amorem longè à me arceat, te scriptis scilicet meis non indelectari; quòd me eorum autorem diligas impensius. nulla enim res equè ac amor iudicium quantumvis acre, atq; Lycurgum eblandiri solet. Vtcunq; sit, interea vsurâ finiar voluptatis, quam ex amore non minus tuo, quàm ex iudicio percipio, miro me quo-

Dd 2 dam

dam modo affecit Bembus tuus, cuius tu non tam diserte postrema desles, quàm famam, vitamq; adeò ipsam extendis decorissimis præconijs, vnus vel cum paucis artem illam callens, quâ fit, ne, quos amamus, etiam post funera ipsa Lethes obliuia excipiant. Nos, quibus præclarum est vestigia tua ponè sequi, eiusdem Manibus dicandum nescio quid carminis exarabamus: quod, si vacat, leges. meq; Amplitudinis tuæ cupidissimum, vt facis, diliges. Henricum Dauilam virum fortem, eruditum, & vtriusq; nostrum amantissimum pro meo in eum studio tibi commendarem, nisi mihi foret perspectissimum nemini te eorum in illo tuendo, ornandoq; cedere, quos sibi deuinctos habet Viri virtus. per mihi tamen erit gratum, si cum ita omni officio, comitateq; tuâ fueris complexus. ac si à me tibi de meliore notâ esset commendatus. Etiam, atq; etiam vale.

LAURENTIO PIGNORIO *Patauino.*

A Morem ego in me tuum, mi Laurenti, conspicio. comparo nuper apud Belgas adinuento telescopio. ambo immahe quantum rerum, quas vident, species adaugent. hoc ille habet etiam præcipuum, quòd laudes ingentes nedum de modicis, sed de nullis facit, vt non mirer amplius Ouidium in matēotechnia alumnis disciplinæ suæ præcepisse, puluerem licet nullum de adamatarum vestibus vt officij causâ excuterent. Adeò amorì vni in nihilum ius est; illud quæsitis Rhetorum hinc inde floribus exornat haud secus, ac si foret aliquid eximium, magnâ legentium admiratione, summâ voluptate; cuius ego sanè rei testis (ne alios foris euocem) satis sum idoneus, quem, ex quo hanc alpem, niuemq; inhabito, nullæ vel per paucorum litteræ maiore voluptate perfuderunt, quàm tuæ. ita in eis elegantia cum beneuolentiâ certat dubio certamine, vtra

ne, vtra palmam referat de alterâ. Musæ vestram fidem & unde tot sales Cecropio thymo, melleq; oblit; unde tot lepores emanarunt, nisi de vestris præclaris fontibus? Sed me comprimo, ne videas Icario conatu præstantiam epistolæ imitari tuæ, quam vel pro dignitate admirari indicium haud vulgaris profectus arbitror non minus, quàm Apellæas lineas suspicere in Protogenis tabula arrepto penicillo properanter sparsas. Vale patriæ tuæ decus alterum, & Gualdum eximie virum eruditionis, atq; dignitatis, cuius epistolis natiuâ venustate refertissimis capior mirificè, nec non Sandellium florentis facundiæ hominem saluta meis verbis.

DONATO MAVROCENO *Senatori Ampli.*

ET si vereor, ne nimij desiderij tibi esse videar, qui, postquam aliquid velle cæpi, valde velim; me tamen continere nequeo, quominus à te vehementer petam, vt, quod nuper de tumultu Insubrico tibi, & Musis exarasti, ad me mittas, Musarum si non Achatem comitem, at certè veterem, vtcunq; licet meritum clientem. auidè id videre aucto, seu historiolum vocas, siue commentarium, seu de titulo non dum statuisti, quia postrema ille cura auctorum sit, quamuis prior legentium oculis occurrat. quod si quæras, cur tam perditè id amem, quod inspexi nunquā, si visus amorem gignit, &. vt disertius Græci, *Τὸ ἐπὶ τὸ τοῦ ὁπᾶν*. Dicam equidem germanos eius fratres geminos qui viderim, de illis coniecturā facio, qualis tertia ista fatura tua sit. nec timor, ne coniecto parum verax dicar, tanta in illis formæ liberalitas, tanta elegantia. & verò post gemellos Castoras inspectos, de Helenæ pulchritudine quis dubitet? Accedit testis non illius quidem comici, quod aiunt, sed quo nunc Paredro laterali Prætor noster vtitur, ^{+Assesio.} non omnino parui faciendæ auctoritas. Is se, cùm Patauij esset

esset apud Foscarenum, qui ibi cum potestate est versatus, Scriptorum tuorum recitationi narrat ad fuisse, quæ in concione iam perfecta, approbataq; concordie eruditorum preconio, quàm equum sit diutius à me desiderari Iouem Philium appello, cuius sub tutelâ sumus tot necessitudinum nexibus inter nos coniuncti. Hic ego te rubore suffundi video, cum audis arcanum consilij tui eulgatum, ad nos vsq; peruenire potuisse alpini culmina dorsu incolentes. Sic est profecto, secretum malè creditur rimosis, atq; vndequa; effluentibus; præsertim cum est huiusmodi, vt detectum auctori decus, delatori verò ipsi sit iudicij commendationem allaturum, quasi procul ab omni huiusmodi æruginē semotus, laudem præclaris ingenijs summo iure debitam bonâ fide tribuat. Atq; hæc non eo dicuntur, quod istorum sequi vestigia decreuerim, qui candentes ore fauillas potius, quàm commissa seruant. contra est, ori obdant pessulum, seramq; labijs Laconicam. quin pennas verbis ipsis præcidam strictim, & ad cutem vsq; ne foras auolent. libellum verò tantum ita, quandiu apud me fuerit, custodiam, vt non turris olim athenæa arctius inclusam Danaën impluuiū etiam obstructo accuratè, ne quid fortè illabatur imbris aureoli, quod custodem fallat, Argo licet oculatio-rem. Verum hæc per iocum. Serio quod sequitur, nec absq; aliquâ animi commotiuiculâ, quam tamen amor in te meus leniet tandem aliquando. Ergo dissimulare tantum posse piaculi sperasti, vt clam me haberes, quod te pendente vni, & alteri innotuit? nec te amicitie iura tenere sanctissimè tibi culta, meaq; ipsius exempla, qui recentes ingenij mei factus, nec dum lambendo planè efformatos censuræ tuæ examini exhibere soleam? festinè nimium non nego, & fortasse importunè etiam, sed ad occupationes respiciam tuas, sed amanter tamen, dum nihil differre puto apud me ne sint, an te, me alterum. Sed præstat par pari referendo iniuriarū vlcisci, quàm persequi
cam

eam verbis velle muliebriter. Epistolam igitur hanc velu-
ti clarigatione claudam, nisi tu tua ad nos mittis è vestigio,
iracundiam nostram demitigatura, curaturos nos vicissim,
ne posthac pedem domo Musæ nostræ efferant. Nam si
semel commeatum illis liberum permiserimus, dubium
non est, quin ad te sint rectè perrectura. Quod si te hoc
vindictæ genere mihi exterreri sensero, tamquam mole-
stissimi muneris vacationem tibi allaturo, aliud aggrediar
atrocius. Scrinia mea omnia excutiam, & ibi quicquid
cum tinea luctatur pagellarum, in fasciculos redactum ad
te mittam protinus. Habes paucis, quid parem: tu, si pe-
riculo caues, vnâ operâ & tibi ipsi consulueris, & nos scri-
ptorum tuorum expectatione tam longâ liberabis. Meni-
ni carmen in Barocij funere non legi: meum verò, quod
mihi non Musarum fauor, sed dolor dictauit, lacrymæ penè
deleuerunt, his adiungi iussi. De bibliothecâ quod scri-
bis, pergratum est. libenter ego, nisi cupidum emprem
interim inuenerit, laboris aliquid impendero ei perscrutan-
dæ, appetente vere: ad illud enim tempus aduentum me-
um ad vos distuli: nec fidem hercule fallam promissorum
immemor, si me Deus sospitem seruauerit, quem tibi pro-
pitium, fauentemq; vehementer cupio. Vale.

Monodia in funere Iacobi Barocij

Oratoris præstantissimi.

Descendis genitum carorum casibus, acer

Nunc angit heu dolor, viam

Nec lacrymis laxat, miseris nec verba querelis.

Minora fari, & grandia

Damna silere tuus docuit me abscessus. Ut aures

Tristis repente percalit

Nuncius: obstupui, medijs & faucibus hæsis

Vox agra, cui viuens dabas

Argu-

Argumenta olim toties præclara merendo,
 Suspiria, inuersam vicem,
 Das modo: dum subeunt animum tua tristia fata?
 Heu seuafata, qua Fori
 Extinxere decus Veneti, Suadaq; medullam,
 Floremq; Musarum aureum,
 Non tam Aganippais, Sophia quam fontibus altum
 Teneris ab usq; nec minus
 Quam vultu, pietate grauem, linguaq; disertam
 Paripotentem, ac consilij
 Munere. Quis varias versantem pectore curas
 Duro senectæ in limine,
 Leniet alloquio? quis me, turbante procella
 Mentis serenum, ac litium
 Extollente astus, portum sperare iubebit?
 Astrum ut gemelli Castoris
 Deprensos tumidis in fluctibus Amphitryges
 Arcturi ad occasum trucidat?
 Pluribus occumbis lacrymabilis: optima mater
 Testis, superstes quæ sua
 Viuit adhuc vitæ exanimis, Manesq; sepulchro
 Nil audientes flens vocat.
 Vnanimisq; cohors Fratrum, comitumq; per urbem
 Atrata vadens, attamen
 Flebilior nulli liquisti luminis oras
 Quam mi, perenniter tuam
 Ob mortem dolituro. alij te carmine dicant
 Disertius multo: fleam
 Te te ego dum lacrymis miserabilioribus, ingens
 Decus tuorum, sed breue.

ALEXANDRO SYNCLITICO *Legum primario*
Professori, in Academia Patavina.

Cum tu rem apprimè nobis iucundam, atq; exoptabilem, aduentum ad nos tuum minaciter nimis proximis litteris tuis miniteris, nisi iter Venetias properè arripimus; mirari sanè non debes, si, quod tu multæ nomine adscribis, illud ipsum præstolari malumus, quàm eius timore, quod alioquin in procliui foret, liberari. Veni igitur, si Vires, & vnâ, eademq; operâ votis nostris obsequi, ac tuas iniurias vlcisci perge. Nos te quidem hîc, haud aliter accipiemus, quàm per æstatis maximos calores, terra hiulca si ti imbrem tempestiuum. Valetudini, mihi crede, ipsi, quâ non commodissimâ te vti audio, non parum conferet prælectionum cogitationibus prolatis in Nouembrem Mensem, interea laxamenti aliquid ex pererratione horum amanorum montium percipere; quibus, dum niues absunt, in supplementa copiarum fluminum solutæ, nihil sanè alius, nihil quod Thessala Tempe magis referat, facilè reperiatur. Neq; enim Ascra aliqua Hesiodæa nobis, quam inhabitaremus, obtigit hyeme plus nimio rigens, æstate feruida: contra est, cum vos istic maximè caletis, præclarè hîc nobiscum, beatèq; agitur absq; culice, & musca, puluereq; non illo vestro odoris exotici pleno Cyprio, sed ex quo nubes excitantur oculis diem erepturæ. Modò ne curas domo afferas huc tecum, comites minimè omnium comes, nusquam te libentiùs fuisse dixeris. Vale.

FORTVNIO LICETO *Philosophia professori*
primario Patavij.

Quod tibi doctissimo viuorum non inter postremas curas fuerit veterum lucernas, quas hætenus non
 Ee tam

tam ruinarum rudera, quàm ignorationis tenebrę tegebāt, pristino nitori restituere; idq; nuper egregiè præstiteris ingentis argumenti, laborisq; opere in lucem edito, sæculo nostro gratulamur, cui tu non prælegendo modò, sed scribendo consulis: nobis gaudemus, quibus senescentibus iam contigit problematis omnium abstrusissimi, ac plus quàm Archimedei causas addiscere: quò sanè nomine plurimum tibi deberemus, nisi studio isto in nos tuo, eruditione singulari, morum infucato candore pridem effecisses, vt omnia tibi meritò debentes nihil non tuà causā vellemus. Plura ad te, cùm librum ad vmbilicum vsq; non perfunctoriè peruoluero. nam hæc ex tempore pauca dictaui, postquam limis vnā, aut alteram paginam perlegi raptim, vt haberem quo veluti embammate mearum ieiunitatem condirem litterarum, simul lætitiā animi tam præclaro gestientis munere testarer. quod inter Musarum cimelia à me repositum in Bibliotheca, sui splendore luminis illam illustrabit, haud sanè secus, ac polymyxus lucernæ fumi expers, olei non indigens. Vale mi Licete, & Lyceum istud tuum (hoc enim tibi pro Sparta est) vti facis, orna. Belluni.

E I D E M.

ET si ea est tui in re literariā nominis celebritas Fortunæ, vt quam tu cunq; professoriam cathedram sessitaueris, illam ego sim omnium supremam iure habiturus, dandum tamen est aliquid amoris, quo te prosequor, dandum mori, qui nunc passim obtinet. Gratulor igitur ex animo si non tibi, cui nihil accedit noui ad virtutem, at Philosophiæ saltem, cuius maximè interest alumnos suos iudicio honestari Principum virorum. Sæculo verò nostro etiam vehementer gaudeo, quòd dignitatis tuæ incrementis ingenti inuidia leuatur, quasi antea studijs non perinde fauerit, ac eorum vtilitas meretur. Nam quod te albis quadrigis

drigis per ampla Lycei spatia currentem incitem, vt materiam, quam nuper es nactus, ingenij tui in dies magis, ac magis ornes monumentis, nihil causæ est. abunde id tua sponte præstas nullo non plaudente, nemine hortante. vel quæ modò ad nos transmittis. qualia? quàm condigna Cedro, aut siquid Cedro in Musarum hortis crescit immortalis? multum tu quidem communi præceptori debes Aristoteli, cuius scholæ præes, gloriæ succedis, nomine ornaris: multum ille tibi, qui eius obrectatoribus os obstruis, ne porrò importuni obstrepant. plurimum te ob id munus meritò amamus: simul quod nos post tam egregias tui orij faturas quid nunc animo parturias, reddis certiores. Vale, & te tuorum expectationi longum serua, vt quod libens facis, diu facias.

PAVLO GVALDO *Canonico Patauino.*

TV verò iam mi Paule haud paulum files, quin nec multum quidem, sed perpetuâ intermissione cessas litterarum: tametsi ars tibi, naturaq; iuxta copiarum plurimum suppeditet, vnde abundè haurias ad vsum non modo, verum etiam ad ornatum elegantioris scriptionis. Negotia, credo, causabere, quibus ad tædium vsq; distineris. equidem non ita causæ tuæ faueo, vt quidpiam de ingenio detractum velim quantævis molis occupationibus supereminenti. Scilicet stylum timor hic deterruit, ne exarando aliquid litterularum ad amicum veterem lassesceret, cui scriptis egregijs volumina implere multo sit facilius, quàm imbro descendere, dum pluit. quid igitur? memoriâ ne tibi penitus effluximus haud proximo interuallo diffiti tam diu? ne id quidem sanè faciliis admittam, nisi tu fortè in aliquè ex etymologicis istis incidisti, qui amorè ab aspectu, vt sunt in vestigandis vocum originibus plumbei acuminis, deducunt. quasi verò oculorum acies magis velly-

E e 2 cea

cea videat, quàm mentis, cui temporis momento remotis-
 sima quæq; obuersantur. vna tibi latebra sit reliqua, vbi
 arcem excusationis struas tuæ, mei incusatio, quod tacen-
 do silentium meum vltus fueris, vnde vt extraham, ecce ti-
 bi hanc epistolam veluti fæcialem mitto nunciatum, vt, ni-
 si quamprimùm rescribas, te aduersùm confertum agmen
 præpares hendecasyllaborum, vel, quibus vis inest ad dimi-
 candum acrior, iamborum Archilochiorum. Verùm extra
 iocum, quo sine familiaris quàm frigeat epistola, minimè
 te fugit, mirifica me cupido tenet tui alloquendi; quam nu-
 per Bonus noster Senator optimus litteris suis quasi flabello
 quodā excitauit; Pāphilus Persicus sermone etiam longiore
 aluit. huius explendæ occasio antequam se dederit, hisce
 te litteris interfari libet, quibus studium meum tibi defe-
 ram, tuum etiam explore: quod tamen egregiè ætatem
 ferre, & nobis consenescentibus haud multum defloresce-
 re nullus sanè dubito. meminisse enim te posse reor id,
 quod mihi frequenti meditatione redditur nuperrimum,
 quadraginta iam plus minus annis fundamenta nos amici-
 tiæ Patauij iecisse, vbi nunc ratio tui istius præclari mu-
 neris tenet. illa quidem nec ^{+ ἀπροσγρησία} sic conuellet vn-
 quam, nec ipse rogalis ignis omnia absumens, quin monu-
 menti aliquid posteris remaneat. tu modò paria facere in
 amore perge, & me cogitatione saltem, cuius ope tibi præ-
 sens adero, cùm voles, respice. Vale Vir inter primores
 amicorum haud immeritò mihi recensende. Belluni in
 statuiis.

+ Silen-
 tium ma-
 xime in-
 ter amicos

PAVLVS GVALDVVS ALOYSIO LOLLINO.

Vetus adagio est, satis sapere eum, qui minime sapit,
 si tacere sciat. nimio ausu peccassem ego, si croci-
 tans cornicula immiscuisssem me vobis argutis, & suaue ca-
 nentibus Oloribus; neq; detrectassem supplicium proca-
 eis

cis Marsyæ, si te sæculi nostri Phæbum Illustris. Lolliæ
 prouocassem. Quod ego igitur siluerim, id verò meræ ve-
 nerationi adscribito, si placet: quæ etiam effecit, vt distu-
 lerim etiam nunc respondere humanissimæ epistolæ tuæ,
 eidemq; doctrina, & familiari quodam suauitatis Genio in-
 structissimæ. Qualia enim sunt, te mei meminisse, te scrip-
 sisse ad me, te partem dempsisse de præclaris istis tuis occu-
 pationibus, vt me ad officium reuocares? minæ etiam tuæ
 medius fidius stylum hactenus inhibuerunt, gloriæ etenim
 & laudi duxissem confertum illud, quod polliceris, Iam-
 borum, siue Hendecasyllaborum agmen, aperto latere
 excipere, dulcia inde vulnera relaturus, quæ Achillis ha-
 stam æmulata, & ictum inferrent, & continuo sanarent.
 At eadē veneratio, quæ cū obsequio paria facere pergit, im-
 pellit me tādē, quod vides. Verū qua de re potissimū scri-
 bā? in quo mea potissimū versabitur oratio? Cum vis quædā
 maior auerterit Bonū illud optimo præstātius, in quod mihi
 constitutū erat dirigere scopū vniuersæ cōscriptionis meæ,
 quod præclare scirem tibi neq; gratius, neq; iucūdius quid-
 piam accidere potuisse. Auguror tamen breui nos flebilium
 elegorum vice, quos dicat mœror, Cytharas, & lyras ar-
 repturos, atq; Epiniciū Bono Euentui meditato. Hic
 sisto calamum: tibi, quem eximiè veneror, Natalitia festa,
 & recentem annum Deus fortunet. Patauij.

NICOLAO PACIO *Samogitiæ Episcopo.*

MIrari te puto Vir amplissime, vnde tibi emerferit sa-
 lutator nouus, & cuius ante fortassis nomen fando
 non inaudieris. admirationem huius epistolæ lectura exi-
 met, amorem etiam studium in te meum, nisi fallor, gi-
 gnet. nam ex quo ad me primū est perlatum te Virum
 præcellenti dignitate pariter, ac nobilitate, posthabito na-
 tali solo, quodq; nunc mortales ferè omnes rebus omnibus
 ante-

anteferunt, luculento censu, ab vltimis vsq; Sarmatici regni finibus profectum, tabernaculum vitæ Patauij fixisse, cupido mirifica incessit animum te per litteras saltem alloquendi. Patauius simul ipsi amoribus meis gratulandi, quod non minori celebritate famæ te incola sanè tanto, seu potius ciue inclarescat, quàm olim Athenæ Articæ Palladis, ac Musarum domicilium Anacharsidis illius sapientis, Socraticoq; cōiuctu inclyti hospitio. Postea verò quàm certior sum factus te Octauiano Bono, quo nihil habet res Veneta præstantius, nihil mihi carius, vt per familiariter, igniculus ille desiderij, quo tibi innotescere flagrabam, in immensum aded excreuit, vt iam haud amplius intra pectoris septa cohiberi queat, quin litteris hisce se prodatur, proferatq; quibus tibi studium meum, pietatem, obsequium, officij deniq; omne genus quodcunq; abs me proficisci poterit, primus sponte deferò amicitia causâ firmandæ, excolendæq; quoad viuam eâ fide, atq; obseruantia, vt vix Octauiano cessurus sim, cæterorum quoruncunq; æmulus, quos tibi tua vel Virtus, vel Fortuna peperit blandæ necessitudinum conciliatrices. Tuæ erit humanitatis prouocantem te ad id certamen, quo animis ingentibus vinci turpe est, haud aspernari, sed litteris subinde datis alloqui tantisper, dum occasio inciderit mutui congressus: qui mihi longe est futurus optatissimus, tibi etiam (nam affectum tuum de meo metior) forsan haud omnino iniucundus. Vale Vir bonorum omnium studio dignissime, & otio isto tuo pleno dignitatis, pietatisq; quod raro exemplo, tibi comparasti, diu frue.

PAMPHILO PERSICO *Bellunensi.*

Viro erudito, & perillustri.

SI quis fortè erit palati tam ineruditus, qui addubitet Cyprium aucupium Norico an præstet, hunc ego manu iniectâ ad tua subsellia, Persice mi, sistam, posteaquam hanc

hanc patinam gustaueris, quæ tibi pro sportulâ veluti Iudici honorario defertur. Si coquus tuus sapit, nullum verbum addo: sin autem, at tu memineris auiculis id genus condituram pro coctura esse; intestinam pro vngvine pinguedinem. Vale. Liberalibus, cum hilaritas vel Catonem decet.

E I D E M.

OVa ego Neptunij auitij, si mihi optio daretur, sumerem libentiùs, quàm ab his incubitu matris editam pullitiam; quod de gallinaceis haud perinde dixerim, quæ vnico haustu ita obforbentur, vt celeritas gustum penè antevertat Aristoxeni voto aduersatrix. Idem quoq; tibi visum iri nullus ambigo, præsertim si in his feceris periculum, quæ nobis Corcyra mittit Phæacum insula, nos tibi. Vale.

ANTONIO QUÆRENGO *Referendario Apostolico.*

MEas abs te flagitari litteras, & si summo iure tibi minus debitas, qui ad priores meas nihil rescripsisses, periucundum tamen mihi sanè fuit. ea est præclari tui carminis suauitas, vt non caro emi potuisse vel epistolis trecentis videatur, eisq; multo grandioribus, quàm illæ fuerint, quas Tiberius Cæsar Capreis dabat ad Senatum. illo tu me carmine ita, sumptis de tuo myrothecio pigmentis egregie sanè quidem, quanuis parùm iconicè finxisti, vt me ipse vix agnoscam, cum intueor. Musis verò nostris summum tuum beneficium eò nonnullam etiam intulit iniuriam, quia posthac ne hiscere quidem, si quid in eis virginis pudoris erit, audebunt, ne longè aliq; spectundę prodeat, quàm tu eas esse voluisti. vt cunq; tamen sit, quæ mea est in relitterariâ ambitio, prærogatiuam suffragij istius tui quamuis ab amore eblanditi pluris facio, quàm vel earum rubo-

ruborem quantumcunq; , vel meam ipsius conscientiam,
 quæ, postquam se se accuratius excussit, causam nullam
 inuenit laudationis tam propensæ. Vidi nuper editionem
 carminum tuorum. & ingemuitantum effundere potuisse
 tenebrarum operi clarissimo typographice crimen dicam,
 an amici Agrippinensis negligentia? qui recepti muneris
 oblitus omnia peruertit. queris? equidem Reipublicæ Mu-
 sarum, cuius tu Dictaturam geris, puto interesse opus quàm
 elegantissimè recudi. neq; enim si florentis vir facundiæ
 Synesius inemendatum codicem contingere sibi exopta-
 bat, vt in eo ex tempore legendo ingenij periclitaretur sui
 + *Vim re-
 de conij-
 etendi.* + ἐὺ σοχίαν, idem cæteris quoq; lectoribus in votis est, quo-
 rum pleriq; omnes ante nucem quàm frangere animum
 inducant, à nuclei esu abstinebunt potius. Verùm hæc tu
 melius, qui pater es. nos tabella huic epistolæ apposita,
 quæ nostra sit sententia, liquido testamur. Vale.

In Editionem Coloniensem Poëmatum.

Antonij Quærengi.

*Rustica, stulta manus, chartis quæ illeuit ineptis
 Non calamo, at stamno informes variante figuras
 Natarum Cadmi, venerandi carmina Vatis,
 Pieridum in cætum quid non auderet? amœnas
 Credo eadem Clarj lauros, & odora virentis
 Parnassi rigido temerare rosaria ferro
 Immitis poterat, vel conspurcare putentis
 Iniectu cæni nitidas Permessidos vndas
 E quibus Aonidum docti pia cura Poetæ
 Ora rigare solent an tu præclara diserti
 Ingenij monumenta, Venus quibus Attica necetæ
 Ipsa suum insudit gaudens, varioq; lepore
 Posse dedit mulcere animos; longumq; per æuum
 Temnere securi tenebrosa obliuia lethes,*

Digna

*Digna, quæ in aridulis maluæ descripta pagellis
 Gemma tegat, Tyrioq; ardens pretexta nitore,
 Oblinis obscuræ succo loliginis? ægrè
 Perlegere vsq; notas, crebris indutæ lituris
 Verbaq; culta queunt mea lumina, comminus et sè
 Præclaro defixa operi. conuicia prælo
 Lingua iacit, dum sensa animus miratur, opesq;
 Materiam eloqui superantis. plurimus error
 Castigata subit furtim modulamina, sede
 Nec sedet ipse sua. Vexet censura minores
 Artificum tyronum operas, qui ritè metalli
 Frustra typis signata manu glomerare volanti
 Haud potuere, dolo careat nec culpa. latinis
 Ingenijs non æqua nimis Germania laudum
 Inuideat sperata sibi præconia nunquam,
 Atq; ideo radijs densas solaribus umbras
 Fuderit, obtretrans cæptis ingentibus vltro.
 At tu maior eras, quàm cuius carmina posset
 Carpere liuor edax, morsu aut violare maligno
 Condita fœlici auspicio, Phæboq; secundo,
 Vt quantum se attollere humo, cæliq; micantis
 Musa inferre caput posset sublimibus astris
 Disceret admirans sæclis voluentibus ætas.*

HENRICO DAVILÆ Viro perillustri.

Intempestiuo silentio perierit Vrbs Pythagorea: modo tu
 illius periculo cautior, aliquid ad nos saltem litterarum;
 quibus nobis probes te non omnino linguam Harpocrati
 vouisse. Rescripsi ad tuas postremas litteras vberimè,
 adieciq; strenuè loco carmen, quod tibi minus arrisisse silen-
 tium tuum argumento est. non puto causabere bellicos tu-
 multus, qui memineris acerrimos quosq; bellatores esse vo-
 ciferatores maximos. enimvero clamorq; virum, clan-

Ff

gorq;

*Bene
+ sapien-
ter.*

gorq; tubarum arma comitatur. Sed ne ego Phormione sum ineptior, qui te in tuo ludo ista doceam? Maurocenus noster nescio quas ingenij sui nuperas faturas ad me misit. ijs tu perlectis non dubito quin in acclamationes Laodice-
norum abiturus sis, subinde illa repetens καλῶς σοφῶς, et si quæ de genere hoc alia. nec verò iniuria. sunt enim con-
scriptæ more Rhetorum pereleganter. has postquam ite-
rum, atq; iterum legendo longiores feceris, remitte in scri-
nijs Musarum adseruandas. De fœderibus vehementer ve-
reor, ne illud nobis dicendum sit, quod Simo Terentianus in
Comedia de Filij connubio. Quas credis esse has, non sunt
veræ nuptiæ. deludimur hercle, & spe longâ, sed inani du-
citur, imò verò nec spes nobis amplius sit reliqua: bona
fide negantur, & assertis verbis toties promissa. E castris Iu-
lijs pacatiora ferebantur. Tu siquid habes, quo æstum ani-
mi nostri leues, committe fidis auribus. Nos te tuo merito
amamus. nam diligere mores istos, atq; eruditionem pa-
rum foret. Vale, & rem bene gere Bellonæ, ac Palladis de-
licium.

E I D E M.

ORitanis tuis subirascor, qui te nobis superbum red-
didere. nam ex quo cacumina ista montium inha-
bitas, cæteros quasi tuis pedibus subiectos despicias. hic
mensis, alter ab illo est, cum litteras ad te tuo tabellario per-
ferendas dedi garrulas illas quidem, & versibus, tametsi
haud multi pretij, refertas, ad quas tu pro responso plus
quam Pythagoricum silentium, cum tamen à Sigæo Troa-
dis promontorio tantundem absis, quantum ad facundiam,
artesq; ipsas Rhetorum proximè accedis. Lupos nemorum
istorum ciues incusarem, nisi mihi esset compertissimum
eorum obtutus voci plurimum officere, calamo non item.
Debueras ergo Antipatrum emulatus Stoicū, qui καλαμοβόας
ob

*+ Calamo
inclinans.*

ob id dictus fuit, ore etiam conticescente, stylo loqui; di-
ctationisq; vti interpretibus Cadmi nigellis filiabus, tibi lon-
gâ consuetudine perquam notissimis. Sed quid ego tibi
peccandi in grauiora negotia materiam longioribus litteris
suppedito? cum foret satius taciturnitatem istam tuam si
non per, *ἐχρηθίαν*, vt par erat, at saltem Laconica scytale
vlcisci. Vale.

+ Pythago-
reorum si-
lentium.
+ Epistola
perbrevis.
vide Gel-
lium lib.

E I D E M.

27. cap. 9.
Eras. in
chili. Tri-
stis scy-
ta-
le.

Non committam, vt tot terrarum, marisq; interiecti
spacijs diremptus litterarum quoq; commercia
quibus vnis absentiae damna rependi solent, posthac sis
desideraturus, modò ne desint, qui longae nauiga-
tionis periculo perfunctas opportunè reddant. Ami-
ci magni fata, quibus ego carminibus eluxi crudo ad-
huc dolore, nec dum adhiberi sibi medicinam patiente,
ea ab Octauiano Bono clam me edita ad te mitto. in his
haud sanè video, quid magnopere probare possis præter ar-
gumentum: quod ingenij vires si non fouit, certè, quod
verendum iure fuerat, minimè oppressit tantâ mole virtu-
tis, dignitatisq;. Verùm hæc iudicij tui censura fuerit, quæ
mihi lapidis Heraclei instar. nobis satis erit fidem promiss-
si exoluisse, quâ receperamus curaturos, vt ad te quampri-
mum perferrentur. Per mihi gratum, perq; honorificum
profectò accidit tantum à te amoris nostro tribui, vt eo in-
columi reliquorum amicorum casus acerbos illos licèt, &
veris descendos lacrymis minùs ægrè feras. ista tua mihi
calcar ad mouet animi inductio currenti quidem mea spon-
tè, nec verò lentè ad te pari studio, officioq; prosequen-
dum. atq; vtinam ratio vitæ vtriusq; nostrum pateretur,
vt coram mutuo nos alloqui frequentius, consuetudinisq;
fructu perfrui possemus: nihil foret familiaritate nostrâ op-
tabilius. nunc in tanta coniunctione animorum iniquis

Ff 2 loco-

locorum spatijs disiungimur; nec nos nisi per somnium, soporemq; interuimus, nisi per epistolam inuicem affamur. Postrema litterarum tuarum pars me pupugit de belli exitu sollicitum: virtute Imperatoris, apparatu classis, militis quoq; robore non vincimur: ne dolis, astu, insidijs finis hosti impares, ubi vis minimè procedit, inde suppetias petenti, nobis obnitendum. ad extremum, uti spero, potiori causæ tanto in summæ rei discrimine Numen præstò erit, bonorumq; fauor. Vale.

E I D E M.

TE cessationis non equidem incuso, quamuis diu fuerit, cum ad me nihil omnino litterarum. Epistolam tibi, haud dicam scribere decreui, cui tu luculentam sanè materiam dedisti, dum tædia diutinæ militiæ, celiq; istius grauitatem pluribus commemoras. quæ mihi, qui te lætum, florentemq; cupio, ita sunt molesta, ut tamen tibi Spartanâ stomachi generositate percoquenda censcam. Viri perpestio, & incommodis belli assueto. Fides in Rempublicam tua, fortitudo, consilium, quo vales plurimum, hos nunc tibi labores pariunt; eadem porro decus, comoda, voluptatem dabunt. Sine modò Panica ista deferueant inimicæ classis, quæ mihi videtur terrorem hucusq; innocuum circumtulisse: nam ridiculum ne dicam, religio est. Nos eisdem, quibus ante, per vindemiales ferias studijs insistimus, aucupium cum litteris, pastoritiq; munere iungentes, seu miscentes veriùs. Vale, & vince.

E I D E M.

EGo vero Catarum istam tuam mi Henrice de Catarro potiùs deduxerim, prono satis etym decursu, nec rei penitus incongruo, si vera sunt, quæ narrantur, eorum capi-

capita grauedine nimia tentari, qui istuc morantur. Nam cætera eius nominis originationes non me mouent magis, quàm Varronianę illę hominem ab humo deriuantes, lucum à ne lucido. Huic meę sententię si faues, simul valetudini tuę si consulis, quid tibi porro sit optandum, etiam me tacente vides, qui per te satis, non ex formulâ alienâ sapias. Accedit aliud incommodum non inter postrema recensendum tibi amicitiarum cultori officiosissimo, quod ea loca incolas, vnde tuę litterę profectę Vlyseo sanè fato perfunguntur: anus enim, nec tamen floris extincti, ad nos veniunt. neq; nostris est ad te iter multò expeditius: multum, diuq; æquore iactatas vix tandem, imò ne vix quidem, Risonicus vester iste sinus excipit. Hęc à me pluribus dicuntur, ne tibi lentus cessator videar, aut spei decolor tuę. Memini nam me tibi recepisse, cùm castra hinc moueres, crebras ad te litteras daturum. Historię Mauroceni nostri sub prælo sunt, quibus ego auctarium paro, vitam Auctoris: pannum purpurę inquires. quid agerem? importunis amicorum precibus vrgebar. Ij non aliter, quàm parendo, sibi satisfieri passuri erant. Nisi nos typographus morabitur, breui apparebit, meā ne potior causa fuerit detrectantis, an illorum, quę ferre recusabant humeri, efflagitantium. Vale.

E I D E M.

CAuendum mihi maximè cenfeo, ne vulgaris sermo interpres sit mei in te amoris, minimè vulgaris: semelatinè rem agam paulò commodiùs, postquam mihi non licet esse tam facundo, vt Romane loquar; ex animi tui sententiā alterutrā tu lingua vtitor, vtriusq; peritissimus, modò ne diuersa sequentes insecteris, vt eorum mos est, qui negant se ferre posse Romanum consuli forum, quotiescunq; calamus, vt fit, ex re natā arripitur ad epistolas fami-

lia-

liares exarandas, præsertim cum Etruscæ linguæ opes se nobis ingerentes præstò sint, quibus uti, frui comedè possumus usq; ad prisce Latij inuidiam. quasi verò nihil, aut parùm differat patritiæne Matronæ adamator habearis, an fordidæ Cupidinis ancillariolus. Equidem non ita voti ærumnosi sum, ut labore improbo me confici cupiam in studijs; nec tamen, si optio detur, recusabo, quin mihi Romanæ linguæ vsus caro emptus contingat potius, quàm Etrusci dialecti gratuita peritia, qui quantus, quantus est è Gotthicâ barbarie, & obscuris penè funerati Romani eloquij reliquijs ita est concretus, ut nos subinde admoneat non tam fatalis Imperij augustissimi ruinæ, quàm subsequente seruitutis vnius omnium miserrimæ. Quæ cum ego censeo, non mihi in mentem venit sententiæ huius meæ panitere tamquam vel degeneris, vel procul à ratione aberrantis. Erectæ indolis est, atq; liberalis, cladium monumenta ægrius aspicere, quæ ne aterna essent, maiores nostri trophæa ipsa voluere non ex ære, aut marmore, sed subitaneo excitata opere iniurijs temporum obijcere. Idem mihi planè euenit Dei beneficio. Granatè ad cicatricem tam atrocis Italiæ inflicti vulneris oculos reflecto: ad pristinam nominis Romani maiestatem libentissimè. Adde, quod cum non omnibus nasci Etruscis Superi concesserint, nobisq; idioma aliquod ediscendum sit, quo sensa animi explicemus nostri; quænam, oro, fuerit vecordia, vberriam linguarum prætermisâ, illorum sermonem exprimere conari, quem ne finitimi quidem ab amaris dicerijs intactum sinunt, dum alios eius suboffendit gutturofitas, alios hiatus osecranti, quàm loquenti magis consentaneus. Nam quid ego de eiusdem conquerar inopiâ, cui nisi Romanæ linguæ succurrat opulentia, vix verbasellulariorum opificum operis sufficiat? At res oleum, operamq; poseit operosior, ingenium verò non impar ausis. non inficiamur: sed facturos se operæ pretium nomi-

mine Musarum, quæ se sponsores dant, omnibus edicimus, qui præclarum hunc laborem desudunt nauiter. Ea fuit Romani Imperij amplitudo: ea est religionis nostræ dignitas, quæ non aliâ in promendis arcanis vtitur interprete, vt nulla sit tam remota regio, quò Romanè facundi hominis industria, famæ quadrigis vecta non peruenerit: quod Etruscilogis istis minimè continget; quorum elegantie theatrum vt demus fore vallibus sui Arni amplius, Italiae certè fines non excedit, quantula tandem regionis, si cum terrarum orbe maioribus noto, ignoto conferatur? Indignatio me vetat admirari satis quorundam doctiformem ignorantiam, quorum in ore illud frequens est. Cui nam demum rei Romanam linguam Reipublice suæ fato superesse, nisi vt casum defleat? mortuis sanè concedi illam iure posse; viuis, & æthereâ aurâ fruentibus non item, nisi velint cum laruis colloqui. O dignos, qui cum laruis luctentur, homines; qui cum doctis differant, indignos. potuisse eò deuenire impudentiæ, vt linguam mortualem vocent, cuius munus est, vt vitam mortui immortalem uiuant in monumentis litterarum, in memorijs hominum? Sed ne ego prædiues otij, qui talia per epistolam in transcurso tractem; & vrceum institui cœptum, amphoram imperitus figulus efficiam. Quid facias? argumentum res parçè suggererat, nec desiderio meo consentaneum, quo teneor te non tribus verbis, vt Prætores solent, alloquendi, sed sermone senili, longo, Afiano, qualis ille est, quem Homerus niuib. hiberno sydere effulis comparat. hinc ista styli diuerticula, quibus paginas opplemus sæpiùs de nihilo. Tu interea valebis, & ad nos prolixitate non impari rescribes.

E I D E M.

AD chalcographorum metalla vt mea scripta dam-nem, mihi quidem persuaderi minùs patior, licèt sit non nemo, qui mihi, vt id faciam, suadet. Pertinaciæ

cau-

causa non vna est. Terret me non tam præceps operarum festinatio, quàm supina correctorum negligentia, ac stupor; quæ omnia natiuos librorum nœuos aduentitijs cumulant erratis vsq; ad fastidium lectorũ, auctorumq; iniuriam. Grammaticorum flagris vindicandam. Accedit quod publici iuris facere, quæ ipse mihi, Musisq; condidi, periculosæ plenum aleæ videtur. Exscribant potiùs, si qui tanti mea esse putant, & sodalitij prærogatiuâ sibi habeant. Vt præli ludibrium fiant, & inter ineptas merces projiciantur bibliopolarum, scombros, & thura metuentes, neq; tuli hæcenus, neq; porro feram, dum mihi per Prætorem rerum mearum permittetur cura. Atqui pulchrum est vncialibus excusum litteris legi in ipso libri vestibulo à prætereuntibus, & monstrari digito auctorem operum iam lucem publiciq; iudicij censuram ferre audentium. Egregium id sanè esse non negauerim illis, quorum facies ad nitorem ita sit detesa, vt manifestâ in luce clariùs refulgeat. Nocturna ora, & non tam artis impressoriæ fuligine, quàm operarum maculis infecta quin tutiùs lateant, non dubito. Equidem vnum, atq; alterum cognoui, cuius ingenij monumenta auidè quæ sita in acroasi legebantur summâ omnium approbatione, acclamationeq; dum cupidinem excandefaciebant sui raritate; quæ postea per chalcographos vulgata, situ, atq; carie cõtabuere in tabernis. Id ne meis quoq; accidat, & timeo, & præensione quadâ animi conijcio. Neq; ido alios meo exẽplo detereri volo, quin Fame, quâ collibuerit, magis innotescât: per me vel faces phano Dianæ Ephesiæ admoueant. Quod vero ad te attinet, nihil planè refert, meâ ne edantur, an in scrinijs congesta lateant, cū tibi nihil apud me occlusum, nil sub serâ sit. Huiusmodi affectus erga te nostri specimen vt habeas, cômẽtario. Iñ mittimus, quo ventrẽ à calumnia vindicauimus, vt innoxie illi indulgeremus per hæc tempora, quibus pleriq; Bacchanalia viuunt, & totos se ventri dediderunt. Vale.

Ven-

Ventrem ignavia falso insimulari.

FAlsò, & summam per calumniam incusari à membris Ventrem in Apologo, quòd alienâ curâ faginatùs iners, & planè ignauus obtorpescat, & in alijs sepè aliàs animaduerti, & ipse non ita pridem semel sum expertus. Cum enim me domū post Saliarem cœnam recipissem ita faburrâ insuetâ grauis, vt me gliris somnum indormiturum animo conciperem, frustra fui. noctem enim, quàm longa fuerat, insomnem duxi eandem planè ob causam, vnde mihi soporis plurimum speraueram. Epularum varietas diuersæ inter se facultatis, factionisq; mihi fraudi fuit. ca-
 talem tumultum mouit in angustijs stomachi corclusa, vt mihi intemperantiæ pœnas luere necesse fuerit, stomacho verò infonti, immeritò quoq; plecti meam vicem. Tum ventris mentem subijt conditio, ærumnosa quidem, nec tamen cæteris membris miserabilis, quorum seruitio ille mancipatus ab ingrato labore ne punctum quidem temporis interquiescit. Vbi familia numerosa satis, herus copiosus; promicondi munus innumeris est sollicitudinibus exercitum, neq; idèò ventri comparandum, cui præter pœnoris procurationem coquinaria quoq; prouincia incumbit omnium vna molestissima, & quæ assiduam operam efflagitat; pretium verò capit operâ haud sanè dignum, obtre-
 ctationem, dum vitio illi datur vniuersi corporis cura tam piè suscepta quàm solerter obita. Noctem munere Diuùm concessam humanis artubus, vt à labore diurno conquiescerent, soporeq; vegetarentur tempestiuo, venter in opus vertit, quo nihil operosius, nihil est miserius. cœnam enim per æsophagum affatim, auidèq; ingestam in linguæ, palatiq; gratiam ipse vigil, succinctusq; excoquit, redigitq; in chylum: deinde dispensatoris officio resumpto venis distributoribus vsus alituram membris quaquaersum suggerit.

Gg

At

At enim suam agit rem, inquires, præcipuè dum alienam curat, quod nequiores coquos facere videmus. qui, si quid est inter obsonia opiparum, seponunt sibi, idq; clam hero abliguriunt. nihilo frugalius, nihil est siccum magis; habitum eius prius specta, & tunc luxum obijce. cutis totus exucta, & rugosa est, macilentia non minus, quam Bellerophon olim, postquam cor suum per mæstitudinem edere occæperat, enectus. Nec ei dies affert leuamenti quidpiam, cum diluculescit. Cæteræ hominis partes ad sua quæque munia se erigunt: venter eandem veluti incudem tundens modo cruda concoquit, modo excocta liquat, nunc liquato digerit ad id tempus usq; cum fames, seu mos potius suadet paratis ad prandium epulis accumbere. Tunc enim nouus est ei exantlandus labor, tunc certamen resumendum cum Intemperantia Lernæa bellua, & quam strauisse semel non sit satis, per ferrum, & eadem renascentem. In vino, & ioco quid non audet nostræ ætatis Phæacum, vbi animis concaluit, iuuentus? prandium præmature initum in cœnæ, somniq; tempora procidunt per plenam licentiæ epenthesein, quam non in Grammaticorum scholis, sed in Bacchi sanè Orgijs ediscunt. Interea in ventrem tanquam in pertusum dolium tanta cibi, potusq; copia profunditur, vt mirer loci angustiam sufficere. Non ita certè publica horrea opplentur commeatu, cum longa obsidio timeretur hostium. Tunc verò quàm molliter otietur venter, quamq; supinâ diffuat ignauia, longiore oratione mihi non est opus, vt renarrem. neminem fore puto, tam triparcum, Pisonisq; frugi illius æmulum, qui ventriculi sui cruditantis æstus aliquando non persenserit, condolueritq; eius vicem, cui quasi alteri Herculi contigerit ærumnosus labor Augeæ stabuli purgandi. Phagones equidem alios veteres prætereo obsonijs perdundis natos, quorum diurnum medius fidius dimensum annona mihi satis laxa fores. tantum duos Cæsares in medium producam
hono-

honoris causa numero exemptos Vitellium, & Maximinum. De illius edacitate mira Suetonius: hic quàm strenuè se gesserit in patinis (hæc enim eius arena, hæc palæstra fuit) accipe, si vacat. Carnis sexaginta libras comedit vnâ die, vini Capitolinam amphoram exhaustit, octies nempe, & quadragies tantum, quantum vnâ cenâ geniali Augustus: ne putes à maiorum virtute posterioris aui Principes degenerasse. Verùm hæc nihil ad bellaria Albini: quingentas enim ficus edisse legimus, persica Căpana centum, melones Hostienses decem, vuarum laucanarum pondo viginti: quæ ne corbis quidem nisi ampla caperet, ne dum humanus ventriculus caninum minimè excedens, siqua fides anatomen sedulo tractantibus. nam Aureliani parasitus in cœna integrum aprum, veruecem, porcellūq; confecisse, centumq; insuper panes traditur: bibisse autem infundibulo ori appposito plus Horca, quæ sanè alui vterem superat immanè quantum. neq; mihi consuetudinem vomitandi obijce, quo venter leuabatur iniquo onere integra orexi. nullum enim horum *ἐμὲ ἥπια* adhibuisse nobis satis constat. Prodeat nunc aliquis è numero segnitium ventri exprobrantium, siue pes, seu manus: iacet ille se corpus circumferre, lassitudinem imputet longis sæpe itineribus contractam, articulos hiscentes, luxatosq; memoret, perfractos ve talos: nos magna ista, & præclara esse minimè negabimus, sed quæ cum officio ventris comparata plurimum decrescant. nam neq; discursatio perennis est, & requiete nullâ interfecta, qualis corporum cælestium continenti tenore sua se per vestigia circumuoluentium. & vbi vel obrepsit lassitudo, vel agritudo repentè ingruit, exemplo cessatur, sellaq; aut lectus quæritur, in quibus vel cum reliquo corpore desideat, vel in motus iaceat prætexens causam inertię. Seleucus mehercule Rex haud mollius oculum curabat suum, quem habebat vnicum, quàm podagerpedem, cum indoluit. ne muscam quidem super-

uolare patitur, quin flabello abigat. quæ fomenta exinde adhibere, quæ vnguenta adlinere omittunt nihil profutura delicati isti, qui occasionem luxuriandi vel de morbo rapiunt? Idem de manu quoque dictum puta, si quando labore victa, vel perfuncta opus deserit. idem de oculo, cum quidpiam absque nictatione contenta obtuetur acie. ambo- bus fatigationem abstergit otium, feriæque aut indictæ, aut extortæ etiam ab inuita voluntate. Ventris haud eadem conditio est. interdum, noctuque vacationem non habet laboris, ne quantum quidem luscinia à cantu interquiescunt: & tamen cum somnum in tam molesto munere non secus ac in suo Consulatu Canius, non viderit, ignauus ipse non modò audit ingratis, sed ut quisque supina ad opus desidia occaluit. Venter appellatur, quasi non aliunde profluat inertia, quam ex eo fonte, cui quod viuimus, quod vale- mus, oppidò debemus, adeò beneficia ipsa, & quidem im- mortales gratias promerita in conuicia sæpe vertit liuor, ingratisque animi perversitas. Non impunè tamen: neque enim, si ut est in prouerbio, venter caret omnino auribus, idem & omni vindictæ caret appetitione: vlciscitur acriter, cum se dat occasio, contemptores suos iniurias in eo- rum capita sepius retorquens, cum quibusea coniunctio il- li intercedit, tale fœdus, ut necesse habeat eius ægritudi- ne ægrescere, præsertim cum pridiana crapulâ distentus, nouis subinde ingestis dapibus, poculisque cogitur disrum- pi. Quanto illi satius Graia sapientiæ Antistites, qui de ventre & perhonorificè sentiunt, & verò loquuntur, in cordis humani nomen illum adoptantes, quo nihil habet nostri corporis structura dignius. vnde praua ventriculi affectio καρδιαλγία (cordolium latine dixeris) Hippocratida- rum pueris vocatur ad hæc usque tempora, Hellenismo adeo infesta, ut Patrum memoria extiterit non nemo, qui dum veterum errorem corrigit, parum accuratè, ut sibi videba- tur, discernentium inter cordis, & stomachi dolorem, de-

clara-

clarauit suum. Et verò, si noscendi veri studio tenemur, nullam corporis partem cordi dignitate magis parem ventre inueniemus. & qua sine animal durare nequeat. nam quod vitæ thesaurus, sanguinisq; ac spiritûs officina meritò habetur, huic ille dictum suggerit, vnde sanguis, & spiritus conficitur, vita toleratur desitura profectò non aliter, si is defecerit, quàm floribus frigore decussis apum mellificium. Hinc factum summâ naturæ prouidentia, vt absq; capite, & corde animal gignatur nonnullum, sine ventre nullum. Cùm enim duæ in primis partes in omnium animantium genere vitæ necessariæ sint visæ ijs, qui huiusmodi studijs ducuntur, quâ cibus conditur, & qua eiusdem recrementa emittuntur, ad extremum inuentus est nihili animal Ricinus harum altera carens, qui suo exemplo eos admoneret de duabus illis partibus, quas necessarias prorsus ad vitam existimabamus, alteram esse minùs necessariam. quæcùm ita sint, definendum est nobis corporis partem præsentissimæ ad vitam opis, expromptæq; adeò, atq; omnium horarum satagentiæ, torporis ac desidii insimulare: edicendumq; ne cui posthac tam abruptè contumaci esse liceat, vt Ventrem probro audeat incessere. Sin secus faxit: ieiunus noxæ causâ perpetuum triduum obduret.

N.

AUDIO tibi Sacerdotium delatum renuenti, imò inuitum te iniecta manu trahi ad id munus nemini primum sponte subeundum. Audio, inquam, & sæculo nostro sanè gratulor, quod te ediderit magnis illis antiquitatis nominibus non imparem, quibus indui trabeâ, infusq; erat libertate exui. Maçte tali virtute Vir eximie: sic decus ingens paratur, sic cœlum scanditur. Non aliam viam institit Ambrosius de fuga in cathedram retractus: non Basilus,

filius, ne sacris præficeretur, solitudini se abdens Ponticæ. Laus ista admodum rara vel tunc fuit, cum vberior Heroum annona fuerat: hodie ne dum rara est, verum singularis. Huiusmodi exorsa quantas progressiones habitura sint: qui finis maneat, vix spes ipsa concipit maximarum rerum ita capax, ut expleri difficulter queat. Dabis tu satis scio operam, ut omnes intelligant te non frustra onus formidasse, cui humeros eras subiecturus. nam alij ne conantur quidem id humo tollere, contenti honore, qui illi loco premij adiacet, quo nihil videtur humana licentia audire turpius. quis ferat coronam muralem experientem, atque arripientem, qui non modo non euaserit ad hostici mania oppidi, verum schalas ei non admouerit? Serio meditatum opus, serio reiectum cum quis denique aggreditur victus conspirante omnium consensione, hunc ego eo sedulo id peracturum puto, & huius meæ opinionis autorem habeo satis luculentum, operis initium. De gradu nobilitatis, ubi te fors nascendi posuit, ita te demittis, ut nullius eloquio non pateas. nec affari egenos satis habes, quod tamen ipsum per se mirum sit in tanta Procerum dedignatione: dictis auxilium misces, spem affers, annonas tibi dimensas cum eis diuidis, quia alimentis inemptis destituti fame pereunt mortis genere miserrimo. par studium impertis in commune, ut pietas se in maius det, sacra sanctè tractentur, mores sint digni prærogatiua ordinis ad cultum Numinis sepositi. Exemplo ista doces tuos, etiam tacendo, quo doctoris genere nihil habent Christianæ scholæ efficacius. Facundiam, qua polles plurimum, expromes alios in vsu: cum dogma nempe suadendum erit, vel notandus error, nisi reuineatur, nociturus. His tu quidem artibus quid non efficies veteranus Præsul, qui talia rudimenta ponis in ipso militis ingressu? Viuas modo, ne te Deus nisi serò ad palmam capefendam ad se euocet, si id melius expedire prænouerit. quod ego opto, ac te veneror, & omnia,

quæ

quæ tua causa possim, tibi ex animo spondeo, deferorq;
demissius. Vale.

E I D E M.

Non Vlyssi homini vafro, ac fallaci te comparare.
rim mi Henrice, sed Antenori potius, æqui seruan-
tissimo; postquam per tot rerum discrimina Euganeos ex
alto portus tenuisti, Camenarum sedes; tibiq; eo nomine
vehementer gratulor, mihiq; cui posthac, vti spero, dabi-
tur audire, & reddere voces multò sanè crebrius, si non
† *ἔωφας* illas, & per aërem ad aures delatas, at saltem earum † *ἔωφας*.
notas, atq; simulacra calamo descripta. Habes, totà quod
mente petisti, frequentes cum Octauiano, & Donato Rei-
publice columinibus congressus, familiariaq; cum nostro
Synclitico colloquia, quibus ego Illyricis oris omnibus im-
peritare non anteferam, ne dum in excubijs Ad Rizonium
finem cum militari manu perfedere. Nos Autumnalibus
ferijs iam indictis Castalionæus secessus detinet, vrbi (me-
ministi, puto) adeò propinquus, vt inde forensium castro-
rum clamores audire possemus, nisi vindemiæ feruor ne-
gotiorum æstus absumeret. Hic me amici conueniunt non
rarò, nil planè curantem, præterquàm vt vrbanas curas
muscis molestiores procul abigam, remissiore tamen id
quoq; studio, ne mihi negotiorum fuga negotij faceffat
aliquid. Sermones cum eis habeo, quales olim cum Hora-
tio Mæcenæ, animi causâ varios, iucundos, & quos impu-
nè vel rimosis auribus audcas committere. Ijs tu quoq; ar-
gumentum heri præbuiisti haud sanè illepidum, dum tuas
in acroasi litteras perlegeremus. ne putes, tui memoriam
apud nos minùs celebrari. In quos de te sermones veneri-
mus, perscribam aliàs. nunc, ne vana spe te lactatum con-
queraris, calamo excepta mittimus fugientia verba, vt cer-
tò scias nos illis compedes injicere aliquando, vt ratio con-
stet colloquiorum, quæ persequi, & miscere consueuimus,
cū

cum otiamur. A Laurentio valetudini publicæ præfecto plurima tibi salus impertitur; nos fausta omnia adprecamur. Vale. Belluni.

Sermo Castilionæus.

RVs obsecuti Genio secesseramus molli quodam tempestatis autumnæ die: cuiusmodi plures grata vice subeunt Sirij calores. Hic curis agricolationis commodum resumptis, nam urbanas pridem seposteramus, in hortis perlustrandis multus eram, quorum ut fructibus perlibenter vescor, ita cultu delector maximopere. Inuberes adeo sunt visi, ut vel à calamitate tactos, vel villici incuria neglectos crederem, nisi & ille quidpiam à se peccatum pernegaret præsens, & squaloris causam in insectorum examina transferret, quæ vere iam adulto arborum folijs avidè depastis pauperiem fructuum domino efficiant. Insperato damno aures percussus iussi eum relationem ingredi accuratius: quodnam insecti genus illud esset: cuius facultatis: unde domo rogans? Neq; enim perinde animos, ac aspectum afficit despicabilium rerum aut damnosarum contemplatio. Inuenias quos naturæ noscendæ murium, atq; locustarum cura iuuat, quibus nihil sit earum occursum abominabilius. Confidenter ille, ac securus animi, postquam vidit rem verbis extra neruum geri: cladis historiam pertexuit leuidensi licet filo. Ego non indelèctari, qui horas aliquas ut tædio subtraham, sermonibus audiendis, reddendisue destinauerim varijs, iucundis, nulli certè noxijs, vel si in malè tutas aures inciderint. Cuiusmodi ille itidem fuit, quo Solem hesternum vacui cōdidimus, arreptâ, ut fit, occasione de re nihili, & lanâ caprinâ leuiori, gliris nempè somno; hunc enim laqueo captum inter aues aucupes attulerant. Nullus eo somniculosior quadrupes antiquis habitus, totam, quàm longa est, hyemem in annosarum arborum cauernis (hæ sunt illi pro geniali thalamo,

thalamo, confopitus dormit, si credimus famæ; quæ men-
 titi fidem, inter alia vulgò credita mendacia, id quoq; no-
 stris maioribus obtrusit: dum sibi persuaderi semestrem gli-
 rium somnum patiuntur æquius, quàm animum veritatem
 vestigare oculis inducunt: quod nobis non ita pridem usu
 venit aliud agentibus. Cum enim ad nos sub æstium solsti-
 tium allatus esset glirillus recens à matris vberibus depulsus,
 accurauimus, ut pomentis, ac nucibus educaretur à ver-
 nulâ, concreditum sibi munus subeunte non indiligenter.
 Nam & alumno dimensum præbebat bis in die, & temeti
 aliquid addebat dapibus, postquam illum potu non inde-
 lectari sēserat, quod nimis audacter nullo facto, ut par erat,
 periculo pernegarunt veteres. postremò eò res deducta
 loci est, ut sylvestrem animum glis prorsus exuens parasiti-
 tus aulicus euaderet, nobiscumq; colluderet à cœna scitu-
 lus, atq; ad eò munditiarum non indiligens, ut mures Pon-
 ticos amularetur, quibus fœdari est, quàm mori turpius:
 et, quod propositæ disquisitionis caput fuerat, ita rigo-
 rem subalpina hyemis perferret, ut Iani Calendas, & Sa-
 turnalia in contubernio nostro ludibundus ageret: fato ve-
 rò non ante Vergiliarum sidus conditum concederet, diu-
 tius etiam, uti mea fert opinio, superfuturus, nisi puer per
 lasciuia fauces eius arctiori catenâ compressisset. I nunc,
 & inquirere in antiquorum scita nefas puta: dum licet fa-
 cto experiri, quæ gratuitò alijs creduntur. Mihi sanè ut
 inglorium, ita plenum periculi videtur, alieno palato sape-
 re. quod & de gliris sopore, indeq; ortâ in veterum cœnis
 Saliaribus dignatione dictum velim. nihil enim causæ in-
 uenio, cur sumptuariâ lege vetaretur, ne quis glirem con-
 uuiis velut Accipenserem alterum, aut Attagenem Ionium
 apponeret, nisi fortè obsonandi Romanus adhuc rudis ar-
 ma magis norat, quàm artium Apitianarum lautitias. quæ
 censui dānosæ, iuxta ac stomacho graues, cane peius, & an-
 gue fugiendæ sunt nobis, quibus salubritas frugalitatis co-

H h mes

mes locò premij proponitur, in cuius spem aduersus irrita-
 menta gulæ perduremus. Sermo hætenus processerat de
 glirè materiam vberiore alijs atq; alijs, vt sumus in otio,
 & iocogarruli, daturus, cùm sodalium vnus Anicetus in-
 terfari cæpit in hæc verba. Diu est, cùm audio dubias lau-
 torum cœnas perniciem haud dubiam stomacho afferre,
 dum obsonia diuerso ex orbe petita contrarijs inter se se
 viribus plerumq; prædita tumultum in ventre mouent
 haud aliter, quàm in carcere Æoli inclusi: *Vnà Eurufq; No-
 tufq; ruunt, creberg; procellis Africus.* Quæ mihi non tam
 verè videntur dici, quàm appositè ad causam apud Ædiles
 pro luxuria dicendam. Is enim patronorum mos solemn-
 est, vt culpam, quâ reus premitur, ex arte Rhetorum alior-
 sum vertant. Nam cui dubium est rectè existimanti, gulæ
 non dapis esse crimen cruditatem, indeq; velut à Pandorè
 pixide longo ordine prodeuntes morbos? Innocui incusa-
 tur sumen, rhombus, boleti, ostrea Lucrini tanquam diuer-
 sis saporibus palatum, qualitatibus stomachum afficiant
 quasi verò elementis magis inter se conueniat, ex quibus
 Natura finxit corpora mortalium, quæ quidni contrarijs
 gaudeant, alanturq; maximè, nempe ex contrarijs con-
 flata? Non igitur in victu simplici sanitas consistit, quam
 nobis Hesiodus præscribit maluæ, atq; asphodeli mirus
 laudator. non in Alimo Epimenidæo, aut orizæ ptisanario,
 quorum nihil est, quod noxium non reddat vtentium in-
 temperantia, coquorumq; fraus herbulis herbas condien-
 tium, noto in id Ciceronis ioco, qui se à betis, & helueolis
 deceptū in [†]epiphoram scribit incidisse; sed in animi pau-
 cis contenti moderatione, qui cibum capiens non volupta-
 tis causâ, verum alituræ saturitatem non secus, ac scopu-
 lum deuitet. Vidit hoc quicunq; ille fuit, Hygiæ Diua-
 rum maxime Sacerdos, qui valetudinem duobus dyffilabis
 potissimum, eisdemq; Græcanicis conclusit [†]τροφῆς ἀνοσία,
[†]τρόφον ἀνοσίη. quæ si modo adsint, edico salubria omnia fu-
 tura,

* Oculo-
rum mor-
bum ab
humoribus
influxu.

* Cibi in-
facietia-
se labo-
rum impi-
gratia.

tura, præsertim consuetudo si accesserit naturæ æmula, cui
anus Attica debebat, quod impunè cicutam sumeret pro
ientaculo; non secus ac veratrum turdus, Sinarum optima-
tes colubros proserpentes bestias, si vera sunt, quæ de illis
traduntur in historijs. Sed quid Sinas huc arcescere est
opus, à nobis tam longè diffitos? Cartusiani sodalitij ali-
quem mihi cogita. pisce is perpetuò, & plerunq; salito,
dum verò se curat lautius, duratis igne ovis, lacteq; in ca-
seum presso prandia instruit haud multi sanè precij ciba-
rijs, haud probi succi. quibus tamen in seram vsq; sene-
ctutem protrahit ætatem integer, roboreq; inflexo vi-
gens, quia crebrò ieiunium dapibus immiscet condimen-
torum saluberrimū, prætereaq; assæ vocis in Choro, corpo-
ris in horto exercitium; ne dura messorum ilia commemo-
rem, queis æstuante Sole sub canicula allium dat vires, a-
rentisq; panis lapidosum frustum. Fallor? an nullum non
obsonium iuuat, si sumas sobriè: nullum non incommo-
dat, si ita intemperanter, vt tibi non succurrat ventrem te
vix totam spithamam latum, non Danaïdum dolium im-
plere. Valde vellem Chrysippi scripta iniuriam euasif-
sent longioris æui, vbi ille medicinam faciebat animis, va-
de morborum corporis origo est. dignatio certè autoris
Stoicæ porticus columinis haud parū afferret momenti
non tam nostræ sententiæ firmandæ, quàm eorum obiur-
gandæ perrinaciæ, qui quoties ægrotant immeritum cor-
pus tanquàm culpæ affine probis insectari non cessant te-
trum animi carcerem vocantes, peccandi q; illicem. Id ve-
rò quam inique, postquam Chrysippi libri adiri nequeunt,
neminem fore puto, qui non videat; modò secum cogitet,
quæcunq; in nobis fiunt, animi imperio fieri, corporis ser-
uitio. Quod sanè corpus, dum animus aberrat à scopo,
non magis plectendum equidem censuerim, quàm telum,
si à capto oculis vibratum minimè collimet, nisi ita sen-
tiam, Phætonis casum quadrigis insensibus adiudicatu-

rus, non ipsius audacię. Curari humanum corpus, etiam dum valet, ægrum, cibi ingestu amat, qui vires recreet ingenito calore, ac lassitudine exhaustas. Assidentem animum velut Pæonię artis peritum aliquem rogat, ut subueniat maturę. Ille tanquam alter Gnato Parasitus intemperantię suasor affatim escarum omne genus ingerit, quibus obruatur potius, quàm enutriatur, dignus, cui ob egregium istud beneficium contingat, quod Camello accidit, ante fari quàm animantes desijissent. Id fuit huiusmodi. Carpebat ille cum boue viam sarcinis onusto, roganteq; verbis perquam supplicibus, ut aliquā ex parte se iam succumbentem onere leuaret, alioquin futurum, si in viā vires defecissent, ut vnus seq; suasq; sarcinas portaret. Non puto te nunc requirere, quis huic ad fabulam fabulę adiungat. per te satis vides animo vsu venire sape numero, ut corpus, quod ipse, cum alleuare posset, iniquiori crapulę fasce oneravit potius, postremò affixum lectulo sustineat, falsò se plecti dolens immerentem. Quod de animo Epicharmus ait, illum esse, qui videt, quiq; audit, cætera surda, & cæca esse omnia. Idem nos leuiter inflectentes dicimus, animum esse, qui concoquens alimenta liquat, artibus adglutinat, valetudinem regit, modò operi huic vni uacet, nec aut plus quàm par est, appetat, aut ventri ingesta manere indigesta sinat, auocatus curis aliò tendentibus. Equidem tantum abest, ut Theophrasto assentiar scribenti carò hospitium corporis animo constare, ut contraria mihi potius sedeat sententia: nullum esse morbum, quem corpus illi non referat acceptum. ostiatim id per omnia genera morborum ducerem, nisi longum foret, nec ad rem, de qua nunc est sermo, multum faceret, cui satis factum esse reor, si luxus incommoda non aliunde in corpus fluere liquebit. Nec mihi podagram gentile quorundam hæredium subijcias: rari quippe sunt de serā posteritate hac correpti peste, quos Maiorum intemperantia suo.

suorum non delectet. Nuperum chirurgorum elegantium inuentum est, non vulnere pharmaca illinere, sed gladio, qui inflixit vulnus. hoc nos exemplum secutos decet corpore omisso, cui iussa tantum capessere veluti mancipio fas est, animo medicinam facere praua imperanti, & vtrique noxia. Sic fiet, ut ciborum lautities non modò non noceat modicè sumentibus, sed & prosit quoque voluptate nos delinens haud inconcessa, quàm penitus haud permoueri non ego esse hominis, sed lapidis silicis censuerim. praesertim cum Asclepiadum auctoritas accedat, summam consensione decernentium, ea maximè omnium cibaria nutrire, quæ maximè omnium palato sapiunt. quorum de genere cum placeta sit à placendo dicta, si Gule credimus, Graecorum Etymologias minimè morati, quolibet pignore ausim contendere nihil eam incommodi corpori laturam, modò cenæ non appédix, sed caput sit, ad quam integram famem conuiuæ deferant, haud ullis ante dapibus libatam. Harum enim præceptio in causa est, quod ad lancium cōaceruatim ingestarum aspectum in modum pullorum hirundinis hiamus, haud ita medius fidius facturi, si (ut sodales Philippus Macedo pater Alexandri admonebat) locum aliquem placentæ seruaremus, nec velut patinis abliguriendis nati, cuncta voraremus, quæ vel raritate commendantur, vel varietate. Solenne in Sacris faciundis olim verbum fuit *Hoc agamus*. quod maximè sanè vellem in conuiujs quoque obseruatum, vbi nunc non tam Geniolitur, quàm linguis cernitur in effrenem concertationum libidinem effusis. non aliàs rixè gliscunt acrius ad conuicia vsque, probra, reliquaque; Lapithum bellaria erupturæ. ne credas à cœna disputationes modò de litteris institui, ut Romulidis saturis mos erat. Mirari ergo tandem definamus, si coctionem, sine quâ fermè sanitas non constat, tot auocamenta inturbant; curemusque; potius, quantum eniti vires nostræ possunt, ne polyphagia cum polyposiâ fœderata, ac multi loquentiâ fanda, & infanda plau-

+ Edaci-
tas libaci-
tate.

plaustris, quod aiunt, profundente in venenum deleterium conuertant cibum, quem nobis pro alexipharmaco Natura tribuit, vt foret vnde famis intestinę hostis damna pensaremus, com meatumq; pręberemus somno. quem qui veterum dixit gratuito nobis à Dijs immortalibus concedi, nę ille insomnem ob cruditatem nunquam noctem duxit. Mihi contrā labore, & cęnę laconismo venalis videbatur, qui non semel fuerim expertus, quantos turbulentissimorum somniorum tumultus cęnę afferant lautiores, dum, quę vnā cum multis confidentibus conuiuis epulamur, ægrę vix concoquimus soli, ac nobis relictī. Perorasse Anicetum aduersus simpliciorē dīctam apparebat, cū ego subridens: inuictum, inquam, te nomine Anicete norant, nunc re quoq; experior, argumentorum tuorum copīā coactus, tibi vt herbam porrigam: nam ne placentam quoq;, Coquus me moratur, ad huiusmodi mattia planē indocilis; & cui, vt Lacones olim, cum sal, & acetum dederō, cętera ex horti areolis mutuanda sunt. Verū etiam absq; placētā in turdo, & pernice, quę nobis per anni tempus inempta suppetunt abundē, facere te periculum arbitror licebit, orexim ne in potestate habeas, an te velut contumacis ferocię equus secum ferat in prærupta gulę, cui sanē auribus carenti hatid facīle suaseris modum inter opiparas epulas seruare, nec lapides finales transilire sibiā valetudine, Temperantięq; regulā pręfixos. Nam quod ad frugalitatem pertinet, non illam à luxu dirimit paucitas obsoniorum Adilem metuentium, sed qualitas. alioquin Piso frugi vocaretur, qui Anatis ceruice, aut Anserino iecore, aut murenę lactibus libatis cętera aspernabundus coquo redderet. Gulę id fastidientis magis esse puto, quā frugalitatis, quę cuius plerunq; oloribusq; famem pellit: & si quando aduentus hospitis incidit, aut festus dies, armo ex iure vitulino, hadinōue, auiumq; minutarum patinā. Quibus si contentus esse potes

tes

res Anicete, vadimonio cœnatico vnâ cum sodalibus te vadare audeo. nam vmbris locus in tam clarâ luce nullus erit. Ad hæc ille: Benignè tu quidem, ait, & ex more facis, sed nos cœna aduentitia expectat Polybutē, quâ Hannonem hodie excipit magno apparatu post alterum biennium à penitissimis insulis Americani orbis redeuntem cum merce plurimâ exoticâ cinnamomo, pipere, Zinzibere; &, quo se multum iactat, diplomate earum regionum Regis holoserico, aureisq; litteris descripto, vbi habetur libertatem sibi dari impunè, quæ velit de Ditionibus suis mentienti. quâ ille libertate non immodicè hætenus est vsus: nisi quod Regem plures habere aures, quàm Argi fuerint oculi, renarrat, quibus non modò quæ quisq; suorum loquitur, inaudit, verum etiam, quæ secum cogitat: eundem ore suo vesci perquam sapidè: alieno stomacho concoquere: vocariq; quibus ad id vitur, concoctores regio, & haberi aulicorum intimos non secus, ac apud nos, qui Principum secretis admouentur. Reginas verò à conceptu fœtus alijs de matronarum gynecæi numero selectis molestissimum vteri ferendi munus, fastidijq; non minùs, quàm periculi plenum delegare: Infantibus regijs pretio conducì, qui pro eis vagiant, doleant, ægrescant, & reliqua omnia faciant, quæ sunt æratulæ illi maximè incommoda. Nam, quod ad alituram spectat, per dedignationem recepti vulgò vsûs, nutricum vbera non sugunt, sed per infundibulum aureum lac Gallinæ hauriunt, quo genus gallinaceum illic adèd abundat, vt ad mulctra veniat capellarum ritu. Nec sunt minùs mira, quæ de ijs commemorat, qui adorabundi Regem adeunt condictâ multo ante die, vt possint ora odoratis liquoribus commodè colluere, verbaq; byssina veste amicare, vt Parysatis Persas admonebat Cyri iunioris mater, ne nuda ad Regis aures appellant: quod apud illos piaculare facinus habetur, capite luendum. Regem paralitis volaticis in aucupio vtì solitum addebat pro falco.

falconibus, quos regio illa haud magis alit, quàm Creta
 Insula venenatum animal pro Molossis verò: ad palatij fo-
 res obligatis, ex eorum genere Philosophis, qui Cynicam
 sectam æmulantur, suntq; ad ad latrandum obiectis aptissi-
 mi. Hæc ille primo aduentu, & quidem nec dum Regiam
 suis narrationibus egressus dabat gustûs gratiâ, plura à co-
 nâ, & lepidiora memoratui daturus, vt speramus, postquam
 vino incaluerit, cuius est impense appetens, ex quo diutur-
 nam sitim in illis regionibus collegit, quæ neq; vites ferunt,
 ne; Citharædos ex Scythæ Anacharsidis præscripto. po-
 tûs verò incolis est instar plusquam Pythagoricum silen-
 tium. ob id puto ab Hippocrate ^{+ αἰσιν} ^{+ αἰσιν} vocatum, quod
 sitim absq; calice, & propinatione longè abigat, haud sanè
 aliter, quàm Epimenidis ex melle, & Scylla confecta Al-
 mos. Hic ego. At cœnam tam vario sermonum embam-
 mate lautam morari te inurbanum puto, quò si tibi vm-
 bram adducendi aliquam ius datur, nulla in me mora est;
 en sequor, vel præeo potius, vt mos est vmbrarum, cum à
 postico sole antrorsum, quâ se fert corpus, protenduntur.
 Non ille, inquit, tu is es, qui secutoris vices obeas, ducto-
 rem aliorum apud nos professus: Si quid enim verò auri-
 bus tuis dignum Hanno porrò dicet, id nobis referentibus
 vt par est, cognosces. Quibus dictis cœnatum ille abiit
 apud Polybutam: nos, quia Socraticum cœnæ condimen-
 adhuc deerat, deambulatam cum Achatæo comite Aristæ-
 neto, qui mihi, cum ad manum sermones non modò con-
 uiuales, sed viales habeat, in viâ pro molli pilento esse so-
 let. Is fortè inter eundem in agmen venatorum incidit,
 immane portentum Vrsu deferens triumphali pompâ;
 miratusq; prædam rogabat, qui ea potiri potuissent iner-
 mes, & multò, quàm fera fuerit, imbecilliores. tum ad
 me conuersus, vide, inquit, quàm falsò de naturâ homi-
 nes queramur, quòd nos nudos, & defectis planè viribus
 crearit, quasi verò ingenium non pro telo sit aduersus for-
 tia

retia quæq; noxiæq;. Ungulis Alces exarmamus, quibus epileptici curentur: Lyncei maculosa tergora detrahimus, quæis amiciamur: in bella equorum generosa instruimus armenta. Elephantem immensæ molis, ac aspectûs horrendi animal quasi parùm foret in prælia armasse, in pompis pro lychnucho, in theatris pro funambulo abutimur, eò iam lasciuiæ progressi, ut deridiculo nobis sint terrorem inferre ante solita. Sic sanè est, inquam, cuncta homini parent, modò ipse rationi pareat. quâ si uti magistrâ animum inducimus, nos ab inimicis non minùs, quàm à feris bestijs detrimenti nihil, emolumentum verò etiam aliquid capere docebit: quod Telepho olim accidisse fabulæ loquuntur, cui telum hostile, cum aliunde curationis spes haud affulgeret, opem tulit. Et verò quis negat inimici reprehensionem utiliore nobis, quàm sit nostrorum seruilis assentatio, qui videat hac vitium se in maius dare, illâ perfanari? Philippus Macedo Alexandri pater se non parùm proficere aiebat. Oratorum Atheniensium conuiijs, per quos sibi ignauo esse nō licebat tam acutè in aliena vitia cernentes, obloquentesq;. Hieronem Syracusarum Regem fator oris eousq; incuratus latuit, dum ab inimico ei exprobraretur, uti fit, in iurgio. Romana res, donec hostis erat, qui cotis instar virtutem eius bellicam acueret, vel deuictus vincere solebat. imperij fines, quâ se Sol circumagit, extendens. Ast ubi solo æquata Romæ æmula Carthago est; Corinthus à Mummio deleta; Achæi domiti; Pontus, & Macedonia in triumphum ducta; Taurus mons Antiocho præfixus ditionis limes, ne se inde in fœderatam Asiam effunderet, victricem in se dexteram conuertit, non id ausura, si stetisset pro muris Annibal, aut Capitolia alta obsideret Gallus. Agricola sanè haud inertis est non modo de felici arbore commodum percipere conari, sed de infructuosâ quoq; & siluestri, cuius & umbrâ deletatur, si messis est, & focum ramalibus instruit, si frigus.

I i

quanto

quanto magis prudentis erit viri ad coetus, civilemque disciplinam nati, a duersis iuxta, ac aduersarijs vti non incommodè? Apud Galenum telegisse puto Elegos Andromachi, Medici solertis, nec poëtae mali; obseruasseque Theriacam è venenatis bestiis plurimum constare, quæ aduersus earundem morsus præcipuum est alexipharmacum. Idem à me dictum de Scorpiaco putato, cui quis hominum quæso, quis Deorum vetat, quin humani ingenij sagacitas artium adinuentrix simile aliquid excogitet inimicis malacizandis aptum, deliniendisque? Verùm hæc illis præcipi deberent, qui humanis tantum rationibus ducuntur, amicis inimicos ita permiscantibus, vt hos ab illis quàm lolium à triticeâ segere euellas ægrius, noto in id Biantis dicto. Amicum eos non habere, qui inimicis carent. Nobis, qui ad eius magistri verba sacramento adigimur, qui suos inimicos amore, mirifico sanè vindictæ genere, vlcisci iubet, longè alia via terenda est; & quam, ne auiam, ac summis difficultatibus obseptam causeris, innumeri ante nos natos adiere, haud pauci nobis viujs adeunt, adibuntque; porro, postquam nos edò receperimus, quò p̄j hinc digressi abeunt. Ab exemplis recensendis abstineo haud equidem inuitus, ne longum faciam; & quia nulli non nota, tibi verò etiam sunt familiaria, cui libros dicta, factaque; virorum sanctorum complectentes voluere assiduus non minùs labor, quàm gratus est. Vnus profecto Stephanus sufficeret, rei, de qua nobis est sermo, adstruendæ, qui lapidum nimbo obrutus vitam in prece liquit pro scelestis, & malam illi gratiam pro ingentibus meritis reddentibus. Hic ego, Aristane-tusque; deambulandi finem fecimus, diem Sol ducendi.

E I D E M.

LVna semel succreuit, decreuitque; iter antequàm tua epistola peregerit Calendis ipsis Nouembribus conscripta,

scripta, reddita Decembribus. Hinc fit, ut parum com-
pertum habeam Antenorisne Cuius adhuc sis, aut te castra
teneant, è portu in fluctus denuò reiectum. Illud malem,
hoc ut suspicer, rumore adducor, atq; utinam Panico, res
in Cœnomanum finibus turbari ab ijs, quibus summa vo-
torum est nos assiduo belli apparatu diuexari. Vbi ubi fu-
turus es, litteris te sequar, modò sit, cui dem. Interea
has in Octauiani Boni fasciculum conijci curabo, cui tu
quoq; si tuas direxeris, Patauio abscedens, ne tu illis soler-
ter caueris ab interceptoribus. Audio te ne, an fratrem
tuum? vtriusq; enim nomen ad nos fama detulit, de histo-
riâ Maurocenâ in Etruscum sermonem vertendâ cogitare,
nec conatum improbo in multorum sanè commodum ces-
surum. quotus enim quisq; nunc Romana tractat, nisi Or-
bilius aliquis in ludo verbere irritò adigens comatorum
gregem, ut bilingues fiat? Maurocenum nostrum prouin-
cia adhuc tenet plena discursationis, & laboris. non enim
statarium munus obit, sed maximè omnium motorium im-
pigri per Italicam Reipublicę ditionem Correctoris. Non-
dum apud se constitutum habet, ecquando hæc aspreta
montium visurus sit, imò si vllò vnquam tempore sit cum
Imperio visurus, sibi enim succedi vehementer auct. nos
contraria suis vota nuncupamus, Viri amicissimi conspe-
ctu frui cupientes. Verùm ijs viam inueniant rationes pu-
blicę. tu valetudinem tuam siue istic in Patauino otio,
siue apud Insubres in hibernis cura diligenter, nosq; ut fa-
cis, ama tui cupidos. Vale.

E I D E M.

EXprimi vix potest, quàm sim tuâ perlecta epistolâ le-
tatus, te eosdem locos ornandos suscepisse, quos ego
arrepto calamo cui sim adumbraram. Opus erit dignum
argumento, nihil vberius dignum auctore, quo nemo po-

li 2 litior,

4 Reipub.
regende pe-
ritur.

4 Vita de-
scribenda.

tior, & πολιτικῶς Τερας. Nec formā scriptionis improbo: miror
magis, hominē Gallū homines nostros primū docuisse eius-
modi + βιογραφίας characterē, in quo morum instructio cum
Viri laudatione, cuius præcipua fit mētio, miscetur per quā
appositē. Equidē tibi oriū superesse ad scribendum gaudeo,
non tam tui, qui mihi es in amoribus, quā Reipublicæ
causā, quam esse in uado sanē oportet te istic tam diu per-
sedente, litterarumq; studijs posthabitā militari curā ope-
ram nauante. Nos hīc hyems perfrigefacit plus nimio, nix
verō etiam circumobsidet aggere vallari, nisi annona
maurius conuecta opitularetur, procul dubio succubituro-
ros. Nec satis subsidij in igne est: ipse quoq; penitus re-
frixit contagione, credo, aëris argenti. Vnica spes fouet,
sed non indubia, fore, vt breui nobis Fauonius succurrat,
ni fortē hunc etiam hyemis rigor remoratur, ne se itineri
committat Boreā hoste infestissimo, & cuius ille congres-
sum vehementer horret, acriter reflāte. Hyperbolas ne lo-
quar, nullus ambigo te addubitaturum, qui Oritana fri-
gora persenseris, quibuscum si Patauina conferas, Zephy-
ritides aurē videbuntur, quæ Veris ingressum solent comi-
tari. Hæc amicis nuncia, Syncliticoq; ante omnes, cuius
ego præsentem necessitudinis fructum tibi sic inuideo, vt
simul diuturnum adprecer. Vale.

MAFFEO CARDINALI Barberino.

mon SUMMO PONTIFICI.

Quæ pridem in meis votis maxima pars fuerat, vt si
non coram (excusantibus id annis) at saltem per
litteras, quod possem, tibi innotescerem; hanc beneficio
consecutus tuo non committam, vt silentio intercitat, à
quo multa incommoda prouenire nouimus. nec me terret
timor, ne notam importuni subeam: perspecta mihi iam
dudum est tua in clientes eisdem studijs deditos facilitas:

quā

quā cum amicē coniurat anni tempus, serijs occupationibus ferias indicens. Nam rebus prolatis cū in foro Alcedonia, cū negotiosus quisq; curis vrbanis sepositis demigrat in propinqua rura, iura ipsa verant, ne quis ius persequendo ad tribunalia reum pertrahat teriæ frugibus occupatum colligendis; vnde iudicibus quoq; datur vacuitas, quid ni epistola pudentibus ausis ad Principum Virorum aulas adrepat? præsertim si nec obstreperā garrulitate aures obruat, nec nimis perfrictā fronte pudorem legentis vrgeat aliquid petendo, qualis vt hæc nostra foret, accuratum est à nobis vehementer; an etiam præstitum, iudicij erit tui Cardinalis Amplissime idem ac doctissime. Enimvero omne punctum tulerit; si tibi, quem omnes probant, haud improbata impleſſe videbitur munus, quod suscepit te, quā decet, veneratione appellandi meā vice, declarandi; effusissimi mei in te studij, atq; pietatis. Felix, quæ tanti lectoris conspectum aditura, non tam censuram conscia sibi subueretur, quā honore ducitur cum eo sermonem sociandi, cuius ob os linguæ sub flore Græcia non minùs, quā antiquum Latium ora obuertissent sua. Sed non id nunc ago, vt laudes tuas carptim persequendo deteram, copia si qua foret; aliàs acturus, nisi tu historia esses ipse tibi verax, & res abundè eloquio suppeditans, & eloquium rebus. Quod volui, debuiq; maximè, tibi specimen animi non immemoris, ingratiq; dedi, daboq; quoad viuam, sensuq; colendæ virtutis non destituar. Vale.

LAVRENTIO REGOSIÆ Medico Bellunensi.

S Tipem parato mi Laurenti: fabellam audies folijs Sybillæ veriore. Magister nuper autoratus ad Clericorum disciplinam cū ægrè loquacitatem sui auditorij concoqueret, nec spes vlla foret illam comprimendi, non si totum serularum fascem perpetuā verbigeratione confregis.

fregisset, postremò legem dictatoriâ potestate sanxit Ly-
 curgeam, quâ maternæ linguæ vsus interdicebatur pueris
 in ludo, penis horrendi carminis in malè parentes inten-
 tatis. quibus est effectum, vt qui modò obstrepero garritu
 hirundinum pullitiè vincebant, nunc piscibus elinguiore
 æterno silentio dies reddant à litteris plane mutos. Nâ ver-
 naculâ linguâ procul ablegatâ, necdum comparatâ Latia-
 li, quid illis ampliùs sit reliquum, quàm musitare Pytha-
 goricâ facundiâ? Herculem ferunt adhuc in cunis vagien-
 tem, cum apud Seryphios somnulum captaret, nec capere
 posset, impeditus ranunculorum, quibus insula scatet,
 coaxatione, silentium illis imperasse, quo ex tempore
 prorsus obmutuerint. Idem planè Clericis euenisse dicas
 à rigidi præceptoris sanctione editâ: quam porro plus-
 quam Manlianam fore puto, qui meminerim carmine Au-
 sonij admonitus sceptrâ quoq; Regum huiusmodi magi-
 strales ferulas tremiscere. Illud doctorem malè habet, quòd
 pro disertis pecudes tacitas sua lex effecerit, iamq; in eo est,
 vt eâ abroget Ignorationis intercessione. Interea, cū heri ne-
 scioquid ex Aristotele de multiplici vocis instrumento co-
 ram discipulis differeret, pulmone nempe, arteriâ, linguâ,
 labijs, dentibus primoribus, quidam de grege magistrum
 femilatinè interpellans, vbinam inquit Romanæ elocu-
 tionis peritiam relinquis, quauis dictarum rerum nobis
 magis necessariam ad verbigerandum hîc in tuis castris?
 Hæc quia mihi memoratū lepida sunt visa, ad te scripsi, vt
 haberes, quibus studiorum tristitiam abstergeres tuorum.
 His insuper alligauī casus non illepidi commentariolum,
 quod inter manus mihi non ita pridem venit, dum mea
 schedia reuoluerem. eo perlegendō non minori forsan ri-
 su perfunderis, videns sermonibus censerendis turpius
 quandoq; senes ineptire, in scholis quàm pueri soleant
 extere lingæ & vocolas quaritantes. Vale.

Cani-

*Caninꝝ in professoria Logices possessione
Enthronismus.*

IAm dilucescebat, cū me somnus corripit peroptatus
quidem, non tam quod solstitialē noctē euigilaue-
ram, quā quia somnij mihi auctor fuit: quali si frui se-
pius contingat, Endimionis conditionem sanē non recuso,
membra modò lectulus pauldquā sunt Lemnia saxa, mol-
lior excipiat. Præconis vox primū audita adē Stento-
rea, ut gliris hybernū somnū excutere pectore potue-
rit. Edictum erat festiui carminis. Accurrerent omnes,
& gaudium auribus capefferent nunquam aliās tale per-
cepturis. concursū ad theatrum ocyus: ima summa
spectatoribus non secus quā granis mala Punica, differ-
ta. tum duo seniculi in arenā ex composito producti, di-
scipulorum turbā prosequente pugnāturos inter se inui-
cem ex vultu illos apparebat, & si quonā certaminis
genere parū adhuc liqueret, armis destitutos. nam neq;
cestibus horrebant brachia, nec machæris dextræ. tantū
nubecula, quæ supercilia infederat, nimbū minabatur
penē secutorum iurgiorum: nec diū expectatio nos su-
spensos tenuit. verbigeratio amentatis linguæ telis per
quā atrox cæpta. diuersis duo artibus duces dimicabant
disputandi studijs asperrimi. alteri nomen Melanchetæ
erat, alteri Eupolemo. ambo eandē Cathedram Dialecti-
cæ facultatis deperibant magistro per id tempus vidua-
tam; nec riualem, vel magnum illum Stagiritarū ciuem
facile tulissent. Hæc eos causā inuicem commiserat pe-
riculum protinūs facturos, vter altero argumentorum ia-
culis confosso prouinciā competitore vacuā inuaderet.
Melanchetā prior ita est exorsus. Ergo ne tam tui oblitus,
tam securus mei Eupoleme mecum contendere es ausus,
cuius in os non oscitantis quidem, ut Arcefilæ olim, sed

totis

totis ingenij noctes, diesq; viribus connixi Dialectica quadraginta ab hinc plus minus annis est ingressa, cateruâ doctrinarum generis cuiusmodicunq; comitata? cū interea tu cucurbitis pingendis occupatus de triobolari pictore Logicus euaseris haud multi pretij. Hoc ictus conuicij telo Eupolemus, ignotum te prius, inquit, mihi, ac ignobilem oratio te tua manifestò aperit equè Logicę rudem ac temeritatis rudiarium. Quis enim in ea hospes adeò est, atq; peregrinus, qui ergò particulam cum conclusione copulari solitam, ante ipsum vestibulum sermonis, tamquam vinnariæ tabernæ hæderam, suspendat? ne tu eadem artis, quam immodice nunc iactas imperitiâ, si tibi in acie pugnandum foret, tibiam galeâ indueres, caput verò ocrea. Quippe id facturum essem proculdubio, inquit Melancheta, si te imitatus artem Dialecticam putarem, & non facultatem puerili hercule errore, & flagris, ne dum ferulâ leui corrigendo à summo præceptore Aristotele, qui Dialecticam posteaquam primus omnium in lucem edidit, lustrâli eam die *διωκτικὴν* vocauit apto satis nomine, si cum ijs res sit qui Græcarum litterarum vocibus aures triuerunt. nam tu quàm Meleagrides aues, eas calles minùs. Hę siquidem à barbaris Græcos populares suos internoscunt. tibi vel Atticismus ipse barbarismus est. Ad hæc Epolemus subridens. euge, ait, Thraso: cristas erige; quod tria Stesichori quasi psittacus senex serò didicisti, Cecropidas in certamen voca Græcitatatis, cū sis ipse Datide Persa longè absurdior, qui Hellenismum affectans prouerbio quondam locum dedit infantiam illis exprobranti, qui apud Romanos græcissant, in Græcia ranunculi Seriphij futuri. Nam quod attinet ad Logicam, nego Aristotelem negasse eam artem esse, facultatem licet appellauerit, mutuo enim hæ vocēs inter se se commeant, si non eisdem, parum certè diuersis finibus cœrcitæ. neq; minùs abnuo eiusdem auctoris inuentum Logicam fuisse. Multi ante Aristotelem
natum

natum eâ vfi sunt, quorum tu nomina nefando quidem
puto inaudisti, Zeno, Parmenides, Timæus, Plato, alij.
E quibus argumentum contexi poterit tanquam ex præmis-
sis te horum nihil fermè meminisse, nihil penè nosse. Equi-
dem si me nihil nescire dixerò, inquit Melancheta, socium
habeo Socratem sapientissimum habitum Græcorum. At te
quis ferat eò arrogantia, eò inscitia progressum, vt dum
Logicam veluti Penelopæ exambis procius mercenarius, ex
puris piæis singularibus propositionibus argumentum ne-
ctas, nec in mentem veniat vix pueris ignota cautio, qua
id sub interminatione ferulæ vetatur? Sed quid ego te ha-
stis velitaribus laceſso, nec agmine argumentorum in cu-
neum redacto protero, vel saltem bouem cornupetam osten-
do, vt pueri occursum caueant tuum. Certè, quamuis tibi
ferrea frons sit, te non inficiabere, quæcunq; non amissiſti,
possidere, at cornua te non amissiſse pro comperto est, ergo
ea, velis, nolis, possides. O plumbeum pugionem, quo me
iugulas, inquit Eupolemus, iugulandus & ipse pariter, si
te hircum olidum effecero, aut tale aliquod animal de gene-
re ruminantium, quod te non rarè syllogismos asyllogi-
stos ruminare dicant, qui nouere. pecus enim eris procul-
dubio, si ruminas. Altercatio gliscebatacrius, cum ago-
nothetæ veriti, credo, ne logicâ Chrysippeâ hoc est manu in
in pugnum compressâ res transigeretur, litem silentio digi-
to indicto ita diremerunt, vt competitorum vterq; post-
quam indolis esset, pugna, quàm disceptationi aptioris,
confestim lanistæ traderetur gladiatoriam docendus, pro-
ducendusque proximisludis in arenam. Interea profes-
soriam Cathedram cani Lacenæ venatrici concedi placuit
à Natura dialecticas methodos edoctæ. Cynicis res per-
grata accidit cognatum sibi animal Academia præfectum.
Tum canis solemni ritu doctor est inauguratus, Caniniusq;
euphoniae causa transnominatus. Logici à lictore in lu-
dum gladiatorium coniecti ficubus, & bubulâ pascendi.

K k

Iamq;

Iamq; in eo erat præceptor nouus, vt prælectionem auspi-
cetur. cum tintinnabuli strepitus discipulos ad scholam
euocans mihi somnum depulit satis importunè. nimium
enim auidè auebam æmulos allatrantem eum audire, cui
meo desiderio, nisi fortè par somnium succurreri t, vereor,
ne sine suo carendum sit diu.

E I D E M.

Pignorij nostri Epigramma dum legerem, primò me stu-
por diu defixum tenuit, qui eius argutiam non mi-
nùs, quàm elegantiam considerarem: deinde postquam ab
admiratione emerfit animus, silentium plausus excepit,
gratulabundaq; acclamatio, quali Capitolia alta petentes
Triumphali curru Quiritiū turba prosequi solebat. E ve-
rò quid aliud quæso est sic carmen pangere, quàm de om-
nis ætatis Vatibus, qui eiusmodi claruere studio, trium-
phum agere? postremò eò me æstus gestientis gaudij abri-
puit, vt consilium sumpserim audax, improuidum, aureos
illos versus carmine plusquàm plumbeo laudandi. hoc vnà
cum ipso Epigrammate, laudum materiã, breui pagella in-
scriptum ad te mitto, vt singula comparando iudices,
quàm egregiè impudentes simus, qui eximium Musarum
opus, nec nostro illud quidem, nec vlliùs indigens præ-
conio, ornandum sumpsimus. nam id quoq; ornatùs esse
genus argutator aliquis contenderit, quod rem appositam
reddidit pulchriorem. Vale.

E I D E M.

QVibùs nam ex Ioniæ nemoribus Attagenas in tua re-
tia conuolasse dicam, quas ad me misisti mi Lauren-
ti? Ego hîc non pari compendio aucupium exerceo, etsi
eius artis haud negligens. Mensam tu quidem nostram
isto

isto tuo tam luculento munere beasti, palatum verò ita oblectasti, ut frugalitati faceres iniuriam, dum secum cogitat, ne Persarum quidem montes, quos aureos esse perhibent, impensæ porro suffecturos, si illud talibus cibis assueverit. Equidem cum me non fugeret huiusmodi aues, labore multo captas ad diuitum quoque prandia non frequenter adduci consilium in arenâ ex Apitianâ disciplinâ cepi, ut mihi sanè videtur non inscitum, ut vnus eas non vno tamen prandio conficerem. Nam cæna mihi breuior Laconum epistolâ paratur. Sed heus tu, qui valetudinis meæ canon esse soles, itane verò epulari me doces Saliariter? Verum iocorum iam satis: illud seriò, nos te plurimum ob id munus etiam amare. Vale.

FORTVNIO LICETO

M Vltum tibi mi Licete debeo, tanquam luculenti nominis parario, quod mihi voluptatis, fructusque affert, afferetque, ut diuinat animus, in dies plurimum. Ecquodnam nomen istud sit rogas? Iulius Stroza tuus, idemque tuo beneficio meus, iuuenis lectissimus, si ætatem respicis; sin ingenij monumenta, si vorsa, prorsamque non in vno genere facundiam, veteranus in studijs miles, imo rudarius. Equidem delector mirum in modum ipsius litteris scriptis peramanter, oratione funebri capior summopere, totaque illâ exequiali pompâ ita sanè graphicè descriptâ, ut lectorem spectatorem reddat è vestigio. promissis etiam non parum ducor perquam amplis, quibus spem nobis facit, seu potius fiduciam fore, ut breui poematis exorsum non tenuis legamus, quo Venetæ vrbis incunabula persequitur grandiori stylo. Sed heus tu laudum tuarum ponderare nimium nos oneras, et mornas, an illis pro dignitate responsuri simus, susque deque habens. Proinde ut restrictius porro agas, sanè censeo, nisi vis, me Famæ sponsoris

K k 2 peri-

periculo decoquere, si occasio faciendi apud Agonothe-
tas in litteris periculi vsquam inciderit. Vale Lycei colu-
men, & rem posteritatis strenuè, vt cepisti, gere. Belluni.

LAVRENTIO REGOSIÆ Medico.

HEri effuso, vt fit per Autumnum, subitario imbre
cùm conserenasset, admissis equis iter arripuimus,
breue illud quidem, nisi viæ difficultas cæno plurimo au-
cta longum id fecisset. Tandem lutum eluctati, cliuum su-
perauimus, cui villa imposita est, quæ in planitiem vergit,
segetibus lætam, Baccho commodam apricorumq; collium
prospectu peramenam. Hic animus est tantisper perfede-
re, dum mustum de prælo recens deferbuerit, & poma ex-
cocto crudiori succo ita maturuerint, vt decerpi se non ini-
que ferant, atq; ad hiberna postcænia recondi. Diem in
leues ambulationes, & aucupium partimur: illæ orexin
nobis acuunt; hoc epulas large instruit inemptas, opipa-
ras, cælo, vt olim Phrygibus Palladium, delapsas. Cupi-
do si quando animum incescit aliquid legendi, vuas lego:
ni faciam, fucorum alam ingluuiem impensius, qui nobis
epulantibus prægustatores inuocati adsunt, nec abigi se
flabello patiuntur, nisi vitam sub verbere reliquerint: tan-
tus dapis amor, tantum ingenui odium laboris, quo ger-
manæ eorum apes distinentur, mella, & quidem alienis
vsibus stipantes. Lucerna primis tenebris accenditur,
qualis Samnia illa Epicteti magno olim empta, fictilis, &
si quid ad rem facit multos habens angulos, & in his funi-
culos, vt lumen per conclaue fundat luculentius. Ad
hanc non exemplaria versantur græca, non latina: non lu-
cubrationibus incumbitur maciem corpori, erumnas gra-
ues stomacho laturis. Cui enim rei? aut ecquemnam Ge-
nio suo iratum libido tam dira ceperit vindemiali licentiæ
taliamiscendi, quæ senium ætati ferunt ante diem, hilari-
tudinem

tudinem verò furcillis arcent longè gentium ? Ego mihi
 met ipsi, ex quo huc secessi, legem hanc præscripsi, ne qua
 vel caussa studiorum, vel materia foret, vt omnino à libris
 abstinere, omnia alia agerem. Confabulationibus igitur
 nox teritur iam diei suppar ad focum linguacibus tur-
 matim etiam admissis, postquam vel ipsa vernularum
 garrulitate non indelectatum Anneum Senecam accepi-
 mus subducti supercilij philosophum. Si cui manus operi
 admouere placet, is laqueos, plagulas, retia, & si quid
 aliud est genus textilium insidiarum fallendis auibz resar-
 cit. Virtute, an dolo eas capiamus perinde ac legitimos
 hostes, racemulis nostris cladè afferentes, nihil sanè refert.
 præsertim cum secum pacisci aliter non detur, vt rostrum
 ab iniuria contineant. Vides quàm nimis auidè veluti ex
 diutina siti hauriamus libertatem, quæ sera non alio fermè
 tempore nos respicit ? Totus nobis annus, quàm longus
 est, negotijs alienis perit, imò multo verius nos perimit.
 Paucos hosce dies tanquam à difficili hero manumissi vires
 recolligimus, eisdem mox curis insumendas. Alacriorem
 vnumquemq; reddi ad labores otij honesti interiectu, nisi
 expertus nossem, humanæ conditio naturæ me condocesa-
 ceret, quæ continens quidem studium non admittit ma-
 gis, quàm trigonus obtusos vno plures angulos. Cornu
 quid rigidius ? arcus tamen ex eo factus, si assidue tendas,
 rumpitur. Lassitudo, tœdia, fastidium cum peculiare sit
 nostri corporis peculium, nullus sanè ambigo, quin eadem
 hæc ipsa, quæ modò voluptate animum afficiunt, si diu eis
 frui perrexerimus, satietatem sint nobis allatura. Audi
 Pindarum : πλισμονὴν εἶναι μέλιτος. dicentem. Idem quoq;
 de saccharo dixisset procul dubio, si suâ ætate id innotuif-
 set condimenti genus pueris dulciariorum. Sed ne ego le-
 pidus ; qui, cum ista super satietate præcepta referam
 veluti de tripode, euenturum tandem non subuerear, vt ad
 Epistolæ conspectum tam verbosæ tu quoq; fontem con-
 trahas

trahas, longitudine eius sub offensus: praesertim cum nec mellita sit, nec sesamo, ac papauere aspersa. Manum igitur de tabula depono, & te, ut opem agris opportunè feras, saluere iubeo.

E I D E M.

Mirificè sum affectus tuis litteris mi Laurenti: erant enim lepore, ac festiuitate omni delibute. Accedebat propriarum laudum acroama, Sirenum cantu iucundius. Nam tametsi eas minùs agnoscamus, sit tamèn nescio quo pacto, ut nos amor, illarum author plurimum delectet, cum subit animù nihil nisi aliquà ex parte bonù ad amari à candidis praesertim, & ijs, quos graeci nimirù, φιλόκαλους vocarent, qualè te esse mores contestantur tui. Sed heus tu, quènam ista tua est seu ironia, siue verecundia, quà tantam vim facundiae, & quidem scribendo dissimulari posse tibi persuades? silendo istud quidem praestitisses melius: nunc indicio veluti forex tu te prodis tuo, & dum infantiae falso te infimulas, Rhetorum copiam ostentas, doctis inuidendam. Non, si iactatio nimia subinanitati affinis est, demissio notam tam proiecta effugit. Suffragium, sine, de te ferat Lector, nec alienum iudicium praerueris censor importunus. Equidem cum aetatis nostrae Hippocratidas animo complector, perquam sanè paucos inuenio, qui veterum elegantiam amulari queant: quos inter tu iure profiteri nomen potes tuum, qui ita benè Romanè loqueris; ac si tibi cum Cornelio Celso summa necessitudo intercesserit. Nec sermone modò pedestri vteris, dum sedat occasio, quadrigis Musarum vectus cò iter dirigis, quò paucis deuenisse datum omni aëro, tantum, ceptis ut insistas, moneo: successus certè nec te fallit irritus, neq; expectationi nostrae minùs respondebit. Ego quidem quamuis aetate grauis in eo sim, ut Vacunè litare necesse habeam, te exemplo

plō iuvero semper aliquid noui commentando, quod, si non
vſui nepotibus ſeris eſſe poterit, me ſaltem à cogitatione
auocet triftis ſenectutis, quæ quò ad quietem fatalem pro-
piùs accedit, eò eſt inertī otio addictior. Quæ hodie benè
manè elucubraui, remota, vt ſoleo, lucerna ſuper Hero-
doto, ſi vacat, perlege. Vale.

*Herodoti hiſtoria de Phrygia gentis vetuſtate falſi
inſimulata.*

QUÀM plurima eſſe apud hunc florentis ſacundia ſcri-
ptorem fabularum figmentis, quàm fidei hiſtorico
dignæ propiora ſi dixerimus, plures ſanè habebimus, in
quorum ſententiam pedibuseamus. Multa medijs fidijs
illi Muſæ ſuæ, quarum nominibus libros conſecrauit, ſunt
mentitæ. Horum ego de numero ſi vnum eximam, falſi
non dum ab alijs compertum, diſcutiamq; paulò accura-
tiùs, non mihi videbor operam luſurus. De vetuſtate gen-
tium veteribus variè certatum fuiſſe ſatis conſtat, quos ve-
ra humani generis origo latuit, hinc Ægyptijs ſtolidè ia-
ctantibus ante quorundam exortum ſiderum ſe ortos, qui-
bus etiam nomina indiderint, inde Arcadiæ indigenis
προσέληνους ſe idèd vocantibus, quòd Lunâ ipſâ fuerint natu
grandiores. Hanc item, vide, vt diremerit tanquam ho-
norarius arbiter Pſammitichus Ægypti Rex ex Herodoti
relatu. Puerum modò genitum, & adhuc de parentis vte-
ro rubentem è gremio obſetricis tolli iubet, Regijsq; opi-
lionibus ſedulò concredi procul ab omni hominum cœtu
ita educandum, vt nullas omnino humanas voces hauriret
auribus, quas deinde conari per æmulationem poſſet, qui
mos eſt infantium, vbi ſari primulùm incæptant, caprâ
tantummodo cunabulis admotâ, cuius ille de vberibus lac
ſugeret, nec ſolus fabularis Iuppiter alituram deberet
Amaltheæ. Hunc bimulum factum Beprimam inter ua-

gitus

gitus vocem edidisse, quâ panis apud Phrygas appellatur. Inde Phrygibus adiudicatus honos mansit vetustatis, quasi soli reiectâ omni artis imitatione naturam Magistræ habeant loquendi. Hucusq; dictata sibi à Musis memorat Herodotus, quæ an probabiliter dicantur disquirendum est nobis ex promissi fide. Principiò minimè par fuit Psammitichum Ægypto imperantem, Ægyptium & ipsum, egregiam vetustatis laudem, quâ præcipuè nititur nobilitas, vltro à plerisq; omnibus delatam tam infesto animo quàm exemplo nullo inuidisse: fastusq; regij penitus oblitum id, quodcunq; est, decoris Phrygibus cessisse, nihil tale ne opinantibus quidem, ne dum iure sibi deberi flagitantibus: secus si fecisset Princeps opibus clarus, famâ ingens, minùs miraremur, qui Regum omniæ æui propositi constantiam sat nouimus in suis ornamentis retinendis, augendiq; aduersùs contranitentium seu fraudem, seu violentiam. documento sit custodia acris titulorum post amissa regna, quorum erant tituli. Hic Rex Hierosolymorum audit ab eo plusquam terdecimus, qui per alienam iniuriam ne dicam, an propriam ignauiam Hierosolyma perdidit inglorius. ille defensor fidei vocari gaudet, in quod se nomen pietas auorum olim adoptauit erga Pontificis Summi, Ecclesiæq; Romanæ difficillimis in rebus dignitatem, cùm totus in eo sit, vte ea ipsa admotis quibuscunq; potest machinis oppugnet, quæ maiores sui, vnde cognomen genti primùm fluxit, contentione virium summâ defensorunt. Et ne nostri ordinis homines suspensio, quod aiunt, vomere præteream, Alexandrinus Patriarcha Græcus (vide typhum qui solus de pristinâ fortunâ genti doctrinis olim inclytus sit reliquus) Vniuersi se iudicem in epistolis subscribit in hunc vsq; diem titulo irridendo non minùs, quàm leuem admodum ob causam adscito; vnus enim de numero Antecessorum inter nescio quos Regulos Europæ, atq; Asiæ de finibus mutuo certantes disceptator. federat
ab eis

ab eis vltro optatus. Sic est profecto. Egerrimè Reges, vrbesq; aded ipsæ decorum id genus damna patiuntur. Latio Saturnia latibula si demas, licet fabulamentorum animum simillima, non aliter id iniuriâ afficias, quàm si hærentem capiti summâ cum laude coronâ detrahas. Caietani ciues hoc vno nomine Romæ alijs rebus omnibus superiori urbem suam æquant, quod eam Æneas condidit, antequam Thuscum Tyberim bibisset. Mantuam diuiter ausaude negare: iniuriam probris incolæ vlciscentur, si qua vnquam fors te illuc perduxerit. Et dubitamus Psammitichi factum temerè confictum reputare, cuius maximè omnium intererat se, suosq; in possessione vetustatis iam vsu, ac præscriptione captâ contra cuiusvis interdictum retineri? Nomenclatore Apollonij Rhodij scholiaste vsus, auctores non postremæ notæ aliquos recenseam mihi antea ignotos, qui Aegyptijs inter mortales palmam tribuerunt antiquissimæ nobilitatis, Cosmen, Leonem, Nicanora, Cnossum, Archemachum, Hippya, chronographumq; insuper Xenagoram: quibus adiungi posset Solon apud Platonem in Timæo; Peripati lumen Aristoteles, sexcentiq; alij minorum gentium vestigijs horum insistentes. Tantæ igitur consensionis globum infantuli lallare iam tum incipientis monosyllaba vocula disijciet? nam quæ causam Arcadum potiore facere potuerant, verborum amphibologijs, atq; ambagibus vtpote innixa, ab eodem Aristotele ita diluuntur. Arcadas Peloponneffi partem montibus impositam incoluisse barbaris inde prælio prius profligatis, quod ante Lunæ exortum per obscuræ noctis silentia iniuerint, ideòq; Proselenas per militarem lasciuia transnominatos. At enim ratio Herodoti non pueri autoritate nititur, sed Naturæ rerum, quæ ipsum virgente fame panem phrygiacè pascere edocuit. Crederem sanè, nisi expertus essem, quàm difficulter pueri bimuli vberē depulsi inducantur à nutricibus, vt pane vesci velint, eoq; lentis

Ll

in pol.

in pollinem ignibus redacto, vel præmanſo ſaltem edentuli ipſi, & gingiuulis tenellis præditi; præſertim ſi copia lactis præſto ſit famem abactura. Cupidine certè panis puerum capi potuiſſe, cui nunquam aſſueuerat, oppido negauerim, à ratione iamdudum perſuaſus præcognita nobis, non ignota appeti. Lac ſi popoſciſſet lactens adhuc puer, æquiùs ferremus, nec tam facilè fabella ſuboleſceret. Nunc quis erit tam obtuſi pectoris, qui ſe non ſentiat vanis narrationibus deluſi? Nam quòd ad Be vocem attinet à Naturà ne puer eam hauſerit, an per imitationem, atq; diſciplinam edidicerit, vt pſittacos facere videmus, diſceptatore Corydone aliquo, vel Tytiro reſeget, qui apprimè calleat pecoris dialectum ſui. Nos fidem interea Varroni, ac Plauto habebimus, grammaticorumq; vetuſtiſſimo cuiq;, qui vocem illam, quæ ſecundæ alphabeti litteræ poſtea in hæſit, ouibus adſcribunt. vnde puerum Aegyptium ouili in medio eductum eam percepiſſe, conformatiſq; aptè ad id labris protuliſſe qui mirantur, ijs ſit pariter miraculo à matre nec dum adultam luſciniã modulos perdiſcere, quos ipſa ſuccedente tempore cantillat, atq; pullos docet. Nec doctrina Hærodoti luculentior in eo eſt, aut fides ſanctior, quod de Cræſi Regis filio teſtatur; infantem illum diu, mutã linguã fuiſſe, cùm per ætatem ſari poſſet; poſtea verò patris periculo commotum, cui miles non ſat ſibi noto poſt excidium Regni mortem intentabat, in ea prorupiſſe verba. *O homo ne Cræſum perime*; vehemèti nempè naturalis affectûs impetu quicquid erat ad loquendum obicis ſubitò amoliente. quaſi verò mutum à primo ſui ortu non aurium faciat obſtructio, quæ ediſcere ſermonem, proferreq; impedit, ſed aut vocis defectus, aut linguæ nodus diſſolui contumax, cui idem paterna pietas præſtiterit, quod Alexandri enſis nodo Gordiano. Nimium hæc temerè ſcribuntur, credunturq; aduerſante penitus experienciã, orbeq; Peripateticis legibus parente; quarum
de nu-

de numero hæc est, quæ iubet nos Minerva auditui debere non sermonis modò, sed disciplinarum quarumcunq; quas ingenij vis humani adinuenit.

E I D E M.

Philosophiæ coniugem te superduxisse virginem lectissimam gauderem equidem, nisi illius seu diuortio, siue domestico iurgio mouerer: scis enim, quàm parùm inter mulieres conueniat, vbi fortè de communi erciscundo lis suboritur, & si non dubitem, quæ tua est mi Laurenti equanimitas, & in omni vitæ genere solertia, te minimè omnium passurum, vt Philosophia desertam se prorsus, atq; destitutam iure conqueratur; aut nouæ nuptæ aliquid suboleat, quod zelotypum eius animum excandefaciat. Partitis, puto, operis non incommodissimè obieris id munus, si vtriusq; illarum, tuiq; met rationem habueris in primis. Nam tibi ipsi deesse, vt alijs consulas assiduus, neq; tui iudicij, neq; artis est, quæ cauet, vt citra laborem operi incumbamus. Sed ne ego leuis, qui maritis regulas præscribo cælebs, senex præualentibus; & non potius (quod mei est officij in omnes, in te verò etiam amoris) Deum, Diuosq; omnes precor, vt tibi iter vitæ, quod nunc primùm insistas, fauentes, atq; propitij fortunent, quod ne, sicuti cuius obuium, ita obitu facillimum existimans, opinione admodum fallerè, paucis, etsi satis per te sapias monebo. Ante omnia illud scias, velim, te iam congeminatum, non vt ille olim in Plauti Amphitruone Sofias, aut nugæ Platonice Androgynus; sed diuino quodam modo, mystico, arcano, à Paulo nuptiarum castarum pronubo descripto, qui maritum, & vxorem ita ferruminatione quadam mirificâ inter se conglutinat, vt ex gemino corpore vnum planè fiat. in quo, sicuti quidem, si animorum quoq; vnio, atq; concordia adesset, nemini non optandum foret ad hu-

ius vitæ munera obeunda quadrimanum fieri, aut quadrioculum; ita animis in eodem corpore veluti fœdere rupto, gladiatorio more inter se pugnantibus, nescioquid mente fingi possit ærumnosius. miserum profectò hostile bellum expertis est; calamitosa ciuica seditio; detestabile diffidium charorum: sed omnium horum omnia incommoda tanto maiore interuallo anteit coniugum dissensio, quanto est intimior. Vehiculum nescio quod curule, bigasq; equorum discordantium Plato comminiscitur, quibus anima aurigæ parentibus feratur, distrahatur, eisdem habenas non audientibus. hīs ego coniuges dissentaneos sic comparo, vt fatear exemplum à re vinci plurimum. Cùm itaq; tuus ex asse amplius non sis futurus; sed tui dimidio vxoris, summâ ope erit enitendum, vt illius animum concilies, quo dissente tibi tecum quoq; minimè conueniet. non mihi nunc necesse puto oratorem illum, qui à fœderatâ vrbe Rômam missus dissidentium à plebe Patrum animos suo dictorio composuit, hūc accersere; lepidumue illud è Musarum amœnitatibus acroama, non aliter connubiales rixas euitari, quàm si captus oculis maritus, furda vxor fuerit. nulli non hæc iam vulgata, ne dum tibi, quem etiam ignorata alijs non fugiunt. Illud commemorasse non pigebit, euentura omnia, vt volumus, si vxor studia, curas, cogitationes deniq; suas omnes intra gynæceum cohibere assueuerit, tibi, quæ virorum sunt, permiserit non iniquo animo. Sic fiet, vt partitis æquo iure inter vos muneribus, & illa Spartham, quàm nacta est, ornet pro virili parte, & tu à tua Prouincia [†] *γυναικοκρατία* v. nequissimum dominationis genus, longè arceas, nec tibi ferendum putes villo pacto, vt illa virago audiat, contra tu vxorius. Arbitror te recordari, (qui nihil memoriâ dignum obliuisci soleas) quàm non blandis verbis Venerem excipiat apud Homerum Iuppiter, quàm planè asperis Turnus apud Virgilium Calyben Iunon iam, quòd se alienis à munere suo

& Mulie-
bre impe-
rium.

suo rebus vellent immiscere. eisdem tu Tanaquilem tuam
obiurges, censeo, quoties fasces sibi arrogat marito debi-
tos, consilioq; præest inuocata. nam accersita aliquando,
sententiamq; rogata, quin respondeat, saluâ muliebri ve-
recundiâ non veto, qui legerim apud familiarem nostrum
Senecam, Octavianum Augustum ne arcana quidem Im-
perij clam Liuiâ suâ habuisse, felici admodum cuentu, re-
busq; suis saluari. licet, vt nunc sunt tempora, subue-
rear, ne Liuiarum semen prorsus exaruerit, aded pleraq;
omnes rimosæ effluunt, secreti non magis continentes,
quàm fuerit Midæ Regis tonsor. nisi fortè huius culpæ
reos maritos ducimus, qui cum vxorum suarum animos ac-
curatè excolendos, suisq; imbuendos moribus desumpse-
rint, per lasciuiam, & vaniloquentiam corrumpunt ita
statim ab initio, vt sibi uiam omnem in posterum præclu-
dant, vbi licentia illa nimium stultè hymenæo concedi so-
lita defedit, illas corrigendi. Verùm tu quidem, in cuius
caput hæc faba cuditur, cautiùs hæc caueris, dum puella
rudis, cereaq; in vitium iuxta, ac virtutem flecti, non inui-
ta, quod tu cunq; iusseris, sequetur. etenim cùm matrimo-
nium duplicem ob finem appetatur, mutæ beneuolentiæ,
& quærendorum liberorum causâ, exprimi vix potest,
quantum in vtroq; referat, cuiusmodi vitæ sociam, ma-
tremq; familiâs futuram adducas domum, probamne, ac
educatam liberaliter, an secus: vnde damnosus illorum
error redarguitur, qui vbi de dote semel conuenere, de mo-
ribus ne verbum quidem addunt ampliùs, tamquam eò co-
gitationum suarum tela iaciant veluti ad scopum, indota-
tam ne Alcestem quidem, quæ pro mariti morte vadem se
obtulit, ducturi, aut exemplar pudicitix Penelopen. quod
quàm ipsis non benè vertat, vtinam non tam multiplici
eorum exemplo foret testatissimum, qui in vxorum ære po-
tiùs, quàm in amoribus esse voluerunt, impenso empti
pretio non minùs, quàm olim venales Sardi de catasta.

Quæ

Quæ, quia te non tangunt, à me nunc dicuntur idèò liberius, vt tecum cogites, quàm tu illis multo consultius, qui tibi parem moribus, conditione, domesticâ disciplinâ, di-
tioribus prætuleris, & proauos consules iactantibus, eò
maiore commendatione prosequendus, quò spes tibi ma-
gis in proclui est illam in tuâ potestate permanfuram, fru-
gi, pudoricolam, morigeram, etsi verbum haud asperna-
ris ominis per quam boni, licet parùm splendidum, casa-
riam; quæ non tam tecum, quàm secum habiter, nec ma-
ritum, si quid cum studijs constitutum habet, Davi Te-
rentiani in morem inturbet. Vt enim eò desinat ora-
tio, vnde est exorta, præcipuè illud tibi etiam, atq; etiam
erit peruincendum, vt Philosophiam riualem ferre ediscat
paullatim, quâ cum tibi consuetudo intercedit summa, &
non nisi morte ipsâ dissuenda: nec se pluris putet, quàm
Hesterilla matrona opulenta, potens, pietate in suos cele-
berrima, quæ non nisi symbolo quodam euocata accedere
ad Regem, Regina licet, audebat. Vides, quo in casu
studiorum sis, quàm non vulgarem excieris expectationem
tui apud omnes, ex quo sola medicina, quam diligenter,
& cum cura facis, minimè contentus, præclara quæq; &
cognitu dignissima decerpis ex vniuerso doctrinarum orbe,
profectu haud tibi quidem pænitendo, sed qui laboris ad-
huc, & temporis requirat plusculum ad perfectionem il-
lam omnibus numeris constantem, quod nisi statis horis
vacationem muneris coniugalis impetraueris, addubito,
quâ sis egregijs tuis inceptis suffecturus. Nam & Miner-
uam ita dictam autumant, quia nervos minuat, & luno
marita quantum vires carpat, ipse breui tibi, credo, fidem
facies. Vale.

HIE.

HIERONYMVS ALEANDER

ALOYSIO LOLLINO.

Du est, quum libellus meus de suburbicarijs professionem ad te adornat. & quamuis non sine plausu & in Gallia, vbi ortum controuersia habuit, & alibi fuerit exceptus, timidus tamen istuc accedit. Multa sunt ad regiones Vrbicarias, & suburbicarias, quæ in tenebris diu iacuerunt. ijs aliquid se lucis conciliaffe visus est libellus hic noster, ac nonnulla protulisse, quæ à nemine sunt hactenus animaduersa. at quæ tua est eruditio, ingenijq; acumen, nihil afferre se posse confidit tuum in conspectum, quod nouum tibi sit. tua nos tamen recreat humanitas, spesq; accedit non inanis, fore, vt hac data occasione aliquid me moneas, quo nihil mihi gratius accidere poterit: vt si quid fortè recudendum hac in re fuerit, doctior, solidiorq; noster prodeat commentarius. Vale. Romæ.

HIERONYMO ALEANDRO *Viro Doctissimo.*

Næ tu studiorum meorum bono noui semper aliquid procudis mi Aleander, quæ ea nunc subtilissimis acuis disputationibus, nunc lepore reficis Musarum equestri iuxta ac pedestri facundia commemorabilis. Vel tuus iste libellus nuperus de regionibus suburbicarijs quàm feliciter audet; quàm valide aduersarium prosternt, frustra vaftris fallacijs fidentem. Sed quid ago? tu meam sententiam sedulò rogabas, ego plausum do, Genio scriptorum tuorum sane debitum, qui lectores suos ad vnum omnes Laudatores efficit, ne dum nos, quibus ob suauitatem morum infucata, non minùs quàm propter singularem eruditionem es carissimus. Perge porrò, vt cepisti, & stylo,

& stylo, quo vales plurimum, cornicum istarum oculos
 confige. nusquam studium tuum collocari poterit præ-
 clariùs. Serius nos ad tuas respondere litteras, mirari de-
 fines, cum eas sesquimestre spatium contriuisse in
 itinere rescueris. erant enim scriptæ Idibus

Octobris, qui mensis vides quantum à

Iulio distet in Augusti Calendas

iam præcipiti, neq; ideo mi-

nus iucundæ, nobis ac-

ciderunt, quàm

si Abaris sa-

gittâ

vectæ citius dicto

aduenissent.

Vale.



ALOY-



ALOYSII LOLLINI
EPISTOLARVM.

LIBER TERTIVS.

Scipioni Cardinali Cobellutio.



Bibliothecam Vaticanam omnium, quas huius
æui Principum sumptuosa instruxit elegantia,
luculentissimam, tuæ curæ creditam non tam
tibi gratulor Cardinalis Amplissime, qui spi-
rans Bibliotheca meritò haberis, quàm gra-
tioribus Musis, quarum ex re fuit Virum omnis doctrinæ
arcanorum conscium suis præfici Sacris, non fabularibus
illis, poetarum carmine extructis, sed quibus feliciū ingenio-
rum monumenta continentur, quot temporum procellam eua-
sere. & verò qualis thesauro isti comparata non vilescat
gaza, qui mortalium animos eo auri genere ditiores reddit,
cuius Plato cupidine flagrabat, vulgarium opum maximus
contemptor? Non alias arces Pallas Sophiæ præses incolit
libentius, quàm istas, ex quo Atticas illas à se conditas
Thracia diruit barbaries. Pallas inquam, non Cecropia
modò, verum Romana, Assyria, Hebræa; & si quæ alia
extat eruditorum studijs exulta. Huic ego te provinciae
admotum quasi Triptoleum alterum suspicio, breui fo-
re ratus, ut frugibus ex difertissimis istiusmodi horreis de-
promptis, litterariam annonam laxes, ac locupletes usus
artis typographicae industriâ: qua fit, ut præclarissimo-
rum autorum scripta non secus ac semina agricolarum cu-

M m

ra ter-

rā terræ credita centeno plerunq; fœnore succrescant. Aut
 ego vehementer erro, aut non conuenientius aliā viā cas-
 bus occurritur, quibus eiusmodi Musarum opes olim sunt
 accisæ. Nam tantum memoriā fidere portentosum puto,
 & Ægyptiorum iactantiæ per simile. Præclarè nobiscum sa-
 nè ageretur, qui antiquā librorum lectione capimur, si ars
 commendatione omnium dignissima aut inuēta maturiūs,
 aut in illis operibus edendis maximè adhibita fuisset, quæ
 ætatem egregiè tulerunt inter tot aduersantis fortunæ, ac
 temporum iniurias. Non id mihi sumo, vt te Virum ad
 exemplar natum aliorum exemplis moneam; neq; tamen
 mihi ipse imperare possum, quin commemorem Francisci
 Gallorum Regis Inclyti consilium, cuius autor præcipuus
 Ianus Lascaris fuisse fertur amplissimis legationibus non
 ignotus. Codices venerandæ vetustatis è ruinis Græciæ
 ereptos instituerat ille sui sæculi Phænix pulcherrimis cha-
 racteribus excudendos tradere, iamq; specimen eius rei
 dederat in Synesio, Philone, alijs, quorum libri Adriani
 Turnebi operā (is tum typis præerat) leguntur, Regiæ li-
 beralitatis erga eruditos omnes monumentum; nec aliò re-
 spexit Principum Hetruscorum studium, quorum auspicijs,
 Petro Victorio accurante, prodijt Porphyrius, Hipparchus,
 & qui vnus Bibliothecæ instar fuerit Clemēs Alexandrinus
 Panteni Martyris discipulus. Verū hęc tu meliūs, cuius
 præcellentis doctrinæ, atq; amplissimæ dignitatis interest
 imitatione digna meditari, & quæ narret per sua sæcula
 posteritas. Ego ita te perfuncturum pulcherrimo isto mu-
 nere confido, vt non addubitem sponforem me dare bonæ
 expectationi prolixe in publica commoda tuæ volun-
 tatis. atq; vtinam ne onus senectutis, cuius limen tero hu-
 meris incumbens prægrauaret vires, me non tam præclari
 laboris suasorem, quā ministrum sedulum haberes. Nunc,
 quod possum, ne asymbolus omnino ad consilium
 accessisse dicar, quæ mente agitem paucis exponam. Diu
 est,

est, cum è Patmo penitissimâ Aegi maris insulâ missis eò
 exscriptoribus ad me conuehentos Venetias codices cu-
 raui, græcos, maiori ex parte nondum editos, qui apud me
 visuntur vnâ cum pluribus alijs haud promptis inuentu,
 vetustis, calamoq; exaratis voluminibus: inuisenturq; dum
 viuam, huius solitudinis, quam incolò, fidi, atq; omnium
 horarum comites. Post obitum verò, cum subuereri mihi
 veniat in mentem, ne maximâ impensâ, & labore parta di-
 labantur, præsertim nullo Lollinæ gentis hærede nobis
 succrescente: iccirco communi bono, Sanctæq; Romanæ
 Ecclesiæ in primis commodo, cui summæ curæ huiusmodi
 supellex omni æuo fuit, cupiens consultum, in hanc co-
 gitationem deniq; deueni, vt Bibliothecæ Vaticanæ, cui
 tu nunc præsides, omnes meos manuscriptos Codices lega-
 rem, & quicquid interea orij mihi obagisset, totum id ver-
 tendis in latinum græcis autoribus impenderem nondum
 euulgatis. Hæc mea mens, quàm sit tibi non improbari
 intellexero, dabo operam, vt solemni iuris subsidio firme-
 tur. Rem Ecclesiæ vsui futuram duo amplissima eius lu-
 mina testati sunt Cæsar Baronius, & Iacobus de Perona
 Cardinales, quorum alter Venetijs Libros hosce vidit, per-
 uoluitq; non indiligenter, alter nonnulla ex ijs excerpta
 suis eximij operis annalibus intexuit. Sed ne ego, dum ge-
 nio indulgeo (feror enim in id genus lautitias Musarum
 paulo effusiùs) non tam eximie tuæ dignitatis, quàm pu-
 doris mei sum planè oblitus. Finem igitur faciam tuis gra-
 uioribus curis obstrependi, Deum adprecat, vt te com-
 muni spei bonorum, Ecclesiæ, litteris conseruet. Vale.

SCIPIO CARDINALIS COBELLVTIVS

ALOYSIO LOLLINO.

Fateri equidem debeo pluris mihi esse Bibliothecarij
 Apostolici munus, posteaquam eo te mirificè lætatum

Mm 2 intelle-

intellexi; pro meo enim erga te studio, & ex laetitia tuâ voluptatem capio, & tuo iudicio delector. Quod me ad Codices Vaticanos edendos hortaris, pro amico facis, atq; ipse à sententia tua non discedo. quàm sit res tamen impedita, ac difficilis Sixti Quinti, & Clementis Octavi summorum Sanctiss. Mem. Pontificum, qui in eam curam incubuere, exempla docent. Curabo ego, ne mea de Republica benemerendi voluntas desideretur. Consilium tuum de manuscriptis Codicibus, quos domi contines, quanta sit dignum laude, eloqui procliue non est, cum pietas, quæ cum prudentia coniungitur (vtraq; in eo est) satis commendari non possit. Nisi verò existimarem magnam otij tui partem in ijs libris euoluendis positam esse, fortè suaderem, vt sententiam paululum mutares: subit enim animum meum, quàm sublesta esse soleat fides posterorum, quamq; facile ab obitu decreta nostra, non cogitatio sed tuæ erunt partes peruidere, ne successu careant tua vota: tibi casus interuertant. quantum sim hoc nomine debiturus, nunc nequeo statuere: immensum, vt spero, erit. Vale, & meo inseruendi tibi studio vtere. Romæ.

SCIPIONI CARDINALI COBELLVIO

ALOYSIVS LOLLINVS.

NEcdum Librarius Dionysij Alexandrini exemplar exararat, lentus ille quidem, & calami ad celerem scriptionis cursum non aptissimi, cum mihi venit in mentem subuereri, ne munus non tanti sit, vt tam longam expectationem sustinere possis. Statui igitur Illustriss. Dom. Archetypum ipsum pro exemplari neographo; Dionysium geminum pro vnico ad te transmittere, ratus Bibliothecæ Vaticanæ, vni omnium instructissimæ, ac celebratissimæ magis conuenire volumen non tam vetustate, character-

raſterumq; elegantia conſpicuum, quàm Theodoræ Regi-
næ ſtudio in litteras præclarum. Nam eius auſpicio de-
ſcriptum Iambici teſtantur, veſtibulo operis præfixi. Tuæ
erit benignitatis Vir ampliſſime hoc qualecunq; monu-
mentum mei erga te, pijsq; adeo generis Parentem Beatif-
ſimum obſequij boni conſulere, cuiusq; Maieſtatem, niſi im-
portunum videbitur, venerari meis verbis. Deus te Illu-
ſtriſs. Pater quàm diutiſſimè incolumem, florentemq; ſer-
uet, quod dum precor, non modò pro te vota facio, ſed
pro ſtudijs, litteriſq; noſtris, in quorum commoda ætatem
impendis eò conducibiliorem Reipublicæ futuram, quò
longiorem. Vale.

SCIPIO CARDINALIS COBELLIVS.

A LOYSIO LOLLINO.

MVnus fuiſſet præclarum, Dionyſij exemplar, quod
mittere conſtitueras, ſed (quæ tua eſt animi virtus)
voluſti mittendo Archetypum, vel Theodoræ Reginæ no-
mine ſuſpiciendum illud Regium vt eſſet. Propterea ma-
ximas tibi gratias agere exiguum puto, malimq; exiſtines,
nihil eſſe tantum, ad quod non ſim tuâ cauſâ paratiſſimus.
Pergratam vero Santifs. D. N. accidiffe hanc obſequij te-
ſtificationem ex Breui, quod his adiunxi, cognosces. Quod
ſuper eſt, quotieſcunq; quid ſignificaueris, in quo me tibi
vſui eſſe poſſe cenſueris, dabo operam, vt meam inſeruien-
di tibi voluntatem res ampliùs declaret. Vale. ex Vrbe
7. Martij 1620.

PAV.

V*E*nerabilis frater salutem, & Apostolicam benedictionem.
 Dionysius Areopagita, qui in antiquo codice doctis-
 simis Commentarijs illustratus Fraternitatis tuę munere ad
 nos peruenit, tanti apud nos est, quantum & doni ipsius
 dignitas, & eius, qui donauit, egregia virtus, ac merita re-
 quirunt. Exornabit in posterum nobile hoc opus Biblio-
 thecam nostram Vaticanam, sed non exiguo cum Frater-
 nitatis tuę ornamento; quorū quorū enim eruditi Viri ex va-
 rijs mundi partibus ad hanc ipsam Bibliothecam inuisen-
 dam, & perscrutam vnquam accedent, procul dubio
 tui memoriam debitā cum laude vsurpabunt, tuamq; li-
 beralitatem commendare non desistent, quippe qui com-
 muni studiosorum bono benignē prospiciens, quę res prius
 tuo tantū priuato vsui deserviebat, eam deinceps ad pu-
 blicum commodum celeberrimo in loco exponendam de-
 deris. Nos equidem sicuti accepti doni magnitudinem
 æquā lance pensamus, & tuum maximē promptum ani-
 mum in re tibi charissimā largiendā plurimi facimus, ita,
 cū vsus venerit, perspicuē demonstrare conabimur,
 quantus sit noster in te paterni animi affectus, & quā gra-
 to semper, alacriq; animo, quę ad tua commoda pertinere
 vnquam intelligemus, exequi studeamus. Dominus Fra-
 ternitatem tuam cælestibus donis quotidie magis augeat;
 & Nos iterū tibi Apostolicam benedictionem toto ex ani-
 mo impartimur. Datum Romę apud Sanctam Mariam
 Maiorem sub annulo Piscatoris die duodecima Martij.
 MDCXX. Pontificatus nostri Anno Decimo quinto.

SCIPIONI CARDINALI COBELLVIO.

NOmen meum tot modis apud te Illustris. Dom. in expensi tabulas relatum soluendo expungere qui possim, si vel eo ferme tempore, quo de meo exiguum quidpiam in solutum accipis, nouo me beneficio obstringis? Nimium te meritorum tuorum immemorem facit singularis tua erga me humanitas, quæ, quasi parum foret non crebro appellare lentum nomen, eò se etiam demittit, ut gratias propè habeat, quoties in me vestigium officij aliquod apparet. Persta in hac propositi ratione Vir Amplissime, beneficiaq; tua haud imputando in immensum auge. Me, ut alia omnia desint, ab ingratitudine vindicabit animus non tam capax gratiæ, quam memor. Responsum ad Sanctiss. D. N. litteras, paternæ indulgentiæ plenas tuâ benignitate fretus ijs adiunxi Sanctitati suæ, nisi importunum, aut tantâ sacrosanctæ potestatis maiestate inferius videbitur, reddendas. Deum precor Illustris Dom. ut per diu mihi præsidio tuo, litterarum studijs, fauoreq; uti liceat tam propenso. Vale Belluni die xj. April. 1620.

SANCTISSIMO D. N. D. PAVLO V.

Pontifici Maximo.

Nimirum hoc deerat lætitiæ meæ cumulandæ, quam ex eo mirificam percepi, quod Dionysij Areopagitæ opera in istâ arce Vaticanâ doctrinarum, celeberrimòq; Ecclesiæ armamentario aduersus vim hæresum sacraueram, ut mea Beatissime Pater in te pietas non modò tibi non ingrata, verum etiam singulari contestata foret benignitatis declaratione, quæ sunt Sanctit. tuæ litteræ refertæ. Munus equidem accepisse, non dedisse videor ab optimo, ac magnificentissimo Pontifice sic remuneratus: cuius ego in obsequium

sequium etiamsi quicquid vel ingenium tot fretum annorum studio, vel industriâ crebris opportunitatibus vsa in suppellectile librorum comparanda eniti poterit, impendero, non iccirco plus mihi eo deberi nomine, quam membris humani corporis putabo, cum aliquid, quod ad capitis dignitatem, aut vsûm attinet, conantur. Satis mihi præmij, satis est honoris in tuæ Sanctitatis iudicio repositum. Hac mercede mea studia, curæq; placent de Bibliotheca Apostolicâ ornandâ. Quæ & quia Amplissimo Sanctæ Susannæ Cardinali non ignota sunt, ut ne tua tempora morer in orbis Christiani regimen infumî solita, non hîc commemoro: sed publicis votis preces meas addens, post demissam pedum beatorum osculationem, Deum oro, ut Sanctitatem suam per diu terris suâ vice præsidere velit.

SCIPIONI CARDINALI COBELLVIO.

Ioannis Pierij Valeriani Viri vnde quaq; doctissimi posthumus hic de calamitatibus litteratorum factus nescio ab argumento ne operis, an à parentis fato omen ceperit: certe non admodum mitiore est fortunâ vsus, quam quos situ comprehensos tenet. homines probos illos quidem, atq; eruditos, verum ærumnâ, panisq; quod dici solet, lucendis genitos. Nam in custodia perquam diu nimis arcte habitus, ad nos tandem venit à blattis semiosus, squalens, & qui tutores suos malæ tractationis vel tacendo facile argueret. Hunc ipse tot inter aduersæ fortis iniurias, ore referentem genitoris elegantiam, non illibenter agnitum excepi, curaviq; sedulo, ut deterfo situ, resumptoq; liberali cultu pedem limine efferre, luci q; se credere auderet, in qua fratres eius iam pridem non obscuri degunt, conciliante illis famam apud omnes Genio, eruditioneq; minime vulgari. Restabat ut materiæ atrocitas aliquâ ex parte demitigaretur, cui enim (modò non Timoniâ naturâ prædito)

dito) non ille tabile fuerit acroama multiplex tot litteratorum hominum, aliâq; super aliâ incidens calamitas? Huic quoq; incommodo, vt mea fert opinio, obuiam est itum libro ad te Cardinalis Amplissime transmissio, cuius ea est doctrina, ea dignitas, vt nemo, aut perquam rari inueniantur his temporibus, his moribus, quosquæ ac te concordia euehat conspirantiori par Virtutis, ac Fortune fauor. Si qua modo Fortuna in rebus est; nec eius quoq; partes perspecta omnibus virtus, probitasq; occupat. Erit humanitatis tuæ munus, quod verbis ornandum haud suscipimus, non tam boni consulere, quàm nostris in te studiis, ac pietati potius fauere: dum ipse orare Deum pergo, vt ad summas tuas Virtutes summam felicitatem adiungere dignetur.

SCIPIO CARDINALIS COBELLVTIVS

ALOYSIO LOLLINO.

Postumus Pierij liber, à quocunq; accepiſſem, ob auctoris famam non iniucundus fuisset; à te verò missus, & tuis verbis ornatus non potuit non maximè gratus esse. Quare velim, existimes eum à me libenter lectum iri: multum debeo humanitati tuæ, cupioq; vt assiduè meum in te studium re ipsa agnoscas. Vale.

HIERONYMO ALEANDRO.

Quid imprecabor supinæ librariorum negligentiae dicam an inscitiae? quæ meum flagrans in te studium moratur, ne petitioni omni ex parte satisfaciatur tuæ, nisi vt eorum scripta in cariosis bibliothecarum pluteis, puluere inexcusso blattas alant. Hercules sanè labor mihi in tenui admodum re fuit exantlandus, dum Gallicas schedas conféro cum veterinovo codice, qui apud me est, nec profi-

N n

cio

cio hilum: adeò in illis deprauata omnia, in hoc haud multò emendatiora. Nec erat negotium eiusmodi, quod quod vicariam vllius operam admitteret. Equidem non dubito te experiendo pro tuâ eximiâ eruditione didicisse manuscriptorum characterum anormem, & plerunq; legi recusantem exarationem anagnostas rudiaros requirere, & non rudes adhuc græcarum vocularum psittacillos, quales in contubernio *διχοπέρτους* habeo, haud multò quàm Cæsaris salutatores olim fuerint, facundiores. quicquid tamen expiscari potui (quod sentio, quàm sit exiguum) his litteris insertum ad te mitto. Quod ad patientiorem hiatum attinet, vix illum quidem M. Curtius cum totâ suâ gente, arbitror, expleuerit manibus deuotus, ne dum meus liber, cui par ferme incubuit calamitas: licet sit, quantum ex fimbriâ de peplo capere coniecturam potui, non nihil Gallico correctior. Vellem in re maioris momenti non ita tamen impeditâ mei erga te amoris periculum fecisses. Hortor, facias. studiâ tua omnia studio præuertam meo. Vale.

HIERONYMVS ALEXANDER.

A L O Y S I O L O L L I N O.

Distillationibus capitis & stomachi imbecillitate diu afflicatus, seriùs, quàm debui, gratias ago, Antistes Illustris. de collatis tam humaniter schedis Gallicanis cum tuo Pachimeriano codice. qua in re quod scribis laborem penè Herculeum abs te exhaustum, non equidem miror, qui sciam, quantum molestiæ afferant isthæc etiam minima, vt non iniuriâ æquè sudasse aduersus culices Hercules dicatur, atque aduersus leones, apros, hydras: ac propterea claro non minùs cognomento sit appellatus, quàm quod ex deuicta Africa Scipioni adhæsit. Qui operam interdum in euoluendis manu exaratis codicibus Græcis præ-

præsertim impendunt, scient, me nequaquam iccari. mirum verò, quantum inturbent, quæ in ijs libris deprehenduntur diuisiones, quas certum est non esse ab auctorum manu; itaq; ordo in ijs varius cernitur, pro arbitrio, uti credo, exscribentium, vnde in collationibus difficultas. Sed bene sit huiusmodi difficultati, quæ & me magis obstrictum tuæ reddit humanitati, & politissimam, floribusq; elegantiarum, ac suadæ medullis refertam abs te epistolam elicit. quæ quidem epistola aded mihi saluam mouit, ut iam impatientius posthac sim laturus quancumq; interieceris moram in ceterarum editione. Siquidem significauit mihi Persicus noster, selectarum volumina epistolarum in promptu tibi esse, quæ cur tamdiu scrinijs lateant luce dignissima, & miror & indignor. Iamq; te obtestor, ne tanto nos bono diutius fraudes. Quoniam verò non dedignatus es interdum meas esse aliquid putare nugas, haud nunc verebor versiculos ad te mittere in nuptias Sulmonensis Principis à me conscriptos. eos saltem à materia, & breuitate non improbabis. Vale doctissime, amplissimeq; Domine, meq; in ære tuo totum esse pro certo habe. Romæ.

MAFFEO CARDINALI Barberino.

nunc Sum. Opt. PONTIFICI Eruditissimo.

CArmen tuum Eminentiss. Domine pro dignitate laudare iuxta atq; æmulari, Icarivolutum sanè arbitror. vtrumq; nobis inconcessum, qui minores Musarum tibi inflamus. Mirari ergo liceat, si laudare non datur, Romanis olim vatibus intentatos numeros, ingenij feliciter ardua quæq; audentis iuulem, verborum eximium nitorem, sententiarum verò eam granditatem, quæ tubæ, nedum lyre sit supersutura. Hæc sententiæ loco retulissim, si is ego essem, cui rogari & munere competeret, quid de ijs sentirem. Nunc tanquam vnde numero litteratorum

N n 2 mibi

mihi satisfuerit è summâ caueâ spei Pieridum surgēti plaudere; studijsq; nostris non minùs, quę te tali vindice fultra refflorescent, quàm mihi ipsi gratulari, cui procul ab Urbis, & præclarorum hominum luce hanc alpem, & parùm abest, ni dixerim, solitudinem meram incolenti contigit ita tibi innotescere. vt à nunquam viso cliente, & à quo luculentum cognitorem requirere iure potuisses, per epistolam compelli non omnino iniucundum tibi fore præstanti virtute Viro Abbę Angelo Gryllo familiari in colloquio significaueris. Quam ego in tanto dignationis fastigio humanitatem tam expromptam, tam (dicam, si permittis) hodie insuetam haud minoris facio, quàm audis exoticę mercis institor grandiorum semodium margaritarum. Equidem cùm paria facere tecum non queam, ingenio, opibus, titulisq; impar, eodem (quod vnum possum) sponse posthac vtar summę in te meę pietatis, obseruantię, officij, quò tu parario, vt totus in ære tuo essem, vti voluisti. Eidem, si quid tanquam ex quercu porrò exculpsero, auribus tuis non planè indignum (post quam id te quoq; nō nolle intellexi) mittā, vt [†] ἐν παραλλήλῳ facile dignoscas, quantum inter carminis tui nectar differat communemq; omnium nostrām saporem, [†] οἱ πόθεν τῶν ἐκ πίερας οὐ μετεχόμεν. Vale Vir sæculo tuo maior, & sacræ istius tuę purpurę fulgori, humanitatis, quod facis, eloquentię, doctrinę decus adde, illa te Regibus dignitate æquat, hoc in omne æuum famę rerum dabit, Principem eruditionis inuident, do elogio dicendum,

† Ex comp
paratione.

SCIPIONI CARDINALI COBELLVIO.

Non sum nescius optimę plerunq; mentis cogitata inopinis inuerti casibus solere: puto tamen in hanc curam summę incumbenti mihi succursurum aliquid, quod spem exploratam faciat, vel potius fiduciam, fore, vt is
confi-

consilium meum exitus sequatur, qui maximè mihi in op-
tatis est, ne videar voluntate tantum ad promouenda litte-
rarum studia, istamq; Bibliothecam ornandam accessisse.
Id cum Reipublicæ causâ ob ingentia tua erga me sim offi-
cia facturum, non committam, ut frustra egregijs pollicita-
tionibus de eâ laude quicquam delibasse dicar, quæ non
nisi absoluto operi debetur. Interea hæc apud me cura ex-
cubabit maximè, ne sine aliquo fœnore còdices mei Græci
manuscripti, etsi aliquanto seriùs, Romam perferantur.
Mea de Bibliothecarij munere tuæ Amplitudini delato gra-
tulatio non clam Musas fuit. quid enim eas fallat, quod
ad te pertineat? Id ex eo carmine cognosces, quod ad te
mittimus obseruantia erga te nostræ monumentum. Vale
Vir istâ dignitate maior, & nos humanitate solitâ com-
plectere.

De Bibliothecarij munere Scpioni Cobellutio
Cardinali amplifs. delato.

P Allenti facie insignes, & imagine macra
Hæres gaudete orti melioribus annis,
Quorum vernat honos laudum, pluteisq; dicantur
Æternis monumenta styli mansura disertis,
Quæ Vaticanis spatiosa palatia clint
Erigit æthereas orbis Roma gemula in auras.
Purpurei flos ille Chori, Themidisq; Sacerdos
Scipio vester amor; cui nil nescire dedit mens
Ardua, & in dubijs spectata industriarebus,
Hanc curam adiunxit titulis ingentibus aulæ
Ornandæ, quæ docta sacris comprehensa papyris
Musarum dictata fouet, seruatq; draconis
Non ut cura vigil flauipomenta metalli
Hesperidum, Cereris verùm ceus semina solers
Tryptolemus congestit opem laturus aratri

Igna

Ignaris, segetisq; solo flauentis: in vrbes
 Non aliunde Italas sapere olim aduenit ademptum
 Post decus Imperij Graiorum, incensaq; flammis
 Palladis hospitia Et Musarum, Cecropis arces
 Hellepontiaci excidium ac miserabile regni
 Illa tempestate ferunt ad Tybridis vndas
 Migrasse extorris Sophiae instrumenta Pelasgis
 Consignata notis. Pindi veneranda supellex
 Hac fuerat, dum graeca stetit res: omine fausto
 Ditatura animos, nostris nunc clauditur arcis
 Gaza ingens, nitidis rubri maris hanc ego gemmis
 Anteferam, & Persarum auro, vulgare palatum
 Ni sapit, atq; mihi capta ad sublimia mentis
 Sensus hebet. pluteis accedunt sacra Pelasgis
 Scrinia Romulidum: sinuosa volumina Idumes
 Palmifera auctorum Assyria longo ordine chartae
 Quam versare labor fuerit non irritus: inde
 Namq; exorta salus primū mortalibus agris,
 Gargara tanta forent nobis ne ignota bonorum,
 Pontificum pia cura olim perfecit, anoram
 Dum proavis Sophiae sacram iubar affulgebat
 Bessario: cui nostra parem nunc te extulit atas,
 Murice qui Tyrio caput, & virtutibus ornas
 Palladij spectus, caelo demisse sereno.
 Desoret auxilium miseris ne grande camenis:
 Victa situ neu prisca olim exemplaria, gentis
 Reliquiae Danaum, & nigri de faucibus Orci
 Praeda crepta, foret subitis obiecta periclis.

SCIPIO CARDINALIS COBELLVTIVS.

ALOYSIO LOLLINO.

DE carmine quod nuper accepi, mirum, quantum te
 amo: est enim pulcherrimum, hoc est tuum, à quo
 nihil

nihil vnquam accipio, quod non sit maximè carum, atque iucundum. Quæ verò de nobis dicuntur, amorì tribuo, & mori. Vellem sæpe, sine tuo tamen incommodo, tua ad me mitti, videlicet quod doctrinæ, & amoris tui notis frui assiduè opto. Verùm & pro egregiâ voluntate, quam ad Vaticanam Bibliothecam ornandam affers, ingentes tibi gratias ago, cupioq; vt eam solùm, quam voles. curam in re ista defigas; nam quicquid erit, quandocunq; acceptum benignitati tuæ referetur, & nominis tui monumentum in amplissimo loco in perpetuum manebit. Promptum meum inseruendi tibi studium non commemoro, quod cogitare satis per te potes, quodq; mallet re ostendere, quanti eximia tua merita faciam. Vale, & me amantissimum tui amare perge. Romæ.

SCIPIONI CARDINALI COBELLVIO.

Non erat cultus erga te mei, ac pudoris, quæ in priuato luctu animi à mœrore auocandi causâ conscripseram, ad te eâ Virum amplitudine, ac doctrinâ mittere. Sed humanitas effecit tua, vt nec fastigium istud Dignitatis, summæ in terris proximum, nec censuram iudicij vererer, quo te plurimùm pollere fueram expertus. Significaras enim postremis ad me litteris te Musarum nostrarum foetura non indelectari; iubebasq; tuo sanè iure, sub rogantis specie, vt tibi impertirè, siquid nō extrito ingenio dignū elaborassè. quod facere me libentè, nolenti tamen animo, si dixero, non ambages loquar; sed mentis hæsitantiam expressero, cui fixum, immotumq; perinde est, tibi parère, ac diutiùs dictata premere. Accipe ergo carmen me neq; iubente, neq; sciente editum, quo funus amici profectus fueram optime de Republicâ, & studijs litterarum meriti; & me, cum cohortem clientium cogitatione animi recensens, ijs adnumera, qui tuis summis beneficijs obstricti

vnice

vnice te colunt. Deus te Illustris. Domine diu incolamem, florentemq; seruet Ecclesiae, litteris, nobisq; quorum es praecipuum praesidium.

SCIPIO CARDINALIS COBELLIVS.

ALOYSIO LOLLINO.

Est amoris tui erga me, & mei in te vicissim, vt tuis scriptis non caream; mirifice enim insigni doctrina tua, & eruditione delector. Itaq; pudorem illum non probo, qui te moratur, cum quid ad me mittere cogitas; siquidem eum amicitiae fructum imminuit, quem videor & voluntate tua, & iure quodam meo exigere posse. Lacrymas, quas nuper misisti, nullis non laudibus dignas arbitror, de quibus, vt debeo, tibi gratias ago. Si non omittes, cum quid aliud pepereris, dare operam, vt ad me perferatur, multum hoc tibi nomine debebo. Studium meum erga te pluribus non commemoro, quoniam eo, mallem, vtereris, quod quotiescunq; facere volueris, illud certe singulare & perpetuum agnosces. Vale. Romae.

MAFFÆO CARDINALI Barberino

nunc Sum. Opt. PONTIFICI Eruditiss.

Eκστατικὸν ὄραμα sententia dia est D. Dionysij Areopagitæ τοῦ ἱσαποστόλου. Summates tantus ille Deus fastigij culmine demittens, è contemptibus infirmates erigens eam coniunctionem parit animorum, immani plerunq; conditionis intervallo inter se distantium, quæ, absque eo esset, nunquam coalesceret. Idem tibi Eminentiss. Domine, mihiq; accidit. Vterq; nostrum statûs sui, fortunæq; immemor fines transiliuimus; tu facilitatis, ego confidentiæ; sed tantisperfanè, dum ἰσοπέδια illam ἀνιστον assequeremur, quæ fundamenti loco amicitiae subternitur, neruat.

neruat. Posthac neq; tua facilitas maiestate eâ apud me caritura est, quæ illam addecet; neq; mea confidentia timore, subinde me disparitatis admonente, quæ inter vtriusque censum intercedit summa. Nam, vt fulgorem Tuæ istius purpuræ præteream, qui mihi eximius licet, non addo oculos perstringit, vt non videam tibi esse cum alijs communem præstantibus quidem Viris, ac lectissimis, sed quibus numerus ipse adimit, vñci ne sint; animi amplissimum istud munus supereminens, ingenijq; diuini dotes quænam æquabit laus quamvis operosa, & pigmentis Rhetorum plurimum adiuta? Tu Quiritium iura non è canosis barbarorum lacubus, vt pleriq; ferè omnes hodie, sed de fonte Romanæ vetustatis, ciuilibq; Philosophiæ hausta cæteris doctrinarum generibus, quibus ^{† ἡ ἐγκυκλοπαιδεία} constat, ita coniunxisti, vt & res tibi vbertim suppetant, ^{† Doctrinatum est.} quas ornes, & copia orationis etiam superfit, quæ eas ornes tam numeris vinctæ, quàm solutæ. quod sanè præclarum decus omni æuo quàm non promptum repertu fuerit, raritas declarat exemplorum. Vnus de tam multis Græciæ, studijs excultæ nationis autoribus secundum Platonem doctrinarum omnium parentem Synesius fortasse exitit, ille sæculi sui iam tum in barbariem vergentis phenix, cui gloria singularis mansit geminæ facundiæ, siue carmen meditaretur, seu ^{† λογους} conderet. De Romanis certè ne ^{† Sermones pedestres.} minem faciliè inuenias, postquam nec Ciceronis Musa à sibilo intacta fuit, ipso rerum in foro potiente, & Martialis non insulsi Vatis epistolæ tamquam eius carminibus indigne iure exploduntur. Verùm hæc de te tecum loqui Princeps Eminentiss. nec animi me finit tui moderatio, neq; meus pudor infacundus, atq; penè infans laudator. Dabitur commodior præconijs tuis locus, si mihi tam felicibus curis superesse dabitur, adcritq; vocatus Apollo. De me sanè paucis præfabor, ante mea quàm scruta explicem, non vt emptorem cupidum inueniam (haud ita Suffænum ago)

O o

sed

sed ne tibi iubenti aliquid negare videar, cui Superi negare nihil. Ego litteris Græcis leuiter à puero imbutus, prouectâ iam ætate Romanæ facundiæ autores attigi præceptoribus quidem vsus sedulæ in bonis artibus tradendis operæ, sed quibus tarditas mea obstitit, quominus sementi me sis responderet. Si quid igitur in linguâ hospitâ profeci, quod sentio, quàm sit exiguum, totum id illis debeo, labori; improbo, vnde præsidij aliquid quæsiui, ingenij solertiâ diffusus. Quod ad Poëticam facultatem attinet, qui ad Parnassi radices vix accesserim, sæpe numero mecum sum miratus, quo pacto Musis innotescere potuerim. nisi fortè vt Satyrarum scriptori olim indignatio versus faciebat, ita mihi insomnia (ea enim pro somno est) nocti; penè Herculæ longitudo, quibus totis indormiendis non sum satis, præsertim à cæna, somni commeatu imparatus, quæ mihi vel nulla, vel sytalâ est breuior Laconicâ. Habes meæ venæ Hippocrenem, vnde carmen non modo profuit lutulentum sæpè, inelaboratum semper ac inconditum, verùm etiam si quæ, ante gallus quàm canat orthium, pedestri oratione haud multo cultiore commentatur, quibus non ab re titulum præfiximus ^{+ ἀλυσαν} lucubrationum, quia quamuis noctu euigilata sint minimè tamen lucernam olent. Hæc quod non ^{+ ἀνέκδοτον} prorsus, & pascendis tineis damnata domi consenescent, tuum est. Tu nocturnæ Musarum mearum ora euocas in lucem, censuram iudicij tui haud sanè latura, nisi illud fauor, quo nos complecteris, demitigare. Præmittimus igitur ex omni scriptorum nostrarum genere gustûs causâ nonnulla, vt iubes, alia subinde atq; alia daturi, modòne mercem indicatura ipsa minuat, mangonio nullo commendata, neq; enim infecunda contigit mihi infacundia, sed quæ vigilasse me arguat plus satis, profecisse parùm, serum studiorum, & quibuscum hîc de elegantioribus studijs sermones conferam, minùs abundantem. Epistolam grandem, nec

tuo-

tuorum temporum, quæ tandiu morari iam sit pudor, votis claudam, vt Deus te Eminentiss. Domine Reipublicæ, litterarumq; bono natum perennare velit omni affluente prosperitate. Vale.

LAURENTIO PIGNORIO *Patauino*.

HVgonis Grotij Syluam abs te missam in suburbano secessu vacuus perlegi. rogas qualis visa? dicam equidem meo more liberè. Si quæ Syluæ consule sunt dignæ, inter illas hæc nomen profiteri meretur suum ampliori, quàm Viburna cupressus Papinianas vincens intervallo. Huius ego sub vmbra Aonio nemore relicto Musas spatias dicerè, si in bicipiti Parnasso ita somniassem, vt Poeta fierem ex tempore. nunc fermone de triuio petito narro tibi carmen neque publici saporis, neq; nostri sæculi videri eiusdem Iambos, & elegos non peruolui semel, vbi crucem figit ingenij obtusioris coniectoris, dum anquirunt anxie, ecquid nam rei arca illa fuerit, cui ipse ^{+ Præmia liberatio- nis.} *ζῶσα*, & pileum debebat haud minus, quàm Scipioni Africano Q. Terentius Culleo. En quò linguæ flos, leposq; abiit, quàm à Latio procul, quàm à Græcia procul. vbi nunc (vide vices) vix humanè incolæ loquuntur, ne dum eleganter. Septuaginta discriminibus inter se diremptos captiuæ Græciæ dialectos tradunt, qui nouere: quas inter Attica ruditate longè eminet, illa olim Musarum sermonibus seposita. Desinamus ergo eruditionis causas tribuere regionibus terrarum, aut cæli plagis, labore artium Minerual (nec vero iniuriâ) sibi vindicante. Longius fortasse, quàm par erat in hominis ignoti laudibus morari libuit, vt inde, quanti minus tuum faciam, cognoscas. Nunc postquam & cupidoglisceit diutiùs tecum, quâ datur, colloquendi: nec anni tempus restrictè otium suppeditat, negotijs frigidam suffundens, de Maurocena historiâ pauca adijciam, quàm à

O o 2 tere-

te recudi non accuratè minùs, quàm amanter quid ni gauderam, alienissimo tempore parentis limâ destitutam? Secundas curas prioribus multò potiores experimur omnes. illas operi invidit autoris mors, Reipublicæ immatura, nobis peracerba. Facis itaq;, quod istam tuam fidem in amicos etiam fato functos decet, dum famæ Mauroceni consulis, pietati, sedulitatq; tuæ multum debituræ. Sed heus tu quis prohibet, quin de eadem fideliam nostrum quoq; parietem dealbes? lucubratiunculam, inquam, de ipsius vita, quam nobis frustra excusantibus scriptionem de re vna, eademque geminam, seu tautologiam potius. (si ad ea, quæ iandudum scripsimus, respicitur) importunæ amicorum preces extorsere tandem. Per Musas te, per quicquid sancti eadem sacra colentibus habetur mi Laurenti oro, obtestatorq;, ne rude adhuc opus, (nam ad tuas manus peruenisse autumo) nisi à te priùs perpolitum, edi patiaris. hoc sanè si feceris, immortalis nos beneficio deuincies, alijs quoq; nominibus tibi iam obstrictos. Vale.

LAURENTIVS PIGNORIVS.

ALOYSIO LOLLINO.

Syluæ Grotianæ Quercus, & Lauri motabunt (sat scio) præ lætitiâ cacumina sua Te laudatorem noctæ Illustris. ac Reuerendis. Domine. Ego sanè & laudo illas & probo, non sine grandi utiq; animi mœrore, quod videam nostratîa ingenia adèd effecta nunc, vt Vatum delicias & venustates ab Italico olim Cœlo, & solo commendatas cogamur sub alio penè axe quæritare. at ferendæ sunt nobis etiam inuitis hæ rerum vicissitudines. barbaries enim, quæ olim exterâs regiones obsederat, nunc Italiam inuadit, & plenis (vt ille ait) subit ostia velis. Seruet Te diu Deus &
Tui

Tui similes, qui monstrum arcetis, & honores antiquę laudis patrijs regionibus asseritis strenuo & indeficienti conatu. Ad Historiam, quam innuis adnotauī mearum nescio. quid ineptiarum; & malui inscitie notam subire, quā inofficiositatis. vniuersam vt perlustrarem vetuit moles Atlantea occupationum, quibus opprimor, quæq; oppresso exprimunt ingenuorum studiorum & memoriam, & ipsum penē nomen. Lucubrationem Tuam vt viderem, permisit amplissimus Vir Donatus Maurocenus, elegantem illam profecto, & multum decoris addituram Historicę scriptioni Mauroceni nostri. Paulus Gualdus, vti speramus & optamus, abiit in cœlum. pertinax febris dierum viginti, & amplius eripuit illum nobis xvij. Kal. Nouemb. hora tertia supra vigesimam, magno meo cum dolore. Sandellius, & Licerus, nec non & ego, plurimam tibi salutem auguramur Illustris. & Reuerendis. Domine, quem Deus Opt. Max. sospitet, beneq; fortunet ad multos annos. Patau.

Tuum rus suburbanum nihil medius Fidius ruris habet, adeo politis carminibus illud nobis exhibuisti. ò liceret mihi aliquando secedere, & otari? non paterer sanē abripi mihi meliores horas. quarum dispēdia faciunt, vt spem omnem abijciam procudendi pluscula, quæ æternū delitescunt. hic est fortunarum mearum plausus, quem ego frustra auertere conatus sum quā studiorum, quā vitæ ratione. Qui poterant, & quos forsan par erat velle, tantū admirari, tantū laudare pro Symbola contulerunt. Itaq;

Non vno responso animum delusit Apollo.

Vale Illustris. & Reuerendis. Domine, & Pignorium tuum ama.

EI.

E I D E M.

Salus te respiciat bona mi Laurenti, non quæ Iasidarum
 studijs perquiritur (utinam ne frustra) sed cuius cum
 origo, sedesq; Cælestis sit, precibus ad nos euocatur pijs,
 † *del. ipse* † *diomede* sanè æquius vocanda, quàm fatale pignus Roma-
 ni Imperij, Palladium. Audio te luminibus uti, nec ex
 animi sententiâ tui, nec ex voto nostro, & naturæ mecum
 ipse subirascor, quæ serpentibus cernere tam acutum de-
 dit in pernitiem hominum prognatis, tibi pernegavit, cu-
 ius vita omnis in lectione consumitur præclararum rerum,
 humanoq; generi conducibilium. Haud nupera, haud ini-
 qua hæc quærela est sapientium virorum ob eandem ratio-
 nem numina læua criminantium: ad Tyresiam vsq; qui nunc
 apud Manes solus sapit, tempora porrigitur, ut nihil de
 Homero dicam doctrinarum omnium parente, nil de Dy-
 dimo; quem si videntium lampada vocauero, nemo me
 translatione licentius vsum causabitur. Hos enim cæcos
 extitisse legimus, sicuti lusciosos ferè omnes, qui Musas con-
 sectantur, experimur. quasi verò parùm, aut nihil referat,
 acutâ ne visûs acie, an retusâ litterati sint, aut tanquam in
 in tenebris defossis non secus ac talpis planè de sit, quod in-
 tueantur, nec potius illis astra suspicienda sint proposita,
 multo sanè longiùs à terrâ dissita, quàm Cartago à Lilybeo
 distet; vnde Cartaginensium classem è portu soluentem
 Lynceus erat olim numerare solitus, mortalium vnus ocu-
 listissimus post Argum; cui (vide munus) non Gnydia specu-
 la, in quâ sedens stellimicantia Cœli signa obseruaret, iue-
 rat concredita, sed vnus errabundæ buculæ custodia. Ve-
 rùm hæcenus quærelarum satis, seu potius nimio plus satis;
 præsertim cum spes sit te Phœbi cultorem maxime Iæo-
 niâ arte valiturum breui, cunctisq; futurum documento
 Superis esse curæ pietatem, eruditionem, eloquentiam,
 qua-

quarum tu bono studijs inuigilas, inuigilabisq; porò, si preces litteratorum hominum aliquid valebunt, perquam diutissime.

MAFFEO CARDINALI Barberino.
nunc Pont. Opt. Max.

P Oëmatum tuorum nectar regustauì nuper Domine Eminentiss. tanto sincerę voluptatis sensu, vt gramen illud Glauci menti recursaret, cuius ille esu diuinitatis compos statim est effectus. Beasti me isto tuo munere, beasti, adeò verè dictum arbitror, imò verò experior enthusiasmo auditores quoq; præclarorum carminum afflari, ne dum ipsos Vates. Verùm (vt sunt humana fermè omnia) lætitiæ medio de fonte surgit amari aliquid, angitq; cum venit in mentem, cuius ego sciens videns adire aures permiserim meas incultas, absonas ineptias. Pudoris mei sicuti non erat sic depuduisse, ita nunc in eam cogitationem defixo verecundiâ pallor oris rubet. Vnum me tibi parendi studium tuetur, ne causâ cadam vel me ipso iudice. Musæ vestram fidem? vnde tot lepôres, tot; amœnitates defluxere nisi à vestris puris, & vulgò inaccessis fontibus? Benè sit Prometheo illi, qui in terras ad nos bono dono tantum lumen detulit, non eius iecur morsibus renascens vultur sensim carpat, sed egregij conscientia hilarer facinoris, conatumq; audendi acuat ad id genus furta. Ita diu viuas, floreasq; immensæ molis negotijs admotus, vt sacra purpuræ non tam decus es, quàm Musarum columen. Hic ominis causâ cursum calami inhibeo, simul ne tua tempora morer importunus, & dexteram istam tuam, ingenij præstantis administram quàm demississimè deosculor.

Histo.

Historię laudationem Nicolao Contareno destinatam accuratè, vt te velle senferam, perlegi. in eâ pauca se se mihi obtulere, quæ Atticus ille Ciceronis per familiaris miniatulis suis ceris obleuisset. cætera se posse tueri videbantur maiorum auctoritate, quâ nunc scripta stant, caduntq; omnia potissimum. Argumentum sanè ingens, & præclarum admodum est visum, sed cuius amplitudo orationis luminibus plurimum officiat sub tantâ mole rerum laborantis. multorum in hâc palæstrâ labor desudauit. paucorum ita industria emicuit, vt non plura dicenda dictis superessent. Sed quis se tam immensæ materiæ parem esse postulet post tot auctorum edita volumina eandem incudem tunditantium? erit fortassè aliquis, qui laudes Herculis indicet, quàm primoribus, quod dici solet, labris delibatas malit. Ego non aded Lycurgæus sum, meam vt sententiam ad tuam non facile accommodem, qui sciam te occasionem, quàm fors primam detulit, cupidè arripuisse virum compellandî, cui munus condendæ historiæ Venetæ ex Senatus Consulto est iniunctum. œconomîę (quam dispositionem nostri vocant) cenſeo plusculum animum aduertat, præsertim cùm nihil ordinem efflagitet magis, quàm historia, cuius initia sagaciùs erant vestiganda homini in Ecclesiæ piorum castris militanti: quem latère minimè debuerat ab orbe condito veterum neminem scribere historiam exorsum, si Moysen excipimus diuinitus edoctum Vatem. Nam Diodoro, atq; Herodoto ultra Troica tempora, quæ post Moysen nongentis ferè annis fuere, mentis planè acies caligat, stylus hebet non nisi narrationibus temerè incurſans fabularium delicamentorum, quæ Apollodorus in vnum volumen postea cœgit compendio nulli profuturo. Res est multò luculentior historia, quàm
vt cur-

ut cursum quis eius suppellectilem recensere queat. fines limitaneos herciscere: naturam omnem quam latè longèq; patet, gremio complexa nihil à se putat alienum. Plinij volumen vides, in quod veluti in ingens alueare omnia congeffit, quæ sensibus, aut intellectu in hac rerum vniuersitate comprehendi possunt. hoc, ut titulus argumento ad amissum conueniret, nec breuior, quod aiunt, pedeforet calceus, Historiâ inscripsit Naturalem, Theophrastum, credo, eiusq; præceptorem, Peripati principem secutus in Commentarijs destirpium, atq; animalium generibus. Non omnia, inquires, quæ dici poterant, vndiq; collegimus, potiora seligere contenti. vellem factum, sed animum subit subuereri, ne quid reiectanei non minùs tam lætæ segetis messor in fasciculos congefferit, quàm præcipui spicilegis reliquerit, quod in primis operæ fuerit decerpi. Verùm hæc ad tuas secundas cogitationes pertinebunt, quas sapientiores Pindarus vocauit. Ego quidem, si mei foret res arbitrij, ex historicorum albo Tarcaniotæ nomen ita expunxissem, ut ne litura quidem appareret, veritus, ne eius contagione reliquorum gloria ægresceret. nec Iacobum Bonfadium ijs adnumerassem, qui actionem aliquam dignam memoratui seponunt litteris mandandam, cum Fliscanam ipse coniurationem à reliquis scriptionis suæ partibus minimè auulsam, quarto annali libro persecutus fuerit. Bellatores ipsos vagos, seu erroneos veriùs, quorum apud fabulatores Amadisianos mentio fit frequens, nondum constitutum habeo latinè vocarîne rectè debeant Equites rotundæ tabulæ, an secus; & si eo magis inclinatus animus, ut credam idiotismi Italici nomina hæc esse, quibus orbiculares escariæ Romanorum mensæ nunc significantur. nam & rotundum longè aliud sonat proprie loquentibus, & tabulæ non genialium sunt conuiuiorum, sed naufragiorum, aut testamentorum. Quid tum postea? sanè quidem nihil præter errata minuscula calami volantis.

P p

quæ

quæ tamen nobis incerare minùs libuit. vnguem tantum oræ ex aduerso marginis leuiter adpressimus, ne parùm arrentè videremur perlegisse singula atq; perfunctoriè. orthographias quoq; Græcas restitui curauì alicubi verbis è græco deductis fonte, quod videam id Grammaticorum decurijs placere, vt possint ijs veluti crepundijs natalium suorum admoneri. Sed pluribus per codicillos tecum agere putidum fortasse, cùm nostra omnium horarum sit consuetudo: nec familiaribus colloquijs subtrahi debeat materia, quibus æstiuos sæpe Soles condere solemus. Vale. Belluni.

BARTOLOMEO CARTVSIAE *Vedanae Praefectus*

EGo vero, cùm longissimam quamq; epistolarum tuarum censeam pulcherrimam, non modò in te Lacinismum minimè requiro, verùm etiam vehementer cupio, vt exundantem facundæ orationis tuæ copiam, quam intra septum vallare dentium pro instituto domesticæ disciplinæ cohibes, in sinus effundas patentes pagellarum. Haud sanè puto Legi de silentio apud vos latæ te derogaturum, si stylo compressis labijs indulseris. quò vales plurimum, & qui frequentiori vsu explendescit magis. cuius vt alteram quoq; partem per otium exercere queas mendis, si quæ obrepere operi, delendis, Mauroceni vitam ad te mitto. non tam à te laudari pergratum fuerit, quàm corrigi. Illud amorì, mori q; tribuam, hoc libertati, alieni q; profectùs studio, quo nos flagrare maximè par est, tantùm ab obtrectatione, & liuore diffitos, quantum candori proprios, ac dilectioni. Hac cùm nullum ad conciliandos animos maius sit illicium, facio haud illibenter, vt & meo tuo iudicio concedam, & tua perlegam miro cum sensu summæ voluptatis: quam tu mihi ne restrictè porò præbeas, & si meo quidem iure pro nostrâ amicitia possem abs te petere, preces addo tamen. Cæsari Princeps Mantuana datur,

datur, Cefares, ac Reges haud sanè coniugi datura. prior
 hoc munus vxor fecunditate suâ occupauit, cuius hæc in de-
 functæ locum nunc succedit nihil minus maxima Regina-
 rum incessura. Credo inaudisti Iulium Strozam, cuius
 oratio in funere Etrurię Dynastę legitur, specimen carmi-
 nis, heroi edidisse haud ita pridem, quo prima Urbis Ve-
 netæ cunabula fuit profecutus perquam diuite venâ, atq;
 profluente. Opus apud me est autoris amicissimi mnemo-
 synon. Nos Sacchinus tenet tuus, historiarum socialium
 facundus conditor, abesset modò vndiq; se se ostentans
 studium in suos adedò effusum, vt nonnunquam leuiores
 etiam confectans, Genio potius suo indulgere videatur,
 quàm lectoris stomacho. Verùm ij natiui fortassè nau-
 fuerint, qui præclaram corporis formam non modo non de-
 decorant, sed etiam addecent non rarò. Nos certè miri-
 ficè delectat viri inexhausta dicendi copia cum eruditione
 eximiâ coniuncta, teq; eo quoq; nomine plurimùm ama-
 mus, quod beneficio tuo istiusmodi nobis delectatio con-
 tingit. Vale, & aduentanti Domino hospitium para li-
 beralè, & quod tuam pietatem deceat.

E I D E M.

Sospitem te ad secessum istum tuum, solitudine altâ
 circumseptum aduersus mentium auocamenta hu-
 manarum, redijisse ita tibi gratulor, vt leuiter quoq; subin-
 uideam, cum in mentem venit, (venit autem haud rarò)
 quantâ nos laboremus in Carybdi, qui vitæ huius actuosæ
 fluctibus iactamur. Felix ter & amplius, bona si tuâ, qua-
 lia sunt, noscis, vndeq; tibi obueniant, agnoscis. quorum
 verunq; quàm tibi sit notissimùm, compertum haheo. Non
 iniucundum esse, sunt, qui putant, ventis mariâ vndiq;
 turbantibus, è terrâ aliena pericula spectare. Mihi haud
 paullo iucundius videtur ne spectare quidem; sed ibi ocu-

Pp 2 forum

lorum aciem defigere, ubi ne tempestatis auditur nomen, sed hyemem, quam longa est, Alcedonia totam occuparunt. Qui sane rerum status si usquam locorum est, in ista vestra est tutissima statione, beatorumque insulis simillima, nisi quod ad has non nisi post fata patebat aditus: illam vos inhabitatis æthera adhuc aurâ vescentes, donec istinc tamquam à nobili Colonia, neque procul distita ad genitale solum euocemini Patriæ celestis. Hactenus dictaram, cum tua epistola superuenit scripta peramanter, perque eleganter, cui, quod reliquum est pagellæ, dabitur. Quæ de Cæ nobiarcâ Montellano refers, grata acciderunt. amo hominis flagrans in me studium, inque rem communem sedulam solertiam. Aedes tu interea aurium vacuas para. Sacchinius tuus ad te redit auidè legendus non minori voluptate quam fructu, si quid ego iudico, qui eius suauitatem delibauì prius. Cosmi Panegyricus, ut mihi primum visus est, egregiè Latini sermonis granditatem æmulator, Etrusci idiotismi fastigium egressus. Constitutionem de Pontifice legendo pridem legeram Româ ad me missam à meis. Contra frigoris sæuitiam facis tu quidem ex arte, cum præsidia à crassiori tunicâ, caminoque luculento mutuaris, eadem mihi cautio per hos dies fuit, porroque erit ad ipsum usque reditum Fauonij: qui adèò nos moratur obstinatius, ut animum subuereri subeat, ne per loca à Boreâ infestissimo hoste infesta iter habens, gelu dirigerit. sic est profectò: hyems apud nos ditionem Veris sibi finitimi inuadit, niues pro floribus suffundens largiter. Quid facias? ferenda nobis erit cæli huius inclementia, & quidem non iniquo animo, si meminisse volumus incommodorum, quæ alibi secum vehit siue Autumni pestilitas, siue æstatis feruor: orandusque sortis, & vitæ nostræ Autor, ut cò nos transferat, ubi neque Aquilonia frigedo aërem gelat, neque face suâ Sirius torrefacit. Vale amicorum optime, & tuos in castris Domini contubernales saluta meis verbis.

E I.

E I D E M.

ET si tu quidem, quamuis semel à me visus, ita pectori hæres, vt te abesse vix amicis credam, qui me tuo absentis nomine saluant; facit tamen tui ingenij, sermonisq; comitas, atq; elegantia, vt non tam tecum esse (quod iam videor cogitatione affecutus) quàm te mecum colloqui vehementer cupiam. Huic meo desiderio (vt nos solertiores egeitas reddit) viam sanè inueni, quâ satisfactum iri puto non incommodè, si inter nos scriptitare instituerimus oratione perfamiliari, qualis fermè est, quâ vtimur, cum sermones mutuò conserimus per otium. Præibo igitur, & meis vestigijs viam à me adiuuentam prior teram: tu deinceps, si collibuerit, sequeris. Stylo te indulgere Laurentius noster ad me pertulit, argumētum etiam paucis subindicauit: vitam nempè cuiusdam, nomen ei exciderat, ordinis vestri columinis atq; Coryphæi. Similis planè nobis defudatus est labor, Andrea Mauroceni amicorum optimi dicta, facta, mores lineis Apelleis dignos describentibus rudi penicillo. Hic pudorem in me forsitan requires, qui maiores nido alas explicarim. Quid facerem? nemo alius erat, qui se exorari pateretur, vt subiret onus. vsq; aded nos arcta hodie annona premit eorum pariter, qui scribenda faciant, ac qui facta scriptis copiosè exprimant, & quâ decet arte. Illum prouinciæ Iuliæ olim præfuisse non fat scio. nam neq; id Frater eius in commetario ad me missio memorat, nec ego commemini: candidatum eius magistratûs cum fuisse magis credam, obtinuisse non item. rem tamen exquiram accuratiùs. Parmæ Principi magni Etruriæ Ducis filiam desponsatam puto inaudisti. Nec dum Amitæ nuptiale carmen Hymeneus cecinit, & flāmeolum Neptis meditatur. Faxit Deus, vt Italiæ ne accidant tristiores casus, quàm sunt ista plena gaudij connubia, plena hilarita-

tis

tis. Vale, & nos Superis, quibus in istâ solitudine es tu quidem propior, maiorem in modum commenda.

E I D E M.

EXcussit muneris tui raritas tristitiam animi mei subue-
rentis, ne hyems per hos dies in alpinam, quam inha-
bitamus, regionem præmuturo aggressu inuasisset. etenim
Autumnus apud vos substituisse video. video autem? imò
oculis ipsis geminos exacti iudicii testes super addens ta-
ctum, & palatum, quouis hercle pignore contendo ficus
ad me missos recens editos esse, recens lectos. Pheacum
pomaria prouocat secessus iste vester, tu verò diuitijs hor-
tensibus Alcinoi Vlyssis hospitem, cuius areolas perpe-
tuæ Zephyri auræ perflabant. Potuisse ne in hac patriâ
nimborum, hoc in Aeoli regno locum reperiri fructuum
tam mitium feracem, Boreæ inaccessum violentiæ? Equi-
dem mirarer, nisi meminissem precibus in Deum intentis
impetratum olim, ut bacillus arens arene impactus flores
funderet. scilicet Alcionia vobis sunt, etiam cum tempe-
stas alibi inhorruit. Pergite, agite ergo, & bona vestra no-
scentes alienis quoque incommodis succurrite, quâ apud
Numen necessitudine polletis summâ. Ego vos in sinu,
in oculis, in ore habeo, memoroque inter sancta exempla pri-
scæ probitatis. Vale Calendis ipsis Nouembribus.

L A V R E N T I O S V O.

HEri ad me manè Sextius, ut assolet, salutaturn venit,
sed non vultu, quo solet, hilari, & qui salutem
præferat, quam reddit. Erat in supercilijs sessitans nu-
becula non ex earum genere, quas sol meridie excutit, cum
sudum est. Hec mihi indicio fuit esse aliquid, quod ange-
ret hominem ad regiam simulandi artem non ita docilem.

Verum

Verum vbi primùm ad communia illa ventum est, satim, saluæ res? apparuit me vera ariolatum. ait enim voce solito submissiore se ^{† ευαγγελια} non ferre. Hoc verò me magis ^{† satis non parum} adhuc pupugit; rogareq; capi, ne (si quid esset casus tristioris) cunctando grauius efficeret. Tunc ille, dicam equidem, inquit, quod indictum oportuit, postquam, vt infectum sit, fieri non potest. Lupum Menalcam nuper vitio creatum audio, gregis tutelam simul, simul exitium futurum. nam, & custos vigil haberi vult, & vorator efferus. Infelix ouile, seu potius laniena, cui Melanthius contigit tam dirus. Equidem non tam innocui pecoris misereor, quàm indignor talem pestem suffragatorum vota latuisse, ipsorum ne errore, an ipsius fraude quid refert, vbi vtrunq; perinde ouibus incommodat? Væ longum tibi Lycisca, Melampeq;, si vel diem in caulâ vestrâ iste dominatur. perijstis pessimè. Hercule sanè quidem opus foret, cui clauâ vlciisci istiusmodi portenta moris erat. Nos non nisi benè precando, lento auxilij genere opem ferre possumus, quam & præstamus, & præstituri sumus pro virili, fauentes Superum aures modò nanciscamur. Hoc erat, quod ipse apud animum meum coquere malebam, quàm tibi, quem omnibus gaudijs gestire cupio, molestiæ imperiri quidpiam narrando. Tunc ego: amicè, inquam, facis, & innocuè, nam & rem mihi renarras auditione haud dum perceptam, & nihil affers animo molestiæ. ista neq; noua surgunt, neq; inopina. Quid enim humano generi translatitium est magis, quàm fallere, & falli? quid diuinæ providentiæ frequentius, quàm in alexipharmaca deleteria venena vertere? Pauca hæc sapienti satis. Vale.

N.

SVbfrigidè te acceptum doles, cùm ad nos salutandos domum conuenisses summo mane, Idibus ipsis Ianuarijs,

rijs. doles, inquam, & querelis, vt tibi videtur, parum va-
 lituris conuicium aspergis nobis planè indignum, quasi te-
 nuiorum contemptores Infulae nos reddant, quae comita-
 tis admonere debuerant, ac humanitatis. ego verò defen-
 sionem antequam ingrediar, paucis describam diei illius
 tempestatem, quamuis satis dictum esse putem apud æ-
 quum nostrarum rerum seu interpretem, seu disceptato-
 rem, cum dixi Idus Ianuarias fuisse. Enimvero comme-
 minisse te arbitror, qui memoriâ sis Simonideâ, quàm acri-
 ter ille hyemaret dies, quâ gelida nix è cælo caderet Aquil-
 onijs flabris agitata: ne dum cætera omnia, focus medius
 fidius diriguisset, licet igne splendens luculento. tale tem-
 pus erat, cum tu te frigidè acceptum quiritaris. ego contra
 miror mihi vel Aue excidere potuisse labijs rigentibus, &
 tantum non glacie concretis. Ne tu sanè bellus homo es,
 qui velis resalutatoribus tuis Fauonium spirare mediâ in
 hyeme. cui par erat crimen, quod nobis impingis, impu-
 tare potius frigidam amoris infundenti, quo te prosequi-
 mur, ne foras profiliret tuos in amplexus ardentibus verbis
 comitatus. suadeo? an huc adduci tibi vis cortales aues,
 quæ testentur liquidò per eos dies ne cucurire quidem po-
 tuisse? sed tu, vt suspicor, aduocatis istis qui paris non cre-
 dis, expertus quàm vel fursus semodio fidem habere so-
 leant venalem. Conditionibus ergo tecum agam, quas,
 ferreus sis, si delatas respis. Æstate iam adultâ sub Sirij
 fidere nos adi: tum nisi te perferuidè accepero, nullam caus-
 sam dico, quin me cum totâ meâ gente vendas vel triobo-
 lo, aut glebæ adscriptos serues agro excolendo. Vale, &
 te aut da ad lenitatem, aut Boreâ irascere, qui tuos mor-
 sus remordere violentus potest. Ego neq; litem intento,
 neq; persequor.

DONATO MAVROCENO *Senatori.*

A Ves duræ hyemis prænuncias, & quas brumales hirundines meritò vocaueris, ne nos niue tantum abundare putans, nimium fallaris, ad te mittimus. Hæ, si coquus tuus sapit, nec orexis abest præcipuum embamma epularum, æquiores te credo facient aduersus alpium nostrarum frigus, quo apud vos delicatesiores malè audiunt ingratijs. Nam nisi hic flaret vehementius violentus amator Orythiæ obsonio planè Apitiano careretur, & quod ne mensæ quidem Siculæ respuerent. Sic est profectò: nulla tam Cælo, soloq; horrens inuenitur regio, quæ non aliquid commodi afferat cultoribus. Vos istic (nec inuidemus) plus nimio caleris. Nos hic in hibernis & algemus strenuè, & cænamus per quàm opiparè. In æstuarijs Adriacis degentes eisdem retibus Attagenas, Perdicesq; captare vellet, quibus pisces capitis, voti mehercule improbi, irritiq; esset. Etsi, ne nobis piscine vestræ saluam moueant, troctæ, tytimaliq; (sic eas Ambrosius appellat) nostrorum fluminum indigenæ efficiunt, qui licet Romano macello parū noti diffuāt, palato tamē celebres habentur Accipensere non minùs, aut scaro. Verum hæc per iocum. illud feriò, nec moribus, qui nunc vigent, datum: nos te plurimum (non ita tamen, vt mereris) amore singulari, & vt speramus, mutuo amamus.

AD DONATVM MAVROCENVM.

Gallum Cybelles non ministrum mittimus

Tibi cui ratum; non soli

Trucem colonum Celtici; connubio

Sed quem maritum iam sibi

Gallina iunxit Norica ad prolem, nimis

Gula expetit am non rudi.

29

Ratò

*Rarò at repertam . nam per alta montium ,
 Nemorumq; opacorum auia
 It singulatrix , non gregalis , alitum
 Penè vna cicur aucupis
 Non arte visa , non dolo . ferocia
 Adeò vsq; sedit altius ;
 Ut nerelinquat mortuam ; nisi inferat
 Piperis rotundi non nihil ,
 Embammaq; addat scitulum super cocus ,
 Heri palato adblandiens .
 Donate donum tu sodalis consulens
 Boni , grauere ne frui .*

PAVLO N.

VEnit ad me Phantias, nominis sui famâ multo m inor,
 quàm corpus vmbra suâ est sub exortum solis . In eo
 cùm eruditionem sedulò perquisiuissem, prorsus frustra fui.
 nullum enim vestigium vel leue apparebat , vnde illum sci-
 re litteras conijceres , stuporis contrà , indocilitatis , ac
 ignorantia quàm plurima, eaq; meridianâ luce clariora ,
 Quid multis? insimulare falsi famam videbatur, quoties
 de studijs incidebat sermo . En quo laudatorum præco-
 nia euadunt, dum boui non clitellas, quod aiunt, impone-
 re conantur, sed phaleras equi bellatoris . Vidisses com-
 moueri hominem ad ista argumenta à doctis tractari soli-
 ta, ruboreq; subrustico quasi contestari ignota illi omnino
 surgere, ac inopinata . Discamus alieno periculo mi Pau-
 le ob inania famæ aures minimè arrigere, ne postea nobis
 eas submittere necesse sit, vt olim Arcadico iumento sub
 leonis pelle deprehenso . Magno ille emptum vellet non
 venisse, sed abditum alicubi neq; laceffitum opinionem
 de se vulgo conceptam alere . nunc post tanta nominis de-
 trimenta quò se se recipiat, non habet, nisi vbi cerni amit-
 tunt

tunt cornua . eò sanè libens se proripuisset , si itineris du-
cem inueniret . quod potest domi reconditus , à risu . & lu-
dibrio se vindicat , quod debet omnibus , qui Musas colunt
elegantiores . posthac imponi sibi minimè permittet longè
se esse alium , quàm sit , credulitatemq; suam intra fines à
ratione præscriptos cohibebit , serò , vt Phryges , sapiens .
Vale .

ANDREÆ EPISCOPO *Posnaniensi Polono.*

Nisi me pudor meus in causâ apud te dicendâ Illustris-
sime Præsul tueretur , patronus infacundus licet , ac
penè elinguis , maximè timerem , ne mihi posthac tan-
quam officij , morisq; in amicitijs quærendis seruari soliti
penitus ignaro ab omni vrbaniitate exulandum foret , qui
me tuis prouocari ad scribendum litteris sim passus amoris ,
& elegantiae plenissimis . Iouem Philium testor ; amicitiae
tuæ aditum prior occupassem ; quod & amplissima tuæ di-
gnitati , eximijsq; virtutibus iure debebatur , nisi subueri-
tus essem tibi , tanto viro . & tot nominibus commemo-
rabilî nimum familiariter obstrepere , ignotus præsertim ,
& parum adhuc animaduertens perpetuam esse sociam ma-
ximè virtutis , summam comitatem , ac facilitatem , quibus
cùm te plurimum pollere audiam , imò verò experiar ; non
committam , vt studium in te meum flagrantissimum vel
ipse vllò vnquam tempore desideres , vel qui non tam ob-
suauitatem morum , quàm quod te vnicè colit , mihi est cha-
rissimus , Franciscani instituti sodalis , popularis tuus . quem
ego & testem exceptione maiorem habeo , & sponsorem
luculentum do meæ prolixæ ad tibi inferuendum volunta-
tis . Vale Illustris Domine , & me , quod sponte tuâ prius
faciebas , nunc à me etiam enixè rogatus dilige . erit id con-
stantiae in amando tuæ , sicuti pietatis in te meæ , atq; ob-
seruantiae tibi à Deo fausta omnia , & quæ datoris simul

Q q 2 Maie.

Maieſtatem, ſimul tuam accipientis amplitudinem ad-
deceant, precari.

MAFFÆO CARDINALI *Barberino nunc*
Pont. Opt. max.

HAbet magneticum nescio quid Domine carminum
tuorum Genius: Lectorem non trahit modò, ſed
vim ei incutit tractoriam, quâ in te fauorem alliciat Muſa-
rum. Id dudum in me expertus Ionis ſententiæ accedo,
qui, vt eſt apud Platonem, cum eſſet in Homero diu, mul-
tumq; verſatus, diuino quodam afflatu inter Homeridas
non poſtremę notę rapsodus euasit. Perinde mihi obuium
antea putabam melos Pindaricis modis meditari, ac cælum
digito contingere. Nunc ex quo libellum aureolum lectici-
ne affiduâ contriui, cui veluti theſauro odas tuas credidit
typographus, aut poſſum, aut poſſe videor, quod & cen-
ſum ingenij excedeſbat mei, & conatum. Iam iter inſue-
tum, audax aggredior, & tantum non ad Icari volatum
pennas vibro, ſucceſſus plus nimio ſecurus, quem quid at-
tinet me ex diſciplinâ augurum conijcere? ſit ſatis rem tuo
iudicio Eminentis. Domine exponi. Tu quâ eſ doctrinâ,
quo candore animi, liquidò dignoſces, ſtatueſq; ſequi nec
ne debuerim, quod nequirem aſſequi. Ego à tuâ ſenten-
tiâ ne ad Muſas quidem ſum prouocaturus, modò noſtra à
tuis ſeorſum legas; nec roſam anemone compares. Vale.

E I D E M.

NOn ego ſi crebras ad te dare litteras ſubueor, ve-
neratione tuæ dignitati debitâ deterritus, nullas
planè dabo; ne videar parum eius meminifſe, quo nemo
meę hæret memoriæ tenaciùs. Viam potiùs à Laconibus
primùm initam ſectabor breuitatis. hæc me tutò inter er-
roris

roris gemini symplegadas ^{+ ἀπρὸς ἰγορίαν & ἀδολεχίαν}, quod ^{+ Silen-}
 vocat officij ratio, perducet. Anni hunc subire properan- ^{-tium.}
 tis initia, metam, & ijs interiecta spatia tibi fausta precor, ^{+ Loqua-}
 more iam pridem clientelari obsequio recepto, cum Calen- ^{-tatem.}
 da Ianuariæ aduentant. Id ut tam diu faciam, quam fa-
 cio libens, Deum oro, plenus bonæ spei fore, ut te in ter-
 ris suas res sedulo agentem nobis, atq; Ecclesiæ perennet.
 Studia mea omnia (nisi putidum sit, cui nihil iure non de-
 beas, ei aliquid veluti exemptum dominio donare) defero.
 Me ut ames. non tam quod amari me dignum sentiam,
 quam quia tuas vehementer aueo, & si humanitas patitur
 tua, rogo. Vale felix, & Spartam hanc tuam tantò vete-
 re illâ augustiorem, quanto præstant cælestia humanis, or-
 na. Belluni.

IACOBO VECTIANO *Regium Lepidi.*

Mihi ipse profectò displicerem, si hæc solitudo, illis
 fermè tantum nota, qui suos ei natales debent, me
 ab humanitate adedò alienum redderet, ut abs te cognito-
 rē flagitarem, qui amicitias eiusmodi epistolâ exambis, ta-
 li dono inchoas. illa mihi, qui sis; hoc, quibus utaris neces-
 situdinibus, sic indicat, ut ne Quærengi nomen, nominiq;
 claritudinem insitam aduocare habeas necesse. cui sanè
 viro, nollem, de me tantum credidisses. Solet ille quidem
 Socratis sui artem æmulatus, cum animos inter se conci-
 liat flagrantibus amore litterarum, verba, quibus admoli-
 tur, non ad fidem historiæ dirigere, iudicij alioquin acer-
 rimus. Vt cunq; sit, de eruditione veritas apud te mihi
 multum detrahet fortasse ab epistolæ huius lectione: de
 officio, & studio, quo relatos semel in album amicorum
 colo, planè nihil. in sinu, in ore, in oculis te feram, ca-
 rum mihi caput, nec dum licet visum: memoraboq; inter ^{+ Præcla-}
 insignia exempla humanitatis, & doctrinæ. Ad tua ^{+ τὰ ἀγλαὰ} ^{+ τὰ μνη-}
 δωρα

Sæpe quod attinet, nihil vnquam in eo genere legi elegantius, quod ve ad natium magis referat beatam illam Attici characteris copiam, Romano elc quo expressam. Plurimum te amo egregio tuo isto munere: autorem verò operis, cuius antea quoq; Apellgas nonnullas lineas in Musarum tabulis sparsas me vidisse memini, maiorem etiam sui famâ puto quantumuis percelebri. Vale.

FRANCISCVS MARIA *del Monaco*

ALOYSIO LOLLINO.

COlui nomen tuum Illustris. Lolline, statim vt illud audiui; amaui ingenium, vt vidi. Vidi illud in tuis lacrymis, in tuis lufibus: breuiffimæ eę lineæ, radij magni Solis. Geminus mihi Lucifer fuere Syncliticus. Pignori, amoris in te mei Auspices: quos amo vt chariffima lumina, reuereor vt clariffima Sæpe ij de te quanta cum admiratione & sæpe ego, vt planè æstuans. Dispeream, nisi præfenste aliquando adorauero, Præful Illustris, ni voces exaudiero. Amoris fufpiria hæc, veriq; amoris. Eius artificem quæris? Tua fapientia. Erubescas præ animi modestia & fcio; at quibus nimium eluis, fordida gloriolæ, & auaritiæ mancipia, me tuus animus. Qui fim, qui te tam auidè exopto, habes in opellula, quam hortatus eft Doctiffimus Syncliticus, vt mitterem. Ego è Theatinorum collegio, imò è tuis admiratoribus vnus. Si me amabis. Deum immortalem quale lucrum? Et amabis Illustris. Domine: quem & anantem. Nullus supercilio locus in tam fapienti pectore. Ita te Ecclesiæ suæ, ita te mihi incolumem perennet Deus. Vale. Patauij.

FRAN-

FRANCISCO MARIAE *del Monaco*
Clerico Regulari.

Æ Grè me continui, quin à lectione tuarum litterarum statim ad tibi rescribendum calamum deposcerem, tantum eis indidit illicium mutui amoris amor in me tuus minimè vulgaris, cui non respondere non eius est, qui virtutem vel in hoste adamat. Libellum verò tuum aureolum aduersus theatrales mataologos vt legi (legi autem non semel) non ex vngue leonem, vt est in prouerbio, cognoui, sed ex breui modulo lusciniam. Delectauit me in primis præclarum illud operis vestibulum, quo lectorem excipis ad interiora omni elegantiae genere exulta. Quæris? non secus me eiusmodi nitellarum non omnino rudem, singula oculis perlustrantem tenuerunt, ac Menelai Regia Telemachum. Plurimum nostro Synclitico debemus, qui fuit autor, vt mitteres: tibi verò, qui amicitiam à munere mittendo Persarum ritu exordiris, tantum; quantum disertis hominis stylus vix expresserit, meus autem erugine planè scaber nè vix quidem. Vt nos aliquando saltem per epistolam inuisas, equidem rogarem, nisi te id sponte facturum præfagiret animus, in spem iam erectus nihil fore ad nostram amicitiam studijs alendam, quòd à te desiderari sis passurus. Vale, & mihi Numen, cui assiduo alloquio es familiarior, concilia. Pignorio, Viro cum paucis docto, ac mei peramanti plurimam salutem.

HENRICO DAVILÆ.

Permolestè me diu habuit pituitæ fluor, tantà ille quidem copiâ exuberans, vt non maiore liquentur niues vere nouo solaribus radijs obuersæ. Mirari veniebat in mentem, qui vapores, quæ nubes vim inimici imbris capi

piti suppeditarent. Ibi enim primum concretus in nares, deinde & pectus dimanabat in exhausto augmine. Nunc importunus ille humor hyemare desijt, quo nihil esse potest emunctę naris homini inensus. Hęc quamvis parum memoratu lepida, nolui tibi ne ignora essent, vt nostra valetudinis ignoscere inurbanitati, seu potius nimie meorum de me curę, qui rati non aliunde morbum originem traxisse, litterarum omne genus a conspectu nostro longius arcebant, dum decumberemus. Serò igitur rescui responsum tibi me debere. Serius etiam ad hęc redij officia, quę alacritatem requirunt animorum, a quā me imparatum esse adhuc sentio, recens a iactatione per molestā, & quę omnem, si qua modò in me fuit ante, elegantiam expectorat. Iaderam breuiter aditurum cum militari imperio ferrem æquo animo, si valetudine confirmatione vtereris; nunc me timor angit, ne quid incommodi adportet ignoti cęli, hospitibusq; parum blandi facies. Si me amas, imò si te, tuosq; omnes amas, valetudinem tuam, quā sine ne vita quidem ipsa vitalis est, cura diligenter, & rebus si non omnino secundis, & tuā virtute dignis, at saltem, quām modo sunt, letioribus te serua. Vale.

BARTOLOMÆO CARTVSIAE *Vedana Prefecto.*

+ Domi-
no
+ 8. 10.

Redit ad te Raderus, & Ripamontius + *utique* ambo quidem tui + *utique* verò, quā es benignitate, amicorum potius. Illius me fermè nihil delectauit admodum præter argumentum, & Iconas graphicè expressas. Hunc legisse semel non sat fuit, repetitusq; semper magis placuit, placebitq; porrò, si promissor Mediolanensis factis æquat verba. Nemo vllus aures allicit, tenetq; blandius. non Hercules ille Gallicus, etiam si fabula non foret; non freti Sirenes Siculi, non Vere nouo concinens Luscinia. Potuisse hominem in vrbe eductum hand sanè plurimum litterarum

terarum studijs florente res obscuritate summâ inuolutas,
 & ornari planè recusâtes, Rhetorû ita picturare coloribus, vt
 lucem luculentam dederit ex fumo obliuioſe vetuſtatis?
 Equidem nec mirari ſatis queo librum elegantia ſeculi ſui
 minimè contentum, nec expleri efferendo laudibus longe
 intra meritum caſuris. Nunc multus in Maſſeio ſum. no-
 ctium immane ſpatium id exigit, cui indormiendo, etiam
 ſi Endimioneſſem, non par eſſem. non multo interuallo
 proximus videtur Ripamontio, ſi orationis nitorem ſpe-
 ctas; ſi materiam, felicior; ſi Venerem illam traſmarinam,
 quæ in Atticis maximè elucebat, in hoc quæris, fruſtra ſis.
 Auſteritas, quæ in moribus viuentis inerat ſubtriſtior, ſcri-
 pta quoq; ipſa occupauit, elegans tamen, & grauiffimæ
 plena maieltatis. Pudet me iſtiusmodi elegantiarum non
 incurioſum tandiu latuiſſe quantiuis pretij hiftoriam, tot
 abhinc annis inuulgatam, præſertim cùm Romæ autorem
 nouerim famâ ſui fruentem inter litteratorum primores,
 queis Societas illa uſq; ad inuidiam abundat. Neq; ideo
 impediore pudore, quominus tibi grates agam, qui non-
 modo ad fontes digitum intendis, verùm etiam fontes ip-
 ſos, vnde hauriam, ſuppeditas. Vale.

E I D E M.

Quod ſellâ lucubratoriâ ſedens in conclauî, Oceaniti-
 das per otium in ſulas perlultro, id totum tibi in ac-
 ceptis refero. tu mihi hoc honeſtæ voluptatis æquor pri-
 mus aperis. nam abſq; te foret Maſſæius, quod pudeat,
 mihi ignotus ad hanc diem, quo nunc vtor duce itineris, ac
 comite, & ſanè tam comi, vt iuxta vetus verbum, ſit mi-
 hi pro vehiculo propemodum. Tu viciffim, vt habeas,
 quo monſtrante viam Sinarum ditionis vltimos penetres
 reſceſſus, accipe Rigautium hominem ſub eadem, quâ Maſ-
 ſeius, altum diſciplinâ; quanuis diſpari præditum facun-

Rr

diâ.

diā. Commentarium Bononiense horrens legi, dum subit
animum tantum seu furoris, seu sceleris cadere in homi-
nes natos potuisse. Id quoq; ad te redit, contubernalium
tuorum aures moraturum miseratione primū perditō-
rum, deinde ultionis promeritā letitia. Vale.

I A C O B O V E C T I A N O.

Mitto ad te Aleandri tui, imò nostri, imò omnium,
qui Musarum floribus ornantur, carmen aureolum,
quo ille per lusum, & iocum, quamuis sub dolentis specie
Catellæ suæ manibus parentat, poetarum more. Eo per-
lecto, nisi me fallunt omina, miraberis non tam amenum
hominis ingenium, quàm superbum Aui nostri Principum
iudiciū, qui per dedignationem, & litterarum contem-
ptum sacros Vates à suis laudibus dicendis auocant ad ca-
tellarum epicedia. Quanto veteres illi liberaliūs, qui ver-
sus vulgaris etiam saporis Philippiis permutabant optimæ
notæ numismatibus? Equidem istiusmodi litterarum bel-
larijs fateor me non indelectari, postquam exempta fames
cibo firmiori, quem aliunde, quàm à Theologiæ penu fru-
stra petas. Nec minori sanè clypeo, quàm Aiakis ille fuit
† *ἐν τῷ λόγῳ*, me tueor aduersus iacula obtrectatorum, cū
Gregorium appello, cui Theologia cognomentum dedit,
Cælestium honorem pietas. Scilicet is sibi haud turpe du-
xit carmen factitasse, ne dum perlegisse. Verū hęc tibi
sat scio esse cognitissima bonarum artium alumno simul,
simul professori. neq; ideo mihi erant omittenda, qui,
cū ad rescribendum tuis litteris animum applicui, epi-
stolari argumento minus abundabam. Vale.

† Septem
pellibus
bubulis
circumte-
ctus, i. m-
penetrabi-
lis. sic
Hom.

H I E.

HIERONYMO ALEANDRO.

Seria tua perinde ac ioca Aleander nec mirari quidem pro dignitate satis possum, nec efferre laudibus. vtraque in suo quæque genere non contenta sæculi nostri elegantia, veterum scripta cedro iam dignata in certamen vocant. vel nuperum istud in Aldine obitum quale est, quam nullo planè interuallo proximum culici Maronis, Catulli Passeri: quam immensis præcedens spacijs equum à Statio ingenti hiatu celebratum? felix tu quidem otij, ac curarum, cui flores pagina, stylum ubicunq; fixeris, submittit nullis æui iniurijs cessuros. Istis verò rerum columinibus, qui fastidio, ac dedignatione litterarum Vates sacros à suis laudibus dicendis auocant ad catellarum epicedia, quid imprecer, nisi ut virtutem tandem è somno excitati videant, despecteq; ingemiscant desiderio? Equidem non sum voti adeo anormis, ut veluti Cæsar Scaliger, Odæ Horatianæ inter præcipuas ab eo habitæ autor esse malim, quam Rex Tarraconensis ditionis: neq; ideo tam auersus à Musis vivo, ut tuum carmen non anteferam Semodio vnionum, indicaturæ non vulgaris. quid enim mihi cum lineis diuitibus, Apellæas tuorum scriptorum lineas admirari solito? Delectauit me in tuis legendis exoticorum quoque Characterum elegantia haud parùm venustatis afferens quantumuis aureolo libello. His ego meas excudi nugas magno emptum vellem. Nam qui nunc Italicis operis in promptu sunt, ne Volusianos quidem annales addecent. Vale, & carmen lege, cui materiam carmen dedit tuum, spem placendi adimit.

Carmen in Catellam Aleandri.

Aldine tumulum Macedum si sortè vidisset,

Præteriens ductor, vidit ut Facidis,

Rr 2

Jllius

E.

*Illius haud dubito, quin inuidisset honori,
 Quem muto cineri Musa diserta parit.
 Nam neq; Meonidis tantum, nec sacra Maronis
 Tempore inextinctum pagina nomen habet,
 Emula sed cuius virtus superare Maronem
 Posset, & antiquum carmine Meoniden.*

ATHANASIO THALAMINO *Monacho Cartusiano.*

SVaues tuas litteras, musarumq; scrinijs dignissimas.
 Nam, quas illis comites addideras, quales, quam iu-
 cundæ? Suum sibi habeat nectar fabularis Iuppiter, dum
 his mihi liceat frui. Haud ita puto Argivæ Helenæ pocu-
 lum obliuia æurnarum attulisse, ut hæ mihi omnem tri-
 stitiam absterfere animo, quam proximis his diebus ex cha-
 rorum casibus contraxeram. Non has Nigræum nostrum
 artes docuerunt Asclepiadæ, verum medicinæ mentium
 humanarum Auctor cælestis, cuius est uti etiam deleterijs
 salubriter. O celebrem istam tuam solitudinem, quæ tan-
 ti Viri congressu sæpè inclarescit. O urbem hanc post eius
 discessum in meram solitudinem redactam. Is à me char-
 tacei nescio quid muneris summis precibus nuper per ami-
 cum petijt, quod suo iure exegisse multo erat æquius. Id,
 quia nondum certior sum factus, an acceperit, iteratò in
 eundem fasciculum cum his litteris coniectum mitto, ut ad
 eum quam primum accures perferendum. Nepotes va-
 lent, & rem benè gerunt: puto eos minimè indecores ge-
 neri futuros, aut te patruo indignos. Tu modo perge eo-
 rum indolem & salutaribus admonitis instruere, & erigere
 exemplo. Vale mi Athanasi, & nos ama amore illo æthe-
 reo, quo flagras; precibusq; apud Deum adiuvæ, cuius ar-
 ctiori consuetudine in isto tranquillissimo secessu frui te
 oportet, extra periculi aleam positus, ne te insanientis
 mundi blanditiæ abripiant ab ea frugalitate, quæ mentes
 vestras

vestras cœlo miscet; ex quo fit, ut vitæ à vobis actæ rationem admirer, & approbem: cum è contra nostrorum hominum miserear, quibus vita non videtur, nisi quæ ventri debita sit. In hunc morem placuit mihi commentatione inuohere, quam ad te missam leges per otium, & in suscepto proposito libentius persistes. Vale.

Ieiunij legibus fraus non facienda.

EXigui in infana capita cineris iniectu furorem illum resedisse, qui per totos hosce dies transversam iuuentutem in præceps egerat, minimè mirabitur diuinorum mysteriorum conscius, cui perspectum, creditumq; sit mentem animi ablui corporis lauacro, cæco diem reddi collyrio ex sputo, & puluere oculis admoto. Profanus ista videns Antycira aduectum cinerem hûc putabit ambusti hellebori reliquias. tantum experiendi rudis differt, pius Epicuro, qui Deo vacationem tribuit humanarum rerum procurationis; sibi verò permittit religionem omnem concutere pedibus subiectam. Hoc hominis portentum toleratum Athenis olim, vbi Socrates tamquam parcus Deorum cultor mortem faucibus haurire cogitur, admirarer equidem, nisi à multis discipulis officiosè cultum, & publico favore prosecutum legerem. id excusâ admiratione facit, ut indigner potius, & vrbi sub Palladis tutela incipientem sapientiam professq; diriora imprecer, quàm sunt, quæ modo patitur ab immiti Scyta. Potuissène homines natos dementari adeò, ut eius memoriam venerarentur, vultus annulis, poculisq; susciperent, qui (quantum in se fuit) Numen orbe exactum, proscriptumq; in intermundia sua relegauit, de Prouidètia non aliter, quàm de delirâ anu fuerit locutus? Sed in hunc destinatione animi non ferimur: indictum ab omnibus maximè vellemus. aliò nos euocat occasio publicum morem (pestis si mos est) stylo perstringendi,

gendi, quando telo alio non datur. Ieiunio preces alere ab ultima usque origine constitutæ, instauratæque pietatis inoleuit cælitus decretum, indictumque ab ijs in statuta tempora, quibus est populorum salutis cura demandata. Morem prisca ætas coluit sine fallacia, & fuco, ut decebat, flagrantissimo in Deum studio accensos. Indecora postmodum posteritas Maiorum suorum virtuti, refrigescente sensim pietate, non modo obseruantia fibulam laxauit quæ iniuriâ, quæ fraude; verum etiam labem moribus inuexit ieiunij meritum abolituram, nisi succurratur. Hanc ego labem non alia mente dicere aggredior, quam morbos Epidemios Hippocrates, scilicet ut curari possit, ne ulterius neglecta serpat, ne prauertere tempus ieiunandi minimè contenta illud quoque occupet. Interfuit veterum moderationi perpetuæ frugalitati assuetæ lege scita cogi, ut sub initium veris per quadragenos dies sibi temperaret ab esu carniū, ouorum; lactis insuper liquidi ac pressi: nec nisi semel in die epulis accumberet. Sic ventre minus saburrato posse nos Christi passi monumenta animo recolere, quibus ille dierum periodus sacrat, adiunctis ad inedia alijs quoque corporis afflictationibus libenter, ac spontaneè susceptis. Hæc ratio diætæ tenuit, dum antiquis moribus, & virtute starent res. Quibus retro sublapsis tam longè pigere cœpit esuritionis Genio, ganeæque deditos. nec mora intercessit: continuò viam muniuere ad licentiam viriū imbecillitatem, causati anxio ciborum delectu, ieiunioque ingi minus suffecturam. & medentium adulatio causæ indulsit fidem astruens mendacio, ne si castigaretur, grassari id puderet latius. tum primū adinuentæ artes præscribendi, quibus quemque escis valetudinis ergo vesci oporteret: piscisque delicatiorum mensis interdictus tamquam obsonium capitale sanitati, cui nihil equè quàm pituita molesta sit peculiaris aquatilibus. Ita pecus innocuum damnatum nulla questione prius habita, nullo iuris ordine seruato, ijsue aduocatis,

catis, qui possent causæ auctoritate, aut gratia patrocina-
ri, quos inter præcipuum nomen habuisset Dionysius Car-
tusianus. Is calumniatores sui Ordinis ulturus librum edi-
dit, quo ichthiophagiam mordicè defendens, nihil ea ef-
se tradit ad vitam salubriter degendam appositius. certè
veteres æui Asclepiadæ, vt ex eorum scriptis satis constat,
pisces vel morbo correptis fontico exhibuere absq; noxa,
præsertim quos saxatiles vocamus. Equidem non dubito
surdis auribus hæc accipi ab eis, qui Sybarim in esuriales
dies intulere. hoc modò doleo, quòd non minùs ieiunium
exceptionibus putidi corrumpunt, quàm tempus ieiunio
præuium incessant effræni in vitia omne genus impetu,
nam non secus ac qui arctam obsidionem præstolantur,
iamq; vident aggeribus ductis hostium castra mœnibus ad-
mota, vndiq; in horrea contrahunt annonam fami, si ne-
cessitas ingruat, opitulaturam; ita isti aduersùs adventans
ieiunium se muniunt, omnia in ventrem conuasant, recor-
duntq; (hic enim ipsis pro horreo, hic pro penu est) rati, vt
apparet, ieiunij tœdium minimè sensuros, si in antecessum
se affatim cibo, potuq; farserint glirium in modum, qui-
bus sagina, indeq; subsecuta cruditas commeatum præbet
ad somnum per totam hyemem continuandum. Non alias
se dapilius inuitant, quasi tempus illud, quàm longum est,
quod inter cineralem diem, & Natalitias ferias interia-
cet, vnius cœnæ luxui dedicaretur. nec gulæ tantum in-
gluue peccatur à conuiuiis, qui, cùm optimè meminerint
Christiani nominis hominibus indici, vt dum ieiunant, ver-
bis, iocis, lusibus abintineant. sedulam dant operam, quò
omnem in hæc licentiam exhauriant, ante tempus quàm
adueniat ieiunij, ne earum reliquaméta pereât omnino ne-
quitijs id genus interdictis. Aude negare istos furiali œstro
agitari, argumentis te necessarijs conuincam, fateriq; adi-
gam. Iti phallos superant licentiâ, Mênadas furore, Saty-
ros in turpia pronos fœditate. Vbiq; Bacchanalia feruere
vide.

videmus: despumare ora vino madida in fesc enina verba
 probra: iurgia, conuicia: subsequi dein cades, vulnera,
 & coetera de hoc genere Lapithum bellaria: extrahi in lon-
 gam nedū noctem commestationes, verū etiam in ipsum
 Phosphorum, qui vt alios operum, ita hosce somni admo-
 neat circum cursatione plurima defessos, nec dum fatiatis.
 Equidem non miror sub persona seruili incedere curuas in
 terram animas, licet nobilitatis stemmata, fumosq; ma-
 iorum imagines iactent; id indignor magis pudoris adē
 extincti plerosq; existere, vt ora nudata omni velamento
 obuijs obuertant, dum nequiter agunt, quasi palmarium
 sibi putent furere solemnia, & recurrente quotannis infania
 defungi. Noui homines alias verecundos, paucorum ver-
 borum, pudoricolos, veluti Circeō poculo mutatos abire in
 mores longē alios temporibus illis congruentes, ne sapere
 soli videantur. tunc tamq; licentia, iusq; sceleri datum sa-
 tis viuium non habeat. scenam Comœdia conscendit male
 suada illa corruptrix vrbium, vt factis ipsis, ac si parū fo-
 ret verbis erudire, spectatores instruat ad vitiorum disci-
 plinas ita non indociles, vt possint præceptores ipsos edoce-
 re suas artes. Sic oleum camino infunditur sua sponte in-
 cendia voluenti; sic pessum non vno stimulo impellente
 itur, ne cōsuetudo exolefcat moribus recepta, perdita, anor-
 mis, maioraq; penē damna allatura, quā ieiunij sint com-
 moda, etiam si illud ritē seruaretur, & non dicis causa, vt
 mos hodie plurimorum tenet, quibus artium inuentor, in-
 genijq; largitor venter crapulę assuetus persuasit, vt opima
 fercula cœnarum saliarium emularentur per id tempus, quo
 fame pascēdam ingluuiem lex iubet iussu heu nimium irri-
 to, & vix pauperum aures peruadente. Apitij libros, &
 Athenæi cœnas modō mihi perlege, non deerit, vnde exem-
 pla sumas pisces obsonandi, condiendiq; adē opiparē, vt
 cruditati vel ipsi crexin excitent. ne putes in mensam pra-
 ta tantū herbida inferi; maluam nempe, scolimum. si-
 sim-

limbrium sale, & modico oleo inspersum. abscessere ista
ganeata, lauta edulia iam diu est in Thebaidos deserta ad
Anachoretas: ius nigrum ad Laconas redijt. coquorum
industriæ nunc maius negotium faceffit, quàm cum carne
instruitur domini conuiuium. placentarijs non aliàs licet
esse otiosis minùs. vina perquiruntur generosiora, mari ve-
cta, quæ stomachi vires simul erigant, simul palato faciant
delitias. tamquam satis Neptuni pecudes non sint, co-
chlea domiporta, rore pasta additur, ne se tutam putet,
quod nunquam pedem effert lare intimo. nihil epularum
numero eximitur, modo ne lege proscripte sint, & digna-
tionem augeant conuiuij. Quam ingeniosa sit gula, vel
hinc discite: digna res erit memoratui. Quadrupes animal
ora alit Septentrioni obuersa, quæ Danubio alluitur, Fi-
brum indigenæ dixere, vulpis magnitudine. Hic non ali-
ter somnum carpit, quàm corpore ita ad fluminis ripam
reclinato, vt caudam, quæ illi luculenta, & carnosa obti-
git, aquis profluentibus immergat, cætera terrestris census,
ditionisq; haud controuersæ. ob eam rem à coquo cauda in
ius tracta: & licet se agnationis, nataliumq; iure tueatur,
piscis esse iussa vices explet amnici cibarij, ac si solea, aut
murena foret, cuius eam saporem referre Lotharingi tra-
dunt, quibus in delitijs per ieiunium habetur: vt & auis
quædam apud Anglos generis amphibij, quam Puffin au-
dio vocari. Inunc, & fraude ab vna, aut altera reliquas
cognosce, quæ impunè aduersus frugalitatem esurialium
feriarum fiunt. De scitamentorum vi, quæ tum gustui ex-
citando adhibentur maximè, pauca vt dicam, epiphora fa-
cit graue morbi genus, quæ M. Tullij Romuli nepotum di-
fertissimi caput ita oppressit post augurale epulum, vt vix
loqui posset. Sumptuariæ leges incubuerant solito seuerius
in cœnarum luxum: glires, Attagen, pauo exulatum ibat:
omnibus ferè opsonij modus ponebatur præterquam terra-
natis, ad ea, nempe legibus excepta culinæ magistrorum

Sf

ars

ars conuersa condimentis effecit, vt, cum nihil haberi
 posset ijs suauius, continentiae Ciceronis imposuerint, qui
 aduersus opsonia Aediles timentia obfirmarat animum, vn-
 de morbus exortus ab eo festiuissime descriptus, credo, vt
 posteris documento foret nullum esse cibum tam diobola-
 rem, tam postremae notae, cui nomen, decusq; dare luxus
 nequeat, si volet. fungis nos, helueolis, betis quinetiam
 prandijs fabrorum destinatis decipit, laeditq;, postquam
 plus nimio helluati sumus non innoxie. Phthysicante ie-
 core tum demum sero sapimus, vt Phryges olim: hydrops
 temperantiam docet: inuisa febrium cohors iniecta manu
 aures vellens damnosae edacitatis admonet, iubetq; dedu-
 cere rictus ad conspectum coenae: poena noxam, vt varra vi-
 biam subsequitur. sic Superi voluere, sic decreuit Themis,
 vt, qui (modo cutis lepidè curetur) nihil sancti habent, ijs
 studium istud capitale sit: cura corporis saginandi corpus
 ipsum perdat. Quam benè crimini conuenit vexatio, le-
 cto affixus iacet ambulator vanus: ossibus vix haeret sue
 obesor, qui animam pro sale habet, ne putrescat; pitifana-
 rio orizae victitat tenui pulmento, cuius ventri mare, terra,
 aer vectigal pendebat: aquam ranunculorum potionem
 haurit falernae vindemiae perniciēs. ieiunia ganeonibus
 istis praescribuntur non à iure, quod nimis refractarie de-
 trectant, sed à medicis imperioso genere mortalium; quo-
 rum dicto non esse audientem nefas sit exitio saepe expia-
 tum. neq; hic finis celestium irarum: corporeo carcere ex-
 tractos carnifex statim excipit dirus Acheruntius, trahitq;
 non ad vncum, laqueumue, rupem aut Tarpeiam, schalas
 aut Gemonias (ferenda illis sanè haec forent, imò optan-
 da) sed ad poenas sine fine luendas admissorum, vbi perpe-
 tuum frigus alit perennis flamma, nigrore tetra, ac Cim-
 meria. Haec vobis occurrant mea gens, quoties libido in-
 cessit per enormia vitia obrutescendi. hic timor, sat scio,
 primum pariet malorum detestationem: exinde Numine in
 leni.

lenitatem se dante, cœptisq; adspirante, pietatem; postremo requiem nullo vnquam æuo desituram, salutarem, omnibus bonis circumaffluentem.

Clariss. Viris IACOBO BAROCIO;
BENEDICTO GEORGIO.

E Pulis vestris musco lepore conditis symbolam damus; Gallos nemoriuagos ternos, non Cybeles illos qui. dem famulos herifugas, verum genere prognatos alectryonacco, quas homines nostri brumales hirundines, credo, quia sunt hyemis prænuncij, vocare solent. vt sit inter tot patinarias escarum struices, quod vos Noricarum niuium admoneat; vbi nos manemus in statuiis. Sicoquus vester sapit, rancidulum illud, quod Romani in apro probauere, haud aspernatus, saporem ei exotico aliquo ex embammate arceffer: sin minus rusticitati nostrę ignoscetis, quā effectum est, vt vos amicos magnos subrancens opsonium consumere, quā nos integrum, satius duxerimus. Vale.

IACOBVS BAROCIVS.

ALOYSIO LOLLINO.

Accepimus Gallos, & epistolam; quasi munus eloquens, Gallos loquentes, & humanam, imò diuinatricem referentes vocem, vt Æsopi nobilis illa patina nobis desideranda non fuerit. Indictum est continuò prandium apud me Patri Seruorum, Contareno, Amulio, & Mauroceno. nam Georgius adhuc rusticatur. Stata die, quę hesternā fuit, conuenerunt omnes, excepto Mauroceno, imbre, credo, impedito. Prandij nostri fuit fundus opsonium tuum: nec vllō eguit embammate. Nam integrum erat iudicio nasi; etiam si Frangipanicus esset.

Sf. 2 Bellaria

Bellaria fuerunt docti, & faceti sermones, laudesq; tuæ, & gratiæ, quas tibi dicebamus, qui lautitijs tuis mensam nostram ornaueris. Vale, meq; scito perpetuum virtutis, nominisq; tui cultorem fore. Venerijs.

A N D R E Æ M A V R O C E N O *Senatori.*

NE viuum Maurosene Vir doctissime, ni mihi scripta à te non improbari mea periucundum fuit. Nam siue iudicio inductus ita sentis, seu potius amore (quod vt magis reat, facit mea in te summa obseruantia, ac pietas, tuusq; iste animi candor, & in tanta dignitatis amplitudine humanitas) quid mihi accidere poterat optatius, quàm ab illo laudari, vel amari; quem nemo non meritò amat, omnes iure laudant? accedit tui ingenij præstantia cum eruditione omnigenâ coniuncta; sermonis verò latini copia tam diues, tam beata, vt vel ingenti Venetæ Historiæ scribendæ argumento, cuius sub pondere complures viri florentis facundiæ succubuerunt, non modo suffectura, verùm etiam superfutura videatur. quâ præditum non fastidire aliorum exili filo contextas commentationes equidem mirarer, nisi mihi non ignota esset facilitas tua, atq; æquanimitas, cui maximè acceptum referre sanè debes, si nos tuam modestiam virgemus frequentiori ineptiarum nostrarum lectione, quàm occupationes tuæ patiuntur. Quò enim non penetrabit audaciæ scribendi cacoëthes, præsertim si laudis illecebræ accesserint? Sic est profectò doctorum hominum verecundiæ dicam, an indulgentia? Suffenos omni æuo aluit, quos mordaci vero detertere ab incæpto satius fuisset, reiq; publicæ conducibilius. cuius quidem malo tanta subcreuit laxitas annonæ cuiusmodicunq; scriptionum, vt nihil magis iam vile sit. Verùm deijs litterarij Censores viderint. ego Iudex, reusq; in eadem causâ non ero: sed tantùm immuni præsentium temporum libertate perfruar

fruar, dum licet, iudicijq; tui faciam hoc, quicquid libelli est, quod proximis his hibernis mensibus inter niues in alpinas lucubraui, ut mirum non sit, si id aliorum suorum natalium frigefacit magis, quam instituta conuenit commentationi, vehementiam, atq; animi ardorem requirenti. Vale.

ANDRÆ MAVROCENO.

Nimiùm files Vir amplissime, hoc est, ut ego quidem interpretor, nimium te publica res occupat, cui ætatem, cogitationes omnes, linguam deuouisti. etsi te ^{+ Absurdum.} ^{+ ἀκυρον} fortasse fuisse dixisse, cum tu interea concionibus tuis Curiam demulceas, grauioribusq; curis otium rependis nupervaleitudini insumptum. Nos, quibus Prouincia nõ aded laboriosa cõtingit, ut religio sit aliõ diuertere nonnunquam, non tam amicorum litteris respondere, quàm eos vltro laceffere debemus; præsertim cum argumentum suggerant inexhausti Camænarum fontes, quibus ora rigare à teneris vsq; assueuimus. fit enim nescio quo pacto, ut circum actus ætatis orbis puerile studium senectuti reuehat, iuuetq; illuc fessulum deniq; reuerti tamquam ad vitæ propemodum exactæ fidam stationem, vnde cursum principio ingenium corripuit per spacia immensa doctrinarum, sibi inuicem succenturiatarum. Quid facias? ^{+ Circum ius res humana.} ^{+ κύκλος} Τα ἀνθρώπινα dictum vetus nouum fuit, eritq;

dum sidera pascet

Oceanus

Enimuerò carmen, cuius gratia hæc præfati sumus Rhetorum in morem, si ad te perferretur tempore non suo, tantisper seponas licebit. dum Iuppiter Halcyonia reducit nubibus disiectis. Quod ut quàm citissimè eueniat, superos orare, donec exorauero, non desinam, quorum te cura Veneti rominis lumen tueatur. Vale.

MAF.

MAFFÆO CARDINALI *Barberino.**nunc Pontif. Opt. Max.*

Conspectum vultus tui Domine, quē mihi regionē longē istinc diffitam incolenti inuider fortuna, indulgit nuper ars Naturę æmula, imagine tui huc ab vrbe vsq; Bononiā transmissā; vt haberem, quo aciem oculorum dirigens identidem, ingenij vires explorarem, laudū me tuarum pondus ferre possent. cui quanquam minime fore responsuras arbitror, facio tamen haud illibenter, vt in ijs carminibus, quos ad te mittimus, conatus extet infantię testis idem meę, indexq; obseruantię, quā, ingratus sim, nisi maiorem in modum te prosequar, colamq; quoad Musas, & virtutem colam. Vale.

SCIPIONI CARDINALI *Cobellutio.*

QVem modo Pontificem summum declaratum omnes veneramur, hunc ego priuatim, cū Cardinalem gereret, conciliantibus amorem studijs, colui imprimis. Hinc adeo fit, vt pristinę clientelę ergo mihi sit necesse solenni ritu per litteras ei gratulari. quibus sanē litteris, si eas, à te Eminentiss. Domine Pontifex accipiat, tātum auctoritatis puto accessurum, quantum, æri, eborisue olim afferebat Praxitelis, vel Myronis manus. Quod vt facias, maximo te rogo, obsecroq; opere. Simul vt in meā culpā, si qua culpa est, tibi, humanitatiq; ignoscas tuā, quæ eo me loci adigit, vnde meus pudor longē arcuisset. Est apud me volumen, ingens illud quidem, & annos attritis ob vetustatem folijs præferens Amphilochia inscriptum, theologumena varijs disputationibus discussa continens. huic liberne Romę aliquis homonymus reperiatur, scire aucto. puto enim id inter repertu minimē facilia censerī, eoq; nomine haud

haud indignum fore, quod Bibliothecę Vaticanę pluteos exornet vnâ cum aliquot alijs codicibus calamo conscriptis, quos veluti reliquorum meorum prodromos mittere isthuc cogito propediem. Deus te Eminentiss. Pręsul incolumem, fospitemq; nobis diu seruet. Vale.

VRBANO OCTAVO *Summo Pontifici.*

NVncio nobis hodie allato Te inter tot sacros Christiani nominis Proceres Deo, hominibusq; approbantibus selectum, ad Summum in terris decus capessendum, ita sum affectus, vt lætitię magnitudinem meę ipse animo vix capiam, conceptam verò vllis planè litteris pro dignitate testari ne vix quidem possim. Scilicet experior ingenti nos voluptate veluti torrente quodam obrui, quàm perfundi veriùs, postquam euentus vota exequauit Reipublicę felix, bonis faustus, Italię salutaris, quę Te summo Pontifice spem erigit fore, vt breui tempore splendori suo pristino reddatur: mihi autem longè optatissimus, cui sunt à Te nec exiguo numero, nec exigua benignioris affectus testimonia. Has gratulationis causas mecum reuoluenti, vnde mihi gaudeam, abundè suppetit, verba, quibus Te Parentem iam, Rectoremq; humani generis alloquar, me planè deserunt, deserantq; porro, modò tibi eius vices merito gerenti, qui nostra quoq; silentia inaudit, ratio officij mei satis constet. quo sanè officio, cogitationeq; adeò ipsa licet iniquis locorum spatijs diremptus, celebritati Pontificatus Tui præsens adsum, pedumq; sacrorum oscula delibo, Deum obnixè adprecans, vt Tibi longa ætatis tempora, inflexasq; vires tribuendo munera quam grata, tam diuturna esse velit sua. Vale gentibus adoratum caput, & me huius simul pastorem gregis, simul tui ouem pascui tueri perge. Vale.

IA-

IACOBO VECTIANO.

Virtutem ego mi Vectiane sub quacunq; togâ, siue pallio repertam multo pluris facio, quàm natalium splendorem, aut famosarum imaginum inania. Te verò mihi posthac non virtus modò ipsa cum summâ eruditione coniuncta commendabit, verùm etiam Sacerdotij diuina dignitas, quam equidem vel gemmatis torquibus anteferam velleris Phryxæi. Titulis iccirco, quibus te per litteras primùm appellauì, nihil deam prorsus; addam potius quæ facto honori conuenire mihi videbuntur; incolumiq; amicitiae fœdere, cum tua modestiâ dilitigabo. cuius artes vides quam parùm processerint ex voto; extulere te maiorem in modum, dum eleuant. Nam quod innuis conditiones nec querenti mihi, te à Principe tuo Româ euocatum, ad curam nobilioris iuuentutis capefcendam: id quoque maximè declarat; qualis homo sis; quàm studijs iuxta bonus, ac Reipublicæ vtibilis. Perge porrò, quod facis; & in quibus eluces studijs, ne grauare præluere alijs. Regiæ propè fortunæ, ne dum priuatæ fuerit hoc munus, florem Ciuitatis, succrescentem parentum spei sobolem imbuiere institutis salutaribus, & maiorum nomini decus allaturis. Nos in te amando, ornandoq; si quid erit, in quo nostram operam experiri velis, eorum nemini cessuri sumus, quibus cum necessitudo tibi intercedit vetus. Quærens noster viridem senectam, atq; inflexas vires Musis seruat; semper aliquid noui pariens, parturiens, quod intentis animis miremur. Legi nuper Hexametros eius ad Hieronymum Aleandrum, dignos sanè meliore sæculo, carminibusq; æquiores. Nam Poëtam nunc eximium vocari, eximij apud plerosq; probri instar est. neq; ideo debemus ipsi nobis displicere, quibus Pieriæ rosæ nauteam non spirant. Vale.

VIR.

VIRGINIO CESARINO.

Ignotus te compello Vir amplissime pridem mihi cogni-
tum non tam famæ relatu præclara de tua virtute, nobi-
litateq; eximiâ narrantis, quàm commendatione omnige-
næ eruditionis, quæ in tuis carminibus elucet plurimum.
Quod in præsentia facio potissimum, quia non prius talis
mihi se obuiam obtulit occasio tibi innotescendi, qualis ista
est, maximo à me exoptata opere, & quæ nunc prætermis-
sa non parum sit ruboris verecundiæ meæ incursura. Meo-
rum etenim litteris accepi à te ex suscepto sacrarum admis-
sionum munere epistolam nostram peruenisse, quâ Sum-
mo Pontifici gratulabamur, perhumaniterq; recepisse,
te daturum operam, vt primo quoq; tempore Pontifici
reddatur. Quod tuum peramans officium tanti apud me
est, vt me valde pigeret tam in te colendo indormisse diu,
nisi in spe essem fore, vt tarditatem hanc meam ita posthac
studio, obseruantia, pietate deniq; erga te rependam, vix
vt in tui amore Quærenge nostro sim cessurus. cui sanè vi-
ro in omnes partes placuisse quid aliud fuerit, quàm Musæ-
rum epistolâ doctis commendari? Atq; vtinam is ego sim,
qui quos in sinu, oculisq; fero, eorum consulere nomini-
bus vlllo pacto possem in litteris veteranus tyro, nulla te dies
æuo memori eximeret. verùm neq; ipse tantum mihi ar-
rogo, neq; tū in id mea, aut illius omninò eges ope, qui fa-
mam factis extendere perinde, atq; scriptis valeas, soleas.
Vale, & Pontificem Maximum, cui es, conciliante stu-
diorum communione gratiam, carissimus, venerare meam
vicem.

Tt

FRAN.

FRANCISCO CARDINALI *Barberino.*

PRæcipuum meum votum fuerat Domine Eminentiss. ritè à me publici boni causâ conceptum Patruo tuo vi- uorum optimo, ac sapientissimo Pontificatum gratulari; proximum, ut is, postquam gubernaculis orbis præsedisset, aliquem sibi quàm simillimum desumeret, quem in no- men suum adoptatum rerum administrationi admo- ueret, lampadem ei tradens, quâ ipse in istâ religionis arce, cum adhuc Cardinalem ageret, magnâ cum laude alijs præluxit. Annuit Reipublicæ fauens, exoratum Numen. Vibanumq; humano generi regendo terris dedit, eidemq; in consilio adstitit, te interpretem, consciumq; curarum eligenti, quem fratris germani filium, imaginem animi, sensusq; sui optimis antea studijs, & moribus imbuerat, formaratq; primis usq; ab annis ad munera quæq; summa cape- ssenda. Hinc adeo fit, ut ego geminâ gestiam lætitiâ, & quod voti compos euenisse video, quæ summopere cupieram, & quia tuas Viri non tam præsentem, quàm sperata dignitate floren- tissimi litteras accipio, plenas humanitatis, benevolentia, officij; quas semel, iterum, atq; iterum auide perlectas in Thesauris Musarum sum asseruaturus, tuæ in me propensæ voluntatis, simul mei in te cultûs, atq; obseruantia apud posteritatem indices futuras. Interea quid ego tibi tali for- tunâ digno præstare, aut de me polliceri possim, non repe- rio; qui quaecunq; sum in litteris nomen consecutus, si mo- dò consequi vllum potui, totum id magni tui Patruj amori debeo; nam iudicio quidem non ausim dicere. ne igitur gratulator planè asymbolus ad te videar accedere preces afferam tuis lætis rebus, Deum præpotentem rogans, atq; orans obnixissimè, ut Nepotis Pontificij prænomine, atq; auctoritate ad litterarum promouenda studia, bonis tibi de- merendos, Rempublicam ornadam quamdiutissimè Prin- cipe

cipe incolumi vtaris, populorum amor, Urbis columnen.
Vale amplissime Domine, & me semel in clientelam receptum tam amanter, tuo praesidio tueri perge.

HIERONYMO ALEANDRO.

Nihil mihi potuit nunciari laetius, quam te nuper in eorum numerum ascitum, qui Principis secretis obfidem, & scribendi facultatem admoventur. nam qui iam pridem virtutem perspexissem tuam, diuersis otij, ac aulae studijs exercitam, spem minimè quidem dubiam fovebam, te eò demum loci euasurum, qui tui similibus debetur. Igitur non tam tibi vehementer gratulor, quam crescenti in dies laudi Pontificis, qui praecleara ingenia, maximaq; de se exempla datura non intrapriuatos parietes latere vult, sed in urbis ore, atq; oculis versari, vt Romam ad se vndique terrarum venientibus spectaculum egregium occurrant, saeculiq; arguant felicitatem, quæ in eo consistit maximè, vt Honoris templum non nisi ex adytis Virtutis egressi adeant. Ea in te est mi Aleander pietas singulari cum eloquentia coniuncta, vt tecum beneficijs certantes pœnitere nullo sis vnquam tempore passurus. Dabis eos in omne æuum Famæ rerum notos, tui styli operâ. Succensebam dudum equidem Fortune, quod in te esset animo alieniore, & crimen sanè temporum putabam, tantum ingenij lumen parcius fulgere: nunc omnem mihi animo eximit tristitiam salutare sidus humano generi exortum Urbanus Pontifex, cuius sub auspicijs vrbs ipsa multo est reddita urbanior, & studijs suis manet honos, imò reddit potius, ferò nimis, & penè desperato postliminio. Quare vt ad id, quod mihi primo proposueram, reuertar, rebus tuis secundis non tam lætor, quam de te maiora in dies, & virtutibus tuis digniora audire aueo. nihil me hac acroasi oblectabit magis. Vale.

Tt 2 HIE-

QUOD me Pontifex Max. ad res arcanas vltro admiserit, & ad conscribendas Epistolas, si non aliud mihi honoris & fructus ea res pepererit, hoc certè abundè erit, quòd te Præsul Illustriss. ad gratulationem excitauit, & no- uam hanc tuæ in me beneuolentiæ significationem expref- sit. Id mihi quàm gratum acciderit, quàm censeam hono- rificum, vix assequi verbis possum: tibi faciliùs coniectan- dum erit, qui non ignoras, quo apud me sint loco eximia tuæ virtutes, eloquentia, doctrina, eruditio, ingenium à vulgaribus longè semotum. Ac profectò eo maiorem tibi habeo gratiam, quòd etiam perspexerim, quàm libe- raliter ac plenâ manu laudes in me conijcias, quò enim mi- nus eas demereri possum, id eo magis tui in me amoris ef- fe argumentum sentio. Ais tu, habitam esse à Pontifice ra- tionem cum meæ fidei, tum facultati scribendis. de fide fa- cile concedo: de scribendi facultate quid dicam? sanè si ab alio potius quàm abs te iudicium hoc proficisceretur, ap- plauderem forsitan ipse mihi, & si quam vnquam de me opinionem suscepi, quæ sanè exigua fuit, semper, confo- uerem, utiq; ac sustentare conarer. Nunc tuæ me litte- ræ, in quibus exarandis prorsus excellis, omnemq; elegan- tiæ vim exhauris, adedò deterrent, vt in hac facultate ineptum planè me esse intelligam. Qui tamen mihi honos ab optimo Pontifice delatus est, acuet nonnihil, vti spero, ingeniolum, industriamq; meam, vt aliqua tandem ratio- ne ipse me vincere contendam, & opinioni, quam ille de me concipere visus est, quatenus per tenues vires licebit, respondeam. Si voluntati par non erit facultas, nemo ta- men mihi eripiet, quin collatum in me beneficium agno- scam,

scam, & tanti Principis humanitatem prædicem, eiusq;
gloria perpetuò faueam. Quæ sanè gloria illustrior in dies
apparebit: is enim, quemadmodum tu nosti, cùm virtu-
tibus omnibus, & eximiâ sit præditus doctrinâ, bonas artes
sine dubio liberalissimè excipiet: fouere, atq; ornare per-
get (vti facere cœpit) probos viros ac doctos: inde indu-
stria excitabitur, laborem præmia consequentur, virtuti
patescet aditus ad honores, suas ipse Pontifex laudes, sua
benefactorum rectè collatorum promerita quasi pleno thea-
tro fulgere conspiciet. Utinam tu quoq; si per ætatem &
valetudinem liceat, hoc saltem anno sæculari, qui non lon-
gè abest, spectator hîc adsis: gentes cerneris non ad Vr-
bem magis, quàm ad Urbanum confluere; Principem ip-
sum, qui te tuasq; virtutes tanti facit, vehementer exhila-
reres; me verò, qui te coram venerari aueo, gaudio trium-
phantem videres. Sed vt à serijs ad Musarum ludicra, que-
madmodum tu facis, diuertam, iudicium tuum de meo in
Aldinè obitû carmine exosculor, quòd saltè tui erga me fit
amoris index. Certè si quis in illa catella sit sensus, gau-
deat magis inter isthæc elegantissimæ tuæ epistolæ lumina
nominari, quàm reponi à Poëtis inter sidera. Vale. Romæ.

ALEXANDRO SYNCLITICO *in Academia*
Patavina Legum Professori.

Dimidio te factum locupletiores, quàm antehac fue-
ras, non tam tibi gratulor, quàm Pandectis tuis,
quibus ex quo nauas operam assiduam, tantus opum tibi
cumulus accessit, quantus olim vix obueniebat Macedo-
nicarum aurifodinarum curatoribus. Posthac illos non
Pandectas, sed datores opum voces censeo, aut Pactolos
ipsum χρυσὸν πόας. Is erat tibi principio colendus mi Alexan-
der fundus, tam nullo negotio colonum ditans obrizâ mes-
se; & non Hippocrates ille Chius imitandus, qui mer-
cator

+ Antei
tamentis.

cator ex Geometrâ factus è vestigio naufragium rei, temporisq; fecit, cuius negant iacturam resciri posse. Sed viceri vnguem ne adhibeamus, & quæ perijsse scimus, perditâ putemus. Ego, cum animaduernerem in dies Ciuitatem in rura ex vrbe excedere vindemiatum; gregem, quem aliàs ducō, ponē sequi malui, quā fori mœniana solus asseruare. Itaq; in suburbanum huc secessi, vbi Lenæi ferijs ab interuentoribus vacuus intersum nihil ferij animo reuoluens præter id vnum, ne quid ferij. Aucupio maxime oblector, quod tamen obo per procuratorem, in lucubratoriâ sellâ domi sedens. Cēnam instruunt linæ auicularum, quas inertes perdidit opimitas, volatum inhibens, simul villici dolus, illata vineis damna laqueo vlciscens. nam per agros latē grassantes semina effodiunt, pauperant vindemiam; ficus populantur. Rapacis legionis dicas cohorticulam, cui necesse sit absumpto comiteatu rapto iuere. Has ego iure hercle pendere arbitror, auidas fructuum nostrorum prædatrices; nisi tibi aliter videtur Themidis interpreti, & quem cur Iuris adipem non vocem, cum Ennius, primus Romani carminis conditor Cetezum suum Suadē medullam appellarit, sanē non video. Feras me hodie oportet animo solutiori rusticantem: simulac domum rediero, supercilium resumam dignum Præfule, nec indignum eius grauitate, ad quem scribo; cui publicè superiori è loco prælegenti studiosa iuuentus, linguis fauens aurium vacuas ædes præbet. Nos non neminem ex his solitudinum inalpinarum incolis tibi auditorem submissuri sumus, cum hibernum Arcturus increpuerit: nam nunc quidem vulgò vt mos obtinet, non legibus enucleandis, sed nucibus legendis occupantur. Vale Pignorio, Sandellio, Lyceto plurimam salutem. ex suburbano Castilionço.

BER-

BERNARDO A COLLE *Medico Eruditissimo.*

ITa me Hygea amet mi Bernarde, ut non tam morbos corporis exhorreo, quam istas vestras aduersus eos formulas alexipharmacas. Quam ob rem, si optio detur; ijs caream libentiùs, quam vel validitate pedum, vel pernicitate, quas profectò dotes primas carpit etas, postquam ea præceps in decliue fertur. Causam si quæris, nihil à me amplius retuleris, quam sic mihi magistrum ingenij Genium persuasisse, quo ego dehortante nil omnino molior, non secus atq; olim Socrates solebat intestino illo suo Numine inuito. Facefsat igitur Terebinthi gluten, vel virgas aucupum visci instar instruat. nos interea diætericæ canone utemur: cui vni quicquid posthac vitæ Clotho staminis addiderit, sumus debitori. Diu est, cum abs te nostris copiis bibliacis nihil affertur supplementi. præla istic excusoria oritari puto. De Marini Adone saltem aliquid scripsisses, cuius inaudieram meditationem valde properari. Incrementa noctium nos admonent lucubrationum. iamq; lucerna adornatur diei æmula, quæ nobiscum vigilet, modò sit, in quo operam elocemus nostram haud infructuose. Vnanimem fratrem ita tuæ commendamus fidei, ac sedulitati, ut parciùs ei porrigas amaroris proculum, salutare quidem illud non negamus; sed quod plerunq; excrucians dolor, & labor inquires, & sitis obibitura Acheloum comitatur. Vale. ut ægri artis tuæ clientes valeant. Belluni.

BERNARDVS COLLE *Medicus*

ALOYSIO LOLLINO.

Quod non tam morbos corporis exhorreas, quam nostra Alexipharmaca, facile mihi præsuadere potes
Illustris.

Illustris. Antistes, vt pote qui tuum abhinc annum Iatro-
phobiæ legerim opusculum mehercle elegantissimum, vbi
Apharmaci nomine in medicos, & eorum formulas tā acri-
ter es inuectus, vt Tullium in Verrem penè superaueris,
adeò vt sæpe mecum mirari subeat, quī Laurentium no-
strum tantā prosequaris beneuolentiā. At, inquires, non
eum diligo quatenus Asclepiadis sectatorem, sed vt multa
eruditione, & doctrinā hominem ornatum. Benè est: atra-
men cū cernis, & alloqueris Laurentium, semper medi-
cum præsto habes, qui ab ipso nequit separari: & licet dia-
logus ille in inscios tantū, & scæuos editus sit, omnes ta-
men indiscriminatim suo aculeo non tangit modò, sed fe-
rit. Sed hæc ioco dicta sint. Terebinthi gluten quod no-
bis mitti ad te iusseris gaudeo; & magis, quod reliquū vitæ
vni medicinæ tantū instrumento, dietetico nimium di-
caueris: Hanc sententiam, & animi tui decretum quidni
summis laudibus extollam, cū præstantissimorum viro-
rum testimonio sit confirmatum. Præla excusoria Ve-
netijs multū oriantur, & ex nudinis Francofordien-
sibus pauci apportātur libri. Causam non ignoras esse Mar-
tem, qui feruet in Germania, itineraq; detinet impedita,
ne Mineruæ, ac Musis aliquid afferatur supplementi. Diu
etiam est, cū bibliopolas non adeo, forensibus iudicijs
heu nimium conflictatus: quem saltem fructum, si non
aliū mihi peperit Iouiani nostri reditus. Adon Marini à
Philippo Floreno ad Donatum Bernardium aulicum tuum
veniet, cuius iam absoluta est editio, sed castas aures, vt
puto, offendet eius obscenitas: audio Romæ eum recudi
expurgatum. Mascardi orationes Italicè conscriptas, &
Genua in Vrbe typis commissas, si placerent, mitterem.
A Fratre Illustrissimo tuo vereor, ne sæpe audias querimo-
niam: nam ferè semper aliquis morbus ipsum fatigat: si cli-
nicus nihil agat, negligentia nomine reprehenditur: si ex
seniorum Hipocratidarum consilio remedium adhibetur,
cū

cum illud nunquam sine quopiam incommodo fiat, aliud
 oritur genus quærelæ. vnde in otio, et in negotio malè au-
 dimus. Sed hæc sunt medicorum fata. Vtinam me sua-
 dente te posthac sequatur magistrum, canone solum vtens
 diætetico; sic esset frater omnino vnanimis, & minus egro-
 taret. Vale Pastor optime, vt Belluni oues valeant. Vale
 Musarum decus. Venetijs.

LAVRENTIO REGOSIÆ Medico.

Avtumni insalubritati, æstatis nimios calores insecu-
 ra haud equidem leuiter irascor; quod & Libitinæ
 vestigal auctet vberi prouentu; & tibi omnem adimat la-
 boriosi muneris vacationem. Quinquies iam Luna latuit,
 totidemq; vicibus recreuit, ex quo funus ducitur è funere;
 nec curandis corporibus pollinctor, nec vmbri portitor
 Auerni transuectandis sufficit: cum tu interea mi Laurenti
 cum fonticis morbis bella geris, triumphos illa quidem ha-
 bitura, non negamus, sed sudore, & puluere refertos. Her-
 culem aliquem postulat hæc hydra, excidio toties rena-
 scens; mortalium vires nimium fatigat; nisi curis otia in-
 terposuerint, requiem laboribus, qui ærumnosum meden-
 tium genus adco perurgent, vt senium annis adhuc iuue-
 nilibus inducant. Cuius ego rei exemplum Æsculapium
 numen vestrum afferò, prolixo barbæ siluescentis firmate
 conspicuum; patrum quidem; sed quem Phæbus pater
 imberbis arguat in id æui ita maturè succreuisse, vt junior
 parens nato videatur. nec verò iniuriâ, si vitæ vestræ ra-
 tio spectatur iniucunda prorsus, atq; illetabilis. nisi lepi-
 dum creditur acroamagemitus cardiaci, aut podagri ciula-
 tio, aut phrenetici furor medicis quoq; ipsis non innoxius.
 Ad hæc vos dramata, hos ad ludos crebro accersimini; vbi
 non vacui spectatores sedeat; sed magna pars ipsi sitis fa-
 bulæ. Fregit vt quisq; talos per viam concidens, accurri-

Vu

tis:

tis : apoplexiâ afflatur; à cane admordetur rabido; erubescendum vlcus fouet sinu, Veneris ob iram: præsto estis veluti malorum Publicani; ne quid fortè eorum clam vobis portorio non soluto per fraudem, & dolum vrbi inferatur. Sed ne ego diuersus à Rhetorum præceptis abeo, qui te ita solor, vt laborum recensu magis onerem maestitiâ. Alcioniâ erant potius exoptanda nobis, aut salutaris aliquis Caistorum exortus nubilam hanc hyemem discutens, serenumq; reddens. quod tamen futurum coniectamus breui, vt sunt rerum vices prospera aduersis admiscentes, lætiora tristibus; quorum iam commemorandorum finis esto. Nos in isto secessu tempus sic diuidimus, vt, & molli inambulatione corporis veterum perpetuâ sessione contractum extergamus; & amarioribus studijs oblectemus animum grauiora negotia iam fastidientem haud sanè aliter, quàm egroti, vestri vectigales haustum absynthij, non quem Pontus mittit, aut Mamantis fano celebris conuallis, sed nemini non obuij istius pleni amaroris. Matutini temporis particulam lectioni damus; pomeridianas horas saluatoribus, qui nos frequentiores hîc conueniunt, quàm si urbanam solitudinem incoleremus; vbi medicis, & febribus exceptis nemo reperitur. canamus solitò lautius, prolixius, hilarius, mensas instruente aucupio non vnus generis. ad me enim, ne tibi ignota sit patinarum mearum opulentiâ, certatim quicquid auræ ferunt, vndiq; affertur, vt periculum sit, ne pro opilione fiam auceps tantisper, dum auxilium hâc iter tenens in paratos laqueos se induit. Saliuam credo tibi moui, mea bona memorans solito iactantiùs. cur tu ergo turbam postico fallens te ad egrotos euocantium, huç dicto ocyus non properas ad inéptas dapes? locus est & pluribus ymbri; modò tantum ingenij lumen, quantum tuum est, ymbrarum sodalitiū admittat. Vale, & carmen ruris laudes complexum lege.

E I D E M

Venit ad nos heri vesperi Florentius, homo sui planè nominis, excultus, elegans, vultu non minùs, quàm ingenio in omnem hilaritudinem compositus. Is post comitia illa; unde nobis tam repentinus; quàm teneret iter (erat enim viatorum in modum accinctus) nobiscum epulis discubuit, quas affatim tempus suggerebat aëriuagas scilicet, plumigeras, nec palato ingratas, nec tumultum stomacho moturas. Has ille mirifico embammate condiebat salum, lepòrumq; festiuissimorum. A cenà statim percuntari cepit anxie, quam ex cruce penderet vitis illa, quæ nobis omphacinos acinos produxerat, acetarijs tingendis, quàm poculis miscendis aptiores. Ego lege cautum apud nos dicebam, ne quis vino vteretur non indigenà. Hic ille, agnosco, inquit, merum municipum vestrorum Atticisum. nam illic quoq; vetabatur plebiscito exoticum oleum olieri infundi. nisi quod præclara oliuatio Atticorum extitit, vindemia apud vos, vt audio, imò probè sentio, immittior collum suorum nives olet. quin tu potius puerum afferre iubes vrceum Cretici veteris vetustis, quo Musis, & Herculi poculo saltem extremo propinquemus? nam quo nos ab ouis ad mala vsq; perpotasti, vix credo ritè perlitari posse, nisi inferis Erebi Celitibus. Interea vrceus offertur plenus nectaris Cydonij, cuius ille odore illico afflatus, rigatus latice, quos Charitum, Musarumq; (si qui sunt vsquam fontes) quam copiam iocorum non profudit? Haud de nihilo dictum fecundos calices disertum facere etiam elinguem, ne dum qui Lusciniam modullos doceret. cadentia sidera somnum suadebant; sed illi alia omnia Lyæus: lusit ad cytharam ex tempore versu non incompro. dicteria iecit in conuiuas, qualia in Cyro Xenophon miratur, morsu, sed innoxio placentia. Manè ex-

V u 2 p e r r e.

perrectus ante viam quam se daret, ientaculum cum caligis,
& baculo poposcit. iter ingressurus induci nullo pacto po-
tuit, ut inscenderet in admotum equum, causatus non pe-
rinde alienis pedibus farcinulam sui corporis se credere, ac
suis; quibuseffet assuetus, ex quo primum incedere capis-
set absq; serperastrâ: quæris? equidem non memini canas-
se me in vita latius: nam ille nunquam a symbolo accedet
ad conuiuium, etiam si præter ventrem, & dentes nihil affe-
rat, qui tot alacris ingenij suauitates secum domo affert.
Recepit nobis se hâc intra paucos dies rediturum, modò
ne penulam illi scindat hospes lautior, & cui Optimiani ca-
dus in cella sit; Nam Norici nostri acore delectatur minùs.
Hæc volui tibi ne ignota essent, ut gaudio tu quoq; nostro
gauderis, subinde memoriâ repetens mirificam hominis
indolem, ac festiuitatem. Vale.

E I D E M.

DElectauit me mirum in modum tuæ epistolæ dædala
varietas, si modò illa epistola vocanda est, nec Pan-
dectes potius omnia complexus, quibus penus litterarium
instruitur. Haud frustra ab eo lactis gallinacei haustum
petiero, si petam. vnde tibi tanta mi Laurenti fluxit copia,
cupediarum? Athenæi tui canæ saliares Cynicum mihi
videntur prandium præ illis. Ne me tamen putes in au-
rium gratiam tua omnia ex Gnathonis disciplinâ laudare;
vnum peccas, quod, cum ita scribas, non scribis crebrius,
& illacessitus, nisi tibi calami acies atteritur, therapeuticis
exarandis formulis ad pharmacopæos. Malè sit malorum
Iliadi, quam parùm saluber annus vrbi intulit. absq; eâ fo-
ræt, te scripturientiore vteremur. liceat sic loqui rura in-
colentibus: forensia verba vnâ cum vrbana togâ resume-
mus, cum remigrationem suaserit frigus; quod iam iam
aduentare venti arguunt hyemis prænuncij. Vtinam illa
in iti.

in itinere apoplexiâ correpta corruat, nosq; diutius si ui
 finat autumnî bonis. quod ego anni tempus non ineptus
 omnino rerum æstimator. Veri antepono, licet illud suum
 Zephyrum, suos iacet flores, quibus Astomi sint, oportet,
 qui ducuntur. Equidem ex Aristippi scholâ non fatui pa-
 lati hominem cognoui pridem, qui vnicum bifere ficus
 fructum maluisset, quàm cum toto suo vernanti comitatu
 Floram, cuius ego in sententiam quidni libens abeam, cui
 & lilij grauis odor caput replet, & Narcissus torporem
 incutit naribus admotus? Sed heus tu quid tibi in men-
 tem venit me bibliothecam nuncupare? eodem schemate
 ligneum vocasses, qui apud veteres Iuris consultos legeris
 bibliotheca nomine, non libros, sed librorum forulos in-
 telligi. Verùm hæc per iocum. Addam coronidis loco,
 serium quod sit. Crucem tu quidem in tuâ epistolâ nostris
 contubernalibus fixisti, dum gryphum Theodectæum me-
 moras. in quo sanè coniectando quisq; Dauus fuit, nemo
 Oedipus. Vale Hygea interpretes, valetudinis pararia,
 idemq; flos recondita eruditionis illibate.

E I D E M.

NÆ tu Mercurio vteris propitio mi Laurenti, qui, vt
 promercales libros istuc à bibliopolâ nouiter adue-
 ctos commodius licere possis, nos tuos acres æmulos futu-
 ros ruri detinet. licebit iam tibi ingentis pretij mercem
 litterariam paruo addictam emere, atq; in memoriæ the-
 sauris recondere, vt moris est tui. At nos hic non ampliùs
 volucres captamus, aut poma legimus, sed sædis tempe-
 statibus obfessi fumantia procul villarum culmina, conspu-
 tosq; canâ niue montes circumspicimus tædio ruris non
 minùs, quàm desiderio vrbis tabescentes: adeò multiuo-
 lum animal est homo, & amata relinquere pernix. Igitur
 cras viam monstrante Deo, auib; bonis comitantibus,
 si quas

si quas modò aues reliquas fecere aucupum insidiæ, iter
meditamur, breue illud quidem, sed apprimè lubricum,
lutosumq; aded, vt vix Lutetiæ cedat Galliarum Regiæ.
Tu canam nobis aduentitiam parabis, simul narratiuncu-
las de vrbaniis rebus, integram non tam epulis famem affe-
remus, quàm vacuas istiusmodi auditioni aures. negant
enim has, dum vacant operi, impedimento esse dentibus,
ne rem conficiant. Vale.

LAURENTIO PIGNORIO.

LEgi tuos ad Vrbaniū Maximum Pontificem hexame-
tros, & in eis (quod in amicorum liberis, cū se no-
bis dant obuiam, solemus) parentis indolem, natiuamq;
elegantiam agnoui. Sanè non nostri sæculi carmen vide-
batur, nisi te hoc sæculum tulisset. successit nullo fermè
interuallo proximum elogium, neq; enim mihi istic desunt,
qui Musarum tuarum sæturas statim ad me mittunt, de quo
quid sentiam, si quæris, lepidum ac roama quæris laudum
tuarum: quæ ego, vt modestiæ tuæ morem geram, ne de-
libo quidem; id modò dixisse satis habens materiam perin-
de operi congruere, ac materiæ opus. Te præcipuum præ-
conem habet virtus, cuius cantu Olympionicas suos ad
Coronas euocat, quæ profectò laus ed est præclarior, quò
rarior. Absq; te foret, tuiq; per paucis similibus, celebre
istud doctrinarum domicilium, Patanum Camænis raro
perlitaret. nec in reliquis partibus Italiæ getiū victricis pro-
uētus vberior habetur istiusmodi ingeniorū ingētia aliorum
decora scriptis immortalibus æquatiū. Romæ certè vix duos,
aut tres neq; eos indigenas reperiēs, qui nō vulgaris monetæ
carmē cudāt: ceteri sunt numerus. Hinc aded mihi in mentē
venit cum indignatione quadam demirari, qui fiat, vt sa-
cros Vates sæculi sui fauor penitus destituat, posteritas of-
ficiofa colat studio non magis hercle profuturo, quàm si
quem

quem viuum sustineas egere, cum iuuare possis: eius ex-
tingendi Tumulum inspergas liquidis odoribus. nisi fortè id
crimen fortunæ est nouercali odio doctos prosequentis,
quod eius Numini nec litant, nec vota nuncupant: sed
celo, vbi eam vulgaris vecordia locauit, præcipitem eij-
ciunt, vt Titanas Hercules. Verùm hæc alijs deflenda
omittamus: Nobis temporibus tritari lætis ominosum sit,
cum spes certa spondeat accisis bonarum artium opibus
Pontificem breui succursurum. Nemini hæc sanè gloria
debetur æquius, quàm cui acta in litteris hucusq; ætas eos
fructus tulit, quibus modò res christiana fruitur. & vt por-
rò fruatur diu boni omnes auent. Vale.

BARTOLOMÆO CARTVSIAE *Vedana Praefecto.*

EQuidem mirarer te post tuum hinc discessum nihil ad
nos dedisse litterarum, nisi vobis pro facundiâ silen-
tium plus quàm Harpocrateum esse planè scirem, præfer-
tim cum nemo vos ad scribendum prouocat: laceßiti nãq;
de disciplinæ rigere aliquid remittitis: Age igitur, & post-
quam animum induxisti nihil prorsus scribere; at rescribe
saltè, nosq; verbis affare visibilibus. licebit id te puto facere,
quod aliàs fecisti, saluis istis vestris Amycleis legibus; quæ
os quidem intercludunt vallo dentium; calamo, quod sciã,
panam non intentant, siquid fortè hiscerit. nos hîc haud
aliter solabere tui desiderio grauitè affectos. Argumen-
tum litterarum si minùs suppetit, præscribere ipse non gra-
uabor, cui nondum est exempta fames, recens editos libros
perlegendi. Ecquid de Ripamontio noui? ecquid de so-
ciali historiâ inaudisti tu, qui à bibliopolarum tabernis abes
propius? amaho mi Bartolomæe, si quid habes huiusmodi
cupediæ, quæ Apitianas artes minimè morantur, &
sunt cultoribus Musarum valde expetite, nobis indica; nul-
lum, mihi crede, acroama isto fuerit iucundius. Valerudi-
ne te

ne te uti incommodiore (id enim ad nos à tuis est delatum) permolestè fero; si me amas, si te ame amari scis, enitere quantum potes, ut vires ante aduentum hyemis recolligas: frigus enim, quam semel ægritudinem prændit, solet alere impensius. animum auocare à studijs grauioribus plurimum iuuabit, nec parum, corpus paulo accuratius, quam mos tuus patitur, curare. Deus medicinae parens, idemq; sospitatis autor te seruet. Contubernales tuos in portum iam fortis, & fortunæ securè nauigantes saluta meis verbis. Vale.

Putasses ne vnquam euenturum, ut in vota transiret paupertas, Superumq; aures huiusmodi prece fatigaret homines: auferre propitij importunas opes, tollite tot periculis causas, tot malorum suadas. Euenit iam saculi flagitio, quod minimè omnium arbitrabare, nosq; talia vota nuncupantibus olim interfuimus non semel; nuper verò Aureliano veteri sodali, dum nullius probri antea cōperto vnum crimen esset census paulò vberior. Quid facias? haud aliter sector euitatur, haud aliter exilium, quam egregiâ istâ arte; cuius nos Minerval Castoreo debemus; ne putres à Stoicis tantum, aut Academicis præclara hæc in ludo, vitâq; sociali profutura dogmata edisci. Is à naturâ edoctus, nihil à se peti præter genitalis seminis loculamenta in usus medicos quæsit, ipse sibi ea euellit stirpitus, projicitq; procul insequentibus libertatis pretium. Ab hoc exemplo ecquis erit tam degeneri indole, qui mutilus esse non malit, modò liber; quam toto corpore integer ingum experiri? nihil nos iniurijs Fortunæ æquè prodit, ac diuitiæ. hæc ni sint, facilius vulgi falleremus indignationem; equalium inuidiam; potentiorum truculentiam. Neroni, quoad vixit, sic conueniebat cum virtute, ut eius conspectum

permo.

permolestè ferret, neq; tamen vnquam in Seneca præceptore eam violasset, nisi malam vicinam ipsa sibi adiunxisset opulentiam, quæ illi cotis instar fuit asperandis odijs. decies millies sextertiū te Annæ perculit. absq; eo fuisset, non tu excisis ante diem venis tuo cruore. Esculapio litasses, Cleanthæ sectæ parū memor, cui sapiens solus diues est. quamuis censu, lareq; indigus olere se alat; Cælo contegat. Longum nimis facerem, si quos elegantiores villæ, horti, domus, Regum prætoria æquantes proscripere. proprioquemq; nomine huc cierem fidei rerum, quæ à me dicuntur obfirmandæ. Quod de auro Tolosano traditur, id de toto tradi auro putato, exitiale pariter possessori, & raptori est; nisi accedat vsus id in dies erogans, dispendio lucri non parū allaturo, si quantum pecuniæ in nominibus faciendis occupatur, tantuudem conferendis beneficijs locemus; quorum Cædaria omnibus expensæ tabulis præferri debent. Periti possessionum æstimatorum, magni prata faciunt, præ alijs vel rusticis, vel vrbis prædijs, quod eis nihil, aut parū nocere possunt tempestates. neq; enim æstu aduruntur, si sint irrigua; nec carbunculantur; nec ea calamitas attinget grandinis. quanto illi melius, qui animi bona prima ducunt, reliqua verò omnia ne digna quidem, quæ boni nomine quis vocet, nisi eo sermonis schemate, quo Furia Eumenides dicuntur; aut Pontus, quo nullum inhospitabilius mare, Euxinus. Naufragio eiectionem in Rhodiorum littus Aristippum, rerum omnium egentem hospitio excepit fama sui, famâq; ipsâ maior eruditio. Æsopus monstrum illud hominis, si famæ credimus de eius deformitate mira renarranti, in catastâ venalitorum stans in seruili exomide non artis suæ oblitus herum quarit, sed cui ipse imperet. Demirari ergo definamus, si cui prisci qui sapienti fortunis omnibus lapso vox ista excidit plena veritatis; *omnia mea bona mecum porto*, cum nec sarcinulas haberet vllas ista iactans, nec peram, vbi

Xx

anno-

annonam viatoriam reponeret. Equidem memoriâ vetus illud verbum Græcorum recolo, quo docemur: artes, etiâ si frugum penuria publicè grassetur, omne solum alere, modo operi velint manus admouere. Id ne græcè proferam, timor sanè facit, ne exoticæ linguæ voces tuæ aures exhorreant non minùs: quàm Penulum Plautinum saturi Romulidæ; & si parùm refert, quo loquentem sermone inducamus sanam mentem, cuius tu porrò monitu parciùs incumbes thesauris struendis, recondendisq; ne impendijs vnquam desit sumptus, cùm videas maiori facilitate perderem, quàm vndecunq; corradì perituram. congestas pluriùm annorum opes breui horè momento aut fiscus, aut hostis rapit, aut latro effoissas refert in apricum; quod bonarum artium studijs non euenit, quibus cùm tu adhuc immaturus æui mentem excolueris; non video cur, quasi ludicrum puerile foret sapientia, in alia omnia nunc eas natu grandis, nisi tu, quo minus tibi restat viæ, eo viaticum paras copiosius; de quo tamen nihil comperti habeas, sit nec ne itineri satùs futurum. Quin tu sedus cum Musis feris me sponfore, vt tu illas observes, colasq; bonâ fide, quoad vita suppetet; illæ contra victum tibi, cultumq; in Prytægo præbeant dapiliter, siue domi consenescas pauper; seu te patriæ extorrem longinquas visere terras fata velint. Iouem lapidem iuro, nullò te vnquam tempore pigebit eruginè ne hanc, an auriginem potius? exterfisse; antequam alijs descendat, animum peius infectura, quàm Idæus solet summam cutem. Vale.

† Locus
Athenis,
Sibi bene-
meriti de
Republica
alebatur
publicè
Vatesq;
pulabatur

LA VRENTIO PIGNORIO.

DEffendis me carorum casibus fortuna seruat ingrato quidem beneficio, & Poliphemi Cyclopi liberalitati planè simili, quâ ille Vlyssi imputabat, quod eum, postremam cenæ suæ dapem destinasset. Præfice id officij conue-

conueniret magis, aut tibiicini funebri inferij modos faciē-
 ti, qui mercede conflucti sub persona luctūs rident saepe nu-
 mero; non mihi effusi non tam in meos studij, quam mol-
 lissimi affectūs, & qui eos Castoras superstites Pollux ipse
 mallem, si liceret, & daretur optio. Breui annorum cur-
 riculo Musarum Maurocenum, Valerios geminos amifi-
 mus repetitā clade, quorum postrema Simonidæis lacrimis
 prosecuti sumus. Nunc, proh dolor: Octavianum Lex fa-
 ti eripit, seu potius iniuria anatomicis medicorum vsa fer-
 ramentis, ne siccā saltem morte vir tantus obiens crucia-
 tus minūs sentiret ipse, nosq; dolore partius afficeret, ea-
 dem vulnere, quod illi vitam ademit, viscera traiector. O
 lanienam nimium patienter toleratam legibus, ò impunē
 grassantem per funera nostra audaciam? Non potuisse in-
 tegrum excedere, qui integritate maxima illa nomina pri-
 sci æui prouocabat, Phociones, Socrates, Aristides? Ve-
 rùm nos quamuis mærore confecti Næmiam non dicimus,
 memoriam Viri famā sui quantumuis amplissimā maioris
 celebramus, vtinam non dispari conatu te Laurenti opti-
 me non fugiet, postquam nostra legeris, quæ tuæ censuræ
 iccirco submittimus in eundem fasciculum cum ijs litteris
 coniecta. Vale.

In Funere Octauiani Boni Senatoris Amplissimi.

*Non abis Octaul, sed me prais occisor, ante
 Quippe viam ingressus vitæ: confinia vtrique
 Tempora nascendi fuerant, nec diffita fata
 Esse reor nimium pot erunt: mora perducis vnum
 Arcet ab alteris congressu: abruta licebit
 Instaurare citò alternis famina. lustrum
 Fer ternum numerat iunctum melioribus annis
 Fædus amicitia: nondum lanugoritentes
 Umbrarat malas: Patavi nos Vibis alebat*

XX 2

Dulce

Dulce solum intentos studiis iuuenilibus. *atas*
 Par ambobus erat; præstabas mentis opum ui
 Diuite, & egregijs spectandus moribus. *acer*
 Hinc amor extremos diri mansurus ad ignes
 Usq; rogi; iam frontis honos prænuncius altæ
 Indolis omen erat. *spem læta exorsa sequentem*
 Extulit in maius profectus clarior; ingens
 Nomine adhuc viridante æuo suprema petebas
 Curfibus ingenij vegetis fastigia rerum.
 Te non docta minus Pallas; quàm dexter amabat
 Mercurius; sapere illa dedit; veriq; colorem
 Perspexisse oculis; hic fari, & sensa d'serto
 Exornare animi eloquio. *procefferat atas*
 Interea; in Patriam reuocatus publica tractas
 Munera; ius tribuis populis æquabile; Regum
 Europe, atq; Asia legatus limina rebus
 De magnis acturus adis. *tibi cognitus orbis*
 Nuper adinuenti domitor prægrande Philippi
 Nomen Aui, Patriq; ferens: non terminat huius
 Extremus rerum limes, sed gurgite festo
 Excipit imperium Oceanus, tumidasque perundas
 Littora ad yltiora vehit, quò carbasa Typhis
 Euro expansa audax nunquam direxit. *euntem*
 Ad sua regna hilari te excepit Gallus honore
 Fœderis haud oblitus, Auis quod Martis alumnis
 Iunxerat Adriacos. *succedis magnus amicam*
 Aulam hospes, mandata refers, pacemq; reducis
 Finibus Italiæ extorrem. *par ardor agebat*
 Allobrogum, Insubrumq; animos in bella triumphis
 Heu iustis caritura; procul iam incendia voluens
 Iactabat Mars se uis: Iber non segnis in hostem
 Irruit, infestisq; vrbes intercipit armis;
 Ille amissa instat repetens: furit vnd. que crinem
 Anguibus implexa Eumenidum quæ maxima Enyo.

Qualia

Qualis ubi hibernam glaciem liquat aura Fauni
 Vere nouo flores submittit terra nitentes,
 Spes vedit alma animis tristem excussurapauerem;
 Sic tu letus ades populis gratantibus; aeo
 Eximet hac memori nulla vnquam obliuio. Ponti
 Quid loquar Euxini penetratos puppere recessus?
 Regem aditum regum obsequijs, validoq; verendum
 Robore militiae? pudor ò creuisse piorum.
 Excidio hunc fuerit tandem, & feralibus armis,
 Alter in alterius quæis fertur saepe ruinam;
 Ceu Lapithæ aduersis cæsi mucronibus, iras
 Dum ferus accendit Leneus pocula miscens
 Sanguinis in riuos saturum versura colorem.
 Illa tempestate acies in bella mouebat
 Horrida fulmineas, & ludi Pannonis ampla
 Scena erat, Odrysusq; actor, spectator vtrique
 Sarmata, Danubijq; vndas epotus aquosi
 Austrius. vna satis nec genti hæc cura feroci,
 Altera succedit vastandæ Persidis; hostis
 Ille moram Imperio complecti cuncta paranti
 Difficilis vinci necessebat. Consulis aeo,
 Cum tu hæc bella stylo condis, cupidisq; legendi
 Das libanda tuis. Patriæ dein redditus æquor
 Emensum paulo ante paras tranare secundis
 Cursibus; Ida iterum visendus, & inclyta magnæ
 Creta Iouis primo vagitu: Gnosia pubes
 Te Minoa putat rediniuum, legibus ornas,
 Instruis exemplo populos. modò rudera quæ sunt;
 Olim vrbes claras inuisens, prisca Metelli
 Castra recognoscis; prior hic vistricia signa
 Intulit, & Latio imperio parere tribules
 Idomneæ tuos iussit. Romanus amicos
 Cretas habere olim voluisset: perdidit vna
 Ingentes animos, pelago & dare iura profundo

Assuetos

Assuetos tandem discordia. glomere filii
 Demonstrante viam, quas euasisse latebras,
 Quosue specus potuit Theseus, circumspicis, oras
 Inde maris relegens scopulosis Creticus Urbem
 Proconsul Venetum inueheris, sociosq; reuisis;
 Illis dulce tuopendere ex ore vetustas
 Insula opes memorantis. amor me tunc quoque longo
 Tempore post audire soli natalis honores
 Impulit, ut vacuas praeberem sedulus aures:
 Haud secus Alcinoi conuiuia intenta tenebant
 Ora, vagus dum bella illis exhausta referret
 Dulichius, raptatum actio per moenia curru
 Hectora Dardanium, Patroeli funus, & ergo
 Funeris inferias ductas Simeontis ad vndas;
 Memnonis Aethiopis casum, Rhæsiq; labores
 Inde suos, Ithacam repetit cum serus, & alto
 Neptuni memorem iactatur classis ob iram.
 Curarum postrema tibi sed blanda Minerva
 Florentem studiis regere urbem Antenor, olim
 Rexerat illa animum pulchrae virtutis habenis,
 Auribus ac teneris doctas infuderat artes
 Largiter. obstrictum tali te munere alumnus
 Cogit in officij que vices, parilemq; reposcit
 Jam sibi opem; meritos reddis tu gratus honores.
 Grandem quo sic cara solent fulcire parentem
 Pignora, sic alitura auribus pensatur, aduncis
 Postquam ungues creuere, nec amplius aera tractant
 Remigio alarum diffracto. subuenis arctæ
 Annona; segetem tum fortè exusserat æstas
 Feruidior, raras mittebat culmus aristas,
 Arca culta minùs duris messoribus. alter
 Triptolemus fruges aduectas congeris. arces
 Ignauum fucos genus à præsепibus, arma
 Quis studium est tractare an mis imbellibus, iras

Inq;

Inq; dapes conuertere, herus quas suggerit: amens
 Qui tali auxilio confusus iurgia miscet
 In cædem eruptura: manus cum pugna requirit,
 Hi pede agunt celeri rem fortiter eminus, alas
 Aptat agens trepidis plantis timor incitus: æqua
 Quid memorem lance appensum ius omnibus? hospes
 Nil refert, cui sue fucat: par gratia vtrumq;
 Prosequitur, par pœna manet: prout quisq; meretur
 Alterutram, odi expertem studijsq; probas te
 Sede sedens alta, turbæ dum iura ministras
 Cetera blandi loquus, lenisq; exterrita nunquam
 Musa supercilio grauiori substitit, vltro
 Sed petijt secreta domus penetralia amicæ
 Inuentura larem, testis postrema Lycæi
 Gloria Licetus, testis Pignorius ambo
 Exculti varijs doctrinæ dotibus, ambo
 Argutæ ad strepitum citharæ cantare parati
 Nam reliquos memorare foret mora longa petenti
 Sermonis metam, dabitur paruo post tempore voces
 Reddere, & exaudire, pijs cum debita vtrumque
 Excipient loca culta polo confinia, salue
 Interea Adriacis magnum decus addite fastis,
 Hosq; tui memores demisso lumine lustra.

OCTAVIANO BONO Juniori,

Octauiani patru tui, summi Viri vitam, postquam fa-
 tis ordine currentibus præire ad beatos illi, nempe
 prius iter ingressio, contigit, superstes ego paucis conscrip-
 si haud quidem nominis eius perennandi causâ (non ita
 præclarè de me, styliq; mei conatu sentio, & id ipse sibi
 abundè præstitit de Republicâ optimè merendo) sed, vt
 haberem, quo dolorem meum ob amici vnanimis absentia
 breuem licet, vti spero, futuram consolarer. Id quicquid
 est li.

est libelli ad te mitto, cui maximè omnium incumbit vestigia patrui legenti sic ingenium bonis artibus excolere, ut te non nepotem modò, sed alumnus probes, non immemorem eius disciplinæ, quem improbat nemo, laudant omnes. quod tibi succedet haud difficulter, ut opinor, si ad hoc domesticum speculum inspiciens mores conformabis. Vale.

HIERONYMO ALEANDRO.

Quærenti nostri carmen, quod Epohippiam nomenclator appellauerit haud planè inscitus, accuratè à me lectum huius esse sæculi equidè negarem, nisi mihi eius in carmine pangendo indoles perspecta esset. mira in eo est sanè festiuitas eum candore coniuncta styli purioris. Argumenti verò lepos, & ars tanta, quantam vix in veteribus inuenias. Sed quid ego ad te ista refero, æque tibi ac mihi quæ sunt notissima; & non potius admoneo, ne annonam litterariam flagelles, tui ingenij saturas suppressens. nam te cessare quid putem sub ætatis flores, cum grandæui Vates semper aliquid pariant, parturiant; studijs sub almo Principe reflorescentibus, qui Heliconias Musas hospitio exceptas in palatio diuersari patitur? Si exemplo moueris, ego inter tot curas non vnius generis, quibus undiq; distineor, epigrammate lusi in Quærenti carmen, quod huic epistolæ adiunctum perleges, si vacat, valebisq; cum amicis magnis, quos à te meo nomine salutados velim.

De Antonij Quærenti carmine inscripto
Equorum querela

Res mira visa cinibus Remi alitem

capere expedire garrulum

Potuisse binis voculis Craijs: equos

Idem

*Fidem iugales audiunt
Stupore nullo orare causam Rhetorum*

Ex arte scitè, & metricè.

Hic hoc honori Musa dat praeceptibus,

Vt inde vates prodeant

Rhedam trahentes, pernegatum quæis pede

Nisi ungulato currere.

De Quærengi Epohippia.

Tota tua est Musæa domus Quærengæ, cubile

Porticus, exedre, cella, penus, Stabulum.

Hinc carmen meditantur equi, pedibusque feruntur

Herois sentis, non modo bis geminis.

Inunc Roma vetus, pecudes mirare locutas,

Portentum que refer tristis aruspibus.

BERNARDO A COLLE Medico.

QUOD affectus tuos meis tam amanter miscens, fratris mei casum congemis flebiliter, & vberioremi mihi materiam præbes lacrymarum, & solamen. affert enim aliquid lenimenti misero miserabilem se bonorum iudicio videri. Id in causâ esse verè dixerim, ut, qui te semper letum florentemque cupiam, feram tamen haud molestissimè te tristibus rebus meis affici perinde atque tuis. Deum porro precor, ut, si tibi vllò vnquam tempore dolendum est, alienis id facias ærumnis, nec ab alijs vices mutuati officij reposcas. Equidem indolentiam Stoicam, virtutem esse stirpium arbitror, non hominum, quibus fibra cornea non sit. nec vllum aliquem ex eorum grege extitisse puto, qui re præstiterit, quod per otium in scholis iactant satis petulanter. Sed philosophari me non finit meror, vni tantum tempori cessurus: nisi lumen coelitus illapsum tenebras discutiat, quæ impediunt, ne videam mortalem genitum, non tam ætate, quam morbo difficili confectum, viuendi finem, vel dolendi potius fecisse, nec insolens esse, neque nobis plus nimio lugendum. Vale.

Yy

IA.

IACOBO PERONIO *Episcopo Ebroacensi.*

Capta tui amore purpura, diu est, cum cupide occasionem quarit tui augendi, atq; honestandi sperans id non minus sibi, quam tibi ornamento fore, qui soleas ornatiores reddere ornatrices tuas. quod nunc prestat deniq; ferius fortasse quam par erat, sed decentius, cum dignitati per se amplissime plurimum incrementi venit à tanti Principis iudicio, qui fortunæ nihil planè liquit vsurpati iuris in hæc eximie præmia virtutis. eo namq; illa impudentiæ deuenerat, suum ut beneficium putaret, si quis de plurium numero exemptus dibaphum indueret. vnde Nemesis orta indignatio, quasi præstantissimi honoris fulgor communione indignorum obsolesceret. Quod sicuti euenisse aliquando boni doluere, ita nunc pristinum virtuti cultum, atq; decus restitutum tibi gratulantur, tibi gaudent, spem haud sanè dubiam fouentes, res suas meliori futuras loco, quam ante fuerant, Ambitioni sæculo parente, studijs verò præclarissimarum artium non tam frigentibus, quam exilium meditantibus in longinquas terras. Ista ego cum plurimorum relatu audiam, mirificā quadam animi gestio letitiā, qui præter causas gaudij cum alijs communes vnam habeam præcipuam diuinationis, qua non ex augurum disciplinā, sed Superū admonitu prædixeram aduentare tēpus, quod te ab secreti tui vmbra referret in apricam lucem maximæ celebritatis, dignitatisq; , cuius in dies crescentis cursum, exitumq; in præsens profari verecundiam tuam veritus absisto, dicturus deinde, cum euentus ad vota propius accesserit. Vale. & famā tui lætus diu frui.

PAVLO SACRATO.

Si Romanæ eloquentiæ Rhodanum B. Hilarium Hieronymus appellat, quia Gallus esset: cur ego te eiusdem facul-

facultatis, Eridanum non vocem? qui inter accolae Padī numeraris; fluuiorum Regi copiam oris tui comparas longē disertissimi? certē & tu, si quis alius vestratium, isto cognomine es dignus maximē, & ipse non planē indignus, qui id tibi tribuam pereleganti epistolā à te ad scribendum prouocatus tam amanter. Ferrariæ cū fui, Romam proficiscens, ea me es beneuolentiā complexus, vt merendo me tui memorem reddideris. absentem huiusmodi litteris prosequeris, vt ferreus sim, nisi te in ore, in oculis, in sinu feram. Eruditionem cū humanitate coniunctam minùs in te miror, qui sciam in contubernio auunculi tui Sadoleti Cardinalis te adoleuisse, quod quid aliud fuerit quā à Musis educum, Philosophiæ porrò dari morum, doctrinarumq; cultu efformandum? Fuluiū Vrsinum salutauī tuis verbis: is ad Sacratī nomen gaudio exiliit. Muretum conueni, domi se continentem ob æratem, æratīq; infestam sociam, malam valetudinem. ad ipsum vndiq; confluitur à doctis, quorum est omnium attestatiōe cūlumen. plurimum te merito tuo, loquor eius verbis, diligit. Valerius noster senectutis incommoda fert satis commodē. Vale, & me tui cupidissimum, quod facis, redama.

ERYCO PVTEANO *Viro Doctiss.*

Non ego me à te superari sinam in hac luctā, vbi de mutuo amore cernitur. non si viribus Antæum eques, non si Herculem, qui Antæum vicit Terræ filium. Perge modò, & nobis inhæresce, obuijs vulnis te excipientibus. Ergo, inquires, absentes etiam luctantur? quid ni verò, si adsunt animis? quos neq; longinquitas, neq; tempus dirimit, si beneuolentiæ vinculo coniuncti fuerint. Verū Poëtis metaphoras sua regna relinquamus. me à te amari valde lator, ratus (qui peracri valeas iudicio) in neminem te ita affici, in quo non aliquid inesse putes à virtute profe-

Yy 2 cæ

et amabilitatis, quam in me & si nullam inueniri sentio; gaudeo tamen talem à tui similibus haberi; qualem me esse cupio summopere. Cupio autem? immò cunctis ingenij viribus adnitor; ne id frustrà cupiisse videar. Sed fit nescio quopacto, vt neq; proprius conatus votis, nec alienae expectationi planè respondeat: cuius ego ita praeiudicio deterreor, vt remissiora in me studia amicorum malim, tuaque in primis, qui mihi nimio plus tribuis, quàm sim tempore vllò praestiturus. Vale.

N.

EGregiè profectò ingratum litteris saeculum vlcisceris, libros, à quibus abundè es instructus ad sumum non aliter suspendens, atq; clauum hiberno tempore soleat nauis gubernator: nisi quòd sic agens, indicio te produs tuo, philosophiam non propter se, sed commodi, vel honoris causà te adamauisse, quae nobis aliena opinio, indeq; subsequutus fauor saepe parit. Mihi (ignoscè ingenuè fatenti) longè alia mens est. Virtutem sui mercedem esse puto indotatam licet, & omni copià carentem externarum rerum, alioquin non radicibus ipsa suis niteretur: sed hedera in in modum absq; pedamento subitò concideret, atq; humi serperet pedibus calcanda. Huius equidem siue opinionis, siue aberrationis meae complurimos autores habeo homines eximios, qui Ambitionem Dearum pessimam, vt Euripidi videtur, amplissimasq; opes contèpsere, quasi iter remorantes ad Virtutem. Tu, quos sententiæ tuæ assertores proferas, non video, nisi fortè vulgarem de triuio turmam, aut forices palatinos; caufidicos, pseudo asclepiadas, agyras, pecunià cunctà metientes; & quibus honorum finis est vltimus lucellum vndiq; corrasum; quorum tu de grege vnus nisi esse velis, non tam famae propriae decoctor, quàm tuorum de te expectationis, priori te ante vitæ redde, quàm ex albo suo te Musa deleant, appositâ notâ, transfugis inuiri fo-

ri solitâ, quâ nihil esse poterit, mihi crede, fedius, nihil ex-
crabilius. Vale, & meliora consulenti pare. Quodsi hæ-
res cogitabundus, cui nam te tradas disciplina, & exemplis
amas condoceri, tibi è nostris vnum producam, cui eue-
nit, vt primordia doctrinarum attingeret, sed in plerisque
sibi minus satisfaceret, neq; ideo omnibus posthabitis desti-
nauit se otio dedere, sed in ijs decreuit studijs versari, è qui-
bus solidiores fructus posset percipere. Hunc eundem sub
oculos tibi dabo suas rationes secum putantem, quid facto
foret melius, vt leui magis labore te ab eiusmodi sollicitu-
dine absoluas.

PHILOMATHES

seu

Studiorum candidatus in Gymnasio Patauino.

Fessus quiete tam longâ ægrè me intra culcitam cohi-
beo, postquam somno sat dedi, sat infomnijs, nec dum
vocem audire chortalium saluatorum videor diei aduen-
tantis. Trinoctiū ne nobis pro nocte Iuppiter inuexit Alc-
menē alicui sedulam dans operam? an Auroræ bigas frigo-
ris solito vis acrior afflauit? quâ rotas quoq; diriguisse cre-
dere par est, quarum decursibus horæ nunciantur. per-
quam enim diu est, cū muneris oblita silent. Sed quid
ego anxius anquiro in arcana Iouis, aut vices temporum?
nec potius secreto, quod abundè suppetit, in rem meam
vtor mecum de ijs rebus cogitans, quibus & acutè perspe-
ctis, & maturè confectis mihi opus est, nisi velim officio de-
esse expectationi impar, spei degener. Philippides quidem
in Aristophanis scenâ equestrem artem, cui assueuerat dor-
miens quoq; somniabat. Et ego studia illa non retractem
vigil, quorum incrementis me, fortunas, decusq; credidi;
quod eis obuenire haud rarò solet, qui Minervæ litant? An-
nus est exactus, cū huc Athenas Euganeas me contuli
tanquam ad mercatum doctrinarum: nec dum satis cum
animo meo constitutum habeo ecquam nam potissimum
fim

sum viam initurus, adeò me plurima morantur, ne alijs in-
 superhabitis vnam aliquam corripiam, quæ me breui sistat
 ad optatam metam. Centipes hercle esse velim, vt Iulis,
 modò ne tam lenta, vt simul tot litterati laboris stadia per-
 currerem, nam vt aliud post aliud quæ possim & angustia
 temporis excludor, quod mihi breue admodum præscribunt
 Manliana imperia parentis, qui negat sibi Pactolum domi
 fluere, vt queat vestigal diutius meo otio pendere: hæc
 igitur, non vt olim Hercules Prodicus in biuio, sed in vesti-
 bulo planè ipso studiorum tot in diuerticula tot in vias secto,
 nec me itineri singula circûspiciens expedio. Philosophia in-
 sanis pollicitis me capit, causas rerum, & quicquid vbiq; &
 quicquid nusquã est, in mediũ proponens vestigandũ, terras,
 tractus maris, circumfusus aërem, æthera Lunæ succubum,
 Cœli templa stellimicantia, & quæcunq; ijs dirimuntur, seu
 Epicuri intermundia illa sint, siue atomi, seu immensa spa-
 tia inanitatis. Hæc quid nĩ saluam moueant ingenio, &
 institutione leuium etiam rumusculorum, quæ hinc inde
 dimanant à primis vsq; annis curioso & mihi ne mortalium
 vni Naturæ dimoto velo sinus pandi, æternitatis adyta pa-
 tere, obuia astra fieri terras incolenti? hac mercede qui-
 dem vel Crateris pera maximè placeret, nisi spei timor fri-
 gidam suffunderet, ne tam splendida promissa auræ differ-
 rent. Quem ego timorem non de nihilo natum vti credam,
 facit philosophorum perplexa de rebus minimis dissensio,
 aiunt, negant, ambigunt de lanã caprinã sæpe numero, ve-
 ritatis securi, studijs incensi, & (quod magis mirer) in ver-
 ba vnius Aristotelis iurata natio factiones alit haud secus
 inter se cõtrarias, ac Venetæ Præfina in Cirkò Romæ quon-
 dam fuit. Hinc me æstus rapit fluctuantis animi in aduer-
 sum littus Iuriconsultorum. nam Philosophiã reiectã Me-
 dicinam, quæ eius vestigijs insistit, sequi quid aliud quæso
 fuerit, quàm Herã contemptui habitã ancillæ in ample-
 xus ire? Hic mihi iurulentorum naturã à puero minus
 appe-

appetenti nihil propius fuit, quàm ne iuris barbara, & quam nullum embamma, nullum Apitianarum artium mangonium condiret, adipositas orexim sanè omnem vnâ cum palato, & stomacho funditus euerterit. nam qualem Dij, Deaq; crambem, quàm illepidam egregij isti Cæsarei Antecessores miseris coquunt, recoquunt discipulis vorandam, legis cùm alicuius Romanæ frustulum tot Baldorum ne Bardorum dicam meris affanijs infarctum proferunt. Equidem qui domi primoribus labris litteras gustassem, quæ ab humanitate nuncupantur, nunc eas ne planè dediscam, periculum est, si istorum elingues glossas audire pergam, qui gemmea veterum Iurisprudentum dicta candore Romani eloquij nitentia tetrâ interpretationum ærugine inficiunt, pro luce tenebras ferentium Cymmerijs tenebricosiores. Potitius sit oportet, aut Cariæ incolarum aliquis, quos Homerus [†] Βαρβαρόφωνος vocat, qui obtundi aures sibi patiatur sermone tam sædo, tam exlegi, quo isti ita sacra Themidis collutulant, vt inde nihil puri haurire queas. Philoxenum non obscuræ notæ parasitum legimus beatorum epulis admotum delicatioribus obsoniorum ferculis solitum inspuere, vt conuiuis absterritis ab eorum esu vnus ipse sine riuali ingluuiem per orium expleret. Fallor? an pari astu istiq; nos aggressi arcent à rerum humano generi conducibilium perceptione, vt soli in scholis, in iudicijs, in foro regnent, soli tanquam ex tripode in commune, priuatimq; consulant solio subnixi. nos viles animæ, &, quid fata nostrum vnicuiq; inuehant, ignaræ, scitatum ad illos accedamus, auro graues, ex oraculo domum leues reddituri cum responsis, ambagibus cæcis obuolutis, & Oedipo, qui Sphyngis interpres fuit, enarratore plerunque indigentibus. Sed cælum vertice feriant, fegetem istam suam auream metant pro arbitrio, rerum dominentur titulis, opibus superbi, ego istorum fortunas, latifundia, thesauri philacia non emerim gutta sanæ mentis, quam

posse

† *Aspere,
obscure
loquentes.*

posse regi corio Elephantis nullus credo. nec dum in mentem venit huius sententiæ meæ poenitere, quamvis oculis recurset adhuc patris imago admonentis, dum me ad iter accingerem huc immigraturus. Irem pede fausto, fors fortuna viæ mihi comes esset; Hermes opum dator, & si quod aliud numen dites facit, cœptis aspiraret: se, senium que suum, familiam, penates forti, fideiq; meæ commendare, breui ruituros, nisi auxilium à litteris quæscum opportunè ferrem: se istos minimè morari, qui sterilibus studiis atatem tererent suis graues, nemini vitibiles. doctrinam lucro metiendam, quòd domum locupletaret luculento censu, ne dum pauperiem longius arceret. hæc ille quasi me Colchos cum Iasone mitteret auratam inde pellem auerturum, & non potiùs ad emporium Musarum, ubi æs expenditur, vt animi cultus comparetur, homine condignus, qui mihi si Superùm beneficio conringat, & sudore meo, iam conceptis votis cum fortuna liquidò paciscor me non recusaturum, quin domum ad meos Crates pro Cræso, aut Vlysses redeam, rerum omnium egenus, naufragus, Neptuni, atq; Æoli ludibriū: qualis ille in Phæacum littore eiectus iacuit, antequam Ithacæ portum tenuisset, remigio Alcinoi adiutus. quem indignor equidem ab Homero inductum, vt munera ei discedenti immensi pretij tribueret, quasi timor esset, ne Virtuti deforet viaticum liberalitate Regis destitute. apage has curas, quæ mercedem olent, & ventri mentem animi subijciunt rerum pulcherrimarum contemplatione, & doctrinæ peculio contentam, etiam si focus culinæ algeat, & olera hortus malignè præbeat ad victum. Sed vt ad legum studium reuertar, unde sum digressus, non id, modò sit legitimum, adeò abominor, vt ei aliquid opellæ non sim impensurus sub professoris eruditi auspicijs, qui norit reiectis tot, tantisq; cariosis putaminibus ius enucleare, & non plurimâ eius parte circumcissâ decurtare miserum in modum, quod Tribonianus fecit

atrox

atrox legum, sector, si vera sunt, quæ de illo narrabat tyro
 haud sanè rudis, qui nuper è Gallorum Iurifconsultorum
 castris huc transfugerat, vt opinio fert multorum, explora-
 tum, an Accursiani deserint in scholis apud nos nugari. Is
 magna, & præclara refert de Academiæ illarum præ-
 ceptoribus, vt legum riuos à philosophiæ moralis fontibus
 deducant, pronò, & admodum facili decursu, vt ^{αὐτονομίας + Legum}
 tollant chronologiæ ope, qua cum illis scædus est perpetu-
 um; vt notitiam affectent Romani non tam fori, quàm ser-
 monis; vt historiæ omne genus iure copulent turpiter
 eorum vitio antea diuulsum, qui summam iuris scientiam
 in summâ ponunt rerum aliarum omnium ignoratione. Il-
 lorum ego præclarorum hominum similem si aliquem
 nanciscor, Lita fio è vestigio. Interea dum spem alit expe-
 ctatio, quid vetat, quominus scholam circumadeam erra-
 bundo pede, si fortè artem non inuentâ mihi ad hanc diem
 porro reperiam, quæ me amoris cæstro illectum ad se trahat?
 Geometriæ in abaco diagramma describenti cùm adessem
 proximis diebus, cupido incessit animum noscendi, qualis
 necessitas illa, quæ vis foret, quæ nos assentiri subigit Ma-
 thematicorum demonstrationibus etiam inuitos: nec sefel-
 lit spes. angulos obtusos vno plures in trigono haud posse
 contineri, quod tum ille fortè docebat, ita mihi hasit in
 medullis, vt trabali clauo fixum videatur: quodq; nunquã
 mirari desinam, æquè benè id noui ac magister non modo,
 sed Euclides ipse, & si quis Euclide Geometrior. De Logi-
 sticæ numeris par ratio, nemini fucum facit, nullum deci-
 pit, manu se contrectari sinit, aut tangi. Cubi duplicandi
 methodus Archite, vt ferunt, Platonisq; conatu nobilis non
 tam inuentu ardua, quàm ex quo inuenta fuit, perceptu fa-
 ciils habetur, nec Astrologia multo memoratis artibus,
 quarum ope creuit, est incertior, modo ne fatifandis vanis-
 simo diuinandi genere se occupet, sed cælorum spatia, ecli-
 pses, siderum circumactus, distantiâsq; notet, prædicetq;

Zz

dioptris

dioptris ad oculos, specillisq; telescopijs ad motis, quorum inuentu si nostri æui industria se iactat, non temerè mediis fidius id facit, aut Thraſonicè. Verùm hæc talia non sunt, quibus immori, imò nec immorari quidem multum debeamus, aliorum gratiâ inuenta, & pueris potius discenda ante pedem, quàm vlteriùs promoueant in Musarum grauiorum penetralia: sicut artes quoq; organicae tergeminae Grammaticorum, Rhetorum, Dialecticorum, quibus oratio politur, exornatur, subtilis, acutaq; ad congressus redditur. Hinc fit, vt sæpe cursum animi inhibeam, quò me ferri sentio in bellaria ista studiorum, in quibus elegantior eruditio maximè consistit, suntq; pertractata vberimè à doctis, ne videar scitamentis vtì, solidioris alimenti loco. Hæc nì causa foret, libens consenescerem in huiusmodi amœnitatibus Musarum. Et verò quid Poëtarum lectione dulcius, quid Oratorum potentius sermone? qui nos quocunq; adlibuerit, impellant verbis delinitos: vt iam non amplius fabula videri debeat Hercules, qualis apud Gallos olim colebatur catenas ore exertans, quìs auditores suos auribus apprensos ad se trahat. Vna mehercule historia plusquam magneticam vim habet dies noctesq; animos morandi. verùm enimuerò rebus opus est, quas ornandas sumas, alioquin linguæ ista lepida tectoria colores pictorū referunt, vbi nihil sit, cui illinantur. Carne opus est, si satur esse velis, ille canit: lingua gustus causâ datur inter ea, quæ orexim acuiunt. Igitur, vnde res petatur, amplius quærendum, postquam nec philosophia promissa expedit, nec Leges legitimè traduntur, & disciplinæ mathematicæ metam illam nequeunt contingere, quæ effuso humanarum actionum cursui proponitur in hoc vitæ circo. nec spes nobis omnino est abijcienda, quasi frustra quærendo futuri sumus, cum hos sciendi igniculos natura animis inseuerit, quàm nihil moliri temerè receptum est. Equidem quasi te rei si non ipsum cubile, at saltem vestigium aliquod comperisse

perisse videor non ita pridem, dum die festo forè scholas
 eâ fine intio, vt in forum iurus exeam. Ibi enim Sodalem
 Dominicanî instituti audiui primum sacrorum biblicorum,
 qui Genesis inscribitur, interpretantem mirificâ rerum
 subtilissimarum vbertate. Is me ita cepit eiusmodi amo-
 ribus antea intactum, vt non sine numine Diuûm eò me
 pedes deduxisse putem. Res scitu digna, si qua vnquam
 alia: fides verò autoris, quem sibi enarrandum sumpserat,
 omni est exceptione maior visa. Fixum itaq; immotumq;
 manet alijs curis procul ablegatis non alibi cogitationum
 mearum anchoram iactare, quàm in hac statione omnium
 tutissimâ. Tantum, vt ille de superiori loco memorabat,
 credulitas nobis domo ad hunc ludum afferenda est, quæ, si
 eius auctoritas respicitur, cui fidem adhibemus, omnes om-
 nium Geometrarum demonstrationes anteit. quid enim
 nî vera tradant, qui non nisi prius sacra cœlitus edocti ani-
 mum ad scribendum appulere. Pythagoricos ea venera-
 tio, pudorq; tenuit erga præceptorem, vt ipsius dicta legis
 instar essent omnibus suffragijs sancitæ. Aristoteles tan-
 tum non inter Numina censetur à suis homo apprimè do-
 ctus, homo tamen, quem falli tam potuisse, quàm fallere
 par est: Platonem Academici extra omnem aleam hallu-
 cinationis ponunt, ac erroris, & nos diuinis oraculis non
 per deliras anus, quales Pythiæ veterum fuere; sed per vi-
 ros numine afflatos editis absq; pignore humanarum ra-
 tionum minimè credemus. Quasi verò sit aliquis tam per-
 fractariæ peruiacitatis, qui artem vel de genere sellula-
 riarum percepturus, magistro obstrepere potiùs, quàm pa-
 rere velit. Addiscentem in primis credere non Christianæ
 pietatis magis, quàm omnium gentium est cautio, quâ si-
 ne sorbere simul, ac flare, multo foret homini procliuius,
 quàm discere, & dictata præceptorum redarguere. Hæc il-
 le non vno ore, sed trilingui fluens Hebraicè, Græcè, Lati-
 neq; peritissimus. Quibus adiungebat Theologicam non

certitudine tantum artes quascunq; alias præcellere, sed etiam argumenti dignitate, quod Deum cognoscit, quâ se nosse sinit, perfectiori quodam modo, ac distinctiori, quàm à priscis illis insipientis scientiæ consultis nosceretur. Nam illis quidem nō aliter diuina Natura fuerat percepta, quàm Sol lucis origo mero meridie radijs splendēs obtutui Nycticoracis. Nobis præter Dei naturam, prouidentiam, sapientiam, cuncti potentiam, ad quæ illorum planè caligabat acies, ingens Trinitatis mysterium reclusum est, & quod ex eo fonte veluti riuus demanat, arcanum illud ter maximum salutis humane per Christum reparata. cuius nouisse apparitionem, vitæ cursum, miracula in spem nostri profectus perpetrata, vt demum mortem vltro obierit, postque triduum rediuius in Cœlum ad Patrem scandens nostræ immortalitatis fundamenta iecerit, omnium disciplinarum esse non magis Colophonem, quàm tutamen præsentaneum tela omnia contra vafri hostis: quocum lucta nobis anceps, atq; assidua cū sit, non aliunde auxilia opportuniora comparari debent, quibus & prolapsi (nam & hoc quoque accidit non raro) erigi possimus, & vestigio hærentes reddi fortiores. Sed commodum iam dilucule scit. Nola diem salutans strepero tinnitu nos pēsi admoneri: turpe est à gallo vinci cultorem sedulum Musarum, alite haud multi pretij, & cui nec matutinæ lucubrationes cure, nec vllirationes sui otij reddendæ sunt. Pacem primum omnium, veniamq; Superos oremus, vt boni valentesq; faueant, & si pietate meremur, cæptis adsint.

REm apprimè nouam mihi narras, Ægidium stertere desijisse tandem aliquando, postquam annos ætatis quadraginta, & quod excurrit, in re familiari negligendâ ceu Epimenides alter indormierat. etsi vereor, ne serò nimis

mis expectatus, frustra sit euigilaturus, cum nihil amplius sit omnium reliquum, in quod curam iactet, nisi tu opportunum putas, amisso grege septa claudere. Ratio ab actoribus quaesita apparebit aliqua, argentum, ut ille ait, sanè ^{Abys: cunctis.} Fundus: perditum ille quidem iuit funditus, non calamitate rubiginis tactus, aut grandinis, sed incuriam heri, nimiam villici curam in suum tamen compendium impensam. Res redacta ad Triarios, seu ad restim potius: nisi Deus aliquis subuenerit ex machina apparens, ut fieri solet in Comædijs. Equidem sententiam rogatus, censerem ad somnum illum suum ipsi esse redeundum, modò gliris induat ingenium, cui à natura concessum est impranso, atq; incarnato in arborum caernis totas hyemes quiescere. Iam enim cò res adducta loci est, ut, nec ubi cubet, nec, quod edat, habeat. Sed ne ego leuis, qui consilium inconsultus dem, cui salus ipsa, etiam si velit, opem ferre nequeat. Vale.

BERNARDO A COLLE Medico.

Vidisse te non semel arbitror ad primos exorientis Solis radios, quam multis partibus se maiores umbras corpus iactet. Idem planè accidit Nebridio: ampliorem immensis eum penè spatijs, antequam de facie nobis innotesceret, Fama efformarat, istiusmodi superiectionum adiuentrix mira: quas veritatis lux altius prouecta statim dissipat. Postremò pretium adeò minuit presentia, ut iumen, tñ Sileni apparuerit Leo ante creditus nō ab omnibus quidem (non tantum fidei apud cordatos viros rumor inuenit) sed à quibus assensum nullo negotio fabulae impetrant. Nos adhuc ornamenta quaerimus in eum à relationibus ingesta liberali manu, incerti, quò sit euasura tandem inquisitio: nisi quòd vetus illud verbum, thesaurus carbones, animo recursans malè ominatur. Talium sanè expectationi conuenit egregiae; supercilium suppetit abundè; reliqua omnia vel

vel deficiunt omnino, vel morantur periculum in palēstrā facere volentes. Quanto illi consultius, qui nomen à Famā sibi temerē quasitum illacescitū procul alunt, nec congressus appetunt curiosorum, impares, cū res in certamen venerit, futuri. Vale.

IACOBO VECTIANO.

FRATRIS mei, quem Natura vnanimem, vnicūq; dederat, funere non immarituro illo quidem, si spectatur etas; si pietas, quā illum prosequer, acerbissimo, ita sum affectus, vt doloris leniendi modum inuenirem nullum; causas haberem lachrymarū plurimas. Quibus obsecutus in summo mæore diutiùs fortasse fui, quā sectatoribus suis diuinior philosophia, atq; ipsa adeo ratio præscribit. Sed ego ^{+ Indolentiam.} mollissimi affectus in meos, ^{+ Moderata perturbationis.} ἀπάθειαν Stoicis relinquens vix intra ^{+ μέτρον ἀπάθειας} fines me cohibui. Nunc demum temporis vulgari illo, & nemini negato vsus beneficio, ad officia redeo amicis debita, tibiq; in primis, ad cuius epistolam hæc pauca. Romanum iter tuum valde probo, probaturus etiam maiorem in modum; si redieris domum ere grauior, sed tuo. Epistolarum volumen quod concinnas, gratum. quod illis meas assuis, pannum nempe purpuræ, non perinde gratum. Sed de ijs tu videris. postquam enim ad te transmissæ, tuæ res factæ sunt mancipij, meæ esse desierunt. Vale, & te ad viam auspicijs secundis expedi non ante tamen, quā recta præteruolitare videris plurimam hirundinem, nam vnam ver non facere prouerbio veteri monemur. et si vereor, ne Fauonij aduentum plus nimio sit remoraturus Boreas, qui solito acrius, obstinatiùs q; nos hîc perfrigerat. Carmē de Horologio perlege, si vacat. agnoscas in eo hand multi pretij veteranum Vatem, missionem iandudum flagitantem à Musarum castris, qui tamen extendere aliquid, vsu non obtritum voluerit argumenti vbertate, venustateq; admodum illectus.

L A V.

LAURENTIO REGOSIÆ Medico Bellunensi.

Flliola qui te simul auctum, simul viduatum intellex-
rim, gaudeo, & doleo: non ita tamen, ut gaudere me
ex asse sinat dolor, nec dolere gaudium. Poteras, si illi fa-
ta parassent, iam dum thalamos eius meditari, dotemq; ani-
mo concipere, cuius curam nascentes filia vnâ cum vagitu
deferunt parentibus. Nunc ab ea expeditum cogitatione
desiderium excipit infantule, festinanter nimis, ante pos-
set quàm risu patrem cognoscere, ereptæ. Quid facias? si
mortales viuimus: modò nos cura premit, modò dolor op-
primit; diludij inter hæc duo parùm, aut nihil; credo, ne
nobiscum præclare agi falsum putemus, cum diutius ærum-
nis istiusmodi supersumus: neu eorum vices desleremus,
qui vitam hanc eo tantùm ingredi videntur, ut egredian-
tur, viatorum ritu, quos nulla diuerticula morantur, quasi
iter citis quadrigis ocus conficiant. Interea lacrymas tu
comprime, qui possis ætate inflexâ, vxore incolumi, nul-
lo damnum sarcire negotio, si voles: voles autem, si in men-
tem veniet, foetura vos maritos humanæ Reipublicæ de-
bere, quæ amissorum ciuium numerum exæquet. Vale.

IACOBO VECTIANO.

Feliciter mihi contigit, ut ob virtutem, eximiamq; eru-
ditionem summum iam pridem Virum coluerim,
quem nunc Pontificem maximum, veluti de cælo missum
omnes veneramur. Quocirca tuo afficior gaudio effusius,
sumq; in spe maximâ fore, ut breui te non pœniteat tanto-
pere esse lætatum de eius amplificatâ in immensum digni-
tate, cui es, & meritò, carissimus. Virtus porrò si iacebit,
sibi ipsa imputet, quæ in illius conspectum non se dat, qui
eam & ornatam cupit vehementer, & ornare potest
omnium

omnium vnus maxime. Tantùm Deus nobis orandus est, vt sua dona quàm Reipublicæ conducibilia, tam diuturna ei esse velit. De Aleandro nostro, credo, inaudisti, arcanis eum Principis admotum, inter Palatinos proceres censeris: quo sanè nuncio nihil mihi potuit accidere iucundius, cui cognita est Viri virtus, litteræ, ingenium. De Cæsarino non loquor sacris admissionibus Præfecto, ad te scribens sui pèramantem. Reliquos prætereo probos pariter, doctosq; homines, quorum votis Fauonium tandem adspirare quidni gaudeam, qui virtuti vel in hoste faueo? Ioannis Casæ, quod quaeris, epistolas præter Florentiæ, Lugduniq; editas nullas vnquam legi. Vale mi Vetricane optime: & te secundis rebus, teq; dignis serua.

HENRICO DAVILÆ.

Salutauit me pridem tuo nomine Sodalis Franciscanus Hieronymus: quæ mihi sanè salutatio statim aurem vellit, monuitq;: quod minimè rigidi creditores solent, veteris reliquamenti satis opportunè. Etenim, si ritè rationes exputo, ad illas tibi litteras responsum debeo; quas ad me laderam proficiscens dederas, erantq; illustribus conspersæ notis amoris, officij, eruditionis. Ex eo quidem tempore nihil de te tot terrarum, marisq; spatijs dirempto audieram ipse montium iam non inquilinus amplius, sed ciuis, & quidem assiduus magis, quàm Ruffus ille Ciceronis fuerit frequens Urbis cultor. Equidem sæpe numero mirari soleo nostræ amicitiae fatum, quod nos postquam arctis apprimè studiorum, necessitudinisq; nexibus deuinxit, quasi experiri vellet, an inter absentes amor in te pesceret, tantis locorum diuortijs distraxit, quantâ consensio-
ne animorum iungimur. Non ita ab amœnitatibus penitus exarui in alpinus incola, vt non multum congressibus carorum tribuam, quorum nedum collocutio festiua, vul-

MINIMO

tus

tus ipse, veluti nubes Cœcias, omnem mihi pectore abigit
tristitiam. Meq; ideo absentium sortem infelicem puto,
modò meditatio crebra refrient memoriam suauiter actæ
cum amicis vitæ. Quoties me in mentem reuocare putas
colloquia inter nos hîc habita temporibus licet non latis,
læta tamen? cùm tu Oritanas has fauces lætâ manu mili-
tum seruares, ne quâ hosti patêret aditus: ego in statuiis
excubarem gregi. Æquè mihi modò iucunda est huius rei
recordatio, ac res olim fuit: imò medijs fidijs paulo etiam
iucundior. Tunc enim (meministi arbitror, Patrici bel-
lorum rumores perterrefaciebant non nihil animum, miti-
bus assuetum artibus, idèq; lituum horrentem, qui nunc
desijt obstrepere, gratâ vice pacis, & securitatis: si modò
pax, securitasq; mortales mansura recreat, nec aliæ ex alijs
malorum Iliades excipiunt. Mais erat tunc temporis ti-
mendus, nunc pestilitas, ne claustra indidem perrumpens
parùm cautos inuadat. Aduersus hanc si segniter agas,
frustrâ opem à thorace, & clypeo petieris. bellatores pa-
riter, & imbelles sternit ictibus fatiferis. Verùm religio
iam sit epistolam tristibus implere, quam lepidam, hila-
remq; decet amicorum absentium ire in amplexus, non
contractâ fronte, quasi aduentum Gallorum nunciet, aut
cladem ad Thrasymenum legionibus illatam. Urbanum
Pontificem habemus perurbanum, expolitum studijs, eo-
rumq; cultoribus plurimùm fauentem: & qui (mirabile di-
ctu) carmen pangere, & purioris eloquij stylo indulgere
non inferius tantâ Dignitatis maiestate putat. Hunc ego
purpuratum adhuc colui, quàm illius Ordinis amplitudo
patitur, familiariùs. Hunc cultus in venerationem vertit
superis æquè potestati debitam. Latabere, sat scio, cùm
inaudies litteratorum animos ad magna surgere, dum spei
suæ in Principis eruditissimi fauore blandiuntur. Sed ca-
lami cursus cohibendus est, ne fines epistolaris paginæ tran-
siliat. Tu, vt valeas; quid agas; quibus tuum otium oble-

A a a

Cres

ctes studijs, rescribere non tribus verbis, qui Spartiatanum mos fuit, breuitatem in scribendo non minus, quam in conuiuio sectantium, sed mensurâ, vt Herodotus admonet, multo cumulatior, & quæ deceat Cypro oriundum inter Asianas insulas ditissimâ. De Octauiano Bono æui nostri Catone parùm læta nobis nunciantur. Vesicę calculo aded laborat, vt sectio illi adhibenda sit, remedium, vt te non fugit, valde anceps, & nescio an non morbo ipso periculosius, præsertim cum anus ætas accedit, & infirmę vires. Animi modò robur inflexum nos solatur, & pietas Viri, quam Diuis Venetę rei Tutelaribus cordi fore credimus, & verò: si quid nostrę preces possunt, adprecamur. Vale.

LAURENTIO PIGNORIO.

ID quoq; villę suburbanę refero acceptum Laurenti, quod me absentem amicorum admonet per otium, quorum memoria vrbano animos negotijs nempe occupatos segniùs irritat. Vnde ortum arbitror prouerbum Romę pro mortuis haberi longè inde semotos. Mirabitur fortassè aliquis rus à me officiosius vrbe ipsâ reputari. Tu verò, nisi fallor mecum senties, si rem perpenderis. Quotannis te litteris interpello meis rure manens: cum in urbem remeo, nos non tam locorum longinquitas, quam silentium Amyclęum dirimit. Verùm hæc, *ἐπὶ τοῖς δῶδε* omit-
 † Digressio-
 nes. tamus. Diu est, cum nullam vidi tui ingenij fœturam. Celsare te, qui semper aliquid parias, parturias, vix credo, nisi fortè valetudinis intercedit violentia, cuius omnes imperia Manliana nouimus. Quibus Musa dedit vi-
 ctura condere, eos annonam litterariam incendere quis fe-
 rat, nisi condus ipse, & vel caminum domi obsignaturus, ne inde fumus profiliat, si posset. Synclitico nostro subi-
 inuideo, quod te vtitur familiariter, sermonesq; tecum se-
 rit stoi-

rit stoicorum scholæ æmulus + ποιητής. Nos, quod datur, ^{+ Piatura}
te epistolâ prouocamus ad responsa, Pythiæ oraculis nobis
gratiora. Vale.

BARTOLOMÆO SENENSI *Monacho Cartusiano.*

N Iues hîc nos, puto, inaudisti, candidatos reddunt;
licet nihil nobis cum comitijs commune sit: centu-
rias nullas ambiamus, dexteram nemini presemus. pulla-
tos quin ipsos (quod mirere magis) si fortè domo efferre
pedem libido incefferit, ne atricolores ampliùs appareant,
inuitos subigunt. nec vnum aut alterum diem tacitarum
hæc vellera aquarum demittit Iuppiter, à Calendis De-
cembribus exorsus ad ipsa vsq; saturnalia nullum finem
fecit conspuendi non alpes modo, vt ait Ennius, verùm
etiam planitiem, conualles, cunctaq; vt verbo absolam,
subdialia. Qui, vbinam sint niuium thesauri, problema
humano ingenio inaccesum putant, nec illi loca ista haud
adiere, aliter sensuri, si adijssent, vidissentq; quæ nos, quid
non cogit amor nimius in gregem, vel suadet potius? vi-
demus oculis illacrimantibus. Nam id quoq; afferunt in-
commodi: spectari sine fletu nequeunt non secus atq; cœ-
næ Thyestæ, vel Medæ in filium Absyrtum diritas, aut si
quid ijs atrocius in scenam Tragædi proferunt. Quàm ob-
tusâ sim visûs acie, credo, meministi: prospectus cum ma-
ximè, non vltra decem vlnas mihi patet. Hinc euenit, vt
loca nimio fulgore exclarata ita fugiam, vt non magis alij
Cimmeriam caliginem. niuem æquiori sanè animo perfer-
rem, si viridis, aut purpurea esset, qualem in Armeniæ
montes cadere tradit Olympiodorus, nescio an oculatus
testis. Certè cùm memoriâ repeto illud, credo, ex Ouidio.

Membraque purpurea candidiora niue,

Indignor non idem Noricæ huic nostræ euenisse, naturamq;
tacitus incuso, quòd non eam colore alio infecerit, quàm

A a 2 2 niueo:

niueo : & , si facultas par foret animo , inferni eam protinus iuberem aulæis Babilonijs , aut purpurissum pallori eius albido admisceri : fucata displiceret minùs . Sed quid ego verbis , imbelli vindictæ genere inuisam vlciscor muliebriter , nomen eius idemtidem vsurpans , quod mallem indictum , ac immemorabile ? ad vota , precesq; ire multo erit satius , vt , postquam solis vigor adeò emarcuit , vt facem in cineres collabentem præferat ; auster huc alis inuectus vuidis repentè aduolet , secumq; tantum ferat imbrium , quantum satis sit niui profligandæ . Id si fecerit , aram illi voti compos statuam exempla Atheniensium secutus , qui templum Orythiæ amatori , Boreæ sacrarunt ob disiectam Persarum classem , Pyreò infestis signis imminentem . Habes paucis quàm strenuè algeamus in hibernis ; vt tu tua bona magis noscas ærumnis nostris comparata , ferasq; æquiore animo , cùm istinc per æstatem sudore diffluis , & circumstrepentum culicum audire cogeris concordiam ; tunc enim nos perbeatos putas , quòd nullo flabello auras ; poculum glacie nullâ frigeramus ; & Syrii vix nomen nouimus ; incommoda verò ne vix quidem . Quisq; suos patimur manes , terrarum inquilini , celi ciues . In patriam postliminio reuersos ea excipit temperies , quam veteres fortunatorum Insulis , quia minùs erant notæ , tribuebant : posteritas illos falsi arguit , eò quoq; penetrare avsa ,

LAONICO N.

TV verò mi Laonice & cantu , quem nomen tuum gentilitium præ se fert , vales sanè plurimum , & in orationem solutam ora soluis adeò suauiter , vt Quiritium aures demulceas non minùs , quàm olim Arpinas Siren rostra obtinens . Epistolam certè tuam nemo legit , nemo autem , cui palatum sapiat , non legit , quin mel sibi lingere videatur Atticum , in latina aluearia transfusum . Quæris ? lepidum

dum es apud nos, publicumq; acroama festis omnium acclamationibus per fora, per compita ad arcis usq; Capitolinae culmen, & Iouis statoris solium delatum. Vnum te esse dicunt post Pierium, si modò secundum locum ferre potest tua summa laus, qui Bellunum patriam, qui ciues, Noricamq; circumadiacentem regionem omnem, Anaxo flumine irriguam eloquentia tua euehas ad astra, aut si quid est astris ipsis celsius: siue inane illud sit, seu atomi, aut Democratiana intermundia. Vnum te fama aliorum oblita nomenclationis, glorieq; loquitur: memoriter iuuenes ediscunt, senes admirantur, omnes tanquam demissum Caelo Palladium suspiciunt, feruntq; in ore, in oculis, in pectore, in digitis etiam gesturi, si imaginem annulis insculpi tuam patereris. Magnopere igitur me tibi deuinctum esse scias, velim, isto tuo munere: cur enim munus quantiuis pretij non appellem litteras, quas opibus suis vel Midas praeferat, nisi Arcadici pecoris aures haberet? Ego quidem pra illis monile Eryphilles, & Cleopatrae in aures contempserim, quamuis illud obrizo auro, hae vnionibus fulgerent Erytræi maris. Quod de quercu narras, haud satis assequor, qui sciam post inuentas à Triptolemo fruges, vefci passim esse glandibus desitum, neq; magis liquet, quod de dormitione addis in vtramq; aurem: nunquam enim, ex quo primum infans somno assueui, ita me dormisse memini, vt vtrâq; aure puluinar premerem, alterutrâ id facere contentus, cum in latus iaceo; neutrâ cum supinus. Verum hæc tu melius, sophiæ medulla qui sis, adeps Theologicus, Musarum rosetum, doctorum hominum delitium, quibus ita places, vt non magis placenta illa ab Athenæo ^{νικολαίος} vocata; quam ego, si ea te temporavissent, abs te transnominatam nullus dubitarem.

Vale.

HIE.

HIERONYMO ALEANDRO.

HActenus egregiè ferebam senectutem; quòd & pasto-
rali muneri, & studiorum labori fineret vires supe-
resse: nūc verò mihi Ætnā grauior videtur mecum reputāti,
quā illa spēs, quā cupidè votis expetitam adimat, Urbem
hoc sæculari anno sub Urbano Pontifice videndi, præsertim
me euocantibus amicorum litteris peramanter scriptis.
Quā quidem propensæ in me voluntatis declaratione quid
mihi contingere potest honorificentius? Non tulit hanc
gestientis animi latitiam anus ætas mea cum valetudine
non satis firmā foederata, meq; iter iam cogitatione metien-
tem iniectis velut manibus retraxit forti meq; inuidens.
Hinc mœstitudo, hinc dolor, & nihil profutura lamenta-
tio, nisi vt planè cognoscas me tot bonis inuitissimo animo
carere, quod aspectus vester cumulasset multo post tem-
pore Romam reuisentem, vbi præclara occasio se dabat ex-
piandi animi; simul Pontificis eius venerandi, quo nihil
in terris maius Deus esse voluit. Quale illud spectaculum
fuiſſet videre illum orbi præſidentem, quem ego velut ani-
mo diuinans tamquam familiare numen antea colueram?
Verum cū non oculi; ſi Anaxagoræ credimus, ſed mens
ipſa ſit, quæ in nobis videt; tolerabo æquius iacturam, mi-
hi ſanè conſcius nunquam non me mentis acie, vbicunq;
ſim, tanti maiestatem Principis ſuſpicere, eiq; fauſta cun-
cta adprecari. Te verò mi Aleander, cuius me vota mora-
ri ſubigit neceſſitas, etiam atq; etiam rogo, obſecroq; vt
Mœcenatem æmulatus, quam mihi egro dares veniam, des
iam ſenſcenti, & extremum iter meditati ad beatos. Ex-
cuſationem iſtā cauſatiorem haud faciliè puto tibi ſe oblatur-
ram. Deus te bonorum expeſtationi ſeruet quā diutiſ-
ſimè.

BAR.

BARTOLOMEO SENENSI *Monacho Cartusiano.*

Salus ad me venit iam reualefcentem nimium aman-
ter abs te missa. Illam non epistola, quod translati-
tium est inter absentes, sed cœnobiarca montellensis retu-
lit, Vir & ore lepidus, nec ingenio inelegans. Multus de
te sermo, ac iucundus; dum ego de tuâ valetudine, studijs,
studiorum foeturâ quæro diligenter: ille ad omnia respon-
det ut volebam: valere te scilicet Pancraticè, ex quo quer-
querè febris nuncium remiseris: in studijs torum esse: pro-
pediem librum editurum aureolum, quem parui æmulen-
tur, omnes laudent. Rogas? sermonem ad serum usq;
vesperum extraximus. commodum enim in suburbanum
rus secesseramus, ubi interuentor nullus, qui posset col-
loquium diffindere, aut interturbare. Aures tunc opor-
tet tibi tinnisse, quibus epulum præclarum dare potuisses,
si coram adfuisses insperatus. Nobis certè absens licet, in
ore habitas, hæres in medullis. De historiâ sociali Igna-
tianorum ecquando in lucem hominum se dabit: de Ripa-
montio quoq; si quid habes comperti, ad me scribas velim.
Exprimi non potest, quàm auidè scire aueam, cessetne,
an promissa præstet eruditorum votis responsura. Raro ad
nos lepida ista perferuntur niuium alpinarum incolas, &
quibus Syrii canis astrum quoq; friget. Vale, & mihi à
Deo propitio veniam exposce.

DONATO MAVROCENO *Senatori.*

Cupiditate tuæ me litteræ excandefecere, dum tam
graphicè oculis epulum subijciunt, quo hospites ru-
re exceperis, Viroseruditos, & omni amœnitate ingenij
florentes. caue enim putes tantum mihi saluam commo-
uisse struices illas patinarias ornithonis, & piscine opes de-
feren-

ferentes, Apitium aliquem hæc moueant, aut Aristoxenum, quantum vestri sermones symplosiaci, quibus par est vos dipnosophistas æmulatos cœnam in multam noctem extraxisse. Nullus apud nos de Phæacum gente certè fuit, qui Vlissi errores suos memoranti aures modo præberet, ipse ranâ seryphiâ e'inguior. Omnes ad vnum, & narrare pares, & respondere parati consedistis. Axiū nostrum audire videor nationes, mores, nomina cientem piscium, auium, quadrupedum, vt quodq; à structore scindebatur. Non ita Agamenoni ad Troiam commilitones fui erant noti, quos admonere consueuerat in acie compellans, vt se viros esse meminissent. Conuiuē mullitantes cum se tantum infarciunt, tum ea visceratio vocanda est potius, quàm epulum: quod garrulum esse debet, ac festiū inter eos, qui non tam multi cibi, quàm ioci sint. At nos hæc alpium fauces solitarij infedimus confragosas, auias, & quas vix, quàm hospes, crebrius inuisit. Nona lux effulsit, ex quo Leonis astrum coelo faces subdit, cū interea hîc hiemat; ningit; pluit totos dies & minora veris hæc à me dicuntur, ne profectiōem huc ad nos penitus abijcias. Veni nihilo minus si locum per æstatem quæris liberum à muscis, quibus omnia feruere apud vos audio. Vale.

LAVRENTIO REGOSIÆ Medico.

Quod morbo difficili perfunctus reualuerim: quod viuendi spem vlteriùs producam, quàm putaram: tuum est Laurenti. Tu alloquio, ope, conspectu deniq; ipso fugientem hinc animam veluti fugitiuius retrò reuocasti, tanti beneficij memorem fecturam. Iam studia intermissa retractamus, & styllum situ oblitum resumimus, vt ad te epistolam demus Eucharisticam, simul vt genio nostro obsequamur, cui vita sine litteris, ne vitalis est. Quam in re si fallimur, erroris te habemus comitem iucundum, cui

cui nulla dies abit sine lectione, eiusq; legitimâ sobole
commentatione, scriptioneq;. Nam lineam modò spar-
gere, vt Apelles olim solebat, parùm tibi admodum vide-
tur. Equidem admiror, vnde tibi Musæ tantum otij sup-
peditent, tot ægris occupato inuisendis, accurâdis, erigen-
dis. Verùm vnde vnde tibi otium obueniât, egregiè illo
vteris, & ingeniosè: neq; timor est, ne, si eius ratio tibi
vnquam censoribus litterarijs fuerit reddenda, hereas. Iter
ad montana Agordina susceptum tibi ex sententiâ cessisse
tantundem gaudeo, quantum mihi pectus perfrigefecerat
pestilitati te obuiam iuisse, aduersus quam nullum genus
remedij præsentius absentia. Aspectu ne dum contactu
nocet dirum illud malum quauis catoblepte exitialis. Su-
peris tua salus curæ est, vt eam alijs impertiaris. quod sicu-
ti libens, & assiduus facis, ita diu facias. Vale.

HENRICO DAVILA.

QVi te lætum in primis, florentemq; cuperem, quàm
angar animi, cùm tuas lego plenas querelarum ad-
uersus fortunę, & valetudinis incommoda, ipse me vel
tacente coniectare potes, cui non ignota est tua in me pro-
pensior voluntas, meusq; in te amor singularis. Præcipua
vis sit, oportet, morbi contumacis, quæ strenuum virum,
& (si Senecę nostri vocabulum facilis admittis) perpeffi-
tium cogit ad lamenta. Vita certè tibi quàm in armis, quàm
in litteris exacta non permittit, vt ad translatitia, & vulga-
ris notæ mala ingemiscas, quibus sæpe ferendis animus oc-
caluit. Ogygia illa esse mente fingo, atq; Herculana,
quorum incurfu succumbas tanto fortitudinis robore sub-
nixus, ideòq; procul consolatoris munere abiecto, complo-
ratoris partes mihi sumo haud aliter, quàm chorus solet in
Tragædijs, nihil præterquam affectus suos calamitoso-
rum casibus accommodans. Inaudieram iam pridem mœ-

Bbb

rorem

rorem expectorare sapientiam: idem modò experior sero tyrocinio, agnoscoq; demum potiores esse doloris vires, quàm consilij. Conor tamen, & subinde me ipse vrgens comminiscor aliquid, quo te, meq; erigam, si possim. Occurrit autem non intempestiuè, quod in ludo prætextati erectè indolis ediscunt, à Deo optanda optima, ferenda æquo animo quæcunq; dederit: luti ille nostri figulus, siue morbum, seu paupertatem, siue exilium, quæ veluti progymnasma virtutis nos ad palmam de fortunâ referendam instruunt. Sed nã ego absurdè leuis, qui Cyprium procerem hæc doceam, post amissas opes, & clarissimæ Patriæ excidium, duratumq; pectus casibus bellorum. Docilem me tibi potiùs præbuërim artes retractanti tuas. Minerual huiusmodi disciplinæ libens debiturus. Verùm mos gerendus erat consuetudini, quæ ineptias id genus vitæ mortalium inuenit adedò, vt sæpenumero inueniat hominem de triuio ægroto medico, quæ ad leuandum morbum faciant, præscribere. Iadæra te morari tam diu permolestum est, præsertim cùm ad incolarum fastum aëris accedat intemperies. Salonas non procul inde distitas vix crederem tantùm Diocletiano arrisisse, vt ibi priuatus consenescere maluerit, quàm orbem Imperator temperare, nisi id scriptorum adstrueret concordia. Equidem, si mei iudicij res sit, Castilioneum secessum, quod me iam recepi, toto Illyrico prætulerim, licet generosorum piscium nutritio. Parcius tamen recreor loci mihi iucundissimi conspectu, quàm solebam; quia nō idem animus, non ætas, non curæ eadem litterarum modò studia respicientes. Frater mihi heu misero ademptus hilaritatem omnem animo omnino expulit, nihil nunc nisi triste reuoluenti. Rebus meis florentibus Austrum immisit hic illius casus. Tota secum domus nostra sepulta est, nec quicquam præter lacrymas relictum, mæstitiæ testes, doloris indices: cuius tantam esse vim, vt eo mens, veluti fulmine perculsa ex omni amantitate exarescat, nunc expertus

pertus scio, ante coniectabam. Quotidie noui aliquid suboritur, quod vulnus instar vnguis refricet nondum occalescens. Nox quoque quietis tempora varijs imaginibus funestat, tanquam parum sit, soles mihi illucescere tam nigros. Animi teneritudinem mei causarem, quod ita effusè congemam, nisi talis fuisset frater, qui posset, ut se amaret, vel lapidem silicem subigere, ne dum me, cui fibra cornea non est. Igitur postquam omnia miserabilis ciulatus exempla edidi, parum mihi dolenter video illi parentasse, parum explese animum illecebili latitiâ, quam ex luctu capio. Solet enim ambitione ita tangi mollis ille pectoris affectus, ut modum alium, finemque nesciat, nisi quem mors facit. Accedit Octauiani Boni obitus. Frater is mihi alter erat, non naturæ iure, sed amoris. luctuosus quidem ille bonis, vni verò mihi lacrymabilior, qui in eius consilio conquiescebam trepidis in rebus, quæ fortuna latis intermiscet. Sed me comprimo, ne ad tristitia relapsus mæstitudinem tuam, quam aliqua ex parte leuatum veneram, magis adhuc onerem, mittoque conatus mei specimen litteris commendatum, quod à perturbatione, & nimia rerum aduersarum solitudine animum eximere studeo, in iacturâ amantissimi Fratris commoda quærens acerbi doloris lenimenta. Vale mi Henrice, & rebus secundis, tuamque Virtuti debitis te serua.

In Funere Fratris consolatio.

SOL non nisi animi acie spectabilis, huius, qui nos diu lustrans vespere destituit, fabricator alme, ad mentis tenebras nostræ facem admoue, ne in lubricâ hac vitæ orbitâ labamur. Caligare oculum, & lapsare pedem necesse est, ubi opem subtrahis, finisque, ut ipsi nobis relictî demum agnoscamus, quantâ nocte circumfusus sit sapere hoc nostrum, quo nobis ad eò perditè placemus. quamque humi

B b b 2 proie.

proiecta repat humani ingenij velocitas . tum maximè ,
 cùm sibi superuolitare sidera videtur . reptare dixi ? se da-
 re in præceps dicere debueram , Icari conatui perfimilis , cu-
 ius quidem ruinam remigio alarum aërem tractantis non
 terra excepit parens , tumulum datura ; sed mare corpus
 ita obruturum , vt memoria extaret facti nos erudiens , ne
 maiores nido alas explicemus . Inter cœlestium stipato-
 rum agmina eminebat Lucifer Diuini rudimentum non ru-
 de opificij , totus labis expers , totus mens , cùm ei conditio-
 nis suæ obliuio obrepfit ; decus aliunde sumptum proprium
 putauit ; Dei perduellis infimus vocari maluit , quàm mi-
 nister primus . Iam sedem Aquiloniam animo conceperat ,
 vnde conscriptas desertorum aduersùs supremum Regem
 copias instrueret , cùm conscientia facinoris velut fulmine
 ictus abalto cum suis cohorticulis in ea se detrusit loca , qui-
 bus aiunt nihil esse tetrius , humilior , vbi modo iacens no-
 cendi mille artes meditatur in humanum genus . Huic
 ego quidni acceptam referam tristitiam , quam mihi nuper
 Fratris funus attulit vnici , vnanimis , oculis ipsis mihi ca-
 rioris ? languebat ille septimum iam mensem morbo infa-
 nabili confectus , nec iam amplius res cum medicis , sed
 cum pollinctore . Procul eram iniquis locorum spatijs di-
 remptus , doloremq̃ ; tantum auribus percipiebam , segniù
 irritari solitis in aduersis rebus , quàm oculi consueuere .
 Hinc adeò factum , vt me insipientis philosophorum sapien-
 tiæ præceptis ante communirem , quàm tristis de eius ex-
 cessu perueniret nuncius . Multa leniendi luctus ergò col-
 ligebam à doctis vsurpata ; atatem in senium prolapsam ,
 vim ægritudinis diurnæ potiore , quàm cui obuiam ire
 posset corporis debilitas , licèt promptis medicorum arti-
 bus adiuta ; præterea cruciatus artuum podagræ iniuriâ
 morbo ita superadditos , vt vitæ ei precari diræ impreca-
 tionis instar esset . Sic dolori aduentanti prodire contra
 reputabam meo Marte fretus , cùm ecce vixisse Fratrem
 nuncia-

nunciatur. tunc verò stans in vestigio dirigui Niobes imago, nisi quòd illam post defleta suorum funera stupor occuparat; mihi neque ullæ lacrymæ exciderant, neque via ad querelas laxabatur, quæ animi leniretur mœror. Experiri tunc mihi licuit, quod olim diu inaudiueram ingentes dolores silere, loqui modicos. Triduum perpetuum dolor me defixum tenuit nullius congressum ferentem, nulli affabilem. Exinde in lacrymas abiere oculi tam vberes, ut mirarer tantum in corpore curis exeso humoris extitisse. nec dum lamenta admittebat dolor, credo, ne luctum interrumperet; postremò ad illa quoq; deuentum est, ne quid deesset ad miseriam eo omnibus miserabiliorem, quo vni sibi seposita solamen aspernabatur amicorum. En quòd me loci Alastor stygius adegerat, mihi pugnare aduersus angorem animi suadens armis omnino, telisq; destituto, quæ certamen adeò anceps, periculiq; plenissimum requirit. Perieram equidem, perieram tanto mœroris æquore abfortunus, nisi tu Deus dextram porrexisses, & meæ læuæ insertasses fortiorem clypeum supra Aiæcis illum septemplici corio munitum, quo nûc desiderij iacula quantumuis ærea excipio mecum ipse voluens non abijisse Fratrem, sed præiuisse, quòd rectà hinc animæ humani corporis vinclis exolutæ auolant, ad loca nempe Elysij tanto amœniora, quanto vera fabulosis præstant. Spes id mihi spondet; suadet pietas; vitæ eius anteaactæ tenor, ne vana sponsio videatur, facit, ne suasio irrita. Haud longa nimis mora futura est, quæ nos dissociet ætate pares, concordēs animis, & si non gemellos geminos, gemellis proximos. Annum ego, quàm tu prior vitam colere incæpi, si hæc modo vita est, nec ergastulum potius seu Tullianum. Tu hinc, dum ipse vasa colligo, ocyus te proripis sorte tuâ fœlix, & ideò non luctu, sed inuidia magis, sciret si germano inuidere frater, prosequendus. morem hunc tenere apud nostros scio quàm antiquum, tam pium: obdormientes appellant fato fun-

ctos.

ctos. id quantam vim habeat ad lacrymas infundere carorum cohibendas, qui non videt, is credo non animaduertit nec naturam somni, nec quantum à Letho consanguineo suo planè differat. Nemo nostrum, cui modo cor sapiat, à cœna cubitum euntem congemit quasi nullo vnquam tempore expecturum: sed ei potius ad refouendas vires statum à natura soporem facilem precatur, vnde rursus ad labores redeat etiam alacrior; quamuis huiusmodi desurrectiones à quiete somnus exinde alius, atq; alius excipiat. cur igitur non idem facimus in nostrorum excessibus, præfertim cum eos in postremo sæculorum die semel excitatos vigiliæ æternæ maneant euigilandæ? fatendum nobis erit denique, si quis nos vrgeat instantius, ista à nobis dici dicis causa, nec integram fidem verbis adhiberi, quibus Christus lumen nostrum Lazari sorores fuit interfatus, indormire illum inquit, licet iam elatum, funeratumq;. Salus ille communis occubitu suo morti veluti oleastro mitioris oliuæ furculum in seuit: quo factum, vt omnem eius amarorem dulcorarit adeò, vt iam in rerum expetendarum, preciosiorumq; numero mors habenda sit. Sic est profecto: de ore demortui leonis fauus mellis defluit, cum Deus iusserit. Non aliter bombyx vermium vilissimus fit ales, nisi prius non ex testamento, sed ipse sibi viuens tumultum parauerit, in eoq; iacuerit exanimis. Subirascor equidem, dum cogito inuentos olim, inueniriq; hodie quam plurimos profanis superstitionibus deuotos, qui vitâ sic excedunt hilares, vt de hospitio malo materiato, malè sartò, casumq; iam minante inquilini solent in patriam ituri; alios fatum obuijs præstolari vlnis minimè contentos, sponte suâ oppetere, profundentes animas non in acie modò, vbi ferò res agitur, verum in amphitheatri arenâ etiam per lusum. Socrates certè oraculari Pythiæ sententiâ in sapientis nomen adoptatus mortem sibi scypho propinatam hausit perinde ac nos in conuiuio tempestiuo mulsim. vt mittam Indo-

rum

rum Gymnosophistas, qui non elati rogi, sed proprijs delati pedibus conscendunt. Nec mares id tantum animos audere credas: maritis vitâ functis nescio vbi terrarum (alicubi certè) coniuges commoriuntur eâ alacritate, ornatuq; , quo choreas nuptiales adeunt. Et nos, quibus mori tam exodium huius vitæ est, quàm exordium futuræ, tam trepidè mortem exhorremus? vsque adeo de genere vere animi à beatis illis, quorum cum sobolem nos esse nimium iactemus, exempla minùs imitari, quin, ni turpe sit? Nullus præterit dies, quin sacros factorum libros perlegendibus occurrat alicuius Martyris natalis. cuius nominis sensum eò tendere potissimum crediderim, vt tunc nos nasci dignoscamus, cum denascimur, transcribimurq; in coelestium ciuium laterculum. Hæc nimirum causa non est, cur vel nos moleste feramus mortales genitos, vel mortuorum sortem defleamus, nisi fortè cum illis præclare actum sentimus, & fatemur etiam, nostram vicem dolemus, quasi eorum conuictu perpetuò nobis sit carendum. Hic vnguis nostrorum vlcus laniat, nec coire finit: hinc lacrymæ indecores emanant, & pijs hominibus minimè concessæ, Nam primùm increduli est diuortium istud ne dum perpetuum putare, sed ne longum quidem eandem viam, quàm illi, insistentibus: eodem, quò illi deuenere, deuenturis. Sed demus ita esse, nec nos amplius inuicem visuros, quis rebus carorum letis contristatur, nisi sui nimis amans, bonis verò alienis inuidens? At nostra, inquiunt, intererat illos perenare, quorum opibus perinde utebamur atq; nostris, delectabamur officijs, ope nitebamur. Audio introrsum versas doloris causas, nec dubito, quin non admodum imparibus querelis defleretis Asturconis obitum, qui vos per Urbem vexisset tolutari gradu, vel catellæ funus delicias vobis lasciuo assultu facientis. Sybaritarum mores hæc lamenta deceant, quibus nihil viri præter nomen fuit. nobis sub eius Imperatoris signis stipendia merentibus, cui

contra

contra aduersa durare solēs erat, perasperum, scruposumq;
 iter euadendum est ad salutis arcem difficilia ferendo, pro-
 spera optando. Mihi quidem nullum Nepenthes pocu-
 lum aduersus animi mœrorem exhiberi potuit salubrius,
 quàm ista fuit cogitatio, quâ sæpe recreor, fratrem ad cœ-
 lestē conuiuium vocatum iam Ditūm epulis accumbere,
 vbi non Hebe iuuentutis Dea fabularis, non Phrygius puer
 administrat, sed aligerum agmen aulicorum, qui morta-
 lium supplices libellos ad Deum deferunt. Illic cum bea-
 titate perfrui sine cariturā ærumnarum huius vitæ oblitum,
 nostri ita memorem, vt spes sit eius interpellatione exora-
 tum Numen propitium se nobis præbiturum. Luctu hunc
 in modum mitigato funeris fraterni mentem subit mœstitię
 veluti appendix, familię inter Venetas nobiliores haud vl-
 timę defectus: neque enim illi Superū beneficio conces-
 sum prolem edere, vnde maiorum nomen apud posteros
 propagari posset. Postremus gentis suę fuit, si me excipis,
 vltra sexcentos annos perpetuā propagine sobolescentis.
 Hoc sanè incommodum, seu cladem potius, & opinione ho-
 minum grauissimam, & per se non lenem fero equidem to-
 lerabilius, qui sciam progeniem Priami Regnatoris Asię
 (liceat enim magnis exemplis minima componere) cui cen-
 tum nati essent, centum nurus non diu Troię excidio super-
 fuisse. Darij tot prouincijs imperitantis stemma vnā cum
 dominatu ipso intercidit: Alexandri, qui illum vicerat, hę-
 redium tam ingens, tamq; luculentum, sicuti armis par-
 tum, ita armis cretum ab ijs fuit, quibuscum ei cognatio
 intercessit nulla. Ecquænam ergo fuerit animi mollities,
 cū Regum deficiant successiones, ruineq; vel ipse ruant
 vrbium, familiam, quotam tandem partem Ciuitatis &
 communibns fati legibus exemptam velle? Id medius fi-
 dius perinde foret, ac humano in cineres collapsō corpore
 membrum eius aliquod, vt de digito Pirrhi vulgò creditur,
 excipere, in quod flamma rogatis ius non habeat. Sagax
 rerum

rerum natura circa vniuersitatem humani mortalium generis sollicita, ne quo casu interciderat, singulorum hominum, quos folijs Homerus comparat interitum susque deque habet, prætores solertes imitata, quos de minimis rebus cura non fatigat. Postquam igitur vni mihi tanquam puncto accidit lineam gentis meae claudere, dabo sanè operam, ut ita claudam, fama saltem ut aliquantisper funeri superstes posteritati renarraret me non frustra tot dierum Soles condidisse. nam eam perpetuam futuram, non voti sum adeo improbi, uti sperem; non adeo arrogantis, uti posibilem.

E I D E M.

NON aliàs me adeo in hibernis riguisse memini, quam uis essem à sagis minimè imparatus. culus reicausam cum à meo contubernali vetere requirem, ille nihil perendinatus retulit. At ne villo quidem vnquam tempore laudatus fuisti luculentius. Quasi hæc duo inter se respondentia mutuò recurrerent: laudari, & algere. Responsum planè oraculare, & veluti de cortynâ mihi Delphicâ emissum, cui perspectum iam diu sit laudum mearum fatum hyperboreum gelu afferentium, quod me congelaciet, & præterea nihil. Hinc fit, ut illaudatus esse malim, dummodo non illaudabilis, quàm ijs præconijs efferri, frigore mox corripì. Quod sanè frigus cur sæpenumero subsequatur laudem; dignum fortasse fuerit accuratiori operâ disquirere. & verò non inter ea numeratur laus, quæ ab omni labe secreta, innoxia accidunt mortalibus; sed ipsa quoque, ut pleraque omnia humana, in se habet aliquid, quod ritè auerruncandum Herculi committas: siue illud fascinum sit, siue aliud quidpiam ex eorum genere, quæ ad nos Lucipyxis Pandoræ detulit. Certè & in nobis plerumque inanis gloriæ excitat, alitque appetitionem, dum longè alios nos,

Ccc

quàm

quàm sumus, fingit; & vt vitio hoc careat, parcius à viris sapientibus ingesta, fieri vix potest, quin in nos non prouocet inuidiam, non alio stimulo magis irritabilem in laude dignos. Vtrumq; licet non tam exemplis, quàm experientia cuiq; testatum, permitte, si vacat, tibi paucis vt explicem, postquam epistolę argumentum longioris in hac solitudine nos planè destituit. Virtutis pręmium laudem qui ponunt, ijs puto mente excidisse ipsam sibi condignū, luculentumq; esse pręmium Virtutem. Ingenuum alienę dignitatis, decorisq; testimonium laudem si dixissent, ferendum nobis esset æquiū, qui non adeò demissi voti virtutem ipsam facimus, vt, cū se cursui accingit, laudem sibi veluti brauium proponat, si metam pertingere contigerit. altiū illa humo se attollens volatum dirigit, quàm vt hæc respiciat caduca, ancipitia, & quę ambitio iam pridem improbis quoq; communia effecit. Pij cognomen- tum Antoninus à Senatu meruit; Commodus extorsit: ambo in id se adoptatos sunt gauisi, licet pudor alterum suffunderet, cū sic se, suamq; plus quàm ferinam truculentiam vocari vulgò audiret. Equidem non ita affici virum fortem reor vocibus theatri, vt eius festis acclamationibus se beari putet; infestis verò non secus concidat, ac si fulmine ictus, quippe non ignarus ad famę rumusculos sinisterioris Fabij Maximi aures obsurduisse, dum restituere cunctando rem Romanam pergeret. Per famam iuxta ac infamiam Paulus humani generis Doctor, & quidem, quod multum refert, perpestitus, nos iubet rectum tenere cursum ad Virtutis arcem, ad Pietatis Capitolium, quod aliquando euenit, vt anserum quoq; obstrepentium clangore ab insidijs hostilibus seruetur. Quę non à me ideo dicuntur, vt velim neglectum laudis animis inducere, quę natura ad gloriam, laudemq; glorię pręnunciam erectos finxit: Sed potius, vt multo esse optabilius demonstrem laudem mereri, quàm apisci: quorum alterum est in nobis positum,

positum, & virtutem arguit manifestariam, alterum maxi-
mâ ex parte pendet à Fortunâ, quandoq; vel ex crimine
quosdam commendante apud vulgus: vnde si Etymologi-
cis credimus nomen ipsum laudis defluxit primùm. λαὸς
enim populum, multorum capitum beluam significat; ex
cuius ore spirat ista aura, in horas longè mutabilior, quàm
flatus ventorum sunt sub exortum Veris. Aliquid profectò
foret, non inficiamur, si nos Pythia iudicio suo decoratos
famæ daret, quod Socrati olim accidisse ferunt. Nunc ve-
rò causa non est, cur plus nimio nobis placeamus, si in eo-
rum ore habitamus, vbi nemo bonus diuersari ferret æquo
animo. Verùm Laodiceis istiusmodi laude relictâ, quâ
Phœacas illi suos, atq; Bœotios dementent, vlteriùs pro-
vecti dictis hæc addamus, ab ingenuis etiam laudatoribus
cauendum esse aliquando, ne progressus nostros aut remo-
rentur, aut interrompant vanis imaginibus animum fallen-
tes, in spes suas vitio gentis humanæ nimio plus pronum:
& qui se iam profecisse videri malit, quàm proficere. Exi-
miam multorum indolem, & ad maxima quæq; euasuram
ista sæpe perculit calamitas sub ipso bonæ frugis flore. Hinc
scitum illud emanauit græcorum prouerbio testatum. ^{+ τὸ}
^{ὁδὸν ἐγχοπτὴν εἶναι προκοπῆς.} retrò sub lapsum fertur omne stu-
dium, omnisq; adeò progressio in virtutis via: vbi tanquam
ab aliquo maligno fiderè afflatur à falsâ quippe nostri per-
suasione: cuius præcipua suada laus est; præsertim si in
aures credulas inciderit. Nec verò in medium allatis ad
uersatur vetus illud verbum. Virtutem laudatam crescere;
si laudem hîc sumas ab hortatu parum differentem, quam
paranesim appellant græci, verbo per quàm apto, nempe
quæ ἀρέσκεις, hoc est laudis affinis sit, nec iam tamen ἀνείσκεις.
Itinere namq; recto ad decus incedentes sic solemus allo-
qui. Pergant porrò alacres, nec ad diuerticula deflectant
in alia omnia ducentia. Hæc siue monita, seu hortamenta
non aliter erectas indoles accendunt, ac Martis alumnos

sonus buccinæ. Verum id adnotatu non indignum puto, Virtutem, de quâ modò loquimur, non adultam esse numerisq; absolutam omnibus; sed adolescentem, & adhuc impuberem, quàm rudimentum potiùs virtutis dixeris, si scias, perfecta quæ sint, qualis virtus maximè habetur, incrementis parùm indigere, defectum magis, quàm summam absolutionem indicantibus. Hinc ortum illud *Εὐδοκίαν* à græcis vsurpari solitum, Virgiliano illi non absimile.

+ Acclamatio
Homerica,
qua Græci
sæuierant
re feliciter
peracta,
sic illud.
Lepan.

Maeste noua virtute puer, sic itur ad astra. Itur, inquit, non peruenitur, ne viæ metam contigisse ratus nihil se debere amplius Dijs vialibus putaret. Laudis verò, & promeritæ iam satis, & à dignis omni laude laudatoribus tributæ alicui longè alia est ratio. Non enim illa profectum remoratur, aut impedit; sed inuidiam laudato ita creat, vt solenne illud verbum præfiscini, sit ipsi quoq; vsurpandum, & frons baccare cingenda, ne lingua noceat. Exempla huius rei adstruendæ tulit omnis ætas: nobis vnũ modo occurrit Sopatri ex Platonis Academiâ philosophi. Florebat is Constantino Magno rerum potiente, vt in historijs habetur, nec contentus mirifico scholæ suæ plausu, amplius theatrum, vitio gentis humanæ concupiuit, Regiam nimirum, vbi præter cœteros principem quoq; haberet sui spectatorem, fauitoremq;: nec eum omen fefellit. Venit, vires ingenij exprompsit, placuit, ab omnibus primùm laudatus: deinde postquam sensim in gratiam Cæsaris euaserat, ab eis dolo appetitus, quorum è re non erat philosophiam Regiæ assuescere nimium familiariter, donec illi idem planè accidit, quod Callistheni olim apud Alexandrum. Huic, atq; ad eò ipsi Constantino indignabere fat scio: quod tu quidem iure facturus es, meq; habebis scicium. Verum demus cæteros non ita credulos delatoribus futuros, ecquisnam erit laudatorum status inter aulicorum odium, æmulorum fraudem? Equidem desperire malim, quàm sic viuere. Nec quis mihi Aristippum memoret sub
philo-

philosophi pallio vrbani scurræ, vel Gnatonem
 potius regentem: cuius cum omnis cura in curandâ cute
 sic euigilaret, vt cor in ventre habere videretur; nec cen-
 sus sumptui par esset; inuenit, instititq; viam, vnde ei, quæ
 ad victum pertinent, abundè suppeditarentur, cultum re-
 pe Regum, quibus erat carus non tam ob eruditionem,
 quâ pollebat plurimùm; verùm etiam ob ingenij festiuita-
 tem, iocis conuiualibus accommodam. Hunc illi propo-
 nant sibi exprimendum, quibus res curta domi est; nec
 cum re benè conueniens cupiditas. Nam mihi Superùm
 beneficio, & maiorum virtute tantæ ne cogitanti quidem
 opes obtigere, vt non vnos Aristippos domi de meo alere
 queam potius, quàm eorum artes emulari debeam. Acce-
 dit, quod nec Natura ad lusus mores dedit, potentiorumq;
 gratiam captandam, demerendamue: sed ad vitam colen-
 dam magis aptos segregem, in amœnam, genio inseruire
 suetis improbabilem: vt non mirum videri debeat, si lau-
 datus aliquando, algeò continuò: quo sanè algore, sic me
 Musæ ament, haud indelector, cum mecum cogito, quan-
 tum istis feruidis negotij ambitio faceffat. Illis nulla quies,
 nulla vacuitas ab angoribus, vt primas teneant: me mea
 cò adigit rusticitas, vt his votis candorem præferam sim-
 plicem, infucatum, luci concolorem, quæ diuos, quæ si-
 dera conuestit; Cycnosq; si quid ad rem facit, Musarum
 clientes pulchriores reddit: quorum ego esse quàm similli-
 mum quid verò ni cupiam? eiusdem cum illis factionis, &
 qui capitis niuib; iam albeam? Candidatus sim, quoad
 viuam, lubens: nullo rubore perfundar: modò neminem
 prænsẽ: nihil ambiar; nil villo vnquam tempore istius-
 modi rerum ad piscar, quas me impetrasse non omnino gau-
 deam. Non enim, ne contemnar, timendum mihi puta-
 ueris; si priscae meæ conditioni adhuc hæsero. Enitar, vt
 me vindicet ab hoc periculo præclaris aribus studium im-
 pensum; simul constans animi propositum nihil admirari,

non 12

nisi

nisi quod virtute hominibus paratur. Præterea se se demittentem animum hæc erigit cogitatio, fore fortasse tempus, cum de me sera posteritas loquetur, complurium oblita, ex eorum numero, quos postridie eius diei, quo efferuntur; vixisse nemo ullus meminit. Nam qui ex se ipsis sumunt decus, quod titulis virtute acquisitis regerant, ij mihi Heroes; ij mihi Diuis proximi videntur. Habes longiorem de frigore historiam, quod nobis intulit laus à summo Viro tributa liberali manu: ne, si rumor illam ad tuas vsq; aures diffilauerit, tu quoq; rata fore putes, quæcunq; inde amici euentura sperant; emuli exhorrent: nos verò nondum constitui mus in numero ne sint optandarum rerum. vt dubij porrò super hac re simus; illud facit, quod Rhodus, & saltus abest longè gentium: nec animo alia cogitationes desunt, quibus se maiori compendio, cum datur otium, obleat. Vale.

E I D E M

NE dum sanè quidem abesse videris, cum abes mi Henrice, qui in sinu, oreq; habites non inquilinus, aut hospes, sed legitimus, & vetus incola. Idem ipsis oculis te ferens, quo iure vocari potero locorum à te spatio diremptus? Desine igitur mirari, si raro ad te scribo, tecum sæpe loquor: quis enim per epistolam compellet coram adstantem, nisi mutus ipse, vel cui cum capto auribus res sit. Te, si secus sentis, litterasq; flagitare pergis, fateri quoq; necesse est me alio apud te esse loco, quàm tu apud me es. Verius tu quidem fortasse opinaris: ego amantiùs longè, ac iucundiùs, quem error, vel dum fallit maximè, obleat. Vale.

Si non

N.

SI non nisi oculis corporeis laus summa Maximi Pontificis discerni posset, quin iter ad urbem ocyus arriperem nulla me ætatis ratio, nulla viæ incommoda remorata essent. Vrsissem equidem ipse me, & cursui quantumvis præpropere calcar admouissem, ut præsens præsentis optatissimo fruerer conspectu. Nunc verò, cum & virtus in eius Beatitudine eminens non alia quàm mentis acie percipiatur, & iam pridem eminus spectata eos in me cultus, atq; obseruantia produxerit affectus, ut locus amplius reliquus non sit ullis eorum incrementis, officij defector minimè videbor, si Sanctit. eius ritu veneror huiusmodi, quo Numen, quo Diuos soleo, quibus est tam proximus. Quotidie de Beatitud. eius aliquid animo reuoluo: Pontificatus sui decora, & inde Reipublice Christiane fructus prouenturos spe præcerpo: est quando etiam Principem, summum, tot, tantisq; districtum curis adeo interuentor haud importunus, & quem nemo volo obducto procul arceat. Mihi quoq; sic consulo non nihil: si enim tot terrarum spatijs diremptus intra factum inuidia telorum sum, quod ob nescioquid litterularum aliquam mei mentionem in sermone fecerit: quid præsentem erit, & fortasse non frigide (quæ eius est humanitas) excepto? Dicar ab æmulis, quos mihi peperit mea in Eruditissimum Pontificem pietas, simul eius in me voluntas paulo propensa, prænsatum venisse veluti in campum candidatus senex: seræ ambitioni dabitur, quod meis me è sedibus commouerim, Urbis alioquin cultor parùm frequens. Quæ ante ego quàm audiam, Ithacam istam meam montibus affixam incolam libentiùs, mihi, gregiq; inter studia litterarum viuens. Hæc mea mens: nisi Sanctiss. Domino aliud videbitur, & quod benignitatem eius velle tibi viderur, iusserit potestas

itas

stas aduersus ingenium, geniumq; meum valitura. Deus votis nostris annuat, quæ quotidie de incolumitate Max. Pontificis rite nuncupamus, & te hilarem in dies magis reddat. Vale. Belluni.

HIERONYMO ALEANDRO.

EGo verò Apennino transmissio eo, quo possum, modo Romam venio, cogitatione nempe, atq; voto. Hæ meæ bigæ sunt, quibus iter ingressus vehor, ad Urbemq; dicto ocyus me sitis, pulvis, & luti aquæ expers, viatico hoc contentus vno, voluntatis in id vehementiori applicatu. Sic me peregrinari docuit necessitas solers illa adinuentrix artium omnigenarum: sic te animo dimidiato fruor: nam tu cùm eius altera pars sis, facis, vt ne ex æffe quidem vel tunc absim, cum abesse videor. Herotica ista admiranda nemo iam miratur, cui pectus amoris viâ face vnquam incaluerit: alioquin quis diuortia longa ferret amicorum, nisi Thalys esset, quem ferreum fuisse perhibent? Hinc aded fit, vt silentium nobis minùs noceat, necessitudines dissoluturum procul dubio, nisi allocutionis vices, cogitatio expleret frequens: cui si accedat mutus litterarum vsus, ne desiderio quidem quicquam deest, quod preterea expetat. Id quia solus ego præstare hand possum, te oratum volo, vt me iuues rescribendo sapius. Ita distantia incommodo, iunctis inter nos operis, negotio planè nullo, occurremus. Vale.

IACOBO VECTIANO.

ANnum iam me siluisse ab te tam amanter prouocatum ad scribendum, si non miserum esset, inurbanum foret. Huius tam longæ cessationis causa funus Fratris fuit, vnici, vnanimis, quod me planè ipsum mihi, negandum

dum omnem officij memoriam eripuit. Totum istud tempus iacui in luctu interuentoribus nullis adeundus, nisi queis idem affectus lacrimas eliceret, quibus dolor meus aleretur, contumax solari. Nunc ad consueta munia reuertenti mihi nil fuit antiquius, quàm ad tuas litteras rescribere, quibus significabas te Romam primo vere cogitare, vt Urbanum Pontificem venerareris, tibi ante cognitum, quàm summus piorum Parens vocaretur. Executusne fueris cogitatum iter, nondum comperi. Quandoquidem longa nos interualla viarum dirimunt, nec est, cui tutò dare litteras possimus. Scire autem fatin res ex animi sententia processerint. Cardinalis tui postrema quin tibi luctuosa acciderint, non dubito. Princeps erat perhumanus, & qui plures sui memores merendo faceret. Accedebat Præfulis nomen, quod tacitè illum admoneret, vt te, tuosq; ciues charitate prosequeretur singulari.

Hæc reuoluens animo dictabam, cum ecce tua Epistola superuenit, ipso Natalis Domini peruiugio conscripta. Ex eius lectione certior sum factus te adhuc in patria morari, spe non lentum minùs, quàm typographus Bononiensis dilator est: qui tandiu epistolas tuas prælo torquet, vt velint, nolint in lucem proditurae sint castigatissime. Pierij libellum aureolum illum quidem ac perlepidum, licet tetricioris argumenti equidem non miror tibi placuisse, qui nouerim tam ingenium legentis, quàm Auctoris genium, victuri donec erunt, qui litteras mitiores colant. Eiusdem hîc apud nos extat volumen authographum, ingens, eruditum, Emendationum in Pandectas, vulgatę editionis, quos ille curâ anxîâ contulerat cum Florentinis, assiduus cultor Mediceę gentis. Hoc ego quoq; volumen quin publici iuris facerem, id obstitit, quòd non multo post tempore eodem locos pertractauit diligenter Antonius Augustinus Iurisconsultus, Criticusq; idem famę satis notus. Epistolam habes planè geminam pro vnica, qua muneris tuis litte-

D d d ris

ris debebam. Appendicis fuit aliquid addendum loco fœ-
noris, ne impune forem nimum cessasse. Vale. Belluni.
viii Cal. Februar. postridie eius diei, quo tuas acceperam
gradu iter testudineo emensas.

HENRICO DAVILA.

TV quidem homo es mirificus, qui me non ante de tua
valetudine scire voluisti, quàm conualuisses. scilicet
ut vnæ, eædemq; litteræ & sollicitudinis non nihil, & conso-
lationis plurimum afferrent. Permolestum sanè fuit te Vi-
rum Pancratici roboris, atq; firmitatis cum febris tam diu-
turna, tam non probi moris conflictatum, sed tantisper mo-
dò dum epistolæ tuæ limen præteruherer, mox se se in læ-
tiora; & quæ maximè volebam, explicantis. Inaudieram
pridem de Asilani celi grauitate aduenis inhospita, noxia
indigenis; & te illic consedisse ita non æquo ferebam ani-
mo, ut nunc gratus accidit tuus in urbem ad amicos reditus.
quorum medius fidijs vel aspectus ipse, ne dum familiaris
allocutio virium plus habet ad fugandos morbos, quàm
Asclepiadarum formulis temperatum poculum. De Bo-
no, & Mauroceno Heroibus nostris quæ narras, periucun-
da. nihil est consuetudine eorum amabilius, nihil fructuo-
sius. Nos, quod vnum possumus, datis ad illos litteris
frequentibus, absentia sarcimus damna longioris. Diui-
nè, ut fermè omnia Annæus Seneca Sacerdotia comparans
relegationibus; neq; nos inscitè, cum nostri ordinis homi-
nes colonos glebæ adscriptitios vocamus. Quæcunq; for-
te contigit terrarum regio, nobis obfirmato animo est in-
habitanda seu caloribus nimijs damnata, seu niue rigens,
qualis est hæc nostra inaccessa rupibus, &, si foret pelago
circumflua, Ithaca ipsissima. Vbi ne frigore planè torpea-
mus, non dolium, ut olim Diogenes, reuoluimus, sed li-
bros, ut se dant in conspectum, nouos, veteres, omnige-
nos,

nos, profectu, si rogas, per quam modico, sed quem suo
 melle condiat varietas mira illa satietatis expultrix, illex vo-
 luptatis. Idem te facere non addubitamus in istis
 tuis bellici negotij diludijs; quæ tibi, si actuo-
 sa virtus feriari diu à labore potest, lon-
 giuscula à Deo ad precamur. Vale,
 & nos, quæ potes, crebrius
 inuise. Litteris admo-

dum tuis oblecta-

mur, præ-

ferim

cum noui aliquid afferunt

ex ista Africa, quod non

fit vulgi rumori-

bus penitus

obtri-

tum.





ALOYSII LOLLINI
EPISTOLARVM

LIBER QVARTVS.

SCIPIONI *Cardinali Cobellutio.*



Iu est, cum Bibliotheca Palatini Comarc hę literatā opulentia inclita habetur. Ingentem vim auctorum veterum, nondum prelo excusorio temeratorum ibi asseruari memorant, quę facta olim facultas adeundi, exscribendiq; nec ego ad ea fuerim incredulus, quę quā verissima esse valde vellem. Hęc igitur simulac ex vrbis commentarijs accepi à Bauaro nunc rerum potiente impetratum, vt Vaticanę, quam tu Illustris. Domine accuras, inferatur, Epistolam gratulabundus tibi destinaui, cuius eruditioni doctorum non modo otium, & negotium, verum etiam Mars ipse militat, alioqui studijs infensus. Magnum Romanis opibus cumulum pręda ista afferet: maius sublimioribus ingenijs oblectamentum: decus tibi maximum, quo auspice tropica hęc sunt merce exoticā vrbem ditatura, cui nos quoq; copias nostras reseruamus hinc inde à naufragijs Gręcię collectas. Eò tamquam in Palladium arcem conuehi par est, quicquid armorum solers antiquorum Patrum adlaborauit vigilantia aduersus religionis perduelles. Sed reprimam iam me, donec abs te certiora, atq; exploratiora spei meę firmandę perferentur. Interea faustas tibi à Deo adprecor Calendas anni hunc abire properantem,

perantem, excepturi, deindeq; alias, atq; alias, vti tua pietas meretur. Vale amplissime Præsul, litterarumq; patrocinio celebratissime,

SCIPIO *Cardinalis Cobellutius.*

ALOYSIO LOLLINO.

Verum est, quod audisti Sereniss. Bavarie Dux, Heidelbergâ captâ, Bibliothecam Palatinam S. R. E. dono dedit, iamq; illhuc à S. D. N. emissus est, qui eam ad Urbem transferendam curet. Itaq. hoc euentu merito lætaris, qui non minùs huic Sanctæ Sedi gratus fuit, quàm optimo, & fortissimo illi Principi gloriosus: Tu, inquam, meritò lætaris Episcopus tam doctus, quiq; consilium illud tuum tanto exemplo comprobari cognouisti. Mirum sit, ni tibi stimuli ad moti esse videantur celerius perficiundi, quod apud animum pridem statuisti. Ad gratulationem mihi tuam quod attinet, agnoui vetus tuum studium erga me, cui magnâ, vt debeo, voluntate respondeo; id quod amplius sum declaraturus, cum inseruendi tibi erit occasio. Interea Deum precor, vt nouum annum, & plures consequuturos tibi prospero tribuat. Ex Vrbe.

D. PATRI BRVNONI *Generalis Cartusie Præfetto.*

Habet profectò in se vim maximam virtus ad conciliandas amicitias, cum famæ commendata terras peruagatur. Inde fit, vt te longis locorum spatijs diremptum compellare aueam ignotus fortasse saluator, vadariq; sacri amoris vadimonio ad mutuae necessitudinis officia mecum excolenda. Causa talia audendi mihi fuit eruditio perspecta cum tuis in epistolis nonnullis, tum in eâ maximè oratione aureolâ, quam in Conuentu vestri Ordinis

nis Patrum habuisti. Scilicet mecum reputabam admodum raro euenire, quin humanitas veluti varra vibiam, eruditionem subsequatur. Accessere Aegidij Vedanensis Cartusiae Praefecti hortamenta longū ad vos iter meditantis. Is si dū tabellarium se obtulit, nec ego ei litteras negare debui, quibus viri probitatem plurima consuetudine mihi satis cognitam, moresq; dignos professione arctioris vitae contestarer. Huic si se placatam tua pietas praeberit, summo pere mihi gratum erit. Iuvat enim amicitiam nuperam ritē inter nos institutam ab huiusmodi commendatitijs formulis auspicari, in hocq; tirocinium ponere abs te. aliquid petendi, cui nihil planē, si quando se dederit occasio, si mendegaturus. Vale dilecte Deo Vir, & mihi admissorum veniam, pacemq; tuis precibus celsitū expose,

ALOYSIO LOLLINO

Bellunensium Episcopo.

D. BRUNO

Generalis Ordinis Cartusienfis.

LEgi litteras Vestrae Dominationis multo thymo, & amaraco purē latinитatis odoratas, ad quas tamen statim erubui propter laudes illas immensas, quibus me illa voluit in illis ire ornatum, quas nec mihi arroganter tribuo, nec eas iuxta vetus verbum, tamquam Scythae equum accisso. Noui enim cum illa Sareptana, quā parum faris mihi sit in fidelia, & olei in capsace: si enim me Vestra Reu. Dominatio propius rursuspectur, profectō inueniet vel ut est in fabulis ceruam pro Virgine, vel iuxta sacras litteras, positum pro Dauide simulachrum. Quicquid sit, gratias latas, & grandes ago, & habeo pro singulari suo erga me amore, cui ex Theocrito [†]Τὸ μὴ καλὰ καλὰ πείσανταις. Legi dodecasyllaba, quae diuite vena fudistis in laudem Sancti Brunonis, primi Cartusianae disciplinae depalatoris, ter-
sa cer-

† Nō pul-
chra, pul-
chra vi-
dentur.

sa certè, & plena Venerum, & lepòrum, quæ, vt verbo dicam ^{+ Ταῖς χερσὶν ἰδίαις ἐξερύοντε χάρις.} Exijs, tamquam Rex <sup>+ Mani-
bus proprijs
elabora-
uit Cha-
ris.</sup> ille Ægypti ex calceo Rhodopues, agnoscimiam ingenij omni scientiarum genere exculti pulchritudinem, & opulentiam, à qua tamquam à quadam naphtha incalui ad illam amandum, & colendum. De Ven. Patre Priore Vedanensis Cartusie bono humillimi mei obsequij vade, & præde, referet ipse, quantum apud me roboris, & neruorum habuerit docti. & pij Prælati commendatio. Itaq; tibi Reu. Antistes pro suo isto erga nos, & Ordinem nostrum studio, hunc animum meum ære, & libra tuum, non dicis causæ, sed ex puro corde humillime offero, quem Vestra Reu. Dominatio inueniet inter densas huius lænæ nostræ nines semper ardentem ad magnarum suarum virtutum, & edecumate eruditionis reuerentiam, & estimium. Quam Deus diutissimè seruet incolumem in columnen, & lumen Ecclesie. Cartusie. sedente Capitulo anni MDCXXV.

FRANCISCO *Cardinali Barberino.*

Benignè tu quidè Domine Eminentiss. datis ad me literis iubebas, vt te nonnunquam saltem per epistolam inuiserem. Sed me, quin id facerem, pudor quidam subrusticus hætenus inhibuit illud insusurrans: Paucis esse obstrependum auribus Principum Virorum, quibus, ne quando quidem otari in speciem videntur, à rebus modò meditandis otij est satis. vt omittam curas maximam fortunam veluti. Solem vmbras, comitantes; studiaq; ipsa literarum subcisiuis horis illi resumenda, cui magni Patru exemplum faces addit ad egregias artes inter negotia ardua tractandas. Accedit non debere nos sepe appellando auctoritatem, & gratiam tui similibus deterere, sed eam tamquam ingentis indicaturæ gemmam asseruare in thesauris, inde, cùm se dat occasio, promendam: Cuiusmodi ista est.

Me

*Jacobum
Persium
Cathedra-
lis Cano-
nicum.*

Me lex annalis admonet, Episcopis dicta, limina Apostolorum adituris, ut Romam eo modo veniam, quo per valetudinem datur, non satis nunc habilis itineri, per alium nempe muneri huic destinatum. Hunc ego Princeps Illustrissime non tam suo nomine libenter, & quam soles humanitate, ut excipias, oro, adprecorq; est enim Pamphili Perfici tibi ob fidem, & virtutem cari frater, fratri non absimilis: verum etiam quia te meam vicem est veneraturus. Ex eius ore, ne pluribus tua morer tempora, accipies, quanti apud me sit in eorum numero censer, qui fauoris prerogatiua tui, licet longis locorum intervallis diffiti fruuntur. Deus amplitudinem tuam Illustrissimam incolumen Ecclesie tue bono, tuorumq; expectationi diu seruet. Vale.

HIERONYMO ALEANDRO.

Per litteras te interpretes alloquor Vir doctissime, cuius presentis amplexum spe iam conceperam, sperata executurus procul dubio, nisi valetudo incommoda intercessisset, senectutis omnium penè horarum fida comes. huius iniurie acceptum refero, quod Urbis, & Urbani Maximi Pontificum optatissimo caream conspectu: quodq; in epistolas, viue vocis tenues imagines iterum relabor, quibus desiderium leniam, si quo possim modo. Nempe hec me potissimum solantur, nondum omnium dierum Soles occidisse; dilatum mihi esse, non oblatum gaudium, quod eram istuc veniens summam percepturus; non oculos esse, qui vident, verum mentem animi: hac siquidem cogitationibus defixa sæpe numero obuersata oculis quantumvis intentis minimè videmus. Quid enim vetat nos affectibus nostris obsecutos cum Anaxagora, magni olim nominis philosopho, sentire explosis putidis Etymologiarum confarcinatoribus, qui τὸ ἐπὶν deducunt ἀπὸ τοῦ ὁρᾶν quasi Amor ipse non utroq; captus lumine fingatur. Sed paucis philoso-

philosophari Ermianus Neoptolemus permiserit, pluribus
non item: præsertim cum tecum agitur, cui sunt vni om-
nium ista cognitissima. Igitur stylum aliorum vertam, vt
epistolam (est enim senile: *λεπτοσμοβολία*) reddam magis <sup>+ Breui-
loquente
meus.</sup> garrulam, quam principio mihi proposueram. Tu, qui mi-
rus es vestigator operum elegantiorum, legisti ne vnquam
Iosephi Ripamontij, nuperi historici Annales de Ecclesia
Mediolanensi? Equidem ad me non ita pridem delatos
ita sum miratus, vt non magis Phidie signum prisca ætas.
Siquid ego iudico, vberem illam Liuianæ copiam, Taciti
argutijs conspersam referunt: autorisq; arguunt ingenium
sui sæculi facundia: minimè contentum iniuisse viam, quæ
felicioni auspicio famæ innotesceret. Quid tu de illo sen-
tias, si vacat, rescribe: nosq; quod facis, ama quamuis à
te longis terrarum spatijs diremptos. Quærengum inter
Vrbis æternæ admiranda ob litteras, & virtutem reponi
meritum saluta meis verbis. Vale.

FORTVNIO LICETO.

TV verò mi Fortuni huius meæ solitudinis misertus
aliquid ad me subinde mittis, quo, & ipse eam sua-
uiter oblectem, & tu te minimè cessatorem probes Musis,
abs te ingenij pensum exigentibus. Quantum expagella-
rum paucarum lectione potui conijcere, liber est egregij
laboris, & te dignus. totum postquam accuratiùs euolue-
ro, quid de eo sentiam ad te perscribam. Interea iudicium
probo, quod disceptatorem controuersie optaueris Dona-
tum Maurocenum illum eruditorum antesignanum, patro-
numq; maximum, à cuius ego sententia ne latum qui-
dem digitum discedam. Sed næ tu Nilum bibentibus mul-
to es fecundior, qui semper aliquid parias, parturias, quod
litterariam annonam ditet vberi prouentu. Vita modo su-
perfit, incæptisq; aspiret Numen, Varronem nepotum

Ecc

Rcn.u.

Romuli doctissimum polygraphiâ es superaturus. Vale, successu amici augurium adfirma. Nos hîc ætatem in gregis cura, bonarumq; artium studijs procudimus, valetudine non admodum incommoda.

IOSEPHO RIPAMONTIO.

IGnotus fortasse te compello Ripamonti, mihi ex eo usq; tempore sat cognitum, quo historiæ tuæ decade in lucem editâ, felici augurio famę innotuisti. inde meum in te effusum studium: inde amor ortus, qui mutuus ut porrò sit, amicitiamq; quamvis infacundus interpres inter nos conciliet, pauca hæc per epistolam me præfari cogit. Ego studijs ab ineunte ætate innutritus hætenus processî, ut quos flores doctrinę, atq; eloquentię meis lucubrationibus desidero, eos in alienis summa cum voluptate suspiciam, adprobemq; libens. Illud ingenij tarditati, hoc ingenuitati naturæ si attribuis, nec multum à verò aberrabis, nec mirabere, si prior ad te scribens veluti fundamenta iacio futuræ inter nos necessitudinis, cui occasionem tua scripta dederant. Cedro digna illa quidem, & quibus, si quid ego iudico, nil deest præter promissi fidem, Lectori avido spondentem breui te cetera profecuturum. Quod ut facias, te rogare minimè contentus, oro, hortorq;: &, nisi tantum fiducię nuperum amicum arrogare sibi, subimpudens sit, etiam admoneo. Florentis certè tuę laudis intererit, præclaris Historię exorsis egregiam coronidem imposuisse. Vale.

IOSEPHVS RIPAMONTIVS,

ALOYSIO LOLLINO.

Pertulerat etiam olim ad nos de te fama, quemadmodum antiquorum Patrum litteris, & innocentia similimus

limus Bellunensem istam Ecclesiam obtineres, & paucę
 fortassè nomen Urbis, eximie cuius celebritati sanctimo-
 nia tui Pontificatus æquaret. Atq; perfecti Episcopi exem-
 plar inter isthęc Saxa cum ex longinquo mecum ipse con-
 templerer, litterę tuę superuenerunt, quibus inspectis, om-
 nes animi mei partes altius in eadem contemplatione defi-
 gerentur. adeo amabiliter graues, & in ipsa mansuetudi-
 nis significatione refertæ cuiusdā excelsi animi notis erant.
 Purè loquebantur, & optimarum artium studijs intentam
 vnicè mentem præferebant. Ego verò non alacri solum,
 sed etiam reuerente, sicuti decet, animo munus accipio
 pulcherrimum, quod beneuolentiam mihi tuam offers, ac
 pro eo me tibi vicissim in seruitutem trado. Quod mea
 scripta probari tibi ostendis, valde ob eam rem lætus sum,
 ac tanto magis lætus, quia non perinde omnibus proban-
 tur. Iam enim querelas audimus partim requirentium ali-
 qua, partim ob alias minitantium. Pars hæc altera qua-
 liumcunq; historiarum iam ad vmbilicum propè perducta
 est, & curę mihi erit, vt statim ad te perferatur. Sed & lit-
 terarum inter nos continuari commercium vehementer cu-
 pio, atq; vt fiat, & respondebo laceffit, & laceffam.
 Mediolani.

FLORENTIO SVO.

Conterraneum nostrum, credo, meministi, illum, in-
 quam, de Coclitum stirpe Leontonymum, cui quo-
 minus præclarissimorum Rhetorum numerum impleret,
 quod profecto à puero cupierat perditum in modum, non
 ingenium sequax, non cura anxia, non oleum, quod dapfi-
 de opes suggerebant, sed natura ipsa parùm æqua obstitit,
 litteræ sonum ei inuidendo, vnde Rhetoricæ artis, quo ip-
 se remis, velisq; ferebatur, nomen inchoamus. Is post-
 quam toga in pallium mutata in patria desijt morari Ro-

Ecc 2 ma

ma ὄμμα, rota ὦτες, reges deniq; ἄγρες, myra μῦα audiebant: resq; in eo erat, vt rumor ipse, qui solum iam pridem verterat, vel medio in foro conspici auderet, non suo amplius capiti, non caudæ timens. Eundem nuper his auribus meis audiui Vrsum importunam bestiam in vsum, arcum quinetiam in acum, neruum verò, quo arcus tenditur in nauium momento temporis vertentem. Quod nil linguam eius præteruectus fortis euasisset, Phoris ancilla Thessala fiebat è vestigio. Hoc præterea ipsi per familiare est, quod Hidram, Remuliq; gemellum Remum inter insignes terrarum orbis montes Idam, & Emum solet recensere. Rhenum verò Germanicorum fluuiorum maximum, poetico ectopismo, atq; Homérico illi non absimili, quo Cimnerij in Hesperias oras deportantur, in fines Horicos traducere, Oenumq; inuitissimis geographis indigitare: nam Maronem Vigilium vocare, quod illi solenne est, inaudita veteribus nomenclatione equidem culparem, ni sic litem maxime controuersam apud grammaticos diremptam nullo negotio animaduertentem, Vergiliasne sit dicendum, an Virgilius, Consultò plurima omitto, ne longum faciam, simul vt oris hominis hiatum vitæ, quem iratum illum diducere testantur, qui eo vtuntur familiarius, vno hoc contentus, quod non illepidum prorsus memoratu reor. Inaudierat fortè, vt est reconditæ eruditionis non incuriosus, Trypiodorum poetam inter græcos non vulgarem, quod sigma ei littera peccaretur, opus oppidò arduum, & voti planè improbi tentasse, perfecisseq; Homeri Vdyssæam, quàm longa est, ita retexendo, vt in ea vestigium inuisæ litteræ nullum remaneret, quod illi blêsitatem linguæ, si perlegere assa voce vellet, exprobraret: idq; eam ab causam *κατορσάμματος* iure inscripisse. Nec ausu hominis indelectatus eamdem solertiâ emulati cœpit in Ciceronis libris à Scanninge litteræ vindicandis. Hanc ille nunc incudem tundit pernox, perdius, laboris assidui incommoda rependens, speratâ,

ratâ, præceptaq; iam animo nominis sui commendatione.
 Cui vix olim par Periclis laus, qui populares suos, vt Ari-
 stophanes iocatur, ἀγάμχε των συγχε των ἀντιπιδου. Ipse
 enim primus, dum se ad speculum dicere anxie exercet,
 eorum verborum vitauisse sonum perhibetur, quæ strido-
 rem obstreperum emittunt. θαλεισαν, πίσσαν, σέρβην non
 aliter temerè enuncians, quàm in sygmatis locum prius co-
 optato: vnde Comicum illum iocum ortum ferunt Notum,
 πόσσαν Atticam vocantium. Tanta prisceis illis Cecropida-
 rum posteris religio fuit sygmatis voces euitare. Eius-
 modi friuolis, pro quibus nauci suum Afranius non daret,
 morbum suum solari Consuevit Arion noster. Enimvero
 quidni Arion sit, cuius elocutio non minus caret r. littera,
 quàm lignis axylus, auib; Aornus? nec non Metelli Pon-
 tificis maximi exemplo, quem linguæ fuisse accepimus tam
 inexplanatæ, vt multis mensibus se torserit, dum in dedi-
 candâ sacrâ quadam cete Opiferæ pronuciare meditatur.
 In eo verò non infacetissimus videri potest; quoties domum
 redit, Homericâ imitatione domum edit; ipse enim,
 ὄμον ἐμόν ἔδοντα: cum os rodit, odit: cum se in arctum agit,
 actum agit. Non te puto præterit sygium vocari suem
 efferum ab istis lucilij æmulis bilinguibus, qui in latio se-
 dulò græcissant, inter græcos penitus elingues. Igitur in
 huiusmodi feram cum fortuito inter loquendum incidisset,
 propius nihil abfuit, quin eam mirifica apotheori extolle-
 ret vltra quàm sanè debuerat, eadem planè operâ, quâ
 olim idem præstigiator graphicus Ciceronem in Cyceonè,
 phrasin vero eius in Phasin fluuium liquauit. Hanc suam
 metamorphoticam artem, Aten ipse vocat, haud falsus
 equidem interpret. Quid enim aliud quæso fuerit, nisi Nu-
 minis ira, grauisq; disertum se videri cupienti homini ca-
 lamitas eiusmodi Battologia? Florebat belli iuxta ac pa-
 cis artibus Atheniensis iuuentutis Princeps Alcibiades non
 minus Socrate, quàm auunculo Pericle iugens, à nemine
 vnquam

vnquā iniuriā impunē impetitus, ipse vltro plurimos etiam laceffens per diuitiarum comitem proteruiam. Huius tamen tot dotibus exaggerata indoles comicorum scommata non effugit ob linguæ vitium ad nostra vsq; tempora traductum, quo fiebat, vt κορακας in κολακας impurissimum genus hominum mutaret. & miramur, si huic mitissimi ingenij homunculo, præsertim logodiarrea, infesto senili eius ætati morbo, laboranti ludificabiles à suis ludifunt domi? cum in suberrata eiusmodi, ac veluti improbe monetæ nomina aliquando incidit. risu penè diffuso, cum illud cogitationibus occurrit. In macello carnem poscebat importunius, ex quo canem lanius in eum irritauit, vt vix saluā se potuerit penulā proripere exclamans sibi non ita fuisse satisfactum. eidem etiam cibum allatum ferunt pro cribro à rudi ancillā nondum mores domini edocta, qui Prænestinorum more lucrifacere in loquendo nonnullas literas soleret hand contemnendo parsimonie compendio, quam ditari quouis vel exiguæ rei vestigali constat. Valerios idem, Furiosq; mirus antiquarius, explosis, receptis iam à consuetudine nominibus, Valefios, Fusiosq; vt olim Arunci loquebantur faunis prognati, Quintiliano monitore vocat. Vis plura, magis noua, admiranda, & omnem naturæ ordinem supergressa? Africam hîc nobis fingimus, & non visum, non auditum prius aliquid ad singula ferè eius verba exoriri demiramur. Tu his considerandis te aliquantisper detineas, dum nos alijs colligendis occupamur, & Vale.

LAZARO FERRATENSI

N Il mirum, si silent musæ, cum Mars lituum inflat violentus: illis litterata otia sectantibus nil cum eo conuenit, accendere animos ad arma solito. Infelix Italia campus destinatur, vbi aduersè inter se acies configant, eadem

eadem pugne spectatrix futura, præda eadem. Neq; enim de finibus eius promouendis cernitur; sed vter de possessione alterum deturbans, illi dominetur; mutare, non excutere iugum assuetæ. Ipsa dum mala præsentia fastidit, peiora sibi quæsiuit, inuenitq; prauis compos voti, postremamq; cladem perditis iam rebus allaturi. Clauus clauo truditur visceribus intimis hæfuro; donec alius atq; alius succedat idem malorum vindex, autorq;. Fatale est regionis, olim Regnatricis, vt ab eis se conculcari videat, quos domuit, quasi vices reddente fortunâ, cætera variabilis, in hoc tantum constans, ne gens victores suos, posthac vnumquam vincat, victa roties. Vel Insubriam respice, vbi res nunc nimio plus calent, quos non pertulit fastus dominorum? A VVandalis, Gothis, Rugis, Erulis infessa, tandem ad Longobardos incidit, qui tamquam parum foret eam pessimis modis diuexasse, ad barbariem suam transfominauere. Is vltimus accessit pudor ad priora damna, ne ab vilo vel vocari posset absq; seruilis statûs exprobratione. Quid hac truculentia crudelius? Atqui vrbium bustis voces sue manent, & licet seges sit, vbi Troia fuit, seges tamen ipsa Troia nuncupatur. Vltum Gallus iuit hanc iniuriam, sed non tamen aliter quàm à Longobardis possessa nuncupando, quæ Germanus postmodum vastaret, incurfaret Iber, Gallus inde repeteret amissurus breui. Non prouinciam, sed scenam dixeris, vbi Tragædias suas ludant Reges, ipsis non minùs, quàm spectatoribus funestas. Nunc denuò idem orbis voluitur. haud vno ex latere tempestas orta in nos incubuit. Fœderatos Celtis Britannos excipit Sabaudus, quos suis copijs auctos transferrat Italiæ claustra oppugnatum: iamq; in eo res est, vt factâ sibi viâ vi per receptam armis Vallem Vulturenam Verbano lacui immineat, cum Hispano manus conferturus: qui ne venisse hostis nimium lætetur, sedulam dat operam, tot in bella nationes trahens, quot non vnus li.

bri

bri catalogo comprehendi possent ab Homero si rediuius
 huic bello dicendo mentem occuparet. Rem in calculum
 redactam esputa: inuenies multis partibus minores fuisse
 copias Græcorum, quibus tam lento duello Pergama expu-
 gnarunt. Thucydides certè, cuius id intererat, ratione ac-
 curatiùs subductâ maiori rerum ac militum molimine ar-
 fuisse bellum Peloponnesiacum tradit inter Corinthios,
 & Corcyreos, quorum populorum partem, si regna non
 vnius orbis respicis in quæ Hispanus dominatur? Græ-
 ciam puderet, sat scio, si suas copias conferret cum exer-
 citibus nostrorum temporum, siue numerus spectetur, siue
 robur. Accedit ad ferri aciem, quæ postquam ad manus
 est ventum, confertos dimetit, ignis violentia tormento-
 rum globos temporis momento latè spargens aded, vt non
 imitabile, fulmen æmulentur. Quæ quidem illauidabilis
 laus ed vergit, vt clades, quas modo Mars communis af-
 fert diluua Deucalionea, incendiaq; Phaëtonis fermè
 æquent. Quæ à me non ideo dicuntur, vt timore dolorem
 antevertens, diutiùs mihi miser, sed quo præiua meditatio-
 ne tristium obfirmatus animus, malo fortius resistat ad-
 uentant. Proximus Viale gum iam ardet, iam fragor in-
 cendij nostris parietibus minatur; cui non opis est nostræ
 frigidam infundere, licet puteus non procul sit, nec hau-
 strum, quo hauriamus. Quotidie magis inualefcit, im-
 bribus tantum illis restinguendum, quas nomen cœlitis
 demittit. Nec illicium ad hos imbres impetrandos suc-
 currit aliud, quàm effusæ vbertim lacrimæ, testantes nos
 admissorum pœnitere, quorum causâ plecti promeruimus.
 Sic Niniæ perdita diuinam in se iram delinuit. Sic Ezo-
 chias Rex distulit præsens mortis vadium in seram
 usq; senectutem. Exempli nos, quid facti opus sit, oppor-
 tunè admonent. Necessitas quinetiam suada violenta ad
 id cogit. Tantum nobis Deus benignitate sua vires, ani-
 mosq; tribuat ad se infimis precibus orandum, cuius of-
 fensionem

fensionem toties incurrimus ita delinquendo, ut conscientia spem opis minuat. Idem cogitationum æstus quin te quoque agitet, non dubito in eadem naui, eisdem iactatus tempestatibus qui sis. Adnitamur igitur, si quo modo possumus iustas vindicis iras cohibere. Vale.

DONATO MAVROCENO *Senatori Amplifs.*

Diriguisse me putaueris Vir Amplissime, qui nullas ad te litteras dederim, ex quo hiems inhorruit sæua: verum id egi diligenter, ut animo per rerum meditationem incalescente penetrabile frigus à corpore arcerem, aut ne sentirem. Pauculos dies ea mente reuoluendo me occupaueram, de quibus iuuenes olim inter nos differere solebamus: quædam etiam litterarum memoriæ commendavi, scriptionis argumentum frigore mihi potissimum suggerente. Disceptationis, igitur specimen, quod utinam ne subfrigide habitum videatur, iudicio mittimus, & censuræ tuæ, simul ut ratio meæ cessationis tibi constet; & tu, quid potius sentias, accuratiore nobis, quod potes, demonstrates commentatione.

Aristotelem, eiusque inuentorum æmulos Peripateticos, summum in aquâ frigiditatis collocasse non minus ab omnibus receptum est, quam dubitatum ab eruditis, quâ nam fieri possit, ut qui iisdem itineribus, quibus illi huiusmodi rerum cognitionis viam ingrediuntur, non alterius auctoritate, quod plerique faciunt, sed suis operis causam defendant. Multa enim afferri solent iisdem positionibus implexa, ac quasi inhærentia, quæ si diligentius inspicias, disrumpi ea potius, quam eò, unde profecta sunt, reduci posse videantur. Tale plerumque dissidium inter euenta, eorumque existimatas causas contingit. Nam quod in eadem causa de gelatione, eiusdemque effectuore produci solet, id à me par grauibus, obuolutisque summâ perplexione quæ-

Fff

stioni-

stionibus semper iudicatum. Ita à plerisq; tractari video, vt dissimulando, rei difficultatem potius sedare, quàm tollere peruestigando videantur. Cuius ego rationem cum aliùs mihi repetendam duxerim, non committam, vt me de curriculo disceptationis, alicuius auctoritas expellat; quod ijs vsuuenire non me fugit, qui semel in grauissimi cuiuspiam philosophi familiam coniecti, ab eo de omni repetere responsa non desistunt. Quod à me in eam partem dictum nolim, vt parùm apud me valere nomen Aristotelis aliquis existimet. Impudens enim sim, si id vnquam animo concepi. Quin quod dandum auctoritati, quod nomini diuini planè, atq; incomparabilis Viri, id à me abundè Aristoteli præstabitur. Quod verò tribuendum est veritati, cuius & ipsum in primis Aristotelem, & omnes bonos mirificum studium tenuit, id ita temperabo, vt & quæ contrahentiam, quàmq; dispari conatu, subinde meminerim. Quod à me plenius transigi puto, si quâ ille via ingressus antiquorum sententias rescidit, eâdem mihi eundem constituerò. Solet enim Aristoteles ita plerumq; veteres interpretari, vt inde non quæ senserint illi, sed quæ illorum *ὑποθέσει* consentanea censerì possint, extorquere videatur. Exemplo sint non semel in scenam ab eo productus Anaxagoras, Empedocles, Leucippus, qui cum vno plura principia pro materiâ decernerent, nullumq; præterea discrimen inter ortum, & eam commutationem, quæ *ἀλλοίωσις* græcis, sibi constituendum iudicarent; eos tamen, nè parùm sibi constare viderentur, quasi inuictos ad discriminis, inter ortum, & *ἀλλοίωσιν*, confessionem compexit. Quod & in principiorum rerum naturæ contrarietate ab omni vetustate eruendâ similiter animaduertimus. Acciderat enim fortè fortuna, vt quæ illi in principia rerum coaptabant, eamet ab Aristotele accuratiùs excussa, contraria ipsis inscientibus inuenirentur. Verùm non aggrediar ad illa, quæ nostram causam aduersùs Aristotelem

defen-

defendunt; ni prius docuerim, quibus initijs hæ tantæ difficultates inter Peripateticos sint excitatæ. Aquam in qualitatibus elementarium distributione summum frigus illorum suffragijs obtinuisse, quod humiditatis coniunctum natura ipsius constitueret, norunt omnes, qui in illorum scholis vel minimùm versati sunt. Eamdem ipsam hiberno tempore si quando vis inclementior frigoris terris incubuit, concreescere, in glaciemq; conuerti sensibus ipsis haurimus. Quod tamen si longè omnium frigidissima sit aqua, saluis naturæ legibus nunquam contingeret. Nam qui glaciem validissimi frigoris opus, ad aërem tanquam ad effectorem referunt, ij confiteantur necesse est aërem frigiditate plurimum præstare. Neq; enim fieri potest, vt quod acre, longèq; vehemens sequitur frigus, id causæ ne frigide quidem natura tribuamus; frigidissimum verò corpus, omnisq; omnino accessionis, ob exuperantiam qualitatis, impatiens, opportunum illius efficientiæ vélimus. Ni prius iudicatum fuerit ignem luculentum, qui nunc temporis ob hiemis sæuitiem non procul à nobis ardens, vltro se se cogitationi offert, à circumfluente aëre, eodemq; in frigidam naturam commutato, detur enim hoc nobis, calefieri. nam dicere non impressione frigoris glaciem parari, tametsi inuenti sunt, qui id quoq; contenderint, sed tantum concretâ, astrictâq; in semet materiâ ab aëre, vaporum restrictione frigefacto, aquam vegetiorem agendi vim acquirere, eoq; nomine in glaciem cogi terreæ portionis admixtione: id omne rei, de qua queritur, aperta nimis ignoratio est, omnis enim illa in se materiæ coitio, atq; quasi aggeratio, frigoris est opus, eiusdemq; excellentis; quod siue à vapore, siue ab aëre ipso transigatur, eodem res deuoluta recadat, oportet. adimitur enim aquæ imperium, aëri ius in illam agendi illius armis condonatur; nec vapores vel minimum illis ferunt adiumenti. Ipsi enim, si quid in se frigiditatis continebant, id omne aquæ vt pote per illos frigidissimæ

Sidissime accepto referunt: non minus ac calorem soli, qui
 se à terre gremio eduxit. Quod verò de terre portione ad-
 mixta sibi fingunt, id nullo iudicio productum, nullo quoque
 negotio refellitur. Terra enim vel sui frigiditate adiuuat
 gelationem, quod ab illis si concedatur, arripiemus, per-
 libenter, atque in rem nostram conuertemus; vel siccitate,
 à qua non modo coniungendi, durandi; facultatem Ari-
 stoteles ademit; verum & ficcare ipsum, quod illam saltem
 iure coniugationis sibi reposcere videri posset, frigori, ca-
 lori; concessit. Nihil igitur planè siccitas moliri; affici
 solum apta est ab efficientibus causis elementorum. At ip-
 sius ad perpetiendum habilitas nostram disputationem non
 attingit. Facultatis enim indigemus, quæ vim in se non
 recipiat alienam, sed in alia exerat suam. Quo loco si ef-
 fœta hæc nostratîa, impura; elementa causaberis, neque
 enim purum putum dices, aquæ corpus accessione frigoris
 cõcrescere, sed aliorum qualitatibus permixtum, nihil mi-
 nus propositum his allatis assequare. Nam si proprio inge-
 nio aqua latè fusilis, profluens, perenni; succussa libra-
 mento, eadem; frigidissima censetur, quo pacto à frigidi-
 tate vehementi, quam tu ipsius naturæ nutriculam facis,
 non potius perficitur, expurgatur, secernitur, quam à pro-
 pria natura expellitur, in longe à se diuersam duritiem in-
 duitur; deses, ac plane demortua relinquitur? vt omit-
 tam in confusa hac primorum corporum miscella, si frigus
 aquæ cognatum, atque ingenitum eam in partem tempera-
 tur, vt ne exuperet, multo magis naturæ interdicto caueri
 debuisse, ne frigoris vehementior cumulus his elementis
 adijceretur, quibus cum illi parum, aut nihil affinitatis in-
 tercedit. Reitat igitur, vt velaquam, dum in glaciem
 agitur, suæ naturæ à se ipsa reddi contendamus (excessus
 enim frigoris, glacies à summo frigido, id est, ab ipsâ aquâ
 transigi debet) vel si id cum summis difficultatibus con-
 iunctum est, quod à nobis maximam partem iam demon-
 stratum

stratum esse credimus, eam non primū, sed à terrā proximum aliquo interuallo frigiditatis locum occupasse fateamur. Quod nos longè facilius peruinceremus, si non plus auctoritatis, quàm facultatis Aristoteles in contrariā parte asserendā contulisset. Vtemur tamen, quoad licebit, illius suppositionibus, vt omnes intelligant, si quis hoc sumet, vel ipsos aduersarios Aristotelis eius ope ad eummet impugnādum indigere, eum in errores leues abripi. Contrarij igitur motus non modo contrarias arguunt in alia atq; alia loca elementōrum appetitiones illas, quas græci *ποράς* vocare consueuere: verū & naturas inter se diuersissimas declarant. Cū enim quicquid vel nascitur, vel denascitur, id à contrario atq; in contrarium nasci, ac denasci videatur. Cælum autem idē commune rerum caducarum effugit fatum, quod nulla eius circumlacioni aduersatur latio. perspicuum est hanc summam naturarum, quæ inuicem commutantur; dissensionem, ita contrarietatem motionum sequi, vt sine hāc illa ne esse quidem omnino possit. Vnde duo inferre potuit Aristoteles, Cælum, quod nulli contrarium natura finxerit, æternum sempiterno tempore mansurum: itemq; si terra in rerum vniuersitate sit, necessario futurum ignem. Hæc enim elementa, siue eorum effectrices facultates spectes; siue locales differentias conspicias, hostiliter in se opponi non inficiaberis. Natura enim affert, vt quemadmodum Arabes ab Hyperboreis non minus ingenio, quàm loco differunt: sic quæ repugnantis sunt naturæ, longo etiam interuallo à se ipsis disiungantur. Hinc factum, vt maior extremarum affectionum inter se pugna, quàm cum medio censenda sit: quandoquidem longius deest alterum ab altero: quæ autem plurimum distant inter se, ea contrarietate definiri solent, eoq; magis, quò maior spatij intercapedo intercedit. Nam si quidpiam ex glacie fingens Natura, id sub Heliocamino disponeret, aut rem aliquam ex nitro, fluentibus aquis committeret

mitteret ferendam, nã tu nihilo maiorem prouidentiam in nomine Naturæ collocares, quam temeritas sibi deberi postulare. Et dubitabimus adhuc, postquam iudicatum fuit *Τὴν φύσιν τῶν τοιούτων ἔωξένθαι* affirmare locorū contrarias distinctiones habere nescio quid oppositum ad rerum naturas inter se distantes indicandas? non mehercule, si viri sumus. Ne quid enim in hac causã a quoquam amplius obijci possit, Aristotelis ingenio, laboreq; fuisse perfectum fatebūtur ij, qui eo familiariter vtentes, quæ breuiter à nobis pertractata sunt, ad fontes ipsos, vnde defluere sibi statuerint esse deducenda. Ignis igitur, ac terra non minus his discriminibus, quæ à græcis *τοπικὰ διαφοραὶ* vocantur: verū & affectionibus ad naturam, formasq; generum spectationibus inter se vehementer aduersentur, contrariaq; sint. Eadem summè oppositas inuicem operum functiones edant: quas in presentiarum (neq; enim vniuersi sunt, sed variæ, & multiformes) quæ, qualesne sint, inuestigabimus; singularem illam ingressi operationum viam, quam omnis ætatis sapientes ad rerum naturas ediscendas inierunt. Dubitandum itaq; non videtur elementorum qualitatibus efficientibus à natura esse adiudicatum, vt se se latè, suosq; fines promouendo, id, quod illorum actioni subest, in propriam naturam vertere paulatim studeant, atq; enitantur. Victum enim in victoris familiam transire iustum semper iudicatum fuit. Hinc est vt omnium actuosior ignis, cū ipse longè leuis, mobilis, calidusq; sit, in opposita quæq; se induat, calorem impartiat, mobilitatem paret, leuitatem exalcraftis à se rebus conciliet. Rerum enim consecutio hoc suscipere videtur, vt si calidi peculiare fuerit rarefacere, idem calidissimum omnino, quod leuissimum, esse velit. pari modò si humidi munus mollitiem indere, in summo humidi *τὸ μαλακώτερον* reponat. Hoc autem quo minus in vniuerso genere concedi possit, effecit cœlum, quæq; cœlo sidera feruntur. Si
quidem

quidem illorum imperium, nutumq; cum inferiore hanc
 mundi partem non vno modo ab illis affectam sequi constet,
 Solisq; præsentia lætus ille radiorum splendor, & vestiat
 terras, & genitali foueat calore: ita tamen eiusmodi effi-
 cientias in illis ponimus, vt quarum in terris affectionum
 causæ sint, comprehendamus: quibus id modis Deus fa-
 ciendum voluerit, si verum requiris, hæitemus. Indi-
 gnus namq; cœlorum amplitudine, & penè dixerim diui-
 nitate semper à sapientibus existimata fuit illorum cum his
 inferioribus aliqua in re communicatio, siue id illorum di-
 gnitas procul ab hac humilitate seiugata: siue non æqua
 materiæ conditio cum hac nostra eos persuaferit, verum
 hæc maioris sunt otij. Nos à cæteris elementa hæc, quæ
 vocant, seponentes, de his, quæ eorum naturæ consenta-
 nea sunt, probauimus: nunc remanet, vt quoniam de pri-
 mæ frigiditatis elemento quæritur, ijs enumeratis, quæ fri-
 goris concreta sequi solent, videamus alterutro conueniât
 magis aquæ ue an terræ. Initia enim ac quasi fontes animo
 concipiendi nobis sunt; vnde id genus affectionum deri-
 uantur. ac principio quidem communis est omnium vox,
 & ex scholis petita cantilena, concutionem, quàm græci
 πῦξις, frigoris excedentis opus esse: itemq; frigoris effi-
 cientiam πυκνότης, quam vocant, & grauitatem rebus, quæ
 vnius generis non sunt, insinuari, quæ duo si ad proprias
 referentes causas; quæ superius à nobis sunt exposita, me-
 moriâ tenere volumus; illi maximè, & non alij tribuamus,
 quod inter elementa idem & frigidissimum, & longè gra-
 ue, astrictumq; sensus iudicauerint. id autem quo minus
 aqua censerî debeat, facit potissimum, quod ipsa concre-
 ta, nisi prius ab alienâ vi affecta, inuersaq; fuerit nusquam
 est visa, suæ naturæ, constitutioniq; relicta ἀνυστος, ac la-
 tè fusilis semper est habita. contra verò terra, cum infra
 omnia quasi materiæ sedimen detrusa sit, & loco sui con-
 cretionem, grauitatemq; testatur, & arguit attræctione,
 appensio-

appensioneq; , si cui id attentare libeat . nec minus ab omnibus recipi solet immobilitatem summè frigidum quodq; comitari : calore enim incitari ad motum nos , foueriq; constat : cùm à frigore , & mors intendatur animantium generi , & membrorum compaginis solutio . Quæ cum eandem ob rem Heroi Virgiliano contigisset , non maior me admiratio excipere solet , cùm degeneres illos gemitus edentem audio fortissimum Virum , & Æacida congressus haud recusantem , quàm cùm mecum reputo , quî fieri potuerit , vt tanta hiemis sè vitia torpens & orationem haberet non inelegantem , & duplices palmas ad sidera extenderet . Sed illam fortassis manuum extensionem Medicorum natio quasi *Τέτανον* quemdam vocaret , vel si quo alio nomine affectio illa notari solet , qua homines à frigore exanimati distenduntur . Nos autem *θάσι διαφυλάττοντες* id maxime opere tenemus , immobilitatem , siue quietem ambo enim eadem de re agens vsurpat Aristoteles , ita peculiarem terræ esse , vt si cui elemento in mentem venerit ea veluti propria in re sua vti , & litem ei intendant terra , & contendat , vt leges iubeat , interdicto . quid ? durities nonne affecla perpetua frigiditatis ? de qua memoratur à Theophrasto , quotiescunq; frigus pisces Ponti accolas adortum , eos gelauit , ac planè durauerit , ita misellos disrumpi , atq; perfringi , vt non ex Tethios gremio , sed ex frigidi alicuius officinâ exisse credis . nam quod Lucianus de clamyde vitrea , postquam se non dissimulanter , sed ex suscepto opere , mentiri , ideoq; neminem fallere profusus est , in veris narrationibus produxit : id sua ætate contigisse Plutarchus grauissimus author testatur his , qui mediâ hieme Parnasum montem conscenderant . hæc de duritie . nunc cui ex elementis debeatur , videamus . & primum quidem si iudicatum fuerit , quod in plerisq; animaduertimus , in nobis etiam experimur , id omne exile esse , ac penè nullum ad rei illius naturam perdiscendam , ad quam animaduersiones

fiones ipsę, atq; experientię feruntur : non dubitabo a-
 quam cum duritię cognitionis habere plurimum fateri: sin
 autem humiditati, quam aquę maximę propriam voluit
 aliquando Aristoteles, mollities, fluxibilitasq; natura con-
 venit: terrę verò moles *ἡ δὲ γῆ συνερασιμὴ* q; consistit cubi in-
 modum, nemo sibi tam inconstans erit, qui *τὸ ἐκλυτὸν ποικίλῃ*
καὶ τὸ ἐμερυθῆς, quod gręci appellant, terrę naturam sequi
 non concedat. Nec mihi negotium facesset, si quis terrę
 summam hanc, quam incolimus, superficiem tam varię
 affectam conspicatus, non omnes, quas recensuimus, affe-
 ctiones in ea aded perspicuę videri dicat, quin inquit sic-
 citatis nomine minüs ab igne distare terram, quàm aquam,
 cùm terrę cum igne commune quoddam intercedat, aqua
 verò ne minime quidem cum eo societate coniungatur.
 Nam vt quod primo loco productum fuit, haud inuiti con-
 cedamus: illud tamen à nobis extorqueri non sinamus,
 etiamsi quę oculis nostris subijcitur terra, & Solis inuerra-
 tur actione, & cęterorum elementorum temperetur effi-
 cientiã, superesse tamen illius puriorem partem alterius
 intactam contagione, omnibusq; enumeratis affectioni-
 bus instructam. hæc si à nobis non videtur, sit tamen in re
 posita atq; natura. Postremum quod afferebatur, & ani-
 maduerterunt Peripatetici callidiores, & quid in terra sic-
 citas, quid itidem in igne significaret, doctę pariterq; lu-
 culenter explicarunt. Sed stylum cohibeo, qui videam me
 epistolares fines prætergressum. non enim mens fuit iu-
 stam his litteris disceptationis seriem complecti, sed potiùs
 ostendere me nec ocij nec frigoris vi in torporem fuisse co-
 niectum, Boreã alpes nostras inuadente. gratum insuper
 fuerit tui excitasse acumen ingenij, vt, quid omnino hac
 in re sit sentiendum, edisseras: dum nos etiam pergimus
 id examinare exijs, quę iam seorsim adnotauimus, studia
 huiusmodi dum persequeremur. Vale.

Ggg

LAV.

LAVRENTIO REGOZÆ Medico

Percodicillos te vrbani cūem ipse assiduus vrbis cultor vt compellem, occupationes faciunt tuæ, imò potius discursationes, quibus fora, compita, angiportus circuis, agros inuisendo. Omem me simul vetat, ne te accersam: simul pudor impedit, ne laborem conscendendi scholaris fesso iam addam importunus. rem commodius tabelarius perficiet, qui tibi indiculum reddet nundinalium, librorum cum exscriptis inde authoribus, quos mihi cōemptos velim, si prius, quanti veneant, cognouero. Interea caue, ne dum alienam valetudinem sedulo accuras, tuam negligas. Publicum vorum tua salus est, vt omnes recte valeamus, te saluum, sospitemq; cupimus.

FLAVIO CRISTINO.

+ Præmia
felicis m
nq.

Idibus Augusti ex Senatusconsulto publicè apud Enyopolitas scito litteras proscriptas, quod non ideo nunciamus, vt ob id *εὐαγγελία* abs te speremus: sed vt casus amicorum miseratus, amplius mirari desinas litterarum intermissionem: simul vt res tota, quibus iniis orta progressionibus aucta, peractaq; fuerit, cognoscas. Hilaria erant, vt scis, celebranda: atq; vt est effrenis, suiq; ostentatrix publica leuitia, per triduum festas noctes, accensis in foro ignibus plusquam Decembri licentia egere non aliter acclamationibus, tubis, systris percrepentes, quàm hi solent, qui lunę laboranti opem ferunt. Verùm hæc notiora iam sunt, quàm vt lepida memoratu ob nouitatem vlli esse possint. Illud inter tot gaudia ludimagistrorum ordini lugendum accidit, quod cum ligna planè ad luminaria nocturna defecissent, studiosa inuentus non illa oblita laborum, qui in addiscendo grauissimi percipiuntur, ad scholas

scholas agmine facto aduolauit, refractis repagulis atria ir-
 rupit; tabulata, pluteos, subsellia securibus frustillatim
 discidit, ne cathedræ quidem parcens magistrali: tantus
 vindictæ amor, tantum Orbiliij Senis odium animos inces-
 serat, scuticam procul frustra intentantis, Quiritiumq;
 obtestantis fidem, quod legibus saluis, Republica incolu-
 mi ea paterentur, domi, quibus nil hostilis furor inuenis-
 set crudelius in victos, & Martis iure extrema meritos. Hu-
 iusmodi fomite instaurati ignes æmulam diurnæ lucis no-
 ctæ præstiterunt. Spectatoribus verò, quos inter colu-
 mina Senatus cernere erat, spei nescioquid nouæ iniecere
 philologiæ, quod erat illis pridem in optatis, stirpitus de-
 lende. Igitur sorte in consilium adhibita summo mane in
 Curiam frequentes cœeunt, sententias consules exquirunt.
 quarum quæ è Republica magis videbatur istiusmodi fuisse
 à Lucumone dicta triumuiro monetali designato. Quod
 nec humani ingenij subtilitate iuestigari, nec expediri pru-
 dentum consilio ad hanc diem potuit, id nobis aliud agen-
 tibus planè confectum fors fortuna datura est. Si viri su-
 mus, quod nos illa vocat, subsequi parati. Scholæ scholæ
 inquam illæ, vbi puerilis ætas inexhaustis arumnis, vt de-
 sipere addisceret, oleum, & operam perdebat, vbi tantum
 licuit in liberorum nostrorum terga sæuitiæ ludimagistro-
 rum, periere: ferrum illas absumpsit, vltricesq; flammæ.
 Vestræ iam potestatis est, Patres, ne quod auspiciò periit,
 perditum nolitis, non tam aduersus Deorum providentiam
 ingrati, quam erga Rempublicam iniurij: quorum illi si-
 bi aduersantes pœnis agunt; hæc non nisi litteris aquâ, &
 igni interdictis refluere potest. Nam quid, quæso Vos,
 ex quo primum hic Asylum aperuimus litterariæ desidiæ,
 aut mali non perpeffum nobis, aut boni non amissum?
 Imprimis, ne saltem gratuito insaniremus, ærarium penè
 exhaustum puerorum carnificibus alendis immani impen-
 so are non secus communia damna cœementes, ac Hector

Ggg 2 olim

olim cum Aiace aureis permutatis armis baltheum para-
uit, cui postea ipse alligatus curru raptaretur. adeo tunc
numina leua mentes euerterunt ne cogitaremus, quibus in
regionibus confedissemus, quam angustis, quam humanæ
curæ contumacibus, vbi labore improbo, atq; ferijs fermè
nullis interfecto opus est, ni velis excussa quercu aranean-
tem stomachum solari. nota cano; nemo vestrū est, qui
non magno suo malo sit expertus, quantum scholasticum
otium detrimenti afferet educatori familiæ agello. Squal-
let ille, & sylvestre ingenium interim refummit, dum na-
torum cohors barbariem exiit in ludo, quasi verò barba-
ries sit vlla grandior, quam habere nihil, vnde mazam pa-
res. hoc ego grumnosiorē solēcismum noui nullum, &
qui dignus sapientis cuiusq; ferulā sit magis, Deosq; pre-
cor, vt calamitatem hanc à me, meisq; longè auerruncet.
Velim deinceps meliora sint: sin secus fuerit, meos ipse
natos diris, nepotesq; adigant, vt ne scholas aliter post-
hac deuitent, quam Cyclopi antrum. magna omnis aui
exempla Romanosq; imprimis rerum dominos habemus,
triumphali manu agros conseruisse; & nobis tam delicatis
esse licet, vt iuuentutem nostram graui veterno torpere pa-
tiamur? Non Alcinoi filias, aut amplissimas Apuliæ oras,
vbi parū abest, quin tellus inarata fruges fundat, inhabi-
tamus: sed lapidosi angustias agri, cuius sterilem naturam
præaltæ augent crepidines, genitabilis lumina so-
lis plus æquo nobis adimentes: addendus igitur improbus
labor, quā deficit soli benignitas, nec nos decet nisi agri-
culture, pastioni, mercaturæ sedulam operam nauare se-
curos. quo igne Ilium antiquum arserit, quoue nomine vo-
cata fuerit Nestoris proauia. hæc, si sapimus, nostræ erunt
artes. his præcipiendis arcessendum censeo alicunde ali-
quem C. Furio Cressino similem, qui veneficijs suis, hoc est
ponderosis ligonibus, grauibus rastris, quibus alienas fru-
ges excantabat, nos ex angusto admodum agro doceat lar-
giores

giore fructus capere, quam ex amplissimo vicinitas: huic ego discipline tam familiam docile optarem meam, quam à Musis omnibus auersam, quarum amor facit, ut rustici inuersâ iam rerum serie urbani fiant, illotis manibus studia otio olim liberali disfluentibus permixta arrogent Iuriconsulti, Tabularij. Medici etiam, Rempublicam demum mera mapalia efficiant; neque enim aliunde tot sordes hanc ciuitatem infecere, quam ex doctrinarum arcanis postreme fortis hominibus vulgatis. Verum hæc olim fuere, nunc bonis ausibus viam à Dijs nobis sectam, munitamque; ineamus, fatali scholarum demolitioni, pulcherrimæ coronidis loco imponentes senatus consultum in hæc verba, quandoquidem serò sapere Phrygum est, Romanæ gentis autorum, unde nos sumus oriundi; Senatus demum longâ experientiâ edoctus litterarios ludos nihil minus, quam ludos esse, nisi ludum vocas pignora nostra ergastulo inclusa ferulem in modum macerari; in hanc sententiam venit, ut cunctis suffragijs decerneret, ne quis posthac scholarum instaurationem suaderet, sed abolendæ omnis memoriæ ergo rei tam feralis. Aediles repurgatam aream locarent Architectis ad ædem Libertati puerili ex publico voto extruendam. Assensere omnes monitis, cum A. Pamphagus Mus, largitionibus publicis Præfectus, sententiæ loco Senatus consulto Epinomidem adiecit, æquum esse, inquiens, postquam puerilitatem urbanam vocari ad pileum placeret, quæstores partem aliquam auctoramenti professoribus erogari soliti in crustula mellita vertere Idibus Augusti, ex æquo inter ephæbos diuidenda, quibus etiam fas esset, quoties adlibuisset, in propylæo ædis libertatis nucibus ludere par impar pecuniâ publicâ cõemptis, id quoque legis corollarium omne tulit punctum. Simul ut Idus ipsæ Augustæ fastis illatæ, atque Litterifugium vocatæ quotannis celebrarentur solemnem circensium pompâ. postremò additum curarent consules primo quoque tempore in æs incendiologium

gium huiusce carminis in ærario inter tabulas publicas seruandum.

Appio Claudio Caudici Agrammato, & C. Vitellio Lurconi Consulibus. Idibus Augusti dierum optimo, atq; faustiſſimo Senatus consulto littere procul à finibus exactæ, aurea ætas in urbem Dijs, hominibusq; plaudentibus quadrigis altis post liminio reuecta.

Vindiciæ secundum ephæborum libertatem aduersus Professorum truculentiam decretæ.

Exemplo vtinam tam perenni, quàm Reipublicæ saluari. Interea Consules præfati se patres minime amplius morari, Senatum domum dimisere. Reactâ, peractâq; ferò ad Orbiliū Gymnasiarcham (nam perincommodè paulo antea secesserat in suburbanum) nuntius affertur sæcularem vacationem addiscendi Senatusconsulto discipulis concessam: sibi verò esuriales ferias indictas, salario, vnde vitam tolerabat, in crustula, & nuces lautitias pueriles destinato. quo ille nuntio tamquam de cœlo tactus corruisset, nî rei indignatio à destinatione mortis, quâ perire magis, quàm sceptris superesse cupiebat, animum contumeliæ dolore æstuantem, vt in perditis rebus asolet, ad ultionem reuocasset. Lingua erat opus seni effæto iam, nec nisi verbigerari aduersus inimicos assuetum. Igitur vbi paulisper conticuit, humi oculos defixus Carmen hoc flebiliter admodum effudit.

Ingratae Aonides, tuq; ò mentite receptam

Phæbe fidem, in senium deflexa ætate laborum

Hanc mihi das finem? meritis hæc digna rependis

Premia: in hac vitæ producis tempore curas?

Et quisquam posthac rabiosa silentia rodet,

Ut carmen pangat, ieiunaque guttura lymphæ

Proluat, ex alta, quæ defluit Hippocrene?

Accipe posteritas, quod per tua secula narres.

Orbi-

Orbilius canis cycnos, & cantibus aequans,
 Et potis hinc latios, hinc in certamen Achaeos
 Doctrinae reuocare Palæmonas; omnibus olim
 Excultus nimium studijs, quibus inclita Vatum
 Fama viget, superumque petit sublimis Olympus
 In Patria postquam sex dena stipendia miles
 Emeruit, iuuenumque rudes mira arte cateruas
 Duxit ouans, vbi summa biceps ferit æthera culmen
 Montis Apollinei, solis inglorius aruis,
 Despectusque iacet, vulgi iam fabula, sortis
 Postrema exemplum infelix. Iniuria Cives
 Me miserum, non damna mouent. licet vltima egentem
 Opprimat incumbens effæctis viribus ætas
 Officijs resonanda pijs, Sed verba per auras
 Quid frustra lacrimans fundo? mea fata querelis
 Haud vllis flectuntur. arat qui lictora, tantum
 Proficit, equato quantum moderamine habenas
 Qui regit ingratae pubis. cui hoc imprecor vnum
 Ex animo, o Superi, vitæ labentibus annis
 Virtutem vt videant, contabescantque relicta.
 Tunc mihi terraleuis. tumulus tum fundet amomum,
 Vltaq; in Elysijs spatiabitur vmbra viretis.

LAVRENTIO REGOSIA Medico Bellunenſi.

PERſuaſum tibi fortassis erit mi Laurenti, cū in ſecel-
 ſum hunc Caſtilionæum migrauerimus, aut nos noui
 nihil habere; aut villaticis voluptatibus penitus occupa-
 tos, commentationes depoſuiſſe litterarias. Sed ne aded
 malè de nobis iudices, deſcriptum tibi mittimus rei non
 illepidè euentum. quæ otio noſtro cogitationem immiſcuit
 non inutilem. Tonſor, quo vrebamur ſatis locutuleio, elin-
 guis euasiſt, & vel iniuſus tacitè nunc poſſet rondere Ar-
 chelaum Regem. Credas recens initiatum Pythagoricæ
 diſci-

discipline sacris, aut illi assidue tonforis Attici casum ob-
 uersari animo, garrulitatis suæ poenas exoluentis, quod
 Niciæ cladem apud Syracusas, & internecione delitias ci-
 uium copias primus alieno relatu nunciauerit. Silens mihi
 collo linteū circumligat: silens barbam metit, & siquid cæ-
 dui capilli est, quod nos à cæteris internosci vetet verticis
 rasurâ. cultros quin etiam ipsos, obstreperum genus fer-
 ramenti, & quos vel aliud agens sanè audias, ne hiscere
 quidem permittit, veritus opinor, ne tonforem temerè se
 prodant. tantum artis suæ titulorum odium, tanta verbo-
 sitatis auersatio hominem incessit, vt ad interrogationes
 quoq; nostras vix leui flexu capitis renutet. Qui eo fami-
 liarius vtuntur tam obstinati silentij causam hanc afferunt.
 Eius tabernam, hirundinum scilicet Musam; seu, vt
 cum Theophrasto ludam, † ἀόλων conuiuium, insidere fre-
 quens consueuerat scurrarum forensium notissimus. huius
 munus erat linguâ corpus alere, dictarijsq; diuitum cœnas
 demereri, quorum ille non minùs vitam, quàm dapes ar-
 rodebat Theonino dente. Id dum sæpe facit, nec finem
 obloquendi inuenit, tonfor tantum abest vt eum, quod
 plerumq; contagione vitiorum vsu venit, æmulari ani-
 mum induxerit, vt erga multiloquium non aliter fuerit af-
 fectus, ac olim aduersus temulentiam ingenij Laconū pue-
 ri spectaculo admoti llotarum à nimio potu inter serixan-
 tium. Accedebat frugalitatis amor, & vini plus equo ca-
 rior annona, quæ bibendi libidinem arctauerat, cuius præ-
 cipuum com meatum, seu potius illicitum sitis acris esset
 verborum profluuium contracta. cum enim tonstrinam for-
 te ingressus vestri ordinis Archigenes quidam asedis-
 set, quæstioq; vti sit, incidisset & quod nam inter siticularia
 remedia foret pabilius, alijs aliud commemorantibus, ipse
 se silentium dixit Hippocratis fretus auctoritate † ἀδύλοῦ, il-
 lud appellantis, ac † ἀνόδουον. Ex eo ille tempore, & verba
 simul, & sumptum compendi ferit. Habes non fictæ fabu-
 læ hi-

† Vno ca-
 1015.

† Sitim ex-
 tinguens.
 † Dolens
 leuatiōem
 afferens.

læ historiolum . restat, vt adfabulationi parum te moraturæ animum aduertat . Haud paulo acrius odium, quàm amorem virtus perspectum vitium excitare solet, modò extra nos sit, nec in sinu lateat, quo oculorum acies minimè pertingit, interuallo ad videndum indigens, præsentia luminosa rei exclarato . Hinc fit, vt præcipua moderatorum iuuentutis cura esse debeat, in eorum animis ita effingendis; turpibus vt tridentur, bonis gaudeant . quod naturæ ductu non erit deuium (præsertim si consuetudo accesserit nihil non duri mollitura . Quotidie, quæ pietas est tua, experiris, quàm ægrè à vobis regi se ægroti finant sub prima morborum tentamenta, cum nondum satis mala sua norunt . Eosdem morigeros reddit longior decubitus, dictoq; aded audientes, vt nostra memoria extiterit Marchio Prianius, Galliæ procerum non vltimus, qui largiori inter epulas inuitatione sibi interdicta ob Hydropem sensim obrepentem eò demum in dies se magis, atq; magis vrgens imbibia deuenit, atq; continentia, vt, quoad vixit (viuere autem perquam serò desijt), pincernâ ab se procul ablegato, potu omni, vulturis ritu abstinerit . Quid ille non persuaderi sibi valetudinis ergò pateretur, qui siccustor annos aduersus gentis morem, Geniumq; suum obdurare potuit? Ita sanè est: summopere enitendum est nobis, vt virtuti consentaneam vitam nanciscamur . eandem quin iucundam consuetudo redditura sit, nihil ambigendum . Quod tonsori contulit confrans animi propositum lubricitatem linguæ cohibendæ . Quod Gallo cura valetudinis intensior, vt alter loquendi, bibendi alter vsu spontè se abdicarit; idem præstabit vnicuiq; nostrum propria voluntas, si serò capris incubuerit . Me de me ipso posteritate aliquid referre non deterret pudor, qui nullus apud ignotos esse solet, atq; nunquam visos, videndos vè: cupidò verò etiam irritat famæ innotescèdi nonnullis per scelus quoq; ac piaculum petita, quos suo quemq; ciere nomine

H h h

quid

quid attinet, silentio omnium, ne exemplo noceant, dignissimos? Igitur me puero nemo fuit ad discursationes pronior, itineraq; procul à patria suscipienda. Cretam, vnde domo, quàm latè, longèq; porrecta est, non minùs quam Talus olim, qui totus æreus fuit, circum iui, primum. dein claustra Ægei indignatus, quibus insula vndique amcingitur, quasi me Scyrus latibulum Achillis distineret aut breuis Gyaros, aut rupibus inaccessa Seriphus, vbi incolæ ficus fundâ legunt, & non potiùs ocellus terrarum, atq; æquoris, natale Iouis magni solum, vitio gentis humanæ concupiui, quæ non absq; periculo petuntur. conscensâ itaq; naui Euris vela dedi illam per

Cycladas, & circum crebris fræta consita terris

ad Cythera alta deuecturis; nauale quondam Laconum nobile, haud hercle sat dignum, vnde cognomen Venus mutuetur. inde porrò itinere tridui Zazynthum: quàm cur nemorosam Virgilius vocarit, equidem anxiori cura vestigare; ni in Vatum inquirere parentem nefas foret. certè, vt se res modò habet, vites interleuatis nemoribus agros passim occupant nullibi sæcundiùs florentes. Dextra hinc digressis, Pelopis apparet insula ne insula, fœlix vsq; ad præter nauigantium inuidiam tellus. Læua Cephalene aëreo melle per æstatem roscida; Ithacâq; Homeri carmine insignis Vlyssis Regia; cuius è camino profilientem fumum Circes, & Calipso opibus antetulisse quis nunc credat, nisi cui læua sub parte mamillæ nihil salit? Sis citabere reor, extet ne adhuc aliquod vestigium veteris fortunæ? nihil sanè minùs. adeò insula tota scopulescit, vt ipsæ quoq; ruine penitùs corruerint; Antrum illud Nympharum littori admotum, biforum, de quo multa egregia Porphyrius, qui librum in eo explicando integrum consumpsit, Phorci gregis stabulum effecit Neptuni sæuientis iracundia; Penelopsis gyneconitis procantium iuuenum commestationibus infessa; Laërtis senis villa; Eumei mapalia

mapalia cum omni rustico instrumento natant. Corcy-
ram inde delati arcem penè inaccessam, arduam, nubibus
caput inferentem scandimus, vnde circumiacentia littora
prospectaremus. nihil non oculis lustratum; si hortos Al-
cinoi excipis hospitalis Regis. Hos ego felicium arborum
ordinibus in quincuncem redactis memorabiles, ingenio
Homeri confitos crediderim, haud multo maiori sanè mo-
limine, quàm ille olim ad Troiam murum circum Argiua
naualia extruxit, destruxitq; idem, nullâ fabrilî operâ adiu-
tus, ne foret, qui Musas mendacij argueret. Ionio per-
menso Illyricos sinus penetramus, Dalmatarumq; litto-
ralia oppida. Romanę militię triumphis cognita. Salonas
in primis urbem opulentam, & terra, mariq; quondam
præpotentem, nunc urbis informe bustum inter molis suæ
rudera iacentis. huius patriæ nempè, Cæsarem Diocle-
tianum tantus amor cepit, vt fascibus Imperij humani ge-
neris abiectis, huc se condiderit irrigandis hortuli sui areo-
lis assiduus. Nec dum omnis pristini decoris fastus ab in-
digenarum animis penitus recessit, in summis angustijs
proavos iactabundi crepant inclytæ nobilitatis autores,
qua inter finitimos se efferunt immane quantum. Præsu-
les habuere supercilij adeò subducti, vt Romani Pontificis
iussa detrectarent, Regibus quoq; ipsis obeunda: quod in
eis Gregorius cognomento Magnus per epistolam acriter
increpuit. Horum exempla gentilitia secutus, nostri æui
Gigas Spalathensis Antistes, (sic enim Salonarum Prima-
tes, post patriæ excidium se transnominarunt) quasi pa-
rùm foret aduersus Pontificem Maximum cornua obuerti-
tisse, eundem libris per summam proteruiam editis, inces-
sit, miser ille quidem, sed piorum nemini commiserabilis,
nisi fortè facti eum pœniteat. quod illi à Deo precatus, viam
repeto. Pa breui Istriæ urbibus nos sistet tam infrequen-
ter inhabitatis, vt ad illarum maximam, Polam populan-
dam Cypri opus fuerit excidio; vnde supplementum urbi

H h h 2 datum,

datum, coloniæ Romanæ ornamentis olim celebri, quorum ob reliquias hodieq; visitur. Ciues, inquilinos, rusticos si in vnum cogas, vix imam theatri sui caueam expleueris, iniuriæ temporum superstitem. Adria nos exinde excipit fluctuanti sinu insulas paucarum horarum velificatione inuisuros, quæ pontibus interiuñctæ urbem faciunt, cui clara illa Rhodus comparata scrupus sanè scopulus vel sole ipso iudice videbitur. Hanc ego non mare, non terram voco, sed æternis fœderibus necentem fibulam maria, terrasq; : aded rerum copia frequētiam hominum exæquat, quotidie eò tanquam ad commune vndiq; orbis mercatum confluentium. Illic quin altiùs radices egerim velut in solum longè felicius translatus, & maioribus meis inde ortis multò ante cultum, nihil fermè obstitit nisi mei ingenij mobilitas peregrinationibus magis, quàm quiete gaudens. Cupido animum incenderat alia ex alijs loca adeundi, nec paterni affectûs indulgentia cupidini moram imponebant, quominus sibi morigeraretur. Euganeis collibus subiecta ciuitas; Eridanum circumsparsa oppida, quæ secunq; porrigunt Taurini, Cenomani, Ligures lustrati. Mediolani nil me æq; tenuit, & erant sanè plurima, queis caperer, ac Urbis amplificæ Antistes Carolus famâ sui, celeberrimâ licet, multo maior. Triduum apud illum hospes mansi iam tum cœlestes curas ita agitantem, vt breui Diuorum albo nomina daturum appareret. Hunc profectò ego numero inter præcipuos fructum laborum, qui longo itinere comites se addunt. nam, si Pelopis nomen obliuione eximit adhuc, accubuisse epulis vel fabularium Deorum: quanto mihi decòri fuerit illius conuiuium extitisse, qui nunc cœlo receptus votis damnat? Non multi post interiectu temporis, quod reliquum est Italiæ lustrari, non Vlyssis fato, quem violati numinis ira longè à finibus patriæ arcebat, sed φιλοσοφίας studio incensus. Id vnum faces subdebat animo ingenitâ leuitate volitanti. Audieram in scholis

+ Spectan
di.

lis

lis olim puer, mortalium vitam esse, quasi peregrè profectus iter agas, longiùs, aut breuiùs quid refert si requiete nullâ interfectum? Hinc desidiæ odium primùm inoleuit; hinc vagandi amor planè perditus, nisi meminisse laborum dulce sit. Bononiam, litterariam palæstram veni, vbi animi cultum iuuentus induit, à viris omni excultis disciplinarum genere edocta. Quos inter flos illibatus Sophiæ Pendas ius ciuium, aduenarumq; oculos in se obuenterat, professoriæ pondus grauitatis temperans morum comitate. Tum primùm auditus mihi est florentis facundiæ Siren Carolus Sigonius, cuius adhuc lepidum illud de fluuio urbem alluenti menti hæret, non magis ipsum decere Rhēni nomen quàm Pygmæum aliquem Oti, aut Ephialtis. Non intermisso itinere Apennini hinc claustra euasimus, Etruriam adituri, populari diu rectam dominatu, donec Principem domi inuenere, cuius potentiæ pars fierent. Is sedem florentiæ optauit; vnde gens æmulationis oblita omnis iura petat. Vrbs, vt tum primùm mihi visa est, viris, opibusq; latè potens, & cui, velut equo generosæ stirpis, multo feliciùs libertate cessit, frena pati. Illic inter præcipuos ciues Petrum Victorium mihi nosse contigit senescentem iam, atq; sui famam tot præclaris ingenij monumentis editis collectam, ægrè alloquio breui, nec diserto admodum tuentem. Calamoboam ipsum tanquam Zenonem alterum vocasses, nec extra librorum suorum margines quærendum. Inerat tamen ori decus: moribus autem is candor, qui natum annis melioribus argueret. Quod mihi sæpe cogitâti aliàs, id tibi modò succursurum reor, quæ fiat, vt Italia penè totâ pererratâ paucos memorarim eminentis doctrinæ laude eximios. Vetus hæc seu querela, seu crimen est à primis litterarum cultoribus ad hæc vsq; tempora extentum. Omni adedò æuo qui non vulgariter saperet, rara auis fuit. Græcia ipsa, litterarum nutrix vix Thebarum portis pares numero exemit, quos in id nomen adopta-

adoptaret. Nec apud Romanos extitit annona laxior talium virorum; ut nobis semilatinis dolendum sit de nostri sæculi infœcunditate. Enitendum magis, ne semina doctrinarum prorsus exarescant in tanto benignitatis Principum squallore, vnde illę, non secus ac rore segetes aluntur. Aemulatio studia incendit; æmulationem fauor non theatri modò, sed Aedilis cuius liberalitatis interest certantibus premia sufficere. maior admiratio te subeat, si dixerò Romę, quo veluti in mare confluit quicquid ubiq; locorũ præclari oritur me paucos olim Gregorio xij. sacris præsidente, nec multo plures nuper, bis enim Tyberim adiij, Clemente viij. res administrante reperisse, quos in literarium Senatum seueri censor supercilij legisset. Horum princeps Sirletus habebatur Cardinalis, natione Calaber, ad Græcorum, qui illas oras diu infedere, reliquias genus suum referens, vnde linguę omnium ditissimę peritiā tanquam gentile bonum Latio inuexerat disciplinarũ præceptis, & Romanā facundiā ornandam. nemo conscriptorum patrum luculentius doctrinę lumen ordinis sui purpurę admiscuit: cuius ne vel leuis saltem strictura apud nos appareat commentandi obstitit neglectus ne dicam, an violenta intermissio? vtrumq; puto: nam & lucubrandi laborem exhorrebat animus lectioni omnigenę veterum intentus: & podagrę nexus alacritatem quoq; dempserrant stylo requisitam. Equidem dignum ob id illum reor maximè, cuius memoria scriptis celebretur, quia ipse minus calamo indulgit. Haud longo interuallo proximi subibant Marcus Antonius Muretus cathedrę Romanę Roscius, Fuluius Ursinus natu grandis antiquitatum patrię suę illustrator diligens; & Antonius Querengus, cuius adhuc florentis carmen sæpe apud me legis haud sanè contentum sæculi nostri elegantia. His litterarum Triumviris porrò succreuit Hieronymus Aleander iunior, auiti in studijs decoris æmulus. Sed non eò sermo à nobis institutus sanè

sanè tendit, vt nostra opera doctorum hominum habeas
nomenclationem. aliunde hanc petas licet haud difficul-
ter. Nos veluti in tabellâ viatoriâ radio descripsimus non
plus vitæ, quàm itineris permenfos ad id vsq; tempus, cum
nobis prouincia, cuius regendæ munere nunc fungimur,
non populi suffragio, sed diuino nutu decreta est; vt exem-
plo nostro doceamus non esse omnino deuium nimium vo-
lenti ea desuescere, quibus à teneris vsq; consuevit. Quem
triginta, & ampliùs annis perpetuus penè discursus huc mo-
dò, modo illuc egeret, sextam iam, atq; vigesimam hie-
mem angustis comprehensa finibus regio vna tenet, non fre-
quentiâ loci captum, quæ nulla est; non amanitate, cuius
hîc nomen quoq; ipsum ignorari dixerim; sed religione
promissi præpeditura: ne cupidè videar deseruisse, quo-
rum non inuitissimus regimen suscepi. Expertus mi Lau-
renti didici alios, atq; alios nos subinde fieri, prout se stu-
dia in contraria vertit animi propositum; vt minus Demo-
crito succenseam non eosdem nos esse hodie opinanti, qui
heri fuimus, aut sumus in crastinum futuri; nisi quòd ita
argutando decoctoribus negandi depositi latebram ape-
ruit; quasi non idem planè sit, qui argentum repetit, ac
qui pridem dedit. Mirabar Xenophontem Socraticum,
qualem philosophum? quem Imperatorem? post Persicam
expeditionem, & phalangem incolumem reductam do-
mum Scillunte Helidis delituisse: Thucididem Pelopon-
nusiacæ historiæ conditorem inclytum Scape, Traciæ op-
pidulo: totum septennium Capreis Tiberium insulâ per-
breui freto Campaniæ delitijs diremptâ: Liternum post-
habitâ Roma incoluisse Africanum: Titum Pomponium
Athenas, Rhodum, & Mitylenas alios tædio vrbs captos,
ac vrbانيتatis. Nunc admiratio illa excessit animo, inq;
eius locum cogitatio successit pulehrum fore sepulchri ti-
tulum Episcopo, sibi de exilio patriam: de patriâ exilium
fecisse. Nec minùs præclarum fuerit, si Laconum illud di-
ctum

Etum & menti obuerfetur crebrius, & in ore fit frequens,
 quo monemur Sparte, quęcunq; tandem illa nobis obtigit
 ornanda. Calcare enim quasi quoddam addit ad cautam
 Sanctorum Pręfulum æmulationem, quorum omnis fer-
 mē vita fuit gregis continens custodia. Verum quod, in-
 quies, pertinuit tot viarum diuerticulis narrandis aures no-
 stras tam diu tenuisse? quid facias? garrulitas tibi senile
 peculium ferenda est, præsertim cum habet aliquid quod
 & auditorem instruat, dicentemq; oblectet recordatione
 anteaactę vitę. Et verò si Antipater philosophus non obscu-
 ri nominis Tharsensis inter ea, quę sibi prosperę euenere,
 numerabat iter, quo Ciliciã Atticam petens commodo est
 vsus; cur me poeniteat errores meos recensere, vnde mihi,
 & amicorum copia, quā nihil est in vita optabilius, & præ-
 stantissimarum rerum contigit notitia, cui potissimum pa-
 randę mortales nascimur. Vnius certē Romę visendę nul-
 la non sat iusta causa nobis esse debet; nullus non meritò
 exantlatus labor. vbi (omitto veteris dignationis maiesta-
 tem) nostrę pietatis pignora & religiosę seruantur, & co-
 luntur ritē non victimarum nidore, aut silentio, ruboreq;
 dignis cæremonijs, quales Matris Deum mysterijs Eleusi-
 sina præfectos, aut Pythijs Delphos, aut Corinthum Isth-
 mijs excipiebant; sed sinceriori animi affectu Numen ve-
 nerantis, quod & multis agnoscere veritatem dedit, & ei
 porrò agnitę inhærere inter tot, tamq; densas tenebras er-
 rorum, quos nec enumerare curiosi possint, nec si possint,
 velint. Vna medius fidijs Septentrioni obuersa regio; vn-
 de tamquam à Pandorę vase malorum omne genus ad nos
 venit, documento fuit, præcipuum esse Dei beneficium
 de Deo rectē sentire, atq; loqui. Absq; eo sit, mors iuxta,
 ac vita per acerba putanda est; cum eo ne quisquam sua
 regna Regibus inuideat. Inter Aristotelis epistolas (pul-
 cherrimum operum, quę vnquam) Plutarchi atate vna
 legebatur ad Antipatrum: vnde ille hæc pauca in librum
 de

de tranquillitate animi transcripsit. *Non magis convenire Alexandro Philippi filio se magni facere; quia populis Asiæ imperitaret, quàm quibus diuino munere concessum est de Dijs opinari summæ rationi consentanea: Audin? fortunam Regum maximi, & Ammone se Ioue satum gloriantis comparat cum ijs, qui verè religionis viam affectantur, dignus ob id quidem, qui in ea tempora incidisset, cùm cœlo fides delapsa est omnes omnium philosophorum demonstrationes certitudine suâ supergressa. Cuius propagatores qui à Deo optimo maximo leguntur, profectò illi multum in eo munere decòris, plurimum dignitatis ponere deberent, tanquam vbi vbi tandem locorum sint, præaltâ in speculâ verentur, tantum sideribus ipsis propiore, quantum illi humana ista breui, & falsum nitentia despiciunt. Quid, rogo te, refert eius ordinis postremus ne, an summus sis, cuius numerum præstantes quiq; virtute viri expleant, primoresque? non semper à loco sumitur dignatio: est quando etiam supercilium, & fastus inanis gloriæ satellites, qui Dioscorum, Euticheten, Photium, Ioannem perdidit, ex quo salutari maximarum Antistites urbium cœperunt. horum quem postremò memorauimus tanta demum dementia inuaserat, vt quasi parùm foret summo esse proximum, Vniuersi se ipse Præsulem indigaret, miserando mehercule errore, nisi miserationem indignatio excuteret. Agmen quoq; claudentibus manet modò nominis sui interpretem agere meminerint. Non hîc Virgilianum illud locum habet, Irrisam sine honore ratem Sergestus agebat, quòd portum extremus, fractoq; lentus remigio subiret. omnes donati ab cœlesti Agonotheat; omnes euincti triumphali lauro tempora abibimus. quin casus interuenire potest, qui primos nouissimos reddat, vltimos priores. Equidem Megalopolitanos istos hierarchas nihil moror, qui quonam sub sidere grex eorum pascat, ne nouere quidem; nisi Geographicas tabellas consulent. Se-*

dulos & nulos agricolas; ingentia rura laudo, excolo exiguum: si quod tamen planè exiguum vocandum est, viribus meis comparatum tam pusillis, tamq; penè nullis. Crete Archiepiscopo contigit tam ampla ditio, quàm magnus est insule centum olim urbium capaxis ambitus: dignitas verò tanta, vt eius ordinis penè soli incedere purpurato liceat; si causam quæris, credibile est Titi, ad quam extat Pauli Apostoli Epistola, id honori datum. Hunc tot nominibus spectandum Præsulem diœcesis suæ, latè patentia inuisere posse loca quęcunq; nisi & viridi iuuentâ sit, & studio sibi ducat itinerum iterationes? Ego sanè, vt nunc sunt tempora, addubito pluribus contingere, vt huiusmodi circuituum labores repetendos compendifaciant. Iberię Regibus fas sit potissimè gemini orbis partitè dominantibus per procuratores Appuliam, Insubres Indiæ remota, Goam. Taprobanam regere; nec se videndos subiectis tam remotis sinere, nisi pictoris penicillo fictos, aut ex ære ductos. Episcopus nisi coram adsit, nisi assiduus operi incumbens se, & alios vrgeat: neq; suo muneris vnquam satisfaciet, nec nomini.

*Quenam sint apud Aristophanem litteræ sinistrae.
ad eundem Laurentium Regosiam.*

LEgi prætextatus in ludo, apud Aristophanem veteris Comedię autorem ingeniosè nequam, si quis vnquam, cui vni de tam immani Comicarum numero, qui iniuriâ temporum disperiere, fata pepercerunt, vt foret, vnde bona posteritas summo studio edisceret, quæ non minori studio erant dediscenda. Legi inquam, & vt sumus rudimentorum puerilium apprimè tenaces, & iam commemini [†] ἀπιστὰ γράμματα σὲ μὴ σκῆσαι ἐδιδάξαν. nec indoctum ille hominem alloquitur, sed anormis, & absurdæ indolis; quales ante nos natos quàm plurimos sæcula tulere; nec timor

† Sinistræ
re litteras
Muse do
cuerunt.

morest, nè quod modo voluitur, fecunditate se vinci finat, quasi eiusmodi segetis semen prorsus exaruerit. enitendum potius, vt, quæ nam hæ sint litteræ sinisteriores, nobis innotescat. Et verò tantundem valere apud Græcos ἀριστερόν καὶ αὐαῖον, quantum apud nos læuum, & sinistrum addubitat nemo, qui bilinguis absq; notâ sit à Virgilio Tyrijs inustâ. illud non vndequa; liquet, in quo nam potissimum consistat ista sinistrinitas, quam Musæ, si Dijs placet, veluti læua numina nos docent. Equidem sic censeo humanæ esse vitæ condimentum litteras, litterarum verò non tam modum, methodumq; ipsam, qua traduntur ediscunturq;, quàm ingenij vim, atq; facultarem, quâ illas à teneris capefcimus absq; ea fuerint, insuaues, fatuæq; erudito palato haud secus, ac blittum, salis omnino expers vibuntur tribus verbis dicam, rudiùs simul, simul explicatiùs, quem genium victurus habere debet liber, eundem libri nisi autor habeat, frustra pluteum cædat, frustra vngues rodât. Pedicid Peripati magister tribuit in Methaphysicis; vbi eam à scientiâ noto doctis discrimine diremit. neq; nos quidem dissentimus: modò Doctoris eruditioni comitem se adiungat discantis ex prompta, præceptionibusq; responsura ingenij docilis habilitas, subtilitasq; quid rectè, quid secus tradatur non ignara prorsus. has sanè si tollas, ærumnis studiorum relictis, quæ plurimè in ediscendis litteris tolerari solent, nervos omnes incidis vberis profectûs. caue enim putes olei, & operæ minus impendisse Bauium, quàm diuinæ Æneidos scriptorem, vt pœta euaderet: ambo suarum lucernarum fuligines ebibere largiter: ambo Helicónis prata peruolitauere, dispari licet nimium euentu: quia non vna fuit amborum indoles, neq; ductor idem, neq; fauor idem numinis cœpta promouentis; quem ego non pœtarum tantum nationi, diuino se furore corripì iactanti tribuo, sed ad vnum omnibus, qui indagini accinguntur doctrinarum. Venato-

res Aristæo litant, qui primus feris insidias necere instituit; Herculem, antequam telum in stymphalidas aues intorqueret, Aeschylus inducit Phœbi opem precibus poscentem. Virgilianus Eurytion Pandaro in vota vocato Nigra figit sub nube columbam: & nos sine numine Diuum credimus tantas res ritè animo agitari, moliriq; posse: præsertim cum sæpe videamus studio, atq; uirium intentione adeò profici, vt inter causas improsperi successus locum obtinuerit, manum de tabulâ tollere nescisse. Igitur qui illotis manibus sacra ista tractant; aut Pimpleum montem absq; Musarum comiteatu scandere conantur: hos illæ aut furcillis (quod Catulliano illi nominis obsceni contigit) eiiciunt, aut Picis tradunt sinistras litteras erudiendos. vix enim inducor, vt existimem ipsas per se id præstare: tametsi autores habeam omni exceptione maiores, qui κακομάθεια assuescere, iuuentuti vetant haud aliter, ac si Musis Minerual debeatur prauæ doctioris. quæ vbi nam potissimum consistat nunc nobis est inuestigandum ex promissi fide. Nusquam lolij id genus prouenit vberius, quàm in agro ingenij, feraci illo quidem, sed non qua decet arte, & solertiâ exculto, subactoque sterilitas laconismo aptior nec sibi ipsa negotium, nec aliorum auribus faceffit. ingentes fluuij, & magnis incrementis exundantes fluunt lutulenti: fitim ab omne exiguo tutius sedaueris, qui te suo irriget potius latice quàm obruat. Colophonius Antimachus non impunè tulit hanc ingenij seu luxuriam, seu exuberantiam, à sui sæculi hominibus irritus à posteritate verò adeò neglectus, vt (donec pœmata eius à tunc tandem aliquando absumpta extitere, nemo illum absq; tumoris probro memorauerit. nec aliò fuit eruditorum plausu theatrj excepta Cherili insulsiitas; nisi quod Alexander Macedo conuitijs colaphos adiecit, veluti stipendij autoramentum. idem de cateruâ illâ Catullianâ fabriculorum pœtarum, & de Codri Theseide iudicium; neq;

Male di-
sciplina.

neq; enim intactos eiusmodi calamitas reliquit Romuli nepotes. quorum de gente vnus adhuc extat Statius Papinius filiarum infelix sator; quarum vmbra, si Andreæ Naugerio creditur, limatissimę censurę viro, haud paullo est nocentior amēiores Musas confectanti, quā viatoribus iuniperi, aut taxi. certē ille quotannis natali suo die plurima earum exemplaria vndique cōempta consueuerat marito Veneris vstulanda tradere, iure ne an iniuriā in medio relinquens, ad carminis Etrusci conditores oculis nostris inhārentes venio. quos inter quidam non postremus multa ad lyram non inuenustē modulatus, grandiores vt tibias inflare cōepit, suo nobis exemplo declarauit non idem planē esse eburneas quadrigulas affabrē facere, quas expansis alis musca tegat, ac Collosum Rhodijs æreum excudere. Nam in primum libri statim limen, vbi immania famę templa locat, tantum congeffit tryglyphorum, volutarum, peristyliorum, quantum vix in totā Vitruuij architecturā continetur, tot voluminibus comprehensa. Quid facias? ὀψιμαδία male tussis æmula ægrē cohibetur, ne se prodant. serō quod a nobis discitur in ore seruari amat frequens vsq; ad fastidium auditorum. Nec mihi ad se tuendum Hesiodi obijciat scutum Herculanum singularis libri argumentum. nam prāterquam quod genuinus ille liber nec ne sit, Grammatici inter se adhuc certant, longē aliud est in re describendā aliquā (seu clypeus Anæ ille sit, seu Nestoris poculum, seu Tethios puluinar) diuerticula sibi querere liberiori gradu per amēna locorum diuagandi; aliud artis vocabulis abuti ad pōesim illustrandam non aptissimis. quā multis partibus cautiōr Ouidius, qui solis Regiam vno, aut altero carmine absoluit, quā vis esset.

sublimibus alta columnis.

Clara micante auro, flammāsque imitante pyropo.

Verū non pōeticas modō tribūs + σκαῖότης ista, seu scabies quādam occupauit Grammaticos, Sophistas, Rhetorū,

Tardis-
scenria.
Gellio li.
2, cap. 7.

marositas

res, Philosophos pariter infecerat à primis vsq; eorum incunabulis non clam, & per cuniculos grassata, sed aperto Marte, ipsisq; (quod mirere magis) victrici suæ plaudentibus. namq; fuit ex eorum numero, qui sponte opus in lucem ederet ineptiarum titulo inscriptum, in quod nugamenta omne genus titulo non indigna conuaserat; scilicet quod Acestes vini cados in naues Anæ Siciliâ soluenti miserit; quo nomine Hecubę vocaretur nutrix: vtram nam Veneris manum Diomedes vulnere perstrinxerit in acie suppetias Phrygibus ferentis; & alia eiusdem furfuris. Putasēs ne in tantâ argumentorum, scriptorumq; vilitate oriturum aliquem, cui tantum ab re suâ otij suppeteret, vt quot syllabas elementa litterarum inter se copulata redderent, subtiliter subductâ, ratione numero includeret? inuentus est tandem, nec vnus sanè de plebe, aut ad lusus natus, sed erectę vir indolis Xenocrates, qui id seriò tentaret. calculum vis addam? à Plutarcho illum mutuabor, qui retulit myriadam viuīs summam haud excessisse. nec multo Xenocrate curarum felicior, Stoæ columen Chrysippus. Is ex decem à se excogitatis axiomatis consurgentes combinationes aggressus numerare, miricam centum myriadam rotundauit epocham, quam: ne sibi minium ob id placeret, Hipparchus opere edito erroris arguit non plus continere asserens. quàm quadraginta myriadas, & præterea CIOXLIX. Inunc, & fidem Horatio Flacco abroga, Architam memorem numero carentis arenę appellanti: cū, ne hoc quidem intentatum, reliquisse importuni ingenij homines, documento sit Archimedis liber, hodieq; extans, id complexus. Quid, rogo te, iuuat hæc nouisse etiam si gratuito contingeret, ne dum carò emptæ Immensa coeli spatia dioponis, terrarum itineribus metiri, operæ pretium fortasse fuerit; hinc civilis solertia, inde prædictiones astronomicae incrementa sumunt. ab ijs serijs ineptijs nil præter litterati studij odium, aut contemptum hauries.

hauries. nec verò absimilis in re planè simili Sophistarum labor, qui mercede conducti Cerasten; Pseudomenen, Crocodilitem, non sani capitis inuenta edocent. Quasi necessariò sequatur, vt qui cornutum argumentum soluere ex Dialecticorum formulâ non potest, cornua is in fronte suâ sit perquisiturus. idem à me dictum de mundis innumerabilibus Democriti; de Anaxagoræ homæomerijs, deq; atomis Epicuri puta neminem horum secundo fauore Musarum dixeris, nisi eodem vitio teneris: sed de ijs quidem haftenus sit dictum, qui improbo labore bonas horas, quarum est irreparabilis iactura, prodigunt in superuacaneis rebus disquirendis. Nunc aliud genus scriptorum leuiter attingam: non vt arguam: cui enim rei nihil profecturus? sed ne obliuionis ipse arguar. leuius ij peccant laudem datura commentantes, si ea disponerent suo quæq; loco; nec Horatianum pictorem æmulari vellent cupressum in naufragi tabellâ inter irati maris decumanos fluctus simulantem. Horum alios videas Philosophos ^{+ De rebus sublimibus & celestibus loquentes} *μετεωρολογίας* orchestram comicam inducere, vt Aristophanes Socratem in nebulis. alios in fœminarum ore ponere sententias, sapientias, sapientiæ studium olentes, vt Euripides in Menalippe. alios interepulas à saturis narratas dicere subtilitates abditarum rerum, vt Dipnosophistarum Architriclinus Athenæus; cui excidisse mente penitus videtur vetus illud verbum olim apud populares suos in Græciâ iactatum *μὴ μνάμωνα ζυμπότῃν*. vbi enim illi conuiuam memorem vix ferunt: ibi hic thesauros prædiuitis memoriæ exhaurit repositarum doctrinarum historiæ condendæ. Eloquar? an fileam veneratione hominis deterritus, famâ scilicet celeberrimâ etiam maioris? Platonem ipsum non huius immunem culpæ carpit Dionysius Alicarnasseus, rigidus eminentissimorum scriptorum censor: ægrè ille concoquit Socratis colloquium cum Phædro vix dum quidem pubere, sed adhuc imberbe; in quo præterquam

terquam quod dithyrambos loquitur dialogo minùs congruentes, quàm canibalneum, ea de vi, ac naturâ Amoris disputat, quæ subsecutorum Academiae procorum, Procli, & Damasij in primis commentarijs, quamuis illustrata erecta, studijsq; exercitę indolis lectore indigent. Sicuti numerus item ille, qui prouerbio ansam olim præbuit, cimmerijs tenebris infessus; cuius exemplo in dialogis de Republica est vsus ad rem ob oculos ciuibus ponendam. aut ego planè fallor, aut res non omnibus obuia, promptaque est, quid quaque in re deceat nouisse, quid dedecet. quod ante nobis quàm accidat, labor erit impendendus summus sub præceptoris non tam seduli auspicijs, qui vestigia regat, ne labamur, diuersa sequentium abrepti deuio errore, quàm sodalis intimi admonitis, qui subinde Horatianum illud insusurret auribus Dele sodes. Nam cur Phœmium ab se edoctum, Alcinoi regis citharędum imitemur, causa non est in tam lubricâ studiorum viâ, tamq; prolapsionibus obnoxia. cùm difficilimum sit reperire aliquem, qui Suffenum non agat aliquâ ex parte, se, suaq; omnia nimium amantem. Nostri nos vitia delectant. ab emendatione verò adedò abhorret animus, vt ad mordacis veritatum frontem corrugemus. Quod si quando carmen, aut aliquid aliud à nobis lucubratum legimus in acroasi, sententiasq; circumstantium rogamus, non id facimus profectus, sed immeritæ laudis cupidine. Sic olim Dionysius Siracusanus Laodiceis tragedias suas recitabat, plausum ab illis nunc latomiarum interminatione, nunc auro eliciens. litteras item illas ire sinistras, vt nemorum Arabiæ umbras, arbitramur, quæ non exactissimè perceptæ, ἀκρβολογίας, ἀνισορρησίας, ἐλλογιστίας lectorem obruunt: si quis modò tam fatui palati lector illis obtigit, nec cane peius, & angue deuicantur aures misellas breui confecturæ. Eiusmodi sunt, quantæ, quantæ sunt, infantes glosæ leguleiorum, quæ non aliter gemmea dicta Iuris consultorum

vete-

† sermone
improprie
tate.
† Histo-
riarum in-
gnoratio-
ne.
† inconsi-
derantia
rationes
penuria.

veterum exornant, quàm aut lutum permixtum ceno ebo-
 ris candorem, aut pannus florem Melibæa purpure. Exem-
 pla flagitas? eadem operâ spinas, quæ in Echino emineât,
 quas fieris. nulla earum est, nec illas eximo, quas plum-
 bei homines aureas appellant, quæ non (vt Polycleri sta-
 tua, omnibus absolutè numeris elegantie) canon absurdi-
 tatis summæ esse possit. Quid aliud dicam, quàm nimium
 in nugis occupatos, quos talia charthis non puduerit illi-
 nere? quam ruditatem non feram æquiore animo, quàm
 istorum lucumonum barbaram, plenamq; ruris doctrinam,
 seu veriùs *δοξοσοφία* æ litteras nescire voti loco fuit Claudio
 Neroni intra primum imperij Quinquennium, dum Ma-
 gistro Senecæ morigerus probum simulabat, ne necesse ha-
 beret capitali pœnæ noxij subscribere. quanto istis æquiùs
 optandum litteras dediscere, quorum læua eruditio lud i-
 brium debet doctoribus, risum prætextatis, quos adhuc in
 ludo Orbilius cœrcet, ferulam intentans? Arthapherem,
 Persarum Regis purpuratum Græciæ vrbes inuisentem li-
 bido non sanè digna barbaro incescit pergulam Apellis a-
 deundi. accessit, asseditque honore, quo tanti regis dece-
 bat aulicos, exceptus, circumspectusq; sed tantisper dum
 forma, cultusq; corporis amplificus puerorum oculos tene-
 bat, eiusmodi spectaculo parùm assuetos. ast vbi laxare
 habenas cœpit ineptis sermonibus, atq; infacetis; exem-
 plo admiratio in contemptum vertit, comitem Achataeum
 stulti loquij. idem planè accidit istis Themidis Deæ anti-
 stitibus torquatis, gausapinatis, causiatis, postquam si-
 lentium in verba, aut scripta ampullosè inscitiae solue-
 runt. Quos Thaletas putasses nec dum laceffitas, † Mar-
 gitas experieris in arenâ. nihil horum temeritate au-
 dentius, nihil ingenio obtusius. Inaudierat eorum de
 numero quidam Mathesin pro diuinatrice arte, quæ Chal-
 dæorum erat peculiaris à scriptoribus non indoctis vsur-
 pari, quorum illa sunt. Nota Mathematicis genesis tua;

† Opinio-
nem scien-
tiæ falsò
captatâ.

† Stolidos.
à margi-
ne, qui su-
per
† insignis
saturat
adco, vt
clera quæ
q; nume-
rare nescit.

K k k ean-

eandem latius sumptam Mathematicarum disciplinarum orbem comprehendere. igitur ut discrimen appareret aliquod inter artes tam arcta necessitudinis copulâ coniunctas viam reperit à nullo ante sectam, aut initam. Secundam Matheseos syllabam producit, cum artem diuinandi denotat; eandem viam motâ corripit, cum vox illa latius se pandit. id ut trabali clauo fixum menti prolytarum inhaereret, hexametro deuinctum in hunc modum protulit, poeta non lauro, sed vrticâ dignus. Discere vult Mathesis, sed diuinare Mathesis. Sexcenta talia inuenies, quæ
† Referat *† δειδέναι* possunt, si tam infructuosè volueris curiosus esse
† Ego ranti non emo ineptijs paginas implere; nisi fortè expedit scopulis digitum intendere, quos caueas. absq; eo
† esset, intacta hæc, indictaq; sinerem. Cum ad rectè valendum salubris diète præscriptio sat sit, quæ optimi succi
† alimentis constat; non alienum tamen à se putant Asclepiadarum elegantiores studio quoq; pari nocitura prosequi
† εὐχρηστικὰ κακοχρηστικά adijcentes. Non sat erat, Spartæ ad
† luxus euitanda incommoda frugalitatem verbis exornare,
† quorum apud eos restrictior annona omni æuo fuit. Illos
† ipsos (seruorum id genus) multo mero madidos veluti in
† theatrum producebant circumfusæ spectandos iuuentuti
† haud sanè ignari, quam multò acrius subiecta oculis, quàm
† demissa per aures, animum irritent. Idem nobis imitari
† liber Thersite in medium vocato, ut est ab Homero summo
† iconicarum imaginum artifice depictus secundo Iliados libro. Huic monstro hominis tot corporis, animiq; vitij
† cooperato ne *† ἀναιδής*. quidem de fuit ingenij, quæ in
† ijs potissimum linguæ, morumq; vitij consistit *† ἀναισθησία*
† nempe, & *† ἀναισθησία*. quarum illa modum in loquendo nescit,
† hæc delectum; veraq; verò simul copulata, cui inest,
† illum reddit publico odio dignissimum, in primisq; optimis in quoq; virtutis genere infestum, quales in Græcorum
† ad Troiam castris Achilles, & Ulixis erant heroicè indolis

dolis par nobile . horum vnus in consilio procerum apud Agamemnona Therfitem sceptro cædit, plaustris conuictorum prius oneratū; alter, si Quinto credimus, qui omiffa ab Homero carmine est complexus, eundem colapho impacto interemit Dijs, hominibusq; plaudentibus, nisi fortè inglorium facinus est visum, tanti vindicis operâ perijffe hominem Musarum, belliq; studijs tam finistris ini-
tatum . nam & orator non indisertus haberi volebat (id enim λιγὺς πῆλόν ἀγορήτης significat apud Homerum) & Me-
leagri fratris patruelis comes aduersus Aprū Caledonium arma primū, dein Helenę repetendæ causā induerat Iliū profectus . Habes imaginem oculis obiectam, cui si te perquam dissimilimum effinxeris, non eris studijs dedeco-
ri, nec te tanquam finistris imbutum litteris deridendum emunctę naris criticis præbebis.

F I N I S.

Kkk 2 ALOY.

dolis par nobis. hominibus in consilio procerum apud
 Agamemnonem Thetidem se quoque castis, plausis con-
 iorum prout orantur; aliter, si Quinto credimus, perorant.
 is ab Homero carmine est complexus, eundem colapho
 impato intercutit. Ijs, hominibus, plaudendum, aut
 forte ingloriam facinus est. Iam tam videtur opus
 in hoc hominem. Multum, dolis, Iudis tam fastis in-
 riam, nam & orator non indoluit habere volubar (is
 enim apud & Iudis significat apud Homeros) & Me-
 lagristas paritibus corus aduersus. Apud Castorem
 nam primum, deus Hecate repensit eas indoluit. Iis
 relictas. Iudis in eum oculis obiectas, cui re-
 putum diffinitum est, non est Iudis. Iudis
 it, nec totam nam habetis. Iudis in eum obiectas
 eundem nam obiectas.

EPIST. LIB. III

Dolis par nobis. hominibus in consilio procerum apud
 Agamemnonem Thetidem se quoque castis, plausis con-
 iorum prout orantur; aliter, si Quinto credimus, perorant.
 is ab Homero carmine est complexus, eundem colapho
 impato intercutit. Ijs, hominibus, plaudendum, aut
 forte ingloriam facinus est. Iam tam videtur opus
 in hoc hominem. Multum, dolis, Iudis tam fastis in-
 riam, nam & orator non indoluit habere volubar (is
 enim apud & Iudis significat apud Homeros) & Me-
 lagristas paritibus corus aduersus. Apud Castorem
 nam primum, deus Hecate repensit eas indoluit. Iis
 relictas. Iudis in eum oculis obiectas, cui re-
 putum diffinitum est, non est Iudis. Iudis
 it, nec totam nam habetis. Iudis in eum obiectas
 eundem nam obiectas.

EPIST. LIB. III



ALOYSII LOLLINI

EPISTOLARIS DISCIPLINÆ.

COMMENTARIVS.



Quidem mirarer non perinde in procliui
 esse de epistolari caractere, & eius dif-
 ferentijs ex arte præcepta tradere, ac est
 epistolam qualemcumq; scribere, vt se
 dat occasio; nisi idem orationi euenire
 scirem. quam cum in rem quisq; suam,
 prout vsus exigit, nemo non vsurpet,
 paucos tamen ex omni memoria inuenias, qui eâ diserte,
 & ad præscripta Rhetorum vtuntur. similis enim amba-
 rum ratio, paresq; finales ambitus habentur, quamuis non-
 nulli cum epistola egerint restrictiùs, nō amplius proferen-
 di pomerij ius ei permittentes, quàm se porrigat familiare
 argumentum, amicorum alloquijs tributum. in quorum
 ego sententiam antequam inquiram, operæ precium me
 facturum arbitror, si à definitione epistolæ exorsus fuero,
 ita enim fiet, vt non tam quid ego sentiam de toto hoc scri-
 ptionis genere, quàm in quo ab alijs dissentiam, appareat.
 est ergo epistola, nisi ego potius fallor, collocutio inter ab-
 sentes litteris expressa, ea exquisitiùs complectens, de qui-
 bus tractare coram consueuimus. huiusmodi definitione
 si quis erit, qui à nobis nimium epistolæ tribui queratur,
 hunc ego oratum velim, vt ad rationes primùm, deinde ad
 veterum auctoritatem, atq; exempla animum aduertat.
 quæ nisi nobiscum stare videbuntur, nullam causam dico,
 quin

quin in alia omnia discedat. Artemon, qui Aristotelis epistolas, pulcherrimum operum, quæ vnquam, in vnum veluti corpus ordine digessit, epistolam sub eodem summo genere, quo dialogum reposuit, alteram huius partem illam nominans non secus, ac si dialogum in portiones æquas geminas partitus harum vnam præsentium, alteram loco inter se se diffitorum allocutionibus adiudicasset. quod Demetrio quoq; Phalareo visum fuit, qui in hoc Artemonem secutus, epistolæ minus exillem dicendi characterem quippe elaboratori tribuit, quam sermonis est, quem ex tempore in dialogo interlocutores ferere videmus. Nunc age, postea quàm epistolam ex altera parte respondere dialogo probauimus: quàm huius latè pateat materia paucis dicamus. principio à Socraticorum dialogis desumpto, quorum princeps Plato nullum in immenso illo orbe doctrinarum theorema adeo abstrusum, à communiqu; captu hominum sepositum existimauit, vt tamquam ab instituto alienum à suis dialogis reiceret. Ethica omitto, quorum omnia plena: de diuinis quidem; & quæ nunc Methaphysica dicuntur, in Parmenide tractauit admirabili methodo, ac subtilitate. cui plane assequendæ impares essemus, nisi nobis facem prætulisset flos ille ingeniorum Proclus, cui Marsilius Ficinus comparatus psittacum aliquem, seu picam refert, quæ humana verba conari sub doctoris ferulâ ediscat. Naturæ verò arcana, & quicquid ad eam Medicinæ partem, quæ physiologia nuncupatur in Timæo ita est complexus, vt nihil indictum reliquisse visus fuerit vel istiusmodi rerum curiosis. De mathematicis disciplinarum obscurissimis quid attinet dicere? quibus ita plerosque omnes dialogos referat, vt Theoni Smyrneo ansam dederit volumen integrum, quod manuscriptum bibliothecâ nostrâ visitur, edendi de his, quæ apud Platonem Mathematicæ dicuntur. Psychogonia mediis fidiis, vbi crucem geometris, arithmeticiisq; omnis adiungit, satis

itis vna ad probandum fuerit, quod volumus, ne Gorgiā,
 Protagoram, Cratylum, Iona commemorem, in quibus
 non tam sophistarum redargutiones, quàm grammatico-
 rum, pœtarumq; artes, & pigmenta Rhetorum edocet
 quam luculentissime, eosdem locos pertractasse Acade-
 miæ, Lycæiq; procures, qui dialogos scripsere, iniuria tē-
 porum effecit, vt coniectem, eorum operibus penitus ab-
 sumptis, vnde exempla trahi potuissent Platonici fortas-
 se non minora Aeschinis dialogum, cui index Callias,
 Athenæus citat, in quo Anaxagoras Philosophus exagita-
 batur. ex Aristotelis tantum Eudemo, (hoc nomine dia-
 logum inscripserat) veteres peripatetici nonnulla afferunt,
 vbi de immortalitate agebat animorum haud promptâ fa-
 nè recognitu, & de qua præceptor ante in Phædone perqui-
 siuerat. conuiuium Xenophontis adhuc extat. Plutar-
 chi verò manibus teritur studiosorum, quare oracula defe-
 cerint, dialogus, in quo ætatem dæmonum ad numerum
 reducit ex monade conflatum, & duobus primis planis,
 totidemq; tetragonis, cubisq; ; quarum rerum (eadem
 enim ferè sunt cum ijs, quæ Plato in procreatione animæ
 usurpat) inuoluta, & vix ingenio humano peruia obscuri-
 tas prouerbio quondam illi locum dedit, vt si quid esset
 Cymerijs tenebris maximè obductum, id diceretur Pla-
 tonicis numeris abstrusus. Heraclidis Pontici plurimi
 commemorantur à Laërtio, morales, musici, dialectici,
 naturales, geometrici, vnicuiq; Teorsum titulo appposito,
 ne lectorem iactura tam præclari laboris lateat. nec multo
 pauciores Aeschines, & Xenophon Socratici scriptis man-
 dauere: vt Athenæi, Lucianiq; dialogos præteream, variâ
 eruditione refertissimos. In recensendis latinorum exem-
 plis breuiter labor, non tam quod ferò nimis istiusmodi
 studia natio illa attigit, doctiores se armis vincere conten-
 ta, quàm quia, si monumenta Tullij exceperis, aliorum
 scripta pene aboleuit commune fatum rerum humanarum.
 is igitur

is igitur quam latè in dialogis vagetur, nemo non aduertit, cui facundia viri haud est ignota; quàm verò haud omniū vestigijs protrita consecrari soleat vel ex vno fragmento videre est, quod è naufragio librorum eius de Republica seruatum Macrobij commentarijs acceptum refert, quod non ob eximiam obscuritatem à lectoribus planè deservatur. Verùm exemplorum iam satis, quandoquidem eiusdem autoris dialogos Academicarum. Tusculanarumq; quæstionum, de natura Deorum, de fato, de diuinatione ex earum rerum genere non esse, quæ lippis, & tonforibus noscuntur, nemo sanè dubitat. His in hunc modum constitutis consentaneum rationi rerum sibi æquipollentium, ac circa eandem materiam versantium videtur, vt ne eo se porrigat dialogus, quò pertingere nequeat epistola ei perquam similis, ac planè antistrophos non secus, ac est Dialecticæ Rhetorica Peripateticorum principis decreto. igitur dialogum, epistolamq; immensis, ac penè infinitis finibus circumscribi, etiam si exempla deforent, quorum nobis copia superfluit, ratio probaret, nihil scriptioni ademptum dictioni tribuens, modo illud constet, de quo nullus ambigit, in easdem cogitationes posse, & verò solere sæpenumero inter se dissitos incidere litteris tradendas, quæ præsentium mentibus occurrunt, verbisq; explicantur. Finge animo Archimede diuinum illum hominem in labrum balneare nudum descendente (nullum namq; tempus illi à meditatione vacuum, nullus locus fuit) explanationis offendisse rationem, qua furtum aurificis (nota est historia) arguitur, Hierone, in cuius gratiam munus id susceperat supra humani ingenij ausa affurgens, procul inde gentium agente, putâsne vel momenti morulam fuisse interpositurum, quin adhuc de balneo calens calamo arrepto inuenti sui demonstrationem ad Regem non ageometricum conscriberet non aliter, ac si ille præsens periculo in coronario auro, & argento facto oculos aduerteret; an potius

tius rem totam in aliud tempus dilaturum, istorum supercilium reueritum, qui aiunt non magis epistolari characteri ista mathematica congruere, quam cani balneum? non te autumo in veterum lectione tam esse hospitem, ut ita sentias; nec potius Eratosthenis epistola tuo animo recurset ab Eutocio Ascalonita, Archimedis interprete allata, qua ille Ptolomæum Aegypti Regem apposita schematographia certiores fecit se organica Mesolabij ratione quomodo duplicaretur cubus inuenisse, Architæ, cui eadem cupiditate explicandi problematis inceserat, hemicylindrorum descriptionibus penitus reiectis. Eratosthenis vestigijs insistens Tycho Brahe (nam singulos recensere longum esset) præclarum astronomicarum epistolarum volumen edidit non ita sanè pridem tanto sæculi sui plausu, ut non sine numine Diuum ab ultimis Oceani occidui insulis exortum tantum ingenij lumen videatur, quod plus nimio iactanti sua Græciæ opponeremus. Sed stylus ad vltiora nobis promouendus. Platonis xij. epistolæ vetustatis procellam euasere: nam xij. criticis exploditur genuini fermè præ se nihil ferens. his multa scitu digna continentur doctrinæ, quæ in dialogis habetur, consentanea. Dialectica, de modo sciendi, methodiq; gradibus, quibus doctrina nobis comparatur, de differendi facultate, & id genus alijs. Ethica, quibus, quomodo, quando dandum sit consilium, sapientem à Reipublicæ non abhorreere administratione. Theologica, Dei mirabilis descriptio, diuinam naturam affectibus carere; reliqua non persequor ad ea, quæ ad Philosophiam naturalem, attinent, appropians. Extant epistolæ duæ Epicuri apud Laërtium, quarum vna ad Herodotum physica eius dogmata complectitur, altera ad Pyroclum Meteora, sic enim ipse cœlestia appellat: ex quibus, qualis vir ille fuerit, tamquam ex ungue Leo facile dignoscitur, quàmq; graues sententias quandoq; effuderit, quæ sapientes sibi etiam fortesq; viros conciliauere. plures præ-

LII

terea

terea scripsit didascalicas, quarum de numero fuisse reor, quam sextus Pyrrhonicus laudat ad philosophos Mirylenaeos. verum omisso Epicuro, quem plerique negant ijs fuisse artibus excultum, quas qui tenent, eruditi appellantur, elegantiores scriptores percurramus. id genus exemplorum magna profecto copia suppeteret, nisi nobis epistolas Theophrasti, eiusque successoris Stratonis Lampfaceni, Phalarei, Crateris, in quibus præclare illum, facundeq; philosophari aiunt solitum, Aristotelisq; ante alios fata inuidissent. ætatem hæc egregiè tulerant usque ad Simplicij, Phocijque Præsulis Constantinopolitani tempora, quorum hic in epistolis suis, quæ apud nos calamo exarata afferuntur, earum meminit, ille, dum prædicamenta eruditis commentarijsexponit, argumenta inde sumit adstruendi, in eo styli genere Aristotelis elegans ingenium sic excelluisse, ut neminem nisi maximo intervallo proximum haberet, quod Demetrius quoque acris iudicij auctor animaduertit, demonstrationibus epistolaribus sæpenumero illum usum asserens, quæ familiariter loquenti minùs sanè congruunt. Ad latinos ergo sermo deflectendus, Annæumque Senecam in primis, cuius litteræ sicuti sententiarum gravitate summâ, verborumque non vulgari elegantia ornantur, ita ad id quod volumus probandum mirè faciunt, cum Lucilio non aliter, quàm inter eiusdem doctrinæ æmulos fieri coram consuevit de philosophicis rebus differentes nonmodò quæ mores instruunt, suntque Stoicorum præcipuum peculium, verum etiam de dialecticis, de physicis, & quod magis mirere, de sophistarum argutiolis, quas vna cum physiologicis Demetrius Phalareus ab epistolari charactere longè arcet. Plinius sanè iunior non ita parcè per diuerticula scientiarum diuagatur, ut relationem in epistolis rerum familiarium non egrediatur aliquando. quod lector haud indiligens facile dignoscet. Varro quæstiones per epistolam multas, ut Gellius tradit, explicauit, quod, & Valgium Rufum

Rufum præstitisse in eo libro, quem de rebus quasitis per Epistolam inscripsit, Carisius, eruditus autor testatur. Ciceronis epistola ad Cassium plena est Epicureorum spectris, atq; intellectiuis imaginibus, quas illi phantasia tribuunt. erat. n. Cassius de illorum grege, qui illecebris deliniti voluptatis virtuti nuntium remittunt, vt ex eius responsione videre est, quæ in eo occupatur maximè, vt demonstret sodales suos virtutem à voluptate non seiungere, sed ^{† φιλήδονον} eundem putare, ac ^{† φιλόκαλον}. horum Cicero ipse in dialogis acer aduersator fuit. Igitur de quibus rebus otiosi cum erant, de eisdem nonnunquam per epistolam loqui consueuerant. quod ex illa quoq; patet ad Varonem, vbi se de possibilibus secundum Diodorum sentire ait aduersus Chrysippum, cui Varro fuerat addictior. Attico verò scribens de modo visionis, eò se demisit, vt problema Opticum Geometrico ritu explicuerit adhibitis etiã ad schematographiam litterarum elementis hunc in modum, sit aspectus a. quod videtur b. c. radij d. e. & quidem, ne quid ad disciplinam scholasticam deesset, quod recentiores de ludo solent, sermone Græco, quo pariter vtitur in analogia reddenda nominum gentilium, quæ ab Opunte, Phliunte. Sipunte deriuantur. porro cui fas eiusmodi miniloquijs, vt cum Tertulliano dicam, paginas implere, quid stylo epistolari indecens putabit? Non tam mehercule Aristippum illum philosophiæ Protea res omnis, atq; color decuit, quàm epistolam decet: quam Anaxagoræ e-
quidem ^{† πανσπερμιαν} potius vocauerim, aut pandecten iurisperitorum, si eius vsum multiplicem respiciam, finemq; cuius potissimum causâ instituta fuit. Et verò si nihil est, quod illâ magis naturam scribentis, indolemq; indicet, prodatq; , nempe vera animi nostri effigies; quis erit adeò sui simulator, qui possit tantisper personam alienam proprijs moribus inducere, dum scribit? contrà est, quod ille summâ cum ratione verè non minus, quàm venuste ca-

† Voluptuosi.
† Hunc
† si studio
sam.

† Ομοσφαιαν
† μιαν
† μιαν
† μιαν

LII 2 nit:

nit: Nautæ deventis, de tauro narrat arrator: præcipue in epistolis scribendis locum habet. epistolas Medicinales, Asclepiadæ legales Sulpitij, ac Scæuolæ; Martias, & minarum plenas, viri bellatores; sacras Imperatores humano generi præfecti; miscellaneas philologi; Synodalis accyclicas exarat cœtus in vnum coactus conscriptorum patrum. cur enim non ego ad exemplum nostros quoque euocem, qui cœlestis doctrinæ per epistolam pleraque tractarunt? Paulumque, in primis non aliâ viâ incedentem ad Euangelium remotissimis à Iudæâ gentibus vulgandum? Huius disciplinæ alumnus (nam reliquos prætereo) Dionysius Areopagita, quâ vir sanctitate, quâ facundiâ, Apollophanis memoriæ dum regerit ecclipsim illam, quæ ultra naturæ legem seruatoris nostri mortem subsecuta est, non ne ita epistolam suam arcanis rerum cœlestium infarcit, ut nisi quis benè doctus fuerit rerum astricarum, vim argumentorum vix queat assequi? Synesius quoque, Ptolæmæidos præsul græcorum, quos serior ætas protulit, eloquentissimus plures edidit epistolas eximio lepore præditas. his gaudet, dolet, iocatur, disputat, profanis sacra admiscet, & quidem Eleusinijs multa sanctiora; Episcopos consulit de rebus arduis; Alastoras homines, ac publico damno natos dirisagit; & si quid ad rem facit, quomodo debeat clepsydra construï ex arte præcipit. Nec vltimum Græciæ decus nobis reticendum. Georgius Gemistus, Bessarionque Cardinalis, quorum epistolæ apud nos extant controuersæ de philosophiæ platoniciæ mysterijs, vna cum Theodori Gazæ epistolari disceptatione, vtrum natura consulto agat ad G. Trapezuntium, qui contrariam thesin tuebatur. pluribus quid opus? ne agrestibus profecto caremus exemplis, aut piscatorijs, ex ingenio fictis illis quidem sophistarum. non inficiamur, sed quibus simile vero insit aliquid, quod suadeat, posse genus id rude licet hominum, nisi charta, & graphium defecerit, litterarum ad suos transmittere

mittere nonnihil, piscium capturam, & rus merum olens. cum ergo rationum satis sit ad id, quod principio sumpsi-
mus probandum; exempla verò præclarissimorum aucto-
rum, & extra omnem aleam reprehensionis positorum etiã
superfint, restat, vt eorum argumenta soluere tentemus,
qui secus sentiunt Demetrij autoritate maximè permoti;
is .n. primus, vt videtur, epistolam liberè quã rerum lati-
tudo panditur antea vagantem, eisdem planè finibus coër-
cuit, quibus amoris, atq; officij expressio, atq; id genus
blanditiã, quæ ab amicis mutuo vsurpantur, circumscribi
solent, iure, an iniuriã neminem fore arbitror, qui, modò
nostra legerit, sit dubitaturus. Vellem equidem grandes
illæ epistolæ Tiberij Cæsaris extarent, quibus ipse Capreis
manens, quò eum conscia mens scelerum retruserat, Sena-
tui conuitium frequens faciebat quòd fidiculas, ac cru-
ces otiosas esse paterentur, quòdque rarior vncus in Gemo-
nias damnatos traheret. inde sanè cuilibet facilè liqueret,
lenisue, ac venustus epistolarum semper esse debeat chara-
cter. Sed factum benè quòd reliquas nobis fortuna fecit
Phalaridis Agrigentinarum tyranni litteras atrocis ele-
gantia plenissimas. nam de Philippo quid dicam Macedo-
nis Alexandri patre? quem adeò blandè petijisse per lit-
teras à Lacedæmonijs par est, liceret ne sibi per illorum fi-
nes copias traducere, vt responsionem monosyllabam ac-
ciperet, quæ petita erant arroganter, liberè negantem.
eiusmodi plerasque Marci Bruti legimus, hominis licèt Ro-
mani, græcè tamen scriptas. in quibus viri ingenium agno-
scas, acre in primis illud, nec ad delicias faciendas natum.
quibus si omnes omnium epistolarum pagellas implere per-
gimus, nã ad sodales solos, quibus cum nobis plurimus, iu-
cundusque intercedit vsus, tabellarij erunt missitandi. regi-
bus verò Musarum vetandum interdicto, ne posthac nisi ad
æquales suos, atq; combibones de rebus planè leuiculis,
& verbis conscriptas perquam simplicibus dent litteras.

fed

sed ad eadem, quæ à me dicta sunt superius, relabor haud
 operæ ob pretium. cum nulli dubium iam sit istos episto-
 lari stipiti tribuere, quæ vni ramorum ex eo pullulantium
 conueniunt, familiari nempe, & quem philicum, hoc est
 amicorum collocutionibus peculiare Proclus vocat, vbi
 epistolarum species recenset, nisi fortè inuidiam nobis creat
 Aristotelis, quæ Demetrio pro muro est, summa autori-
 tas. illum namq; ait in epistola quadam hisce verbis vsum
 „ non id tibi scribo, non enim est epistolæ conueniens.
 „ quasi verò plurima non sint, quæ litteris tutò minimè cre-
 „ duntur, non quòd eorum pondus ferre minùs queant, sed
 „ quia negotio nullo illæ resignantur; quamuis sigillo Sphyn-
 „ gis fuerint munitæ. quòd in causâ quoq; fuisse arbitror,
 „ vt Heraclitus ad Hermodorum scribens eandem ferè di-
 „ cendi formam vsurparit inquiring. te conuento mihi
 „ opus est, vt pluribus de rebus tecum agam, quas quòd
 „ ego summo opere arcanas, silentioq; suppressas cupio,
 „ litteris non trado, ne cuiusquam animùm offendant in-
 „ terceptæ. nihil enim minùs panditur in vulgus, quàm
 „ quod vnus aliquis vnus fidis auribus committit, maxime
 „ Heraclitus Hermodori. hinc factum, vt Cicero quæ pa-
 „ lam fieri volebat, vel coràm, sed remotis arbitris, Attico
 „ suo, hoc est alteri sibi. vel si per epistolam non nisi in scir-
 „ pis, & vt ipse ait, [†] *διὰ ζήτησιν* neq; .n.vllis litteris commit-
 „ tendum est, quod si prolatum sit, molestè feramus. Cui-
 „ certe Plancus plura se Furino legato verbo, quàm scriptu-
 „ rà mandata dedisse scribit, vt & tutiùs ad Senatum perfer-
 „ rentur, & ipse esset tutior. huiusmodi interpretationem
 „ locus Aristotelis cum capiat, etiam si vis ei non adhibea-
 „ tur, non eo nos adiget opinor, vt mutare nobis sententiam
 „ necesse sit. Et de epistolari argumento hactenus. Nunc
 „ de orationis genere, quo illud explicari debeat; pauca a-
 „ diungentes, nec in hoc quidem Demetrio assentiri possu-
 „ mus dicenti, è venusto illud, ac tenui constitui, quod ne-
 „ mini

† Ex
 gnif.

mini sanè mirum videri debet, qui secum reputet non aliter nos constare nobis potuisse, nisi postquam epistolę haud paulo latiores, quàm ille, fines attribuimus, non vniformem quoq; stylum rei planè multiplici statueremus. rerum imagines, atq; notas explicatrices esse verba nemo negat, verborum literas. si igitur argumentis per epistolam tractandis grauitas accedat, ac sublimitas, quod non esse ex eorum numero, quę fieri non possunt, iam ostendimus cui nam erit dubium eis non solam tenuitatem orationis conuenire, atq; venustatem? In dialogo res fiet, nisi fallor, clarior; in quo licet infra epistolarem characterem posito, quod ad exilitatem sermonis attinet, non modo granditas inuenitur dictionis aliquando haud multum panegyricis inferior, verum etiam dythyrambis congruens oratio. Herent adhuc animo verba illa Socratis in Phædro ab Dionysio Alicarnassæo quoq; animaduersa, quibus ita Amoris laudes fuit prosecutus, vt infantes propè æui sui Rhetoras præse ostenderit. Ciceronis verò qualis encomiastica illa repositio in Academicis M. Varronis viri amicissimi, & quidem præsentis in Cumano data auribus? tu ætatem patrię, tu descriptionem temporum, tu sacrarum iura, tu Sacerdotum, tu domesticam, tu bellicam disciplinã, tu sedem regionum, locorum, tu omnium diuinarum, humanarumq; rerum nomina, genera officia, causas aperuisti. deductum ne aliquid, & quod sit familiari consuetudine attritum sapere videtur, an summã curã, ac studio ab ingenio omni elegantię genere exulto perpolitum? sexcenta istiusmodi habentur, quę proferri possent, si res exemplis indigeret passim apud dialogorum scriptores obuijs; nec nos ad epistolas, quę nobis nunc cura est fermè præcipua, properaremus. quarum de genere quanuis numero maiorem copiam feligere sibi quisq; potest, cui primores Græcorum, atq; latinorum, qui scribendis epistolis inclaruerunt, haud sint ignoti, nos tamen ad Platonem ipsum,

ipsum, Demosthenem, & eius emulum accerrimum Æschinem, Synesiumq; ex Græcis quin digitum intendamus facere non possumus, ægerrimè hercule ferentes, quòd Thucididis, Xenophontisq; cuius fragmentum citatur à Theodoro ex epistola de Platonica disciplina, & Aristotelis in primis epistolæ temporis iniuria amissa, non sint in manibus, quas à se laudatus vehementer, Demetrius tamen ipse grauiore putat, quàm quæ pro familiaris styli regula ponantur, è latinis verò non tam Ciceronem, quàm ex ipsius epistolis singularem illam ad L. Luceiū numero exemptam ad exemplar damus præfati ipsius autoris testimonio plurimum ei artis, nec minus eloquentiæ luminis inesse, quanuis ipse alibi plebeio sermone cum Peto agere se dicat in epistolis, verbisq; quotidianis. quæ cum à me scribuntur non à lectoribus accipi perinde velim, ac si in conscribendis quantumuis grauibns epistolis Rhetorum myrothecia consumenda censeam. non ea mens animo. orbes ipsis suos ad detinendas concionis aures anxie tornatos equidem relinquo, figuras orationibus aptas, pigmentaq; & id genus [†] Lecytos Aristophanis scommate derisa non inuideo. tantum oro, per hos nobis Lycurgeos liceat, saltem dum ad Reges, insigniq; viros præstantes dignitate scribimus, vt ait Pindarus, non iam pusillis amplius flare tibijs, epistolamq; tenui auenâ meditari. quòd præcipere Demetrium quantumuis de studijs præclare meritum insuper habeo, cum videam Theophrasti magistri sui præceptorem, vt cæteros omittam, ipsomet quoque referente aliter sensisse. sensisse autem è imo, quod multo est plus faciendum, scripsisse ad Antipatrum præcipue, atq; Alexandrum. enimuerò binæ sunt epistolæ, Platonis vna ad Dionis propinquos, Demosthenis altera ad S. P. Q. Atheniensium de Licurgi liberis, quas ego Demetrio oppono non magis quod ad tenuem pertinet dictionis formam, atq; eloquentiæ frugalitatem, verum etiam, vt eius
sen-

† *Polymnia
taxis.*

sententiam refellam (vtraq; enim harum satis longa est) de epistolarum breuitate. cui ille sententiæ ita pertinaciter est additus, vt litteras paulo prolixiores, syngrammata, hoc est, conscriptiones appellet, quæ nihil aliud præferant epistolæ, præter vale, ac rem bene gere, quæ boni omnis gratiâ adiungi solent. quod si verè dici iudicatum fuerit, iam non vsu epistolæ magnitudo, vt par erat, sed cubitis, perinde ac Ægyptij agri annua vbertas Nili incrementa subsequens, erit metienda. quæ igitur iustos terminos, præscriptamq; breuitatis mensuram quattuor, aut quinq; ad sūmū lineis excefferit, euadet statim, ^{ὑπερπεπρωτος} ^{† Immon} non amplius epistola dicenda, sed quod vis aliud ^{astia.} puto Soritis huius maximam absurditatē quemlibet prospicere, quæ eò demum rem deductura est, vt epistolam dudum obsignatam, si quid ei occasione admoniti, vti fit, adijcimus, dum serus nos tabellariorum abitus moratur, in longè diuersum, quàm fuerat, mutemus scriptionis genus, & quidem argumento, dictionisq; caractere nihil immutato. quanto ille melius, cui concisa Homeri poëmata videntur quauis ea in xlvij. libros censura criticorum distribuerit, quod illis nihil omnino demi possit; contrà verò Antimachi epigrammata prolixa, in quibus reiectanea supersint plurima, & quæ plus habeant putaminis, quàm nuclei? M. certe Tullius, quo solo, vel cum paucis stant fortunæ latij, hoc Demetrii scitum dignum profectò quod Ephori Laconum decreuissent, non Atheniensium orator longè facundissimus, aded contempsit, vt cum T. Volumnius, Pomponiusq; se illi Atticus purgasset, quod in epistolis ad ipsum garrulus ultra modum sibi visus esset, inquit quod de Archilochi lambis Aristophanes grammaticus, idem se de illorum litteris existimare longissimas quasq; esse optimas. nec sic quidem ipse dixit; secus autem fecit dum ad suos scriberet. complures in epistolarū voluminibus comperies, quæ sub ipsius nomine circumferuntur sententia-

M m m

rum.

rum, ac verborum copia vberrimas, vnam verò maxime ad Q. Fratrem Cæsaris Anticatores exaquantem; quam tamen aded eruditi omnes suspexere, præsertimq; maiores nostri Reipublicæ Venetæ optimates, vt narret in epistolis Franciscus Barbarus Hermolai illius auus, qui renascentibus litteris non ingenio magis, quàm industriâ, qua plurimum pollebat, haud parùm contulit, illius exemplar proficiscentibus in prouinciam prætoribus dari in mandatis solitum, vt haberent, vnde præcepta sumerent æquo iure subiectos suæ ditioni populos regendi. hæc fermè fuere, in quibus à Demetrio autore præclarissimo disceribamus, quæ quoniam in vniuersum characteri cōueniunt epistolari merito præmisimus. Nunc antequam in singulas quasq; epistolarum species stylo diueramus, non abs re fore sumus arbitrati, si Gregorij Nazianzeni, quem nos sanè virum Demetrio parem, ac plane æquilibrem statuimus, de totâ hac re sententiam explicauerimus ab eius epistolâ ad Nicobulum desumptam. quæ cum ex earum numero sit, quæ in lucem nec dum editæ apud nos in thesauris Musarum asseruantur, non iniucundum hominibus nostris puto fuerit, si à nobis latine reddita hîc subiiciatur.

Gregorius Nicobulo S. D.

Epistolas scribentium, nam id quoq; rogas, nonnulli longiores eas conscribunt, quàm par est, breuiores alij, & vtriq; non aliter aberrant, quàm qui citra scopum, vel extra iaciunt, aberratio enim similis videtur, etiamsi à contrarijs causis emanet. erit ergo mensura epistolarum optima, necessitas, nam neq. prolixior scriptio rem decebit arctam, nec contra vberem restrictior, nisi quis metiri cubito sapere voluerit, atq; ita sanè scribat, ac si ne scriberet: & si non potius meridianas vmbas æmulari studeat materiæ subiectæ magnitudinem adæquatam, ac congruam attribuens.

Et de breuitate hæc sufficiant: si id adiunxero, Laconismum

mum non esse, vt tu reris, syllabas scribere perpaucas, ve-
 rum de plurimis perpaucas; sic ego & Homerum breuilo-
 quentissimum existimo, & effusè garrulum Antimachum,
 qui non syllabis dimetiri scriptionis magnitudinem didi-
 cerim, sed rebus. De perspicuitate autem epistolæ sic cen-
 seo, oportere eam ab oratione Rhetorum digressam, quo-
 ad eius fieri potest, ad familiare alloquium deflectere. &
 verò ille in eiusmodi characteris genere omne tulit pun-
 ctum, cuius epistolis & rudes iuxta, & eruditi capiuntur;
 hi quidem, quia supra commune ingeniorum fastigium as-
 surgit, illi quod communem non excedit captum. alioquin
 absurdum, ineptumq; æque puto enigma omnium intel-
 lectui obuium, ac epistolam, quæ Oedipode enarratore
 opus habeat. Tertium quod in conscribendis litteris re-
 quiritur est Græcorum Charis, tu leporem, seu festiuita-
 tem dixeris, quam tum demum assequi poterimus cum ita
 temperabimus stylum, vt nec omnino squalleus, ac ieiun-
 nus ab omni genere sententiarum, prouerbiorum, apoph-
 tegmatum, scommatum abhorreat, nec his ad fastidium
 vsq; abutatur. illud. n. subagrestis fuerit, hoc intemperan-
 tis, ac planè immemoris non secus lepidiora ista intertexta
 literis, quàm vesti fila purpuræ placere. tropis rarò admo-
 dum, eisq; non inuerecundis est vtendum. antithetis ve-
 rò, ac paribus membris, & id genus Rhetorum phaleris
 haud vnquam serid. nisi forte vbi ludere iuuat, vti fit per
 iocum. Deniq; quod non inelegantis ingenij virum de a-
 quila dicentem olim audiui, cum aues Regis legendi cau-
 sâ vnaquæq; exulta pro censu, ac opibus simul conueni-
 rent, ipsam pulcherrimam ob id maximè visam, quod mi-
 nimè sibi pulchrâ videretur. idem ego de epistola dico, exi-
 mij ornatus illi fore loco natiuam, & omni carentem fuco
 pulchritudinem.

Hinc facile, nisi me fallit animus perspicitur quid de an-
 gustis epistolaris argumenti finibus, & eius breui explica-

M m m 2 tione

tione vir ille senferit, qui præter diuinioris sapientiæ ar-
 na, vnde ei Theologi cognomen summâ omnium consen-
 sione olim hæsit, nullius philologiæ partis ignarus, in epi-
 stolis conscribendis admirabili fuit facultate. quarum hoc
 tempore singillatim ideas recensere nobis est necesse, si
 promissi fidem volumus exoluere. sunt itaq; quæ à Proclo
 Lyceo Platoniorum procerum πολυγραφώτα recensentur
 xl numero plus minus. futuræ multo sanè plures, si volet
 vsus, nec tempus in se volui desinet, cui reperta huiusmo-
 di maximè debentur. has nos magnâ ex parte græcis no-
 minibus indigitabimus à philicæ epistolæ ideâ ordientes.
 Philica est, quæ non tam ab amico ad amicum textitur le-
 uidenfi filo, quàm declarationem in se continet mutui amo-
 ris. patet autem larius, quàm se extendat veræ amicitiae
 germanitas. cuius exigua admodum paria post natos ho-
 mines nomine ciere possumus. nam, & viri magni, quiq;
 coli, potius personæ, ac dignitatis gratiâ, quàm amari so-
 lent, ad homines sæpenumero humiliores, & non sui cen-
 sūs scribunt peramanter. & quos inter nulla, aut perquam
 exigua necessitudinis intercedit causa, plerunq; verò etiam
 offensionis, si casus tulerit, videbis istiusmodi literis uti,
 vel abuti versūs, ut amicitiae obtenta id obtineant, quod vi
 extorquere obuium haud æquè foret. non enim ita crustu-
 lis pueri ducuntur, ut maturæ ætatis homines potentio-
 rum blandimentis. Huiusmodi nonnullas vel inter Phala-
 ridis literas inuenias, aded amicitiam loco simulare soler-
 tis est, & cui nonnunquam vulpinari expedit. prioris gene-
 ris exemplorum sunt plena omnia, quæ missa facio, vno,
 vel altero contentus.

Iouem Philium testor semisse me mei viuere à discessu
 tuo; nec sanè id mirum potiore animi mei parte tecum
 hinc profectâ; reliquâ verò, quæ remansit domi, admo-
 dum ægrè tolerante tui desiderium. quod me ita conficit,
 vt Theocrito planè iam assentiar dicenti, amicos vel vnum
 diem

diem inter se se diffitos senescere. hoc sustentor modò,
quòd de te omnibus horis cogitando, loquendoq; pluri-
mum cum summâ testificatione tuorum in me officiorum,
& mei in te amoris te præsentem fingo, sicq; mihi impono,
donec tempus abeat annuæ præturæ, quod tam mihi lentè,
testudineoq; gradu progredi videtur, vt in mentem veniat
vereri, ne quis ei alas præpetes inciderit. ab hac opinione
nihil me facilius deducet magis quàm tuæ crebriores literæ,
quæ me propediem te adfuturum reddant certiore. Vale.

Necessitudinis nostræ veteris memoria ita mihi fixa,
immotaq; manet, vt eam præsentis fortunæ indulgentia,
munerisq; amplitudo abolere nequeat. alijs equidem quia
gravis pro dignitate, verendusq; videas, non renuo; tibi
excusâ omni seueritate idem ipse ero, qui quondam fui,
dum longos otiosi soles rure condebamus de philologiâ si-
mul colloquentes. huius rei, quantumq; causâ tua cupi-
mus, vti facias periculum, nisi verbis te exorari sinis, at sal-
tem exemplo suaderi patere in eo nobis obsequendo, de
quo familiaris noster Mnaseas, qui tibi hanc epistolam red-
det, tecum aget. nobis certè pergratum erit, tuorumq;
omnium simillimum, si rem perfeceris, cuius gratia illum
ad te mittimus. Vale.

Παρανέτινι est, quâ quis hortatur aliquem ad virtutis ca-
pescendum decus, aut dehortatur à dedecore. hanc non-
nulli cum suasoriâ, & dissuasoriâ coniungunt, vel confun-
dunt veriùs, mihi, quod volunt, minùs suadentes, quod
hortamentis ad decus nemo ita aduersatur, vti contradi-
cat, nisi priùs pudère dedidicerit. quis enim, modò ne
Diagoras, monitorem arguat, quòd sibi præcipiat, vt pa-
rentes colat. Deos veneretur? at suadenti bellum solent
refragari, pacis studiosi, ea memorantes, quæ Mars amès
affert, cædes, incendia, rapinas, vastitates vrbium, & re-
liquum Erynnium choragium. prioris formula hæc fuerit.
Paruum ego te satum meo genitum eduxi domi ad istam vsq;
ætatem

† Exhorta-
tina.

ætatem liberalioris disciplinæ docilem, quam ut capesce-
res, ipse primùm, quasi parum foret semel genuisse, ani-
mum tuum ad humanitatem adhuc planè rudem politiori
cultu efformavi, post ad Euganeas te Athenas, tanquam
ad mercatum doctrinarum mittens præcipuo philosopho-
rum, qui istic stipendia Musarum merent, commendavi,
vbi si monitis meis obsecutus, veluti in pulcherrimo virtu-
tis stadio, ut impigrum addécet cursorem, gradum promo-
ues, est quod mihi tibiq; gratuler, breui fore autumans,
ut nec te pœniteat laboris, nec me spei, quam de tuâ pro-
fectura in dies indole concepi. Sin autem posthabitâ au-
toritate vrbis, ac doctoris, desidiâ studijs prætuleris, tu
quidem existimationis propriæ decoctor serò flebis inglo-
rium, & sine honore reditum ad tuos; ego verò veruecem
*pro filio non feram; præsertim cum te non ad Æorum pascua able-
gauerim, sed in ea loca, unde decus sudore partum reportari solet.*

Æstate ne penulam teras, cum vel interior tunica est o-
neri, puto te verbo veteri edoctum, unde nos corollarium
deducimus haud tibi sanè minùs vsui futurum, pecuniam
ne prodigas, cum opus non est, sed nece sstratibus seponas,
quæ & crebriùs incidunt, quàm reris, & æra acriùs effla-
gitant, quàm ut vel diem differri solutionem patiantur,
harum igitur obiurgationes, si te imparatum inuenient à
nummis, simul foeneratorum fraudes, si te ad eorum sco-
pulos tempestas tulerit, reueritus, arcæ *ut parcas, censeo
unde frustra tandem hauries, nisi parce hauris. Vale.*

Si apud vos, quod ex animo velim, tempestas illa belli-
ca desequijt, modò ne ad otium, censeo, ut te ad quietem
dedas. tantum enim illud vires, vigoremq; ingenij resfol-
uit. desidiâ, ortiq; ex eâ luxûs puluinar, quantum hæc re-
ficit, ac fouet, sedula studiorum nutritrix, ac Musarum co-
mes, quamq; si vitæ pretium vocaueris, nobis à Dijs im-
mortalibus tributum, ne laboribus fracti labaremus, haud
multum à veritate aberrabis. mihi quidem non aliter vide-
tur,

tur, modò quies inquires non sit, negotiolis curtis, ac friuolis referta, cuiusmodi nimium quantum curiositas, si habenas illi semel laxaueris, amministrabit, bonas tibi horas ereptura. melius porro ita negliguntur, quorum nobis cura accuratior neglectum affert, porioris frugis. sine clam te fiat, quod ad te parum, aut nihil refert, alioquin frustra te quieris studio iactabis, minutis plerunq; reculis districus. Vale. Dissuasoria exemplum.

Audio te bibliothecam, maiorum tuorum curâ comparatam, pretij cupidine illectum ad Britannos, si emptorem cupidum inueneris, perferendam ventis commissurum. nec me cohibere possum, quin frontem feriam, tragicumq; in modum exclamem, Dij nefas prohibete, & tale Veneto nomini dedecus auertite. Nam quid aliud nisi Glauci commercium id fuerit, ingentem Sophiæ thesaurum ditaturum posterorum animos vili planè metallo, æruginiq; obnoxio mutare? rapuerit, dummodo inuitis, olim Musarum instrumentum, doctamq; supellectilem barbaries, latium deuastans; posthac ne nos ultro decora nostra prodigamus. dices, canem esse olitorium illiteratum Codicum custodem, vel Draconem vigilem Hesperidum. demus ita fore. quid te vetat quæso olera, seu poma legere scientibus fores referare? aut quis tibi Deorum ex machina prædixit de tua stirpe oriturum neminem, cui hæc non fordeant? omnia vt te frustra habeant, nonne vides te vrbis pulcherrimæ genio facere iniuriam, cuius ornamenta inter nautarum sarcinas Oceanum ultra auehenda tradis? Pactolus me non inauret, velim hac exutum gaza, qua sine vel opes ipse inopes habentur; domini verò earum nihil aliud quàm Phryxeum pecus. Dissuasoria suasoriæ mixta.

Rumor ad nos pertulit, te ad exonerandam laris patrij familiam, numerosâ sobole grauata, seriò Carthusianismum meditari, sacrum vitæ genus, & planè diuinum, si suo per se pretio expensum, & non alijs rei ergò peteretur

multò

multo minùs illo dignioris, cuiusmodi est inempta, & ad victum, cultumq; abundè sufficiens annona. Laudarem itaq; consilium, nisi à necessitate originem traxisset, ventrig; mentem animi subijceret rei planè brutæ, ac inertis. nunc verò aqua mihi hæret, hinc præstantiam finis, quò iam tendis, inde occasionem circumspicienti, quæ tibi ad eius consecutionem ansam dedit. nec priùs sensum meæ sententiæ expediam, quàm tu de semita in viam rediens iter, ad quod accingeris, arduum quidem illud, & astris quàm terræ proprius, aliter quàm per decliue institueris omisissis omni ex parte diuerticulis, quæ non tam cælum, quàm præsepe petunt, messemq; alieno labore satam, ac collectam. Vale.

Μεῦτις, quam expostulatricem non ineptè dixeris, iustam de quopiam continet conqueſtionem. qualis hæc. Erat tuæ fidei, quàm mihi, cum apud vos essem, toties obſtrinxeras, mei absentis fortunam, existimationemq; acriter tueri aduersùs maleuolorum audaciam, cui leges, Themimq; adeò ipsam facile cecisſe non tam sanè miror, quàm amici veteris officium. nisi fortè vos parùm differre admodum putatis, aliquis ne conscensâ naui Adriaci sinus æstuaris, an paludem stygiam transnauerit, vtrunq; enim discrimine nullo ex oculis ereptum, quantum ad vos spectat, lethe excipit. quod si ita est, nã tu, cùm hæc nostra leges, apud inferos scripta causabere, vnde negant redire quemquam. omnino sanè aut istic nobis rupium instar marinarum fuerat hærendum, aut istinc soluentibus spes abijcienda omnis memoriam nostri apud vos mansuram. Vale.

Παρακλῆσις in deprecando maximè occupatur rei aliquis gratiâ, quam exorare nostra plurimùm interfit. Exemplum eius hoc esto. Bis quidem eodem exemplo proximè ad te scripsi, facile vt intelligas niniùm nos velle, imò vehementer etiam tacentibus nobis tempus flagitare, vt mature quantum fieri poterit. ad nos te conferas. incides in
discri-

discrimen ipsum existimationis, ac salutis nostræ, quam æmulis oppugnari acrius, quàm defendi ab amicis luctuosum mihi sanè fuerit, humanitati verò exitiosissimum, cuius iura non aliter tolluntur. Sed quid ego ista prosequor, qui sciam difficillimis meis casibus edoctus quàm expromptâ sis fide, ac sedulitate? an vt hinc agnoscas periculum non leue esse, quod me in preces, obsecrationesq; ire cogit necessarias illas quidem minimè futuras, vt spero, sed quales arduis in rebus ab his, qui maximis sollicitudinibus iactantur, adhiberi solent. Vale.

Commendatitia *Συστατική* à Græcis, quibus locos pertratarunt, appellatur, quod alicui quempiam veluti sistat, de manuq; in manum tradat exornandum, tuendumq; qualis egregia illa Ciceronis est Trebatium de meliori notâ Cæsari commendans. huiusmodi fuere *Συστατικαὶ* epistolæ Episcoporum, quibus solebant inter se scribentes veluti communibus testis commendare aliquem de grege, & vnde, & quò proficisceretur, indicare. erant autem, ne à quoquam adulterari possent, nō modò signatario annulo, sed & compendarijs notis communitæ. Dimissorias, formatasq; vocat Gratianus dist. 13. nominis ratione sumpta de Synodi chalcædonensis constitutionibus. Has Gregorius, cui à Theologia cognomen est, ait Iulianum Cæsarem plurimum sibi probatas æmulari solitum. nam Pacificæ quæ vulgò dicebantur à Systaticis parùm differebant, quarum Concilium Antiochenum meminit. dum vetat ne quis Pontificum alienum Clericum absq; sui Præsulis pacatis literis suscipere. Exemplum Q. Florentium mel, ac delictum Musarum modestia morum. veluti Æneam olim Venus, ne à quoquam dignosci posset, nube texerat. texissetq; porrò, nisi famæ illum prodidisset carminis eius elegantia, quod diu, multumq; arctè habitum nescioquo pacto ergastuli tandem claustris effractis, per ora studiorum summâ cum autoris laude vagatur. hunc tibi, istuc

N n n enim

enim ex itinere cogitat diuertere, plurimum commendo, non eius quidem rogatu, cui nomenclatores latuisse ambitio est, sed tuæ in spem gratiæ quam me initurum sanè reor, si tibi omnigenæ eruditionis virum indicauero, tuâq; consuetudine dignissimum. fruiere igitur quantum temporis pati poterit angustia, & nobis indicinæ præmia te debere dices. Vale.

Eὐκτιζὴν Græcorum nobis optatiua est, ea, quæ votis adprecamur, continens, cui opponitur *apeutica*. primi generis species quædam esse potest, qua quippiam auspicati ominamur summatis viris, quorum in clientela sumus, vel amicis magnis sub nouarum ingressum Iani calendarum polyetiam nempe, & plutoigyam. Exprimi non potest, quàm huius characteris semen sæcundum fuerit in Romana Curia, & plerisq; alijs Europæ regijs, vbi sub anni ineuntis tempus tot fascēs eucticarum litterarum videas, vt eas perlegere tædium non leue. conscribere labor sit Herculeus. non aliàs contra Brumę rigentis genium librariorum calamus sic feruet. nunquam Principum viro- rum magis palatium nauseat, quàm ad conspectum huiusce Crambis toties recoctæ. inuenti origo, cùm exemplum in monumentis veterum non extet, ita ignoratur, vt coniectura haud prorsus improbanda sit Romanos (nam Græcis cum strenua ipsa hæc ignota) id genus epistolis vsos boni ominis ergò Saturnalibus, cùm vltro, citro missitari munera mos erat quorum de numero vt istas etiam salutatrices chartas, quarum sed nondum calamo exaratarum inter Apophoreta fit mentio, fuisse censeam, facit cum Demetrii Phalarei auctoritas, qui tradit epistolam doni cuiusdam instar esse. tum Martialis poëtę locus, vbi carmina sua Marco debita Saturnalitium tributum vocat. parùm enim referre puto vrsâ ne, an prorsâ oratione Patrono officiosus cliens fausta omineris. præsertim cùm perabsentiam adefse nequeas, vnusq; de tam multis numerari, qui mutuo se im-

se impellentes per id tempus potentiorum limina obseruat.
 In sacris huius vestigium apparet manifestius ex veteri con-
 suetudine piorum præcipua quæq; festa per literas *εορτασιν* ac
 ob id dictas inter se mutuo prænunciandi, celebrandi;
 meminit huius iam recepti moris grauis autor Theodoretus
 in Epistola ad Hermogenem à Baronio edita Annalis 2.
 anno 263. Inde licet petat, qui hæc nosse cupit, *εορτασιν* ac
 ipse litteras festiuas nominat significatu laxiore, & qui
 omnes cohibet lepidè conscriptas, nos solennitatibus ap-
 pras vertebamus, cuiusmodi Ioannis Antiocheni pluri-
 mæ leguntur apud Græcos. vtcunq; sit nulla, quàm hæc,
 scribendi formula hodie frequentior, cùm, vt est ingeniosa
 adulatione dicam, an ambitio? ad solennes Natalitias ap-
 precationes Pascales etiam accesserint; vt iam non magis
 olim Cæsaris aures psittaci salutatores, quàm nunc isti a-
 micos magnos suis omissis literis obtundant. Exemplum
 Sospitem te annum climatera euasisse ætati isti Acrocerau-
 nijs ipsis scopulofiorum non tam tibi, mihiq; gratulor, cui
 incolumitas tua nihilo quàm mea ipsius est iucundior, quam
 Deum obnixè precor, vt calendas iam aduentantis Iani,
 optimumq; dierum Saturnalia in omnem hilaritudinem
 solutus peragas carus, optatusq; tuis, cunctis liberalis, de-
 inde alia, atq; alia, donec supperant in littore Lucrino ni-
 uei lapilli, quibus candidiores vitæ dies more Thracum
 numeres. Quod dum dico non modò pro te vota facio, sed
 pro studijs, literisq; postris, in quorum commodâ ætatem
 exis, eò conducibiliorem Reipublicæ futuram, quò lon-
 gior. Vale. *Αντιόχῳ* *ἡμετέρι* *ἀντιόχῳ* *ἡμετέρι* *ἀντιόχῳ* *ἡμετέρι*
Αντιόχῳ dici poterit ea, qua tristes nuncios abomina-
 mur, reiicimusq; Rumor inoleuerat hîc pridem à subro-
 strano nescioquo ortus te, quod omen Deus auertat, in-
 que caput autoris transferat, inter viuos esse desisse. Id
 ego, qui Charonte tabellario non ytor, nisi malignè con-
 fictum crederem, nunquam animum induxissem meum;

Nnn 2 vt lit.

vt litteras ad te darem, quas in campis Elysijs perlegeres. Superi ne sirint, vt quicquid inauspicati obrectatorum li-
uor domi meditaturn in forum attulit, adstruat euentus,
præclaris ingenijs tui persimilibus, quorum nominis fama
malos angit, esset nobis breui parentandum. nam, vt quis-
que in foro eminet, statim inuidiæ obijcitur istorum, qui-
bus odisse, quàm imitari multò est procliuius ignauis, lu-
cifugis, votiperinde improbi, ac irriti. tu non aliter vici-
sci velis bubones istos confectores tuos, quàm curando, vt
bene, diuq; valeas. hoc vindictæ genere nihil erit nobis op-
tabilius, nihil illis tristiùs.

O'νειδισμὸς nobis, qui latinè loquimur, est impropertio-
ria, ac conuiciatrix, quæ ingratitudinem alicui exprobat.
Beneficiorum ego nomina non facio, vt ingratos mihi du-
cam persequendos velut decoctores. bono igitur per me
sis animo, nullus te neruus vinciet etiam si te mihi liberè in
occursum dedas; nec post fori columnas latites, vt facis,
dum me procul vides. quòd si conscientia sceleris moueris
(aiunt enim te mihi pro benefactis quoq; maledicere) æ-
quiùs à Cœli conspectu abstineres, vnde fulmen iacitur,
mores istiusmodi vlciscens. Vale, vt es dignus.

Συγχαριστήριον latinè congratulatoria vocatur, quâ rebus
aliorum secundis collatari, quòd est summæ coniunctionis
animorum signum, consueuimus. Longum istum disces-
sum à nobis tuum, vt solito æquiùs feramus, facit prolixus
in te absentem fortunæ fauor. qui te procul à patria, dem-
pro omni industriæ labore Baijs oriantem insperato ingen-
tium opum cumulo ditauit. patruus enim tuus Pluti ille
condus è viujs excedens commodum arcæ excubare desijt,
te hærede institutò fortunarum, quas coaceruarat opinio-
ne hominum maiores. hac ego de causâ tibi vehementer,
Musisq; gratulor, quorum maximopere dignitati inter esse
reor clientes suos domi posthac lautius cœnare, ne illis ne-
cesse sit vnâ cum sodalibus Catullianis quærere in triuijs

voca-

vocationes: præsertim cum te sciam Theophrasti sententiam secutum, opinari felicitatem dignam sapiente, à fortuna commeatum sumere ad sumptus oportere, nisi velit redire ad Cratetis peram, qua te non admodum delectari solitum, cum apud nos esses, commemimus cura igitur, ut valeas, quod assequere procul dubio, si lentem longum valere iusseris, Geniumq; accuraris non indiliger. *Συμπράττειν* est, per quam amicorum incommodis officiosè indolefcimus qualis illa Seruij Sulpitij ad Cicero-

nem: eandem consolatoriam alij dixere, quamuis non leue discrimen sit, doleasne alterius casum, an demitiges. quæ tamen licet inter se diuersa, non raro commisceri solent. Pro veteri nostrâ amicitia tuo tali tempore scribere ad te aliquid debueram, quo vel lenirem dolorem tuum, vel dolerem saltem. id tamen adhuc non feci, quia neq; quicquam ad consolandum aptum succurrebat animo, in summo suo angore, alieno leu anime egenti: neq; mihi eorum mos satis probabatur, quicquidum fletibus suas ipsi lacrimas, quas celare magis oportebat, veluti camino oleû, infundunt. postea verò, quàm spem habere cæpi fore, ut teratio, dies, naturaq; aded ipsa tibi mitiorem redderet, facere non potui, quin has ad te darem voluntatis erga te meæ testes, officij monitrices tui; quod in hoc consistit, ne, dum amissi nati casum lamentaris, querelis nihil profuturis, superstitum te subeat obliuio; quibus sicuti tua est incolumitas vitâ ipsâ carior, ita illum ipsum, quem gemis hoc vnum puto apud beatos, si quis eo rerum nostrarum nuncius affertur, ægrè habet te animo angi rebus suis lætis. recordare igitur pristinæ tuæ ætatis studia, sapientiæ impensa, cui te non constantem probare in huiusmodi casibus ferendis, quæ cotidie nulli non incurfant, quid ni tuâ gravitate parum dignum fuerit, quam ex priori vitâ fac, si nos amas, ne desideremus. Vale.

Historica est, quæ aliquid contigisse narrat scitu haud indi-

indignum; de qua hæc Cicero libro ad Atticum secundo, *Si quid in ea erat, quam dedisti historia dignum scribe quàm primùm, ne ignorem. Exemplum.* Cor mihi haud ita pridem perfrigefecerat Andrea Mauroceni amicorum Coryphæi ægrotatio, iam tum animo, (vt est futuri coniector mirus) sinistri aliquid præfagiente. cum ecce feralis nuncius affertur vixisse hominem, nisi aliter Deo visum esset, non modo longiori vitâ, sed immortalitate etiam dignissimum. hoc ego nuncio veluti fulmine ictus ita concidi, vt complures dies dolorem meum neq; lacrimis, neq; lamentis promere præ mœrore quierim, ne dum litteris mandare ad te perferendum. quod nunc primùm facio, cum via iam ad querelas laxari cœperit, equidem inuitus: quis enim volens amico causa lacrimarum sit, quem lætum, & florentem in primis cupiat? sed tibi diutius non erat ignorandum, funus, cui flebilibus inferijs pro eo, ac debes. parentares, scito igitur Mauroceni nostri mentem corporis compage exolutam cœlum euolasse, vbi nunc pro Senatu, populoq; Veneto perpetuam legationem habet apud Deum, cuius iam fructum aliquem percipimus. priuatos luctus publicâ lætitiâ deliniturum. dum enim hæc scribo, fama percrebescit, vti spero, verax, pacem inter nostros, Austriosq; Principes coiisse. hæc habui, quæ epistolæ committerem, vti Pelia ritu simul animum sauciaret, simul persanaret. Vale.

Eucharistica gratiarum actionem continens, ad eum scribitur, cui sumus beneficio deuincti. exemplum. Facit beneficiorum tuorum magnitudo, quæ mihi paria tecum faciendi facultatem adimit, vt ingratus videar, non tibi quidem, qui nominum loco benefacta non habes, sed quibus gratitudo non in censu animi reponitur, verùm fortunarum. quorum ego sententia non ita moueor, vt mihi foro cedendum rear, aut post columnas latitandum, qui sciam agendo nonnunquam gratias referri, cum nec aliter persolui

solui queant ob inopiam, & nobis res cum illis est, qui sibi
 diu deberi minus ægrè ferunt, qualem te esse vti credam
 perucit animi tui liberalitas, cui cum non tam officijs cer-
 tare, quàm demereri per quàm plurimos pro mercede sit,
 sicuti nihil amplius hâc contenta querit, exigitur, ita nos
 quoq; pro materia ipsi inseruisse, in qua vires exerat, non
 indecorum putabimus tantisper, dum occasio nos, & co-
 pia respexerit. interea animum à suspitione decoquendi
 vindicabit grata meritorum tuorum recordatio. Vale.

Μετῃ μελάντιον est, qua utimur, cum nos alicuius dicti, fa-
 ctiue commissi aduersus amicum pœnitet, cuius exemplum
 hoc erit. Vtinam sero sapere Phrygum, quibus id prouer-
 bium adiudicat, & non potius mortalium quorumcunq;
 foret, quos abripi in errorem tam verum, quàm frequens
 est. non me facti modo pœniteret, quod, & lingua me-
 morare horret, & animus neminisse præ pudore refugit,
 qui nunc importunus adstat, meq; angit plurimùm, cum
 eo opus erat, aberat procul fugitiuus verùm velit, nolit,
 crimen, fatendum est, noxaq; subeunda, quam tu ipse ius-
 feris, idem à me graui iniuria appetitus iudex idem, nec
 deprecor ne inimitis nouissima exēpla meritis. modo pœ-
 na influxu quantùm vis atroci, expiati iam sceleris obliui-
 sci velis factisq; experiri sim ne post lapsum futurus tui stu-
 diosior. Vale.

Ἀπὸ λίσσης Græcorum minabundam latinè dixeris, quæ
 irarum minarumq; plena in eos fertur: qui nocendo iniu-
 ria vlciscendæ memores alios fecerunt huius tale exem-
 plum hîc adscribimus. Vnum tu sanè telum, cætera igna-
 uus, in linguâ perinde geris, ac in cauda scorpius. nisi quòd
 aduersus illius præfens venenum non alio admorsi scorpia-
 cò vtuntur, quàm in canem viatores soleant vltro ad latrâ-
 tem. nam tibi ne ferro cadas pro Aiæ clypeo contem-
 ptus est. is ad hanc diem iræ intercessit nostræ, quominus
 vltèriùs progressa abs te pœnas viro debitas expeteret,
 posthac

post hac idem ne ab ea obtenturus sit, non fat hercle scio :
præsertim si & tu admordere pergas, & ipsa, vt sui moris
est, remordere satagat. Vale.

Ἀπαρντική est, seu inficiatrix, qua nos aliquid dixisse,
aut fecisse pernegamus, huius exemplum hoc habes. Oro
te, vir optime, ne me ingratitude in similes, antequam
infantiæ conuincas. nam quæ mens mihi sana nisi gra-
ta fuerit, cui immortalia tua beneficia, tuq; horum præ-
clarus auctor semper obuersaris? sed bene factum, quod
crimen non alijs testibus adstruitur, quàm incertis famæ
rumusculis facta, ac infecta pariter canentis, imò potius
calumniæ, Eumenidum Dite genitarum bonis infestissi-
mæ, cui vel iuratæ fidem adhibere nec amantis est, viri, nec
prudentis, nec tui similis. Vale.

Afflictæ res tuæ effecere, vt qui infracto hucusq; animo
atroces fortunæ iniurias pertulerim, nunc demum nescio
quo pacto relanguescens acri doloris sensu miserè excrucier
non posse me inmani ipsius scelere tibi opibus lapso ne dū
vltro, quod mei erat muneris, verum ne litteris quidem la-
cessitus vllam opem ferre per summam rerum omnium ege-
statem, quæ antehac contubernalis non molesta, ex quo
primùm rescui te egere, Æternâ mihi sanè grauior videtur.
præsertim cū me ad me adigat necessitas, vt quam data ope-
ra premebā maxime, ne foret amicis oneri, ea iam sit scrip-
tis detegenda tibi amicorum optimo, ne putes voluntate
me tantum impediri, quominus onere te leuem egestatis;
cui ferendæ, (si consilium æquus pro ope accipis) nullum
maius adiumentum sum expertus, quàm vitæ antea actæ am-
nestiam, tolerantiam præsentis. Vale.

Ἐπαινετική laudatrix est, egregium alicuius facinus de-
cantans. pro exemplo hæc fuerit. Non ego si dicere laudes
te dignas nequeo, nullas ob id dicam Vir fortissime. facit
eximia tua pietas in patriam, quam vnus difficillimo eius
tempore consilio, ope, operâ texisti, ne cui, qui ciuium nu-
mero

mero cenfetur, illaudatus, ne indictus fis. materiam virtus, qua polles plurimum, verba affectus, studiumq; nobis abunde suggerent, quæ facundos reddunt vel elingues. nec tibi tuorum amor quin multo carior futurus sit, nutibus etiam expressus, dubitabit nemo, quàm Rhetorum fucata artibus oratio; cuius plerunq; fidei haud parùm obfuit. non tamen, vt nos tu gratos magis, quàm disertos velis, & disertum deerunt, qui te, quo decet ore, celebrabunt. ibis in omnium temporum annales, famâ tuâ maior, carmen eris maximorum vatium, illis ediscendum, quorum sanè interest, ne memoria intercidat benefactorum. Vale.

Παροξυσμὸν latinis irritatrix est, qua quis ad aliquid præclari audendum incitatur. Audiuerunt Diui tua vota, propitij luculentum otium dederunt magna, & præclara minanti, si daretur. Sed quæ sanè vereor, ne sub ipsius aduentum longe à te gentium facesserint. quasi verò tu otium non ea mente expetueris, vt negotium posteritatis ageres commodiùs, ea commentando, quæ tibi decori forent, alijs compendio; sed potius quo magis curis omnibus solutus vitam per socordiam transigeres, dum longa obliuia potas doctrinarum, quas te à puero egestas docuit bonæ mentis comes. eia ergo, te vrge, nomen expedi vnâ, eademq; operâ, nec opinionem de te nostram, nec tuammet ipsius fidem frustra habe. non ita te publice spei decoxisse inquires, vt immemor plani promissorum sis: sed ingenij victuros diu foetus tempore indigere antequam edantur. audio nec rationem facti iniquus improbo, modò ne tam longa ista parturitio murem nobis pro catulo elephanti pariat. Vale.

Ἐπιστολὴν, quæ à Græcis dicitur ad alterus epistolam, qui nos prior prouocauerit, respondet. Egone vt tuum carmen à breuitate minùs improbem, cui, vt Aristophani veteri olim Critico Archilochi Iambi, longissimum quodq; optimum videtur? Musæ vestram fidem: vnde tantus lepos, tam profluens facundiæ vena demanauit, nisi de me.

Ooo dio

dio Heliconis Fonte? nam illa de rosâ, & aquilâ quàm le-
pida. sic me Phœbus amet, vt gemina illa comparatio in
fine carminis posita totum Catulli Epithalamium, pulcher-
rimum operum, quę vnquam in certamen prouocat, fallor?
an ancipitem palmam redditura. Sed me comprimo. Epi-
stolę meę in volumine digestę malo tibi nec dum visę in
optatis sint, quàm lectas per otium fastidias. quas verò ex
tempore amicis properanter damus, reddimusue. has tu
quidem non aliter elicies, quàm ad nos scribendo. non enim
pudere adeò dedidici, vt posthac Luscinię cantu sim la-
cessiturus. Vale litterarię dignitatis columen.

Ἀναμνησικὴ, memorialis nostris, amico quasi aurem vel-
lit, vt meminisse aliquid meminerit. Vt parum te memo-
ria adiuuet, locus ipse vel aliud agentem admonere pote-
rit mandati. fori enim eam partem habitas populosę vrbis,
vt nuper est ad nos allatum, vbi pulpita ponere sua solent
præstigiatores, qui venum oleum exponunt, quo nobis
coëmpto opus est ad lucernę lumen periculi faciendi causa,
mirifica ne spectra circumstantium oculis obijeas, quod se
experiendo didicisse narrat non leuis autor nuper à me le-
ctus. Vale.

Ænigmatica est, quę non Davis, verum eis scribitur,
qui, vt Hortensius Orator olim, interpretem sphingem
habent domi. cuiusmodi hæc est à nobis verbis breuib;
concepta. Audio te fundum alienum longo situ ac vepri-
bus squalentem labore assiduo excolere noualis incuriosum
tui, nec periculo damni quicquam permoueri, ne alij, qui-
bus exemplo præis, idem audeant nec agricolationis iura
veriti, nec finalem Daum, qui semel ne an ter minus sit,
haud satis scio; illud modo iactari memini Ioni in Capitu-
lo concedere eum cellam noluisse. nisi tu fortè Platonice
disciplinæ æmulus omnia iam omnibus omnino annuis.
Vale.

Ἐπειλογιστικὴ est, quę vanis hominum cęptis insultamus.
Spei

Spei templum Romæ à Collatino extructum in foro olitorio accepimus apto sanè loco; nihilo enim magis blittum, ac lactuca flauent Austro spirante, quàm illa ad fortunæ subitos reffatus. Flavius noster, qui nuper à toga ad pallium transiuerat tantum non pontificale Dibaphum, Cydariumq; somnians, nunc militiam, & sagum meditatur in castra ad Allobrogas iturus, modo arca suppetat, quæ illum iam ære dirutum destituit. I nunc, & vitreis potentiorum pollicitis velifica. breui te pro portu scopuli excipient nequicquam tua vota improba, & deos mutatos Curia damnantem. Vale.

Vocatoria est, qua dies, vt in mutationibus solet, locusq; tempestiuus conuiuijs condicitur. cuiusmodi est sequens. Non ego, te plurimi non tam ioci, quàm cibi hominem iure Laconum nigro, vel Atticis oleribus accipiam, si vadatus geniali vadimonio ad me hodie cœnatum venis. absiste vereri, ne integra tibi fames ad betam, lactucamq; Epicuri fercula deferenda sit. perpetuus in clibano bostus tãquam Persarum Regi apponitur, quem equum Troianum iure dicas, cùm inspexeris eum tot faginas aues aluo continentem, quot ille Argiuos heroas Illo excidium laturos. ex eo per otium licebit carpas, quicquid voles, minimè sollicitus, ne patina te destituat citò circumlata. qui sciam placentis te mellitis haud oblectari, sanè accurabo, vt earum vices impleant aprugne glandes, congrimuræ, sumina, omnia, vt Thyn Paphlagonum Regem fecisse legimus, centena. Sitim leuabit Thracia vindemia capacioribus cyathis, quàm Nestoris fuit poculum, exhausta. Locus erit vmbri etiam quàm plurimis, ex earum genere, quæ ad moto lucernæ lumine haud sanè fugantur, sed magis, magisq; epulis hærentes edunt, bibuntq; multo obstinatius. Vale, & aduola; nihil enim vrbani magis tēporio conuiua nihil coquo gratius, quē male habet obsonia sua Vulcani cœnā fieri, dum plus nimio torrentur

longiori mora.

Recriminatrix ed culpam veluti pilam retorquet, vnde ad nos iacitur, vt in ista fit, quam hic apponimus. Sermone, & litteris multorum est ad me perlatum te fundi calamitatem tui flebilibus verbis sæpe nos vocare, quasi inde te vi facta, & non potius immani impenso pretio deturbauerimus fidem per amicitiae iura nostram implorantem, vt apud trapelitam praesentem pecuniam deponeremus, quae nomen expedires creditori, carcerem iam, & neruum intentanti. hoc tu beneficium vt iniuriam nunc voces, non recuso, modò iniuriae autorem vero nomine expressum cieas, quem fricillum. & aleas fuisse norunt collusores tui, quibus tu praeda eras, dum res, quam perderes supererat. has igitur tui patrimonij Symplegadas si dixeris, & me inuidiâ lenabis. & tu veriora ijs retuleris, quæ apud Sagram euenisse ferunt. Vale.

Συμβουλευτικὴν consilium alterius requirit. qualis hæc est. Neptis ætate iam plena nubilis verò est mihi breui elocanda, dote ita fanè non vulgari, vt vndiq; conditiones afferantur plenæ dignitatis. quas ego antequam morosus expendam, earumq; aliquam reliquis anteferam ad te cognoscendas mitto censu, domo, moribus seorsim vnicuiq; adscriptis, vt queam ad præiudicij tui Helicen cursum mei consilij dirigere, spe plenus sic omnia ex voto perinde successura, ac si fors fortuna auspex, connubijq; interpretes Iuno foret. Vale. aliud exemplum. Consilium res planè sacra, ideoq; Ioui Deorum parenti, attributa ea religione petraçtari debet, qua diuina solent procul omni affectu ablegato, quod in nobis cursum animi obliquat à virtutis via. cuius tibi diuerticula vitanda censeo, non secus ac Palladis arte olim Symplegades Vlyssi. eorum vnum est, & maximè quidem abruptum, in præceptsq; plerunq; desinens iactantia, suiq; anxium ostentandi studium, quo nihil reor profectibus nostris aduersari magis. Vale.

Ζητη-

Ζητηματικὴ ea erit, quā, veluti sciscitatrice formula solemus, vti, cū nodi digni vindice solutionem à doctis petimus exemplum. Delphos ad oraculum scitatum mitterem, nisi & illud maturè defecisset, & tu nobis superesses Pythia quauis ad docendum aptior. cū nec vera falsis ambagibus inuoluas, & certos de incertis reddas è vestigio, qui ad tuos trypodes accedunt. problema, super quo ambigitur, plusquam Archimedeum est, & hyemi, quę apud nos larem familiarem habet, consentaneum. ecquo nam aqua frigore gelascat? suone? atqui nihil in se ipsum agit: alieno? at nullum elementum aqua est frigidius, nedum circumfusus aër, qui, si ignem excipis, inter simplicia corpora, vnde calor venit, primas occupauit. hic nodus tibi vni fortasse solutu facilis, alijs inter Gordianos cernitur. responsum vt folijs mandes, contra Æneæ Virgiliani apud Sybillam votum, maximè oramus. Vale.

Ἀναθηματικὴ, nobis nuncupatoria vocatur, qua librum, aut tale quidpiam studio euigilatum nostro alicuius nominī dicamus. Cuius sub auspicio liber hic edetur, nisi tuo, qui, quod omninò squallet, tuæ limæ debet? ante foras quàm prodiret, tuus erat cliens; tuus porro erit, nec lux ei grata futura sit, nisi te ductore, monstranteq; viam, qua ad famam itur. quod tu sanè munus, quæ tua est humanitas, haud recusabis; maiora vix dum nato, atq; in lituris iacenti præstitisti. Efficiet, vt spero, autoritas, quā polles plurimū, vt à te non improbatum & liuor minùs impetat obtreptorum, & fauor (nisi voti id improbi) doctorum hominum pronior excipiat. Vale.

Λυπητικὴ est mœroris, qui nos angit, index. Inuitus facio, vt tibi, quem lætum cupio, mœrorem renudem meum, mæstitiam animo tuo allaturum; sed planè querula res est aggerata alia super aliam calamitas, post quàm moræ breuis interiectu vires à primis doloris ictibus resumpsit ad lamenta. pater rerum tutela mearum obijt nondum grandis
natu

natū . funus funere suo foror subsecuta , ne quid ad miseria deesset , pręgnans , vt vnus fatum gemina nobis vulnera infligeret , frater difficili cum morbo confligatur annum iam decubuit . patruorum alter cum naue , merceq; suo ære cōemptā fluctibus absorptus , dum patria illi ab Indis reduci in conspectu esset . Non vno nos fortuna telo , non vno infortunio arietat . pluribus vndiq; veluti factō agmine vrgemur , quibus vel stoica labasceret constantia , licet aduersus eiusmodi ærumpnas loricam indolentię opponat , adamantinam illam quidem , & adiumenti nobis multum allaturam , si in Chalybum inueniretur officinis , nec potius de cœlo caderet , munus præcipuum Diuorum quos vt opem propitij , boniq; tandem ferant , si iam satis , superque luimus pœnarum , supplices oramus . Vale .

Παραλογιστικὴ captiosa est , fallaci ratione animum decipiens , qualia Sophistarum argumenta quatergemino plerunq; pede incedentia . vnde exempla licebit sumas , ediscasq; (si tanti cum ratione insanire æstimas) Spongiam acino ebriosiorem esse oportere , quia bibax sit ; Solem , quodd cotidie in mare immergatur , fieri non posse , quin nator Delius euaserit , & id genus alia deliramenta pueris ridenda . nobis oblinere paginas huiusmodi acinis non vacat , quibus veritatis noscendę studium est , suadendę munus . vtinam ne pietatis nostrę homines plus nimio inclauissent friuolis hisce certaminibus , nunc iustis pro aris , & focis prælijs non desudaremus .

Διαβλητικὴ est , quam & Σπληνευτικὴν merito vocaueris , qua quis publici compertus criminis defertur , ne nocens lateat . Lethes ego libentiùs gurgiti immerissem Tatiani nomen . magis sanè meriti , ne memoraretur , quàm qui Dianę sanum Ephesi cremauit , nisi timor esset , ne ignotus parùm cautos falleret nocentiùs , nemine contagia vitante . vnde hīc apud nos pleriq; exitium traxere , traxissentq; plures , si ei vulgare virus diu licuisset per insomnes huiusmodi

modi morborum curatores. sed quia non satis fuerit ad
piorum omnium salutem, periculo partem eorum aliquam
defunctam, in commune nobis consulendum est, qui in ca-
stris Domini stipendia meremur, Tribunis copiarum sua-
rum imputantis, si vel tyro aliquis fraude hostis perit. il-
lum igitur exemplo, conuictu, affatu maxime non aliter
cauebis Antistes, coëxcubitorq; noster optime, ac vigilan-
tissime, quam olim populorum Alastoras veteres illi Pasto-
res finibus arcebant, quorum maxima curarum gregis sa-
lus erat nos officij nostri esse duximus, ut fœnum in cornu.
bos Thesiphones æstro peritus haberet. Vale.

Ἐπαρρησιζήν† officijs alicuius animum permulcet, ac con-
ciliat scriptori. exemplū. Cui ego potius mortalium, quam ^{† officio}
tibi cupiam, cuius beneficijs ita sum obstrictus, ut quan-
tus quantus sum, tibi acceptum feram? per te fortunæ pri-
mum, per te famę innotui: quod grāti, memorisq; homi-
nis munere perfungor tuum tuum est, tu mihi vires, ani-
mos ministras; ut tecum paria in amore faciam, unde mi-
hi census, nomen, vita demum venit, si modò vitalis esse
vita absq; ijs nequit, quorum autor ipse mihi extitisti, ut
cuncta, quæ mihi suppetunt pro te. tuāq; dignitate pro-
digam nullam aliam laudis partem consecutus fuero, quā
crimen ingratitude effugiam. perge porro. & meis pe-
rinde rebus, ac tuis utere. nihil hoc mihi gratius facere
nunc potes. Vale.

Abrenunciatrix est, qua cuiuspiam amicitia nuncius re-
mittitur exemplū. Postremum ut te hac epistola apellem, exa-
ctę necessitudini a me tribuitur. eius ego busto breui allocu-
tione parentare volui, & quasi vltimum vale conclamare.
posthac nobiscum idem planē fœdus intercedet, quod vi-
uis, æthereamq; auram spirantibus cum illis est, qui lethe-
um gurgitem transarunt nunquam redituri. indictus tu
mihi. inauditus eris, obeas, viuas; &, quid mihi iuris est
in memoriæ laterculum, immemorabilis, idem de nobis ut

tu

tu quoq; facias, rogarem, si precibus peremptâ amicitia locus superesset.

Μετρίασιν est. qua verecundè, ac modestè de nobis loquimur. Prolixè tu quidem mecum agis, ne dicam prodigè, cum litterati nomen, eamq; tribuis doctrinarum laudem, quam quia tu nullo labore emptum, diuinâ quadam sorte es adeptus, paratu quoq; facilem alijs existimas. ego verò, qui mei ingenij viribus diffusus pertinaci multorum annorum studio, sedulâq; irritâ licet præceptorum operâ, ad extremum vix sum affectus, vt mea mihi ignoratio nō ignota foret, secus de me sentio. nec aliorum spectare arbitror, quæ scribis ad me, quàm vt calcar addas non, vt aiunt, currenti, (cursum enim ilia ducens iam inhibeo) sed plne in salebris hærenti, nec amplius vialibus Dijs quicquam debituro. igitur quod facerem si ad me calceos Herculeos misisses, aut Entelli cætus, quibus Gynaastica prorsus rudis vterer in pugna, idem de laudibus, quibus me magisoneras, quàm ornas, facio; eas tibi remitto libens tamquam meo modulo incongruas non erit tibi à te longè abeundum, si cui magis ad amussim quadrent reperire velis. Vale. aliud. Ego verò affectui obsecutus meo de lacrymis laudem non quæro, culpam magis deprecor, quod longè impar muneri, ad deflendum tanti viri funus nullam mecum Rhetorum artem, nullam facultatem poëtices detulerim; quod si tibi aliter videtur sententiam tuam ita non refello. vt probare nequeam haud sanè ignarus amâti foras esse, dum amissæ rei desiderio afficitur, vbertim flere, disertis non item. cuius nomen mihi vt vsurpem, cum omnino copia destituar, etiam si me suaseris, non persuadebis. Vale.

Σχοπτήν liberiori ioco aliquem laceffit. exemplum. Qui nasi rudimentum, non verò nasum habeas legitimum dorso, columna, sphærio constantem. iniquè facis, cum non secus, ac nasutus fores, nos subsannas: floresq; ita naribus

nibus adpressos olfacis, vt omnium oculos etiam aliud agentes ad eam conuertas vultus tui partem, quam spectari minimè omnium oportuit. Rinocoluritanis erant tibi imitandi, potius, qui quo magis in tenebris laterent, veterem patriam Persicæ solitudini posthabuere Græci licet, & suæ gentis victoriâ animis elati. Sed quid ego Rinocoluritanos hîc commemoro, cum Ceruorum exemplo sapere potueris in auiâ locorum se proripiētium cornibus amissis? nisi tu excorhem esse, quàm turpi viuere naso putas inhonestius. Vale. Aliud. Tu te creasti mi homo, sortis tuæ fignlus. tibi ipse gentem, tribum, patriam optasti, imaginis iura, locum in spectaculis, nomini prænomena dedisti. ex te primùm stemmatis tibi per otium effecti linea excurret in nepotes seros. vltcrius, ni velis in Erebi caliginem incidere, suadeo ne progrediaris: chaos exinde est vapum, noxq; intempesta omnia inuoluens, ne fabulæ quistem locum præbitura, vbi pedem figat. Vale.

Mixta hæc vocatur græce, eadem latinè mixta ex varijs constans characterum generibus, qualis sequens est, quæ gaudet, dolet, consulit, minatur, petit, nunciat vnica pagella. nam illa Ciceronis ad Basilium Laconicam scytalen breuitate vincit singulis fere verbis argumenta singula innuens, quàm exponens verius. Legem ego satiram, qualiscunq; illa fuerit, varietate vincam harum litterarum, ita multa in mentem veniunt, quæ scribam. pergratum quòd domum ad tuos tandem redijsti, erroribus iactatus sesqui Vlysseis, licet fortunâ multo lætiore, &, vt Chrysippus vocabat Prænestinam, fortunatiore. nam eboris, argenti, auri tantum aduexisse diceris, vt vix tantum Verres olim simul Siciliæ Prætor, simul prædo. illud molestum est matrem offendisse tui desiderio extinctam. quid facias? Lætis tristitia superi veluti tuceti poculum admiscet, ne nos obliuia capiant patriæ cœlestis tamquam in hoc terrarum hospitio perennatuos. eadem via omnibus terenda est. se-

P p p r i u s,

rius, an ocyus quid refert? Interea è re tua fuerit amanti-
simam tui Deo propiorem degere, qua precum, votorumq;
interprete vtaris. serio te negotium posteritatis meditari
tua me admonet epistola, qua de vxore ducendâ nostram
sententiam exquiris. egone vt te id suadeam, quod mihi
persuaderi à nemine sum passus vnquam? ad alium diuer-
tas censeo, qui te Iunoni maritæ pronubus commendet.
ego illi planè ignotus sum, ne inuisus dicam, qui ipsi nun-
quam pro me litauerim totus ex asse meus, coelebs, singula-
tor. problema æconomicum de pecunia locanda ira soluo.
Fragilem illam fore, nisi latifundijs constabiliatur. mer-
cator diu fuisti vagus, pelagicola, nunc Laërtis sunt artes
tibi perdiscendæ, agricolationi manus admouendæ. sed
heus tu meministi ne, qui ad oraculum scitatum mittunt,
eis curæ esse, vt Pythiam sibi munere concilient? psittaco
nobis opus est, qui fidem faciat te penitissimos Indos adijf-
se. hunc ad me si mittis, querelam in minas erupturam op-
portunè comprimes. sin, vltoribus lambis poenas dabis,
quod epistolam vacuam ipse munerum fortunæ plenus ad
nos dederis. apud nos satis saluæ res, nisi quod nuper Me-
litæa tuum delictum catella perijt, citius redijsses poteras
ab ea tamquam Vlysses alter facile agnosci. Vale.

Ε' λεγεται epistola est, qua alicuius opinio refellitur, cu-
ius exemplum tale damus. Cometen, qui triste liuens æ-
thera haud ita pridem occupauit, non impunè Principibus
spectandum haud secus nunciâs, ac si te fatis fandis corti-
næ suæ Phæbus præfecisset. nec vides terricula ista tua, ne
+ μορμολύχεια dicam, procul ab omni ratione ad vacuas in-
firmæ turbæ aures deferri, illas moratura dum fingunt sy-
dus natura feruidum, flagransq; pectoribus Regum faces
admoturum ad iras, quibus sunt maxime mortalium om-
nium obnoxij ob delicatam non minùs viuendi rationem,
quàm propter ingenium vel leui iniuriæ ymbra irritabile,
temperamentumque corporis bile multâ calens. quasi ve-
rò

rō Regum quoruncunque natales omnes horoscopi ex com-
 pacto inter se consentiant. Castoribus quidem gemellis
 geminis vno satū, partuq; editis in lucem, non eēdem ani-
 morum inclinationes, non eadem planē studia fuere. & tot
 Regum specie, etate, corporis, animiq; habitu plusquā
 diē *διαφορά* dissidentium in eo genius conueniet, vt ra-
 dijs Cometæ tāquam astro percitus ad arma continuō pro-
 filiat exitium sibi, alijs cladem allatura? non ita me Titan
 facilem effinxit, vt ista credam Attellanis fabulis similia.
 pernegamus aēris incurijs Reges perinde affici, ac de ple-
 be homines. illis enim opum, artiumq; operā fiunt vices
 temporum morigerē, hyemes tepent, Sol mero meridie fri-
 get per æstatem: cū aduersus tenuis census vulgus calor,
 & frigus suas vires exerant potissimum. nam quōd ad ani-
 mi affectus attinet, iracundiores experimur ærumnōsos,
 malo astro genitos, & quibus assiduē cum fortuna tamquā
 cum iniustā nouercā rixandum est, quā Reges omnibus
 bonis ad fastidium vsq; affluentes. nisi tu malas curas exer-
 cere istos putas lētis suis rebus, qui ne aduersis quidem mul-
 tū commouentur vsu à pueris edocti tristibus fausta suc-
 cedere non secūs, ac illuni nocti Aurora. vrbes hercule
 æquiore animo ijs pereunt, quā strepsiadi alicui plenus
 vappa cadus. de somni quoq; regij defectu ne labores cen-
 seo, norunt ipsi, si quando noctes in somnes duxerint inter
 voluptates, meridiatione peruigilium rependere nullius
 obæratī culcitā sibi empta, vt Augustus olim indigentes,
 vt soporem tempestiue capiant. peruici ne posthac Regi-
 bus à Cometæ exortu timeās, an maiores argumētorum
 copiæ mihi sunt ad oppugnationem euocandæ? Vale.

Apologetica, seu defensatrix duplex est verbi, aut facti,
 qua aduersus alienam censuram nos tuemur. prioris exem-
 plum. Quōd heri familiari in sermone dixeram, alabastrī
 vasis vnguentarij nomen, non à materiā, vt plerisq; vide-
 tur, sed à forma duci, animaduerti te risu amariore exce-

P p p 2 pisse.

+ Bis per
 omnes co-
 cētus qui-
 dam ces-
 sit in pro-
 uerbū de
 rebus in-
 ter se mul-
 tum distā-
 ribus. à
 musicis
 sumptum

pisse. iam tum nescio quas alabastridas latomias afferen-
tem, unde alabastrum genus lapidis excisum eruitur non
secus, ac è cotarijs cos, aut magnes è ferrifodinis. hanc e-
quidem irrisionem tuam, etsi possem subsannatione pari
ultum ire, respondereq; te, quòd minùs capis audacter car-
pere, tamen magis consentaneum meis moribus est visum,
si rationem in medium adduxero, cur ita sentiam. igitur
alabastrum græcis vas significare. quòd planè ansicaret,
quæ illis *αλαστρί* vocantur nemo sanè ambiget eorum, qui e-
tymologica commentaria triuerunt. hoc primùm exculpi
cœptum ex eolapidis genere par est, cui postea nomen ad-
hæserit ex vase, vt ex Icari casu æquori Icario neq; ideo le-
ge vlla vetitum, ne posthac alabastrum quis ex vitro, aut
alia quauis materia conflaret, modòne vnguentis seruandis
male fida. verùm hæc te non vnum latuere. eadem inco-
gitantia pictorum collegium inuasit, qui rationis nominum
secuti diotam hinc inde ansatam fingunt pro Magdalene
alabastro, licentia non magis ferenda, quàm si quis *ἀπὸ*
nasutum *ἀπὸ* *πτερον* verò pennatam pingeret. Vale, & si quid
tibi otij à grauioribus studijs contigerit, nisi molestum est
repuerascere, grammaticæ alicui græculo impende. iste
porrò te à comatorum suorum cachinno vindicabit. Poste-
rioris exemplum. Morosè me nimis, & cunctanter agere
incusas in delectu habendo clericorum, qui veteranis adi-
tuis succrescant ad diuinum cultum. & nisi porrò opportu-
nè caueam, defecturas aris operas, Curiones plebi cui olim
apud Hebræos, vnde nostri ritus primùm defluere, vix tri-
bus integra suffecerit. audio, nec obiurgatorem odi, qui
officij me moneat immemorem, etsi vereor ne in ea tem-
pora inciderim, quæ me instituti pœnitere minus sint pas-
sura, adèd qui rogandi forent, pollicitisq; ac donis subi-
gendi ad sacrorum procuracionem perquam rari sunt. qui
id vltro flagitant, & veluti facto agmine alter alterum im-
pellens se rondendos præbent numero maiores, muneri in-
decores,

+ Sine na-
ve implu-
mere.

decōres, & quos nisi reiiciās, templa mera mapalia effecē-
ris. Nam quam in exemplum vocas, imo trahis potius. Le-
ui deuotam Domino progeniem, ad ytra seruabat, sed intra-
bat nunquam, vni Pontifici summo ex ea tamen orto, a-
deunda nostri ad vnum omnes minora ministeria sic obeūti,
vt eis tamquam gradibus vtuntur ad fastigium sacerdotia-
le cursibus petendum. quod cū satis constet quā digni-
tate, quā virtute homines, quā diuinā propē indole pre-
ditos exposcat, patere per fortunas quæso, vt ne oscitan-
ter in conditionibus eorum inquirendis verset: qui semel
admissi eō sunt porro loci euasuri, quō ne cōlestium qui-
dem mentium acies pertingit. Vale.

Εὐκυκλιος, seu cyclica epistola est, cui res aliqua ad cul-
tum religionis pertinens committitur, quam scire omnium
interfit. qualis erat olim quæ quotannis diem cōtibus pio-
rum nuntiabat paschē celebrandi. cuius conscribendę mu-
nus Nicenæ Synodi patres Alexandriæ Antistiti demanda-
uere ob vrbis in studijs disciplinarum Mathematicarum
autoritatem. Cum enim Pascha inter stata solennia non
sit, sed vernale æquinoctium tamquam Marra Vibiam se-
quatur, rem tum propter syderalium motuum anticipatio-
nes obseruatu perdifficilem, prouincia illi fuit demandan-
da, qui Ægypti regionibus præesse, vnde Aristoteles Astro-
logiam primū ortam credidit, cum indigenarum oculis
sub dio in tectis ædium cubantium cōelum nullis vnquam
nebula obductum noctu obuersaretur. Paschalis cycli-
cæ exemplum vnde petas habes apud Theophilum Alexan-
drinū Patriarcham, nos recens hīc haud quaquam cudi-
mus. cui enim rei? ratione iam paschalis calculi putandi
nulli non protrita? aliarum cyclicarum formulas cogno-
scere licebit tibi, si veterū Synodales Codices peruolueris.
Inducialis est, qua inter hostes pugnandi ferię indicun-
tur. exēplum fidem ego, quam ne hosti quidē in acie
iniuratus fallerem, tibi inducias mecum rite pacto, vt per-
fringam?

+ Cyclica
rit.

fringam? qui etiam nunc Pandaro indignor, quod foedus confundere iussus Iunoni Homericæ paruerit. pone ex animo penitus hanc curam. ab astu suppetias petere non solent, qui virtuti fidunt. natura nos congeneres fecit, necessitas hostes, quâ remotâ nil vetat, quo minùs officia, quæ nobis humanitas præscribit, inuicem colamus. Vale.

Ἀποκριτικὴ est, quæ ad litteras alicuius eo fine tantum respondemus, ut sciat nobis redditas fuisse. exemplum. Invesperascebat, cum tuæ mihi litteræ sunt redditæ à tabellario. quæ illi tardioris adventûs causa fuit, eadem me cogit, ut sim breuior, ne dum longiores paro properanti, reditumque urgenti, nullas prorsus dem tibi perferendas. sic & tu cognosces me tuas accepisse, & ego sumpto ad respondendum spatio ad ea, quæ requiris, plenius rescribam. Vale.

† Explic.
amatoria.

Ἐξηγητικὴ est, quæ vocis alicuius priscae, seu sententiæ, seu ritus, morisve continet explicationem, quales quaestiones epistolice Lipsij, Iuni Parrhasij, Manutij iunioris, aliorum, & hæc nostra de etymo acolyti. Risi nuper virum supercilio tenus non indoctum, cætera Potitium, qui quouis pignore acolytos dici contendebat, quia cereos præferrent. neque ideosecutores esse puto nominandos, cum vera non aliunde emanet nominis origo, quam quod interioribus templorum adytis, dum sacrum fit à Sacerdote minime arcentur. id enim καλὸν, verbum notat cum negantis particula coniunctum, nisi me potius Onomastici fallunt, quorum tibi sententia non ignota est ætatis nostræ φιλολογικῆς. Vale.

Erotica, hoc est amatoria, quæ sit, nemo, credo nescit. eius argumentum sicuti, & affectus ille animi, unde nomen sumit, varium habetur. timet, sperat, dolet, gaudio effertur, preces mimis miscet, in omnes se formas vertit tanquam alter Protheus. exempla in nullo caractere crebriora non apud veteres scriptores magis, quam novitios invenias. nos unum in præsens damus, atque utinam eo contentus

Amatoria

tentus

tentus lector; alia quæsitum aliò non eat ipse, quæ nostri
est sæculi lasciuiæ, non cominiscatur.

Amo te nec dum visam Virgo, vel potius efflictim ardeo
non Amore illo vulgiuaga Venere prognato, capto oculis,
volatili, sed cælesti, casto, & quem publicè profiteri ita
me non pudet, vt spes sit etiam laudi futurum apud eos,
qui natales eius optimè nouerunt, vt virtute ortus, edu-
ctusq; liberaliter ad nos vsq; famæ quadrigis delatus fuerit.
hunc tu, meus ignis, quin sis redamatura, nullus dubito,
te moribus, ore referentem, tibi planè geminum. nec me
cura torquet cupidos amantes miserè excrucians, ne in isto
amore meo riuales habeam. ameris, modo vt digna es, ab
illis precor, qui torreri facibus non erubescendis suenere.
ego istiusmodi amorum vel interpretes fuero. Vale, & pul-
chritudinem istam tuam etiam inter senectutis rugas mihi
placituram illibatam serua.

Epistola properata, quam & vt subitillam voces, per me
licet, ea est, quæ calamo ex tempore arrepto spargitur ve-
rius, quàm scribitur ad recens aliquod factum per tabella-
rium curforem nunciandum. qualis ista. Hostem subita-
rio prælio aggressi vicinus. castris, impedimentisq; om-
nibus exuimus. urbem, cui pro munimento erat expugna-
tam, ne monumentum inultæ perfidiæ extaret, funditus
euertimus. hæc, tantum vt maturè gaudeatis, nunciamus,
cætera accuratiori epistola cras persecuturi. Valere.

Δυστυχίην alicuius crimen, aut vitium exagitat. exēplū. † Olreia.
Ex quo te primū nihil tale verentem dignitas ista tua ino-
pinato, & velut ex insidijs oppressit, ita te in penitissimas
latebras recondis, vt vota mihi nuncupanda sint Adeonæ
antiquorum Deæ, vt facultatem præbeat tui adeundi. id
hominum ne facias fastidio incertum, anne autoritas vile-
scat crebro interuentorum affatu delibata. vtcunq; sit,
inuidia non cares apud eos, qui propè sibi notum detractis
titulorum phaleris pretio te tuo æstimant. mihi certè (fa-
bor enim)

bor enim) tametsi stomachum huiusmodi indignitatibus concoquendis dudum assueuerim aulâ innutritus, ferendus minimè videris, qui conspectum non magis feras amicorum, quàm fortunæ ipsius indulgentiam. cuius te pec- care culpâ nemo negat, illa enim tibi hos animos fecit, postquam te ornandum honestorum ciuium premijs suscepit clam virtute. quod si te pudor ne prodeas, aut aliquem admittas, distinet, conscientia equidem ignosco tuæ Rei- publicæ vicem verò doleo, cui erubescendum decus es fu- turus. Vale.

+ Fronti-
ni, sto-
machi, p-
sectionis.

Aliud. Lapidationem tibi factam ^{φωλλοβολίαν} dum car- men in forense coronâ recitares, audio; mirorq; te, qui plau- sum tui ingenij antea cognosceres nam idem tibi persape accidit, in discrimen ipsum vltro deuenisse. nisi tibi hac quoq; mercede placet vatis nomen, & dum digito præte- reuntium monstreris Camænarum cultor, vèl saxo nimbo non recusas impeti. Vale.

Diasirtyca cum parænesi coniuncta.

Supra spem accidit tuam, vt ab infimæ sortis hominum contemptibus ad summas repente opes immortalis fortunæ beneficio emerferis. quod tametsi tanto te gaudio perfun- dat, vt eo ferendo impar videaris, ea tamen est vicissitudo rerum humanarum, ea inconstantia, vt nisi te ipsum tem- pestiuè comprimas. tibi sit verendum ne nondum per ar- dua progredi suctus concidas grauiori casu, fabulaq; fias haud multum Icarie abfimilis. inuidie nunc primùm inno- rescis, quæ te ne natum quidem antehac cognorat. huius- ne oculos, auresq; pascas aliquando, summa tibi cautio erit adhibenda. scis enim quibus illa spectaculis, quibus acroa- matis non indelectetur. de Nemese quoq; censeo, vt non- nihil cogites. acris est Dea, vestroq; isti ordini admodum infensa. caue igitur, ne tibi tuo merito succenseat, copiasq; te aduersum paret indignans te non ampliùs lente delecta- ri. Non deerant istis blandiora, quæ ad te pro gratulatio-

ne

ne scriberem; salubriora, & quæ è re tua magis forent, non reperiēbam. Vale.

Ironica hastam sub Tirso gerit, qua dissimulanter quempiam, ac occulte pungit prius confectis laudibus leuiter ornatum. exēplum. Etsi vereor ne Glauci commercijs tuam aureolam epistolam conferre possis, si ad meas litteras sequioris metalli respicis; quia tamen amore, effusoq; in te studio non vincor, herbam tibi in hoc elegantia certamine haud inuitus porrigo, cui proximum vel immani interuallo numerari quidni mihi fuerit palmarium? nam tu qui, dem ætatem in studijs omnem contriuiisti eā ingenij docilitate præditus, vt absq; sudoris opera, quem Hesiodus Virtutis foribus admouit, admitti ad eius penetralia potueris. ego non tam serò tandem ac vix extorto ab aduersa fortunâ com meatu ab omnibus rebus imperatus ad hanc palæstram litterariam accessi, quàm inde citò me abripui à familiaribus euocatus curis, quibus otij mei rationem minimè probabam. verum quid attinet hæc in medium afferre quasi gratuito nobis esse inertibus non liceat inter tot millia ineruditorum, quibus vos columnina Musarum comparati quota quaso pars estis? equidem Thebarum Ægyptiarum portas crediderim numerosiores, aut Nili, quibus se in mare effundit, ostia: Vetus querela omni auo fuit raras esse admodum vos aues; iam verò facilius Phœnix inuenitur licet, Arabibus illis fortunatis popularibus suis nunquam visus. Absq; te, paucisq; foret tui persimilibus, philologia omnibus suis fortunis lapsa, longè hinc gentium exulatum iret in longinquas oras. quod ne accadat summo opere vobis erit annitendum, vt adoreis vestris aliquis succrescat, qui victricia signa cum barbarie aliquando conferat, cuius hodie ditio nimium quàm ampla, immensaq; est. verum de ijs tecum ipse statues, meq; amabis, vti facis. Vale.

Tu verò etsi re non vincis, voce vincis. hæc ita contra-

Q q q niten.

nitentium aures prosterne, conficisq; ut non minus co-
gas insurdescere, quam Nilus assolet finitimos incolas ca-
taractarum. rixam demum ut in Pæana vertas per me licet
manus iam ultro dantem, nec hiscere aduersus audentem.
tum esto, cuiuscunq; gratiâ certamen initum, monumen-
tum victoriæ posteris futurum; præterea ex manubijs quic-
quid adlibuerit. leges accipio, tributum pendo, dicto au-
diens, modò absens, ero. iurgari ulterius ne tende, neu
minus moderate victis utere fortunæ immemor, quæ trium-
phatores etiam in triumphum demissis auriculis ducit ali-
quando. Vale.

Opitulatrix opem amico aut ultro pollicetur, aut roga-
ta defert. exemplum. Meam ego opem, operamq; tibi, qui
fortunæ adiumentis minus abundares, deferre in hanc diem
distuli, quòd scirem te non ignorare amicorum communia
esse omnia debere. nunc verò cum te pudore impediri vi-
deam, quominus utare tuo iure, non amplius mihi commit-
tendum statui, ut meæ cunctationi tacitum conuitium tua
faceret modestia mitto igitur quæ elocandæ filiæ causâ im-
pendas quinque centena millia sextertium, plura etiam
missurus, si te indigere pluribus significaueris, nec nobis
coniectandum relinquo, quorum opus habes. Vale.

Ex quo me hoc superi fato nasci voluerunt, ut Ulmi mu-
nere erga tenuiorum ingenia defungerer, illisq; essem pe-
damentum loco, vitem ego, quam hederam, si mei voti, aut
arbitrij res sit, fulciendam cò sumpserim libentius, quòd
hæc sterilis ipsa malam gratiam alienæ beneficentiæ repen-
dit circumplexu suo; illa foelix, lætaq; arbor, & humano
generi vna maxime omnium utilis, & erectori ipsi ob
fecunditatem decori est. hinc factum, ut libens te, obuijsq;
quod aiunt. vlnis in clientelam, fidemq; accipiam iam tum
eminus veluti despiciens fore, ut neq; me insumpra ne-
quicquam operæ, neq; te malæ tractationis vllò vnquam
tempore poeniteat. Vale.

Episto.

Epistolæ muneris alicuius ornatricis exemplum: Si quis forte erit palati tam ineruditi, qui addubitet Cyprium aucupium Norico an præstet, hunc ego manu iniecta ad tua subsellia Perfice mi sistam, posteaquàm hanc patinam gustaueris, quæ tibi pro sportula veluti iudici honorario defertur. Si coquus tuus sapit nullum verbum addo: sin autem, at tu memineris auiculis id genus condituram pro coctura esse, intestinam pro vngvine pinguedinem. Vale. Liberalibus, cùm hilaritas vel Catonem decet. Aliud. Oua ego Neptunij autij, si mihi optio daretur, sumerem libentius, quàm ab his incubitu matris editam pullitiem. quod de gallinaceis haud perinde dixerim, quæ vnico haustu ita absorbentur, vt celeritas gustui penè anteuertat Aristoxeni voto aduersatrix. Idem quoq; tibi visum iri nullus ambigo, præsertim si in his feceris periculum, quæ nobis Corcyra mittit Phæacum insula. nos tibi Vale, è statuiis.

Criticos veteres accepimus in duas factiones olim distributos [†] enstaticorum, atq; [†] lyticorum. Priores nodum vel in scirpo quærentes questionum laqueos alijs tendebant, in quos se induerent acumine mentis in redarguendo destituti. Lyticis contra (quod & nomen sonat) præcipua cura fuit Oedipi munere defungi, perplexaq; aliorum dubia exsoluere. vnde mihi totidem epistolicorum characterum genera deduci posse commodè videntur, quorum hic exempla ordine adscribo. Audio primum Aeneidos Virgilianæ librum te interpretari maximo auditorum concursu iuxta ac profectu. quod me sanè impulit, vt sententiam explorarem tuam super naturâ nubis, qua Venus Aeneam Carthaginis mœnia intrantem satis cautè texerat, ne posset ab obuijs videri, vel inturburari. nam si densa fuit, quales in pluuiam sæpe cogi videas Austro persiante, te gere quidem eâ illum potuit, efficere non item, ne turba nubi incursans per fora, & templa vrbs incedenti nouitate spectaculi perculsa non aueret scire & quid nam illud foret

† Acres
& perui-
caces di-
sputatores
† Facile
soluentes.

Q99 2 rei,

rei, quod sub tam crasso tegmine lateret. sin tenuem. fuisse dicas, ac penè pellucidam, vide, ne, dum ipsam occurrentium eripis aspectui, Æneam, contra ac Venus vellet, manifestâ in luce peruidendum omnibus exponas. quanto fuit satius nubem oculis Tyriorum offudisse, ne quid penitus aspicerent, quàm talia monstra comminisci, quæ eorum, qui nondum quadrante lauantur, nemo credat: hunc mihi tu scrupulum si eximis vir Palæmonia eruditionis, quin Phyllida solus habeas, nullam causam dico. Vale.

Quod scribis mirum plerisque, vel potius ridiculum videri Herculem mare transmisisse poculo pro naui ad Geryonis Boues auertendas, non negamus, sed causam distinctionis ope tollimus seu admirationis, siue risus. Cymbium enim, vel Acatium, quo vectus Hercules Iberos adiit, poculi non tam genus, quàm nauigij significat, si qua fides Atheno, Pollucique harum rerum minimè ignaris. Vale, & tibi certo persuade non ita corneâ fibrâ veteres fuisse, vt Herculem nauigasse poculo crediderint.

Epistolæ mixtæ ex obiurgatoria, & eucharistica exemplum. Quibusnam ex Ionia nemoribus Attagenas in tuaretia conuolasse dicam, quas ad me misisti mi Laurenti? ego hîc non pari compendio aucupium exerceo, etsi eius artis haud negligens. Mensam tu quidem nostram isto tuo tam luculento munere beasti; palatum verò ita oblectasti, vt frugalitati faceres iniuriam, dum secum cogitat ne Persarum montes, qui aurei esse perhibentur, impensæ suffecturos, si illud talibus cibus assueuerit. equidem cùm me non fugerethuiusmodi aues non secus, quàm P. Scipionis Acipenser, perpaucorum hominum haberi, consilium in arena ex Apicianâ disciplina cepi, vt mihi sanè videtur non inscitum, vt vnuseas non vno tamen prandio conficerem. nam cœna mihi breuior laconum epistola paratur. Sed heus tū, qui valetudinis meæ canon esse soles, ita ne verò epulari me doces saliariter? verum iocorum iam satis, illud feriò nos

riò nos te plurimum ob id munus etiam amaré. Vale è se-
cessu Castalioneo. vi. Kal. Nouemb.

Epistolę mixtę exemplum. Ne tibi pudori sit, quòd
difficulter dictata præceptorum capias, semel appensa ser-
ues perquam tenaciter. gemmeis ingenijs, & quibus co-
gnatio cum adamante intercederet, quantiuis pretij hoc
vitium fuit, vt insculpi ægrè paterentur doctrinarum notis;
seu quia discere ipsum pati quoddam est, erectæ indoli, &
ad actionem natæ parum congruens; siue quod raptim hau-
sta repente effluunt. idem Plutarcho teste Catoni Vticensi
accidit, quo nihil habet Romana grauitas memorabilius,
quod Græcię in suorum laudes disertę regerat. idem Clean-
thi stoica porticus columini, cuius ingenium præceptor
Zeno, si mihi fas ita loqui, duricerio pugillari comparabat.
Equidem perdociles istos nihil moror, qui quod libet di-
scunt, dediscunt è vestigio, obliuiosos, hodie omniscios,
cras rudes, & gypsata recens tabulæ persimiles, quos eru-
dire breuis sanè labor, sed vanus fuerit. serus sapiens vt
dicar, malo, quàm litterarum, vt olim Orbilius Gramma-
ticus, obliuio. nisi tu præcoquam maturitatem laudas in
pomis, quæ fatuitatis arguitur à conuiuiis eruditi gustus.
aut ego fallor, aut quantacunq; vis immemor ingenij igni-
culus est arundine depastus, qui flagrat, deflagratq; simul.
scire nostrum reminisci arbitratur Plato, ego meminisse.
Vale, & his seu exemplis, siue rationibus mentis improm-
ptitudinem solare, cui labore, ac studio mederi tuæ opis est.

Idem planè animo inanis glorię cupidinem esse, ac cor-
pori interulam, nouissimas vtrasq; exui Platonis est sen-
tentia digna memoratu, quam tamen pater tuus, quod in
ipso fuit, falsi arguit post cineres, & rogales ignes glorio-
sus. sic enim efferri ex testamento, condiq; voluit, vt non
Mausolus ab vxore Regina sumptuosius. aureus tumulus
superstans viatores etiamnum moratur: opes, imagines,
titulos pleno ore memorat veritus, credo, ne se insaluta-

tum

tum præterirer turba aliud agens; neu nouo aduenæ igno-
tus foret eius census, dignitas, familia. tu porò, si sapi-
caue imiteris parentis posthumam iactantiam contentus
hæreditatem luculentam hoc vno tanquam alieni æris de-
tracto nomine adire. Vale.

Vaticinatrix est, quæ ex politicorum disciplina aliquid
prædicat euentum. huius exemplum exhibemus cum cha-
racterè historico permixtum. Classem Hispanus parat lon-
ge maximam: nec Veneti instruendis nauibus segnius se-
gerunt. Germania Regem Romanorum parit, Augustum
parturit. In Pannonia plus nimio res calent Daco sedi-
tionum incendijs faces admovente. Boëmi gens bello a-
spera iugum excussere. ecquid erit? quem das Europæ mi-
scendæ finem fors fortuna? iuuat Helenum fatiis fandis a-
gere, postquam ita iubet, nec Phæbus fauorem Vati suo
denegat. Hispanus Adriam non petet omnibus quidem
infidum ob naufragi maris iracundiam, sibi etiam dextra,
læuaq; importuosum, si Tergestum excipis aditu diffi-
cilem, Brundisiumq; admodum longinquum, nec tantis
molièdis rebus satis opportunum Veneto suos non minus,
quàm finitimorum Epidauriorum portus propugnante.
Sed demus vt occasione illectus veniat; at non & venisse
velit, Iapygiæ, Apuliæq; maritimas oras prædæ relicurus
Ottomanæ classi, Hispaniæ verò littora Libycis piratis.
Ferdinandus nomine tenus Rex Romanus erit tribus Ele-
ctoribus sacris sat probatus, nec Saxoni exosus Casarianis
partibus addicto. idem Augustus inaugurabitur post Mat-
thiæ fata, ad occasum vitæ iam vergentis. Pannonum tu-
multus sedari poterunt haud difficulter tempestiua Regis
ad eorum postulata indulgentia. De Boëmis res est eua-
sura ancipitior criminis maiestatis læsæ iam compertis, nec
Principi etiam in speciem placato salutem suam creditu-
ris. præsertim cum eis & auxilia fœderatorum, & propriæ
vires haud defint, & supersint animi felicioribus captis as-
surgen-

furgentes. exemplo sit Sigismundus idem gentis princeps,
idem Augustus, qui semel atq; iterum victus tandem eos
vicit, sed Cadmæa propemodum victoria. necerant tunc
tot populorum, tot Principum studio defensi. quot ipsis
modo communis nouatorum religio conciliat pios nostro-
rum ritus auersata. quod si de Rege sibi creando, vt rumor
ait, cogitare serid incæperint, nã telam illi Austriacæ do-
mui pertexent haud facile, nisi ego potius fallor, retexen-
dam. verum ijs viam fata sanè inuenient: hoc est diuinæ
providentiæ consilia, ingenio humano inaccessa. Vale.

Characterum epistolicorum, quorum vsus crebrior, re-
censum exemplaq; nam omnium quot sunt, aut esse pos-
sunt, ne Architas quidem mensor arene, syderumq; ha-
bitus rationem calculi subduxerit, sequitur anorme quod-
dam genus litterarum alijs sanè indictum, mihi verò non
nisi per inficiationem rerum quarumcumq; explicabile.
hoc seu nihilinũ noua voce, siue nullum, siue Vtin Home-
ricum indigitaueris, haud sanè procul me iudice iacies à
à scopo. nam & ex nihilo inuitissimã naturã fit, & omni
omnino argumento carens opplet meris inanijs pagellam
Huius exemplum tale fuerit. Etsi nullum scribendi argu-
mentũ habeo. nullo tamen vtor ad scribendum amatores
illos imitatus, qui quamuis nullus insit pulvis vestibibus ada-
matarum, nullum tamen seduli excutiunt. simul vt tua ius-
sa non vno, aut altero stadio, verum immensis spatijs præ-
teruehar. tu litteras a me breues exigebas, nullas ego do,
& quas postquam legeris litteras ne litteras merito appel-
les. Vale.

Qui allatis domo symbolis vna epulantur, hos ego non
conuiuas voco, verum sportularios, & quo nomine Accipi-
trum quoddam genus Aristoteles in historijs appellat
διτροφόρους, nec hominis esse puto comis, atq; liberalis. qui-
bus cænaculum commodat suum, ijs cænã non appone-
re de suo. Nisi ergo te vocatio prior occupauit, cras ad nos

recta

rectâ venias de foro nihil tecum præter orexin afferens, & iocos nobile dapum embamma etiam non opiparum, & quo nullum suavius Apitianæ artes intriuere. Caput erit cænæ capus, qui cum vir esse corticalium gallinarum potuisset eunuchum se fieri est passus ne macresceret. Parerga cænæ haud deerunt oua, oliuæ, sumina, placenta, &, qua non indelectatum Ciceronem legimus, tyrotarichi patina, & molluscæ nuces. Acroama nullum adhibebitur præter benè coctos, sâpidos sermones. Nam quid opus est Phæmum, aut symphoniacos pueros accersere, vbi conuiuæ accumbunt tui similes, hoc est non elingues? oblectamenta hæc sibi quærant Amyclæi, aut muta agmina Pythagoristarum. Vale, & hoc hilaritudinis, & amoris vadimonium ne desere, quo te apud Consulem Bibulum vadamur non illum Iulij Cæsaris collegam, qui nemini toto sui consulatus tempore ius dixit, sed multò, quàm is fuerit, solertiozem.

F I N I S.

B E L L V N I, MDCXXXIX.

Typis Francisci Vieceri.

SUPERIORVM PERMISSV.

Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.80

